

ሜዴቲላ ማጻፋ ጊደ ቆፋ

ሜዴቲላ ማጻፋ ጌቲቲዛ ሃ ማጻፋይ ሳሎቲኔ ሳኦይ ሜዴቲዳ ሜዴታ ጊሻሰ፡ ኦሳ ዜሬሊ ዪዳ ዩሳ ጊሻሰ፡ ናጋራይኔ ዋዬ ዴኦይ ዶሚቲዳ ዶሚላ ጊሻሰ፡ ጸሳራኔ ኦሳ ዜሬላራ ዲዛ ጋይቶቴላ ጊሻሰ ዮቴሰ። ሜዴቲላ ጊሻሰ ናምኡ ዋና ዋና ሶሆታን ሻኬቲ ጸሌታናሰ ዳንዳዬሰ።

1. ሸምፖ ኢሲኒፔ ቢዲ ታማኔ ኢሲኖ ጋካናሰ ዲዛ ሶሆይ ሳሎቲኔ ሳኦይ ሜዴቲዳ ሜዴቲላ ጊሻሲኔ ኦሳ ዜሬላሰ ኮይሮ ታሪኬ ዮቴሰ። ኦዳሜኔ ሄዋኒ ታሪኬይ፡ ቃዬሌኔ ኦቤሌ ታሪኬይ፡ ኖሄኔ ጳይሳ ሃላ ታሪኬይ፡ ሄሳሶካ ባቢሎኔ ገምቤ ታሪኬይ ዴኢዛይሲ ሃይሳና።
2. ሸምፖ ታማኔ ናምኦፌ ቢዲ ኢቻሽ ታሙ፡ ጋካናሰ ዲዛ ሶሆይ ኢሰራኤሌ ኦሳሰ ቤኒ ኦዋታ ታሪኬዛ ዮቴሰ፤ ኢሰታ ጊዶን ኮይሮይ ባ ኦማኖኒኔ ጸሳሰ ኦዛዜቲዛ ሃኖታን ኤሬቲዳ ኦብራሃሜ፤ ሄሳፌ ቃሴ ኢዛ ና ዪሳቃ፡ ኢዛ ናዛ ና ያቆቤኔ ያቆቤ ናይታ ታማኔ ናምኦታ ታሪኬይ ካሌሰ፤ ሃይቲ ያቆቤ ናይቲ ታማኔ ናምኦቲ፡ ታማኔ ናምኡ ኢሰራኤሌ ዛሬታሰ ኦኖ ጊዲዳይታ፤ ሄይታ ሄ ታማኔ ናምኡ ኢሰራኤሌ ናይታ ጊዶንካ ዮቤፌ ዲማሲዲ፡ ሄሳሶካ ቃሴ ያቆቤኔ ኢዛ ናይታ ሃንኮ ኦቲዳ ኢሰታ ኬላ ኦሳራ ጊብጼ ቢታ ኤፊዳ ሃኖታ ሚንሊ ጸሌሰ።

ሃ ማጻፋይ ኦሳ ታሪኬ ዮቲዛይሳ ጊዲኮካ፡ ኡባፌ ኦሊዲ ኢዚ ዮቲዛይሲ ጸሲ ኦሊዳ ኦሶ ጊሻሳ። ጸሲ ሳሎታኔ ሳኦ ሜዲዳ ታሪኬዛ ዮኦ ዶሚዲ፡ ጸሲ ባ ኦሳሰ ቆፒዛ ቆፋ ኦሳንታይሳ ሂዶታን ቆንጨሲሽ ፖሌሰ፤ ሃ ማጻፋ ጊዶን ሃ ጋጸፔ ሄ ጋጸ ጋካናሰ ዮቴቲዛ ታሪኬዛ ጎዳይ፡ ናጋራንቻታ ፒርዲዛይኔ ቃጸዪዛይ፡ ባ ኦሳ ካሌሊዛይኔ ማዲዛይ፡ ኢሰታ ታሪኬዛ ሃኖታካ ጊግሲዛይ ባ ሁኤን ጸሳ። ሃይሲ ቤኒ ማጻፋይ ጸፊቲዳይሲ ኦሳ ኦማኖ ታሪኬዛ ማዘጋቢዲ ኦይካናሲኔ ሄ ኦማኖይካ ሚኒ ዴኦና ማላ ኦሳናሳ።

ሃ ማጻፋይ ኦይኪዳ ኩሜላ ቆፋ

ሜዴቲላ 1:1—2:25

ናጋራኔ ሜቶ ዶሜላ 3:1-24

ኦዳሜፔ ቢዲ ኖሄ ጋካናሰ ዲዛ ሃኖታ 4:1—5:32

ኖሄኔ ባሻ ሃላ 6:1—10:32

ባቢሎን ገምቤ 11:1-9
 ሴሜፔ ቢዲ ኣብራሃሜ ጋካናስ ዲዛ ሃኖታ 11:10-32
 ቤኒ ኣዋታ ኣብራሃሜ፡ ዪሳቃኔ ያቆቤ ዋዴ 12:1—35:29
 ኤሳዌ ዩሌታ 36:1-43
 ዮሴፌን ኢዛ ኢሻታ 37:1—45:28
 ኢስራኤል ኣሳይ ጊብዴን 46:1—50:26

ሜዴቲላ ገሻስ

- 1 ጸሲ ኮይሮ ሳሎን ሳኣ ሜዲዳስ።
- 2 ሄ ዋዴ ሳኣይ ሎኢ ጊቢናን ኣይኮይካ ባይንዳ ሜላ ዴስ፤
 ጨማሪታ ቋማይ ገዢ ኣይከዴስ፤ ጸሳ ኣያናይ ሃላፊ ቦላራ
 ማይኢ ኡቲዴስ።
- 3 ሄሳፌ ጉዬ ጸሲ፡ «ፖኦ ጊዶ» ጊን ፖኦ ጊዲዴስ።
- 4 ፖኦይ ሎኦ ጊዲዳይሳ ጸሲ ቤኢዲ ፖኦ ቋማፔ ሻኪዴስ።
- 5 ጸሲ ፖኦዛ፡ «ጋላስ»፡ ቋማዛ፡ «ኦማርስ» ጊ ሱንሊዴስ።
 ጋዴይ ቃሚዴስኔ ዋንቲዴስ፤ ሄሲካ ኮይሮ ጋላሳ።
- 6-7 ሄሳፌ ጉዬ ጸሲ፡ «ቦላራ ዲዛ ሃላ ጋርሳራ ዲዛ ሃላፊ
 ሻኪዛ ሳሎ ጉፋንሶይ ሃኖ» ጊን ሃኒዴስ። ጸሲ ሳሎ ጉፋንሶ
 ጊግሲዲ፡ ሳሎ ጉፋንሶፊ ቦላራ ዲዛ ሃላ ጋርሳራ ዲዛ ሃላፊ
 ሻኪዴስ።
- 8 ጸሲ ሄ ጉፋንሶዛ፡ «ሳሎ» ጊ ሱንሊዴስ። ጋዴይ ቃሚዴስኔ
 ዋንቲዴስ፤ ሄሲካ ናምኣንሶ ጋላሳ።
- 9 ሄሳፌ ጉዬ ጸሲ፡ «ሳሎፔ ጋርሳራ ዲዛ ሃላ ኢሲሶን ሸቂ
 ኤሊኮ ሜላ ቢታይ ቆንጮ» ጊን ሃኒዴስ።
- 10 ጸሲ ሄ ሜላ ሶሆዛ፡ «ቢታ» ጊ ሱንሊዴስ፤ ቃሴ ኢሲሶን
 ኤሊዳ ሃላ፡ «ኣባ» ጊ ሱንሊዴስ፤ ሄሲቲዲ ጸሲ ሄሲ ሎኦ
 ጊዲዳይሳ ቤኢዴስ።
- 11 ሄሳፌ ሲሚን ጸሲ፡ «ቢታይ ሚሊኔ ማታ ሞኪሲ፤ ዜሬላ
 ኣይፌራ ዲዛ ሚሊኔ ዜሬላ ኣይፌራ ዲዛ ቲሪዛ ሚላ ዴማ ዴማ
 ቆሞ ሞኪሶ» ጊን ሃኒዴስ።
- 12 ሄሳ ገሻስ ቢታይ ሚሊኔ ማታ ዴማ ዴማ ቆሞን ሞኪሲን
 ጸሲ ሄሲ ሎኦ ጊዲዳይሳ ቤኢዴስ።
- 13 ጋዴይ ቃሚዴስኔ ዋንቲዴስ፤ ሄሲካ ሄሻንሶ ጋላሳ።
- 14 ሄሳፌ ጉዬ ጸሲ፡ «ጋላስ ቃማፌ ሻካናስ ፖኦቲ ሳሎ
 ጉፋንሶን ጊዴቶ፤ ኢስቲ ጋላስ፡ ዋዴኔ ላይላ ኤሪሴቶ፤
- 15 ቢታ ቦላን ፖኢሳና ማላ ኢስቲ ሳሎ ጉፋንሶን ፖኤቶ» ጊን
 ሃኒዴስ።

16 ጸሲ ናሞኑ ጌታ ፖኦታ፡ ጌታቲዛይሲ ጋላስ ፖኦና ማላኔ ጉዲዛይሲ ኦማርስ ፖኦና ማላ ሜዴዴስ፤ ጸሊንቲታካ ሜዴዴስ፡፡

17-18 ጸሲ ኢስታ ሃ ቢታ ቦላን ፖኦናና ማላ፡ ጋላሲኔ ቃማ ሃራና ማላኔ ፖኦዛ ጳማፔ ሻካና ማላ፡ ሳሎ ጉፋንሶን ኢስታ ዋሊዴስ፡፡ ሂስቲዲ ጸሲ ሄሲ ሎኦ ጌዲዲይሳ ቤኢዴስ፡፡

19 ጋዴይ ቃማዴሲኔ ዋንቲዴስ፤ ሄሲካ ኦይዲንሶ ጋላሳ፡፡

20 ሄሳፌ ጉዬ ጸሲ፡ «ሼምፖራ ዲዛ ዲማ ዲማ ሜዴቲላቲ ሃላ ጌዶን ዳሪቶ፤ ካፎቲካ ቢታፌ ቦላራኔ ሳሎ ጉፋንሶፌ ጋርሳራ ፒራዴቶ» ጌዴስ፡፡

21 ሂስቲዲ ጸሲ ኣባን ዲዛ ጌታ ዶኦታ፡ ሃላ ጌዶን ዋዲ ቃዲዛ ሜዴቲላታ ኡባ፡ ካፎ ኡባ ዲማ ዲማ ቆሞን ሜዴዴስ፡፡ ሄሲካ ሎኦ ጌዲዲይሳ ጸሲ ቤኢዴስ፡፡

22 ጸሲ ኢስታስ፡ «ዬሌቲቲ፤ ዳሪቲ፤ ኣባ ሃላ ኩሚቲ፤ ካፎይካ ቢታ ቦላን ጮራቶ» ጌ ኣንጂዴስ፡፡

23 ጋዴይ ቃማዴሲኔ ዋንቲዴስ፤ ሄሲካ ኢቻሻንሶ ጋላሳ፡፡

24 ሄሳፌ ጉዬ ጸሲ፡ «ሼምፖራ ዲዛ ሜዴቲላቲ ባ ቆሞን ቆሞን ሚሃቲ፡ ቢታራ ጎሼቲዛ ሜዴቲላቲኔ ዶኦቲ ባ ቆሞን ቆሞን ቢታ ቦላ ኬዜቶ» ጌን ሃኒዴስ፡፡

25 ጸሲ ዶኦታ ኢስታ ቆሞን ቆሞን፡ ሚሃታካ ኢስታ ቆሞን ቆሞን፤ ቢታራ ጎሼቲዛ ሜዴቲላታካ ኡባ ኢስታ ቆሞን ቆሞን ሜዴዴስ፤ ሄሲካ ሎኦ ጌዲዲይሳ ጸሲ ቤኢዴስ፡፡

26 ሄሳፌ ሲሚን ጸሲ፡ «ኣኔ ኣስ ኦ ሌሚሶን ኦና ሚሳቲሲዲ ሚዶስ፤ ኢስቲ ኣባ ሞሌታ፡ ሳሎ ካፎታ፡ ሚሃታ፡ ቢታ ቦላ ዋዲ ቃዲዛ ሜዴቲላታ ኡባ ሃሪቶ» ጌዴስ፡፡

27 ሄሳሶ ጸሲ ኣስ ባ ሌሚሶን ባና ሚሳቲሲዲ ሜዴዴስ፤ ኢዚ ኢስታ ኣዴኔ ማጫ ኦሊ ሜዴዴስ፡፡

28 ጸሲ ኢስታስ፡ «ዬሌቲቲ፤ ጮራቲቲ፤ ሃይሳ ቢታ ኩሚቲኔ ሃሪቲ፤ ኣባ ሞሌ፡ ሳሎ ካፎታኔ ቢታ ቦላ ዋዲ ቃዲዛ፡ ሼምፖራ ዲዛ ሜዴቲላታ ኡባ ሃሪቲ» ጌ ኣንጂዴስ፡፡

29 ሄሳፌ ሲሚን ጸሲ፡ «ቤኢቲ! ታኒ ሃ ቢታ ኡባ ቦላን ዜሬላ ኣይፌራ ዲዛ ሚሊኔ ዜሬላ ኣይፌራ ዲዛ ቲሪዛ ሚሊ ኡባ ኢንቲስ ኢማዲስ፤ ኢስቲካ ኢንቲስ ሚዛ ቁማ ጌዴቶ፡፡

30 ቃሴካ ሃ ቢታ ቦላ ዲዛ ሚሄኔ ዶኦ ኡባስ፡ ሳሎ ካፎታስ ኡባስ፡ ቢታራ ጎሼቲዛ ሜዴቲላታ ኡባሲኔ ሼምፖራ ፓጾ ዲዛ ሜዴቲላታ ኡባስ ሚዛ ሚሽ ጌዴና ማላ፡ ጨሊላ ሚሊኔ ማታ ኩሚሶ ኢማዲስ» ጌን ሃኒዴስ፡፡

31 ጸሲ ባ ሜዲዳይሳ ኡባካ ጸሊዲ ዳሮ ሎኑ ጊዲዳይሳ ቤኢዳስ። ጋዴይ ቃሚዳሲኔ ዋንቲዳስ፤ ሄሲካ ኡሱፑንላ ጋላሳ።

2

1 ሳሎ ቦላኔ ሳኦ ቦላ ዲዛይ ወሪ ሃይሳሉ ኦሴቲ ፖሌቲዳስ።
2 ጸሲ ባ ኦሊዳ ኦሶ ኡሱፑንላ ጋላስ ፖሊዲ ባ ኦሊዳ ኦሶ ኡባፌ ላፑንላ ጋላስ ሽምፒዳስ።

3 ቃሴ ጸሲ ላፑንላ ጋላሳ ኣንጂዳሲኔ ዱማ ጋላስ ኦሊዳስ፤ ኣይሰ ጊኮ ጸሲ ባ ኦሊዛ ኦሶ ወርሲዲ ሽምፒዳይ ሄ ጋላሳና።

4 ሳሎይኔ ሳኦይ ሜዴቲዳይ ሄሳ ማላና።

ኤዴኔ ጋናቴ

ጎዳይ ሳኦኔ ሳሎ ሜዲዳ ዋዴ፤

5 ሳኦ ቦላን ማታይ፤ ሚሊ፤ ኣይ ሚሺካ ሞኪቤና፤ ኣይሰ ጊኮ ጎዳይ ኢራ ቡኪሲቤና፤ ቃሴ ቢታ ኦሊዛ ኣሲካ ሜዴቲቤና።

6 ጊዲኮካ ሃሊ ቢታፌ ፑዴ ማጮቲ ኬዚዲ ቢታ ኡባ ኢርዲሴስ።

7 ሄሳፌ ጉዬ ጎዳይ ቢታፌ ኢሲ ኣሰ ሜዲዳ ኢዛ ሲዴን ዴኦ ሽምፖ ፑኒን ኣዴዚ ሽምፖራ ዲዛዴ ጊዲዳስ። *

8 ካሴ ጎዳይ ኣርሼይ ሞኪዛ ባጋራ ኤዴኔ ጌቴቲዛሶን ሎኦሶ ገግሲዲ ባ ሜዲዳ ኣዴዛ ሄን ዋሊዳስ።

9 ጎዳይ ጸላናሰ ሎኢዛ፤ ማናሰካ ማልኢዛ ዱማ ዱማ ቆሞ ሚሊ ቢታፌ ሞኪሲዳስ፤ ኤዴኔ ጊዶን ዴኦ ኢሚዛ ሚሊ ዳስ፤ ሄሳሉካ ሎኦኔ ኢታ ኤሪሲዛ ሚሊ ዋሊዳስ።

10 ጋናቴ ኡሺዛ ሻፋ ሃሊ ኤዴኔፔ ጎጌስ። ኤዴኔፔ ኬዚዳፔ ጉዬ፤ ኦይዲ ሻፋ ጊዲ ሻኬቴስ።

11 ኮይሮ ሻፋ ሱንሊ ፒሶኔ፤ ፒሶኔይ ዋርቃይ ዲዛ ሃዋላ ጌቴቲዛ ቢታ ዩሾ ኡባን ጎጌስ።

12 ሄ ቢታ ዋርቃይ ጌሻ ዋርቃ፤ ቃሴ ኣልኦ ሺቶይኔ ኬሂ ሎኢዛ ሹቺ ሄን ዳስ።

13 ናምኣንሶ ሻፋ ሱንሊ ጊዮኔ፤ ጊዮኔይ ቶጵያ † ቢታ ዩሾ ኡባን ጎጌስ።

2:2 ኢብ 4:4፤10 2:3 ኪሳ 20፤11 2:7 1ቆሮ 15:45 * 2:7 ኣሰ ጉሲ ኢብራዊታ ቃላን፤ «ኣዳሚ» ጌቴቲስ፤ «ኣዳሚ» ጉሲ፤ «ቢታ» ጌቴቲስ፤ ሄ ናምኦ ቃላቲ ኢሶይ ኢሳ ሚሳቲቲስ። 2:9 ኣጁ 2:7፤ 22፡2፤14 † 2:13 ቶጵያ፡ ቶጵያ ጊዛይሳ ኢብራዊ ማጻፋይ ኩሽ ጌስ።

14 ሄሸጉሉ ሻፋ ሱንሊ ጸግርሴ፤ ጸግርሴይ አሶሬፔ አርሼይ ሞኪዛ ባጋራ ጎኑስ፤ ቃሴ ኦይዳንሉ ሻፋይ ኤፊራጺሴ ጌቱቲስ።

15 አዳዚ ኤዴኔን ኦላና ማላኔ ናጋና ማላ ጎዳ ጸሳይ ኢዛ ኤፊ ዋሊዴስ።

16 ሂስቲዲ ጎዳ ጸሳይ አዳዛ፤ «ኤዴኔ ሚላ ቲራ ኡባፌ ኔኒ ማና ጊኮ ማ፤

17 ጊዶ አቲን ሎኦኔ ኢታ ኤሪሲዛ ሚላይ ቲራፔ ሞፓ፤ አይሰ ጊኮ ኔኒ ኢዚፔ ሚዳ ጋላሰ ቱሙ ሃይቃና» ጊ አዛዚዴስ።

18 ሄሳፌ ጉዬ ጎዳ ጸሳይ፤ «አዳዚ ባርካ ዲዛይሲ ሎኦ ዴና፤ ታኒ ኢዛሰ ኢንጃቲዛ ማዶ አሰ ሜዳና» ጊዴስ።

19 ጎዳ ጸሳይ ካሴ ሜሄታ ዶኦታ ሳሎ ካፎታ ኡባ ቢታፌ ሜዲዴስ፤ ቃሴ አዳዚ ኢሰታ አይ ጊዲ ሱንላናኮ ሲያናሰ ኢዛኮ ኤሂን አዳዚ ሸሞፖራ ዲዛ ሜዴቲላታ ኡባ ሱንሊዳ ሱንላይ ኢሰታሰ ሱንላ ጊዲ አቲዴስ።

20 ሄሳሶ አዳዚ ሜሄታ፤ ሳሎ ካፎታኔ፤ ዶኦታ ኡባ ሱንሊዴስ፤ ጊዶ አቲን አዳሜሰ ኢንጃቲዛ ማዶ አሲ ቤቲቤና።

21 ሄሳ ጊሻሰ ጎዳ ጸሳይ አዳዛ ዲሰኮ ዲሰከሲዲ፤ ኢዚ ዲሰኮን ዲሺን ኢዛ ሚሌ ሜቄላታፔ ኢሳ ኤኪዲ ሄ ሶሆዛን አሾ ኩንሊዴስ።

22 ጎዳ ጸሳይ አዳዛፔ ኤኪዳ ሜቄላ ማጫሰ ሜዲዲ ኢዛ አዳዛኮ ኤሂዴስ።

23 ኤሂን አዳዚ፤ «ሄኮ! ሃ ሜቄላያ ታ ሜቄላፌ፤ ሃ አሾያካ ታ አሾፔ ኤኬቲዳር፤ ኢዛካ አቱማሳፔ ኤኬቲዳ ጊሻሰ፤ ማጫሰ ጌቱቱ» ጊዴስ። ‡

24 ሄሳ ጊሻሰ አሲ ባ አዋኔ ባ አዮ አጌሰ፤ ባ ማቺይራ ኢሲፌ ዴስ፤ ኢሰቲ ናሞአይ ኢሲ አሾ።

25 አዳዚኔ ኢዛ ማቺያ ናሞአይካ ፓጻ ካሎ ዴቲሰ፤ ጊዶ አቲን ኢሳይ ኢሳሰ ዬላቲ ኤፊቲና።

3

አሲ አዛዜቶንታ ኢጸ

‡ 2:23 አዴ ጉሲ ኢብራዊታ ቃላን፤ «ኢሸ» ጌቱቲስ፤ «ማጫሰ» ጉሲ፤ «አሻ» ጌቱቲስ፤ ሄ ናሞኡ ቃላቲ ኢሶይ ኢሳ ሚሳቱቲስ። 2:24 ማቶ 19:5፤ ማር 10:7-8፤ 1ቆሮ 6:16፤ ኤፌ 5:31

1 ሾሻይ ጎዳ ጸሳይ ሜዲያ ዶክተር አባፌ አዲስ ገናንቻ፤ ኢሲ ጋለስ ሾሻይ ሄ ማጫሳዮ፡ «ጸሲ ቱሙ አንቲና፡ ሐዴኔን ዲዛ ሚላ አይፌ ኡባፌካ ሞፒቲ» ገዴ፡፡ ገ አይቺዴስ፡፡

2-3 ማጫሳያ ሾሻስ ዛራዳ፡ «ገዴና! ጸሲ ሄሳላ ገቢና፤ ኩኒ ኤዴኔን ዲዛ ሚላታ አይፌ ማናሰ ዳንዳዮስ፤ ገዶ አቲን ጸሲ ኩና፡ ሐዴኔ ገዶን ዲዛ ሚላ አይፌ ሞፒቲ፤ ቦቸፍቲ፤ ሂሰቶንታ አገሪ አንቲ ሃይቃና» ገዴስ፡፡

4 ሾሻይ ማጫሳዮ፡ «ገዴና! አንቲ ቱማ ሃይቁኬታ፤

5 ጸሲ ሄሳ ገዴይ ሄ ሚላይ አይፌ አንቲ ሚኮ አንቲ አይፌ ዶዩቲን፡ ጸሳ ማላ አንቲ ሎኦኔ ኢታ ሻኪ ኤራናይሳ ኢዚ ኤሪዛ ገሻሻ» ገዴስ፡፡

6 ማጫሳያ ሄ ሚላ አይፌ ማናሰ ማልኢዛይሳ፡ ጸላናሰ ሎኢዛይሳ፡ ቃሴ አሲ አዲ ኤራቲል ዴማናሰ አሞሲዛዝ ገዴዳይሳ ቤያዳ ሄ ሚላ አይፌ፤ ኤካዳ ማዱሰ፤ ቃሴ ባናራ ዲዛ ባ አዚናሰካ ሄሳፌ አሚን ኢዚካ ሚዴስ፡፡

7 ሚዳ ዋዴ ኢሰታ ናሞኦ አይፌይካ ዶዩቲን ኢሰቲ ፓጻ ካሎ ዲዛይሳ ኤሪዳ ባላሴ * ጌቲቲዛ ሚላ ሃይል ሲኪዲ ባ ጸሳን ገዴዳ፡፡

8 አማርሳ ዋዴ፡ ኤዴኔ ገዶን ጎዳ ጸሳይ ሄሚቲሽን፡ ኢዛ ጨንጉርሳ አዴዚኔ ኢዛ ማቺያ ሲዩዲ ጎዳ ጸሳፌ ኤዴኔ ሚላ ገዶን ቆቲቲዳ፡፡

9 ገዶ አቲን ጎዳ ጸሳይ አዴዛ ጸይገዲ፡ «አዳሜ አዋን ዳይ?» ገዴስ፡፡

10 አዴዚካ፡ «ኤዴኔ ገዶን ኔ ጨንጉርሳ ሲያዳ ታኒ ካሎ ዲዛ ገሻሰ ባባዳ ቆቲታዲስ» ገዴስ፡፡

11 ጎዳ ጸሳይ ኢዛ፡ «ኔኒ ካሎ ዳሳ ገዴ ኔሰ ዮቲዳይ ኦኔ? ታኒ ኔና፡ ሞፓ» ገዳ አዛዚዳ ሚላ አይፌ፤ ማዲ?» ገ አይቺዴስ፡፡

12 ኢዚካ፡ «ታናራ ዳና ማላ ኔ አሚዳ ማጫሳያ ሄ ሚላ አይፌ፤ ታስ አሚን ማዲስ» ገዴስ፡፡

13 ጎዳ ጸሳይ ሄሳፌ ጉዬ ማጫሳዮ፡ «ኔኒ ሄሳ አይሰ ኦላዲ?» ገ አይቺዴስ፡፡

ማጫሳያካ፡ «ታና ሾሻይ ባሌሊን ማዲስ» ገዴስ፡፡

3:1 እጁ 12:9፤ 20:2 * 3:7 ባላሴ ጌቲቲዛ ሚላይ ቶጽያን ኢሲ ኢሲ ሲሆን ኤራቲዛ ማላ ኤል ሚሳቲዛ ኢዛሰ ሃይላይ አጉንል ባይንዳዝ ገዴ ኡቲዲ ኢዛሰ አይፌዚ ማልኢዛ ሚላ፡፡ 3:13 2ቆሮ 11:3፤ 1ጴጥ 2:14

ጸሳ ፒርዳ

- 14 ጎዳ ጸሳይ ሄሳፌ ጉዬ ሾሻ፥
 «ኔኒ ሃይሳ ኦሊዳ ገሻሰ፥
 ሜሄ ኡባኔ
 ዶኣ ኡባ ጋርሳን
 ኔ ጸላይ ቃንጌቲዳዛ!
 ኔኒ ኔ ኡሎን ቢታራ ጎሼታና፤
 ኔ ዴኦ ላይላ ኡባንካ
 ቢታ ጉዲላ ላጫ።
- 15 ታኒ ኔሲኔ ማጫሳይሰ፥
 ኔ ዜሬላሲኔ
 ኢዚ ዜሬላሰ ገዶን
 ሞርኩቴላ ሜዳና፤
 ኢዚ ኔ ሁኤ ቆጸና፤
 ኔኒካ ኢዛ ቂርጾ
 ዱካና» ገዴሰ።
- 16 ማጫሳዮካ ጎዳ ጸሳይ፥
 «ኔ ሻሪዛ † ኣገናን
 ኔኒ ዳሮ ቱጋታና፤
 ቃሴ ኔኒ ዋልቃማ ሚጸን
 ናይታ ዬላና።
 ገዲኮካ ኔኒ ኔ ኣዚናራ
 ኣቃናሰ ኣሞታና፤
 ኢዚካ ኔና ሃራና» ገዴሰ።
- 17 ኣዳሚካ ጎዳ ጸሳይ፥ «ኔኒ ኔ ማቼይ ቃላ ሲዬዳ ገሻሰ ታኒ
 ኔና፥ «ሄ ሚላ ኣይፌ ሞጋጋ ጋዳ ኣዛዚዳ ሚላ ኣይፌፔ ኔኒ ሚዳ
 ገሻሰ፥
 «ኔ ጌዶን ቢታይ
 ቃንጌቲዳዝ ገዶ!
 ኔኒ ኔ ዴኦ ላይላ ኡባን
 ገታ ዳቡራን
 ቢታ ኦላዳ ማና።
- 18 ቢታይ ኔሰ ኣጉንሊኔ
 ከንዲቾ ሞኪሳና፤
 ኔኒ ቢታፌ ሞኪዳይሳ ማና።
- 19 ኔኒ ቢታን ሲማና ጋካናሰ

3:15 ኣጁ 12:17 † 3:16 ሻሪዛ፡ ሻሪዛ ገዛይሳ ኢሲ ኢሲ ባጋ ጋሞላ ቃላን
 ኣቤ ኢጼታ፥ ቃንላ ጌሰ። 3:18 ኢብ 6:8

ዳቡራን ኔ ጫዋ ጉሳ
ኦላዳ ማና፤
ኔኒ ቢታፌ ሜዴቲዳ ገሻሰ
ቢታን ሲማንዳሳ» ገዴሰ።

20 አዳሜይ ባ ማቺዮ ሄዋኖ ቶ ገ ሱንሊዴሰ፤ አይሰ ገኮ ኢዛ
አሳ ኡባሰ አዮ።

21 ጎዳ ጸሳይ አዳሜሲኔ ኢዛ ማቺይሰ ኢቱ ገግሲዲ ኢሰታ
ማይዚዴሰ።

22 ሄሳፌ ጉዬ ጎዳ ጸሳይ፡ «ሂሰቲን አሲ ኑፔ ኢሳዴ ማላ
ሎኦኔ ኢታ ኤሪዳይ ገዲዴሰ፤ ኢዚ ባ ኩሼ ዬዲዲ ዴኦ ኢሚዛ
ሚላፌ ኤኪዲ ቃሴ ሞንታ ማላኔ ሚርናሰ ፓጻ ዴኦንታ ማላ
ቱቄታናሰ ኮሼሰ» ገዴሰ።

23 ሄሳ ገሻሰ ኢዚ ባ ሜዴቲዳ ቢታ ኦላና ማላ፡ ጎዳ ጸሳይ
ኤዴኔፔ ኢዛ ኬሲዴሰ።

24 ኢዛ ኬሲዲ፡ ዴኦ ሚላኮ ኤፊዛ ኦጌ ናጋና ማላ፡ ከሩቤ
ጌቱቲዛ ከታንቻታኔ ፖፖልኡ ገ አፂ አፂ ዋፂዛ ታማ ላጮ
ሚሳቲዛ ገላ ማሻ ኤዴኔፔ አርሼይ ሞኪዛ ባጋራ ዋሊዴሰ።

4

ቃዬሌኔ አቤሌ

1 አዳሜይ ባ ማቸ ሄዋኒራ አቂን ኢዛ ሻራዳ አቱማ ና
ዬላዲሰ፤ «ጎዳይ ታና ማዲን አቱማ ና ዴማዲሰ» ጋሼ ኢዛ
ቃዬሌ ጋ ሱንላዲሰ።

2 ቃሴ ኢዛ ኢሻ አቤሌካ ዬላዲሰ። *

አቤሊ ዶርሳ ሄንላንቻ፤ ቃዬሌይ ቢታ ጎሻንቻ።

3 ኡንዴና ዋዴፔ ጉዬ ቃዬሌይ ባ ጋዴን ሞኪዳ ካላፌ ጎዳሰ
ያርሾ ሺሺዴሰ።

4 ገዶ ኦቲን አቤሊ ባ ዶርሳታ ገደን ኮይሮ ዬሌቲዳ ላቃታፔ
ኢሳ ኤኪ ሹኪዲ አሾዛፔ ሃንዳዛ ያርሺዴሰ፤ ጎዳይ አቤሌኔ ኢዛ
ያርሾዛ ኤኪዴሰ።

5 ቃዬሌኔ ኢዛ ያርሾ ኤኪቤና፤ ሄሳ ገሻሰ ቃዬሌይ ኬሂ
ዬሎቲዴሰ፤ ባ አይፌሶካ ኢሲዴሰ።

‡ 3:20 ሄዋኖ፡ ሄዋኖ ጉሲ ፓጻ ዴሰ ጉሳ። 3:22 አጁ 22:14 * 4:2 ቃዬሌ፡
ቃዬሌ ጉሲ ኢብራዌታ ቃላን፡ «ቃደን» ጌቱቲሰ። ቢርሼላይካ፡ «ዴማዲሰ» ጉሳ።

6 ሂሳብን ጎዳይ ቃይሌ፥ «አይሰ ደሎታይ? ኔ አይፊሰይ አይሰ ዲሚዳ?»

7 ኔ ሎኦ ኦሊዳ ገዲዳኮ ጸሲ ኔ ያርሾ ኤኬኔሺን? ኔኒ ሎኦ ኦሎንታ ኢጲኮ ናጋራይ ኔ ካሬን ኔና ናጌሰ፤ ናጋራይ ኔና ሃራና ኮዬሰ፤ ኔኒ ኢዛ ጸናና ቤሰሰ» ገዴሰ።

8 ሂሳፊ ጉዬ ቃይሌይ ባ አሻ አቤሌ፥ «ኣኔ ጌዴ ዴሞባሶ ቦሰ» ገዴሰ። ቢዲ ኢሰቲ ዴሞባን ዲሺን ቃይሌይ ባ አሻ አቤሌ ቦላ ዴንዲዲ ዋዲዴሰ።

9 ጎዳይ ቃይሌ፥ «ኔ አሻይ አቤሊ አዋን ዲዜ?» ገዴይቸዴሰ።

ቃይሌይ ዛሪዲ፥ «ታ ኤሪኬ፤ ታ አሻ ናገዛይ ታኔዬ?» ገዴሰ።

10 ጎዳይ ቃይሌ፥ «ሂሳ አይሰ ኦላዲ? ቤያ፤ ኔ አሻ ሱሊ ቢታፊ ፑዴ ታኮ ዋሴሰ።

11 ኔ ኩሺፔ ኔ አሻ ሱላ ኤኪዲ ሚታናሰ ዶና ዶይዳ ቢታ ቦላ ሃኢ ኔኒ ቃንጌታዳሳ።

12 ኔኒ ኦሊንካ ቢታይ ኔሰ ካሐ ኢሜና፤ ቤቴ አሳ ማላ ኔኒ ቢታ ቦላን ቶይላታና» ገዴሰ።

13 ቃይሌይ ጎዳ፥ «ኔ ታና ቃጸዪዛ ቂጸቴ ታኒ ሙሌካ ዳንዳይኬ።

14 ሄኮ ኔኒ ታና ሃች ሃ ቢታፊ ዬዴላሳ፤ ታኒ ኔ ሲንላፊ ቆቴታና፤ ቤቴ አሳ ማላ ታኒ ቢታ ቦላ ቶይላታና፤ ታና ዴሚዳይ ኦኒካ ዋዳና» ገዴሰ።

15 ጎዳይ ኢዛ፥ «ኔና ኦኒካ ዋዴና፤ ዋዲኮ ኔ ሃሎ ታኒ ላፑን ኩሼ ኬሳና» ገዴሰ፤ ሂሳ ገሻሰ ዴሚዳይ ኦኒካ ኢዛ ዋዶንታ ማላ ጎዳይ ኢዛ ቦላ ማላታ ዋሊዴሰ።

16 ቃይሌይ ጎዳ ሲንላፊ ኬዚዲ ኤዴኔ ባጋፊ ኣርሼይ ሞኪዛ ባጋራ ዲዛ ኖዴ † ጌቴቲዛ ቢታን ዴኢዴሰ።

ቃይሌ ዬሊታ

17 ቃይሌይ ባ ማቼይራ አቂን ኢዛ ሻራዳ ሄኖኬ ዬላዲሰ፤ ሄ ዋዴ ቃይሌይ ካታማ ገግሲዲ ሄ ካታማ ባ ናዛ ሱንላን፥ «ሄኖኬ» ገ ሱንሊዴሰ።

18 ሄኖኬይ ኢራዴ ዬሊዴሰ፤ ኢራዴይ ማሁያኤሌ ዬሊዴሰ፤ ማሁያኤሌይ ማቱሳኤሌ ዬሊዴሰ፤ ማቱሳኤሌይ ላሜኬ ዬሊዴሰ።

4:8 ማቶ 23:35፤ ሉቃ 11:51፤ 1ዮሃ 3:12፤ 4:10፤ ኢብ 12:24 † 4:16 ኖዴ፡ ኖዴ ጉሲ ቶይላቴሐ ጉሳ።

19 ለሜኬይ አደኔ ጸሎ ጌቴቲዛ ናሞኡ ማቼታ ዳወል ኤኪዴስ።

20 አዳይ ያባሌ ዩላዲስ፤ ያባሌይ ሜሄ ሃሪሽ ዩዩ ዩዩ ዱንካኔን ዲዛ አሳታ አዋ።

21 ኢዛ ኢሻ ሱንላ ዩባሌ፤ ዩባሌይ ቃሴ ዲል ዲጸዛኔ ሱሱልኤ ፑኒዛ አሳታ ኡባታ አዋ፤

22 ጸላይ ቃሴ ቱባሊቃይኔ ጌቴቲዛ ና ዩላዲስ፤ ቱባሊቃይኔ ደርቁማላፔኔ ቢራታፔ ዱማ ዱማ ሚሻታ ቆጸዛዴ። ቱባሊቃይኔ ሚቼያ ናኢሞ ጌቴታዉስ።

23 ኢሲ ጋላስ ለሜኬይ ባ ማቼታ፡ «ታ ማቼቶ አዴ፡ ጸሌ ሲዩቴ! አኔ ታኒ ዮቴዛይሳ ኤዘጊቴ። ኢሲ አሲ ታና ዋጂ ማዲንሊዳ ጊሻስ ታኒ ኢዛ ዋጃዲስ፤ ኤ፡ ታኒ ሄ ታና ማዲንጸሲዳ ዋዳላዛ ዋጃዲስ።

24 ቃዬሌ ሃሎ ኬሳናስ ላፑን ኩሼ ኮሺኮ ለሜኬ ሃሎ ኬሳናስ ላፑን ታማኔ ላፑን ኩሼ ኮሺስ» ጊዴስ።

ሴቴኔ ሄኖሴ

25 አዳሚይ ባ ማቼይራ አቂን ሃራ ና ዩላዲስ። ዩላዳ፡ «ቃዬሌይ ዋጃዳ አቤሌ ጊሻስ ጸሲ ታስ ሃራ ና ኢሚዴስ» ጋሼ ኢዛ ሴቴ ቶ ጋዳ ሱንላዲስ።

26 ሴቴይካ አቱማ ና ዩሊዲ ኢዛ፡ «ሄኖሴ» ጊ ሱንሊዴስ። አሳይ ሄ ዋዴ ጎዳ ሱንላ ጸይጊዲ ጎይኖ ኦይኪዴስ።

5

አዳሚ ዜሬል

1 አዳሚ ዜሬሊ ሃይሳፌ ካሊዲ ጸፊቲዴስ፤ ጸሲ አስ ሜጂዳ ጋላስ ባና ሚሳቲሲዲ ሜጂዴስ።

2 አዴኔ ማጫስ ኦሊ ሜጂዲ ኢስታ አንጂዴስ። ኢስታ ሜጂዲ አስ ጊ ሱንሊዴስ።

3 አዳሚይ 130 ላይል ዴኢዲ ባና ሚሳቲዛ አቱማ ና ዩሊዲ ኢዛ፡ «ሴቴ» ጊ ሱንሊዴስ።

4 አዳሚይ ሴቴ ዩሊዳፔ ጉዬ 800 ላይል ዴኢዴስ፤ ሃራ አቱማ ናይታኔ ማጫ ናይታ ዩሊዴስ።

5 አዳሚይ ሙሌራ 930 ላይል ዴኢዲ ሃይቂዴስ።

6 ሴቴይ 105 ላይል ዴኢዲ ሄኖሴ ዩሊዴስ፤

4:24 ማቶ 18:22 ቶ 4:25 ሴቴ ሴቴ ጉሲ ኢብራዊታ ቃላራ ኢሚዴስ ጉሳ

5:1 ሜዴ 1:27-28 5:2 ማቶ 19:4፤ ማር 10:6

- 7 ሴቲይ ሄኖሴ ዩሊዳፔ ጉዩ 807 ላይሰ ዴኢዴሰ፤ ሃራ ኣቱማ ናይታኔ ማጫ ናይታ ዩሊዴሰ።
- 8 ሴቲይ ሙሌራ 912 ላይሰ ዴኢዳ ሃይቂዴሰ።
- 9 ሄኖሴይ 90 ላይሰ ዴኢዳ ቃይናኔ ዩሊዴሰ፤
- 10 ሄኖሴይ ቃይናኔ ዩሊዳፔ ጉዩ 815 ላይሰ ዴኢዴሰ፤ ሃራ ኣቱማ ናይታኔ ማጫ ናይታ ዩሊዴሰ።
- 11 ሄኖሴይ ሙሌራ 905 ላይሰ ዴኢዳ ሃይቂዴሰ።
- 12 ቃይናኔይ 70 ላይሰ ዴኢዳ ማላልኤሌ ዩሊዴሰ፤
- 13 ቃይናኔይ ማላልኤሌ ዩሊዳፔ ጉዩ 840 ላይሰ ዴኢዴሰ፤ ሃራ ኣቱማ ናይታኔ ማጫ ናይታ ዩሊዴሰ።
- 14 ቃይናኔይ ሙሌራ 910 ላይሰ ዴኢዳ ሃይቂዴሰ።
- 15 ማላልኤሌይ 65 ላይሰ ዴኢዳ ያሬዴ ዩሊዴሰ፤
- 16 ማላልኤሌይ ያሬዴ ዩሊዳፔ ጉዩ 830 ላይሰ ዴኢዴሰ፤ ሃራ ኣቱማ ናይታኔ ማጫ ናይታ ዩሊዴሰ።
- 17 ማላልኤሌይ ሙሌራ 895 ላይሰ ዴኢዳ ሃይቂዴሰ።
- 18 ያሬዴይ 162 ላይሰ ዴኢዳ ሄኖኬ ዩሊዴሰ፤
- 19 ያሬዴይ ሄኖኬ ዩሊዳፔ ጉዩ 800 ላይሰ ዴኢዴሰ፤ ሃራ ኣቱማ ናይታኔ ማጫ ናይታ ዩሊዴሰ።
- 20 ያሬዴይ ሙሌራ 962 ላይሰ ዴኢዳ ሃይቂዴሰ።
- 21 ሄኖኬይ 65 ላይሰ ዴኢዳ ማቱሳላ ዩሊዴሰ፤
- 22 ማቱሳላ ዩሊዳፔ ጉዩ ሄኖኬይ 300 ላይሰ ጸሳ ኡፋይሲሼ ዴኢዴሰ፤ ሃራ ኣቱማ ናይታኔ ማጫ ናይታ ዩሊዴሰ።
- 23 ሄኖኬይ ሙሌራ 365 ላይሰ ዴኢዴሰ፤
- 24 ኢዚ ጸሳ ኡፋይሲሼ ዴን ጸሲ ኢዛ ኤኪዳ ጊሻሰ ቤቱንታ ዳይዴሰ።
- 25 ማቱሳላይ 187 ላይሰ ዴኢዳ ላሜኬ ዩሊዴሰ፤
- 26 ማቱሳላይ ላሜኬ ዩሊዳፔ ጉዩ፥ 782 ላይሰ ዴኢዴሰ፤ ሃራ ኣቱማ ናይታኔ ማጫ ናይታ ዩሊዴሰ።
- 27 ማቱሳላይ ሙሌራ 969 ላይሰ ዴኢዳ ሃይቂዴሰ።
- 28 ላሜኬይ 182 ላይሰ ዴኢዳ ኣቱማ ና ዩሊዳ፤
- 29 «ሃ ናዚ ጎዳይ ቃንጊዳ ቢታ ቦላን ኑና ኑ ዳቡራፔ ሽሞፐሳና» ጊዳ ኖሄ ጊ ሱንላዴሰ።*
- 30 ላሜኬይ ኖሄ ዩሊዳፔ ጉዩ 595 ላይሰ ዴኢዴሰ፤ ሃራ ኣቱማ ናይታኔ ማጫ ናይታ ዩሊዴሰ።
- 31 ላሜኬይ ሙሌራ 777 ላይሰ ዴኢዳ ሃይቂዴሰ።
- 32 ኖሄይ 500 ላይሰ ዴኢዳ ሴሜ፥ ካሜኔ ያፌቲ ዩሊዴሰ።

5:24 ኢብ 11:5፤ ዩሁ 14 * 5:29 ኖሄ ጉሲ ኢብራዊታ ቃላራ ሽምፐ ጉሳ።

6

አሳ ኢታቴል

- 1 አሲ ቢታ ቦላ ዳሪዳ ዋዴ አሳሰ ማጫ ናይቲ ዬሌቲዳ፤
 - 2 «ጸሳ ናይታ» ጌቲቲዛ ሜዴቲላቲ አሳ ማጫ ናይቲ ሜዶ ሎኦ ጊዲዳይሳ በኢዲ ኢስታፌ ባ ዶሪዳይታ ማቾ ኤኪዳ። *
 - 3 ጎዳይ፥ «አሲ ሃይቁዛዛ፤ ኢዛ ላይላይካ 120 ላይላፌ ዳሬና፤ ሄሳ ጊሻስ ታ ኣያናይ አሳ ና ቦላ ሜርናስ ዴና» ጊዴስ።
 - 4 ሄ ዋዴኔ ሄሳፌ ጉዬ ጸሳ ናይቲ አሳ ማጫ ናይታ ማቾ ኤኪን ናይቲ ዬሌቲዳ ዋዴ ዋጋ ዋልቃማ አሳቲ ቢታ ቦላን ዴቲስ። ኢስቲካ በኒ ዋዴ ኦላስ ሚኖኔ ኤሬቲዳ አሳ። †
 - 5 ጎዳይ ሄ ዋዴ ቢታ ቦላን ዲዛ አሳ ኢታቴል ዳሪዳይሳኔ ኢስቲ ባ ዋዚናን ቆፒዛይሲ ወሪ ኡባ ዋዴካ ኢታ ጸላላ ጊዲዳይሳ በኢዴስ፤
 - 6 ጎዳይ አስ ሃ ቢታ ቦላን ሜዲዳ ጊሻስ ሞዴቲዴስ፤ ባ ዋዚናን ኬሂ ሴሌቲዴስ።
 - 7 ሄሳ ጊሻስ ጎዳይ፥ «ታኒ ሜዲዳ አሳ ሃ ቢታ ቦላፌ ኡባ ዳይሳና፤ አሳ፥ ሜሄ፥ ዶኣ፥ ቢታራ ጎሼቲዛ ሜዴቲላታኔ ካፎታ ዳይሳና፤ ኣይስ ጊኮ ታኒ ኢስታ ሜዲዳ ጊሻስ ሚሽታዲስ» ጊዴስ።
 - 8 ጊዶ አቲን ኖሄይ ጎዳ ሲንላን ሳቤቲዴስ።
- ኖሄ
- 9 ኖሄይ ሃኒዳይሲ ሃይሳፌ ካሊዲ ጸፌቲዴስ። ኖሄይ ጺሎ አሳ፤ ኢዚ ባ ዋዴን ዲዛ አሳ ጊዶን ሱሬ አሳ፤ ኖሄይ ጸሳራ ጊጋ ዲስ ዴኢዴስ።
 - 10 ኖሄይ ሴሜ፥ ካሜኔ ያፌቲ ጌቲቲዛ ሄቹ አቱማ ናይታ ዬሊዴስ።
 - 11 ሄ ዋዴ ቢታ ቦላ ዲዛ አሲ ወሪ ጸሳ ሲንላን ቱኒዴስ፤ ቢታይ ወሪ ማካላን ኩሚዴስ።
 - 12 ጸሲ ዴጌ ቢታ ጸሊሺን ቢታ ቦላ ዲዛ አሳይ ወሪ ቱኒዳይሳ በኢዴስ።
 - 13 ሄሳ ጊሻስ ጸሲ ኖሄ፥ «ታኒ አሳ ኡባ ዳይሳና ጋይስ፤ አሳ ጋሶን ቢታይ ማካላን ኩሚዳ ጊሻስ ታኒ ቱማፔ አሳኔ ቢታ ቦላ ዲዛዝ ኡባ ዳይሳና።

6:1 እዮ 1:6፤ 2:1 * 6:2 ጸሳ ናይታ ጊዛይሳ ኢሲ ኢሲ ቢርሺላ ማጸፋቲ ኪታንቻታ ጌቲስ † 6:4 ታይ 13:33 6:5 ማቶ 24:37፤ ሉቃ 17:26፤ 1ጴጽ 3:20 6:9 2ጴጽ 2:5

14 ሄሳ ገሻሰ ሚኖ ሚላፌ ኔሰ ማርካቤ ኬጸ፤ ሄ ማርካቤዛ ጊደን ኪፊሌ ኦላ፤ ሂስታዳ ሶ ባጋራኔ ካሬ ባጋራ ሺዳን ማሻ።

15 ማርካቤዛ ኬጸሼ ኢዛ ኣዲሳቲላ 300 ዋቋ፤ ጎሞፓይ 50 ዋቋ፤ ፑዴ ቶቃቲላ 133 ዋቋ ሂስታ ኦላ።

16 ማርካቤዛሰ ካራ ሜቋ፤ ካራፔኔ ጎዳፔ ጊደን ኢሲ ዋቋ ጊዲዛሶ ዶያ ኣጋ፤ ፔንጌዛ ማርካቤዛሰ ሚሌራ ኬሳ፤ ማርካቤዛ ሄቩ ፖቄ ኬሳ ኬጸ።

17 «ታኒ ሳሎፔ ጋርሳን ሸምፖራ ዲዛ ሜዴቲላ ኡባ ቋይሳናሰ ሃ ቢታ ቦላን ቋይሳ ሃሐ ዬዲኮ ቢታን ዲዛይሲ ወሬ ቋያና።

18 ጊዶ ኣቲን ታኒ ኔናራ ጫቄታና። ኔኒ፥ ኔ ማቺያ፥ ኔ ናይቲኔ ኔ ናይታ ማቺቲ ኔናራ ማርካቤዛን ጌላንዴታ።

19 ኢሰቲ ኔናራ ፓጸ ዳና ማላ ሸምፖራ ዲዛ ሜዴቲላ ኡባፌ ቆሞን ቆሞን ኣዴኔ ማጫ ናሞኡ ናሞኡ ሂስታዳ ማርካቤዛ ጊዶ ጌልላ።

20 ዲማ ዲማ ቆሞ ካፎታፔ፥ ዲማ ዲማ ቆሞ ሜሄታፔኔ ቢታራ ጎሼቲዛ ዲማ ዲማ ቆሞ ሜዴቲላታፔ ኡባፌ ናሞኡ ናሞኡ ጊዲዲ ሸምፖራ ፓጸ ኣታና ማላ ኔኮ ያና።

21 ቃሴ ኔኒኔ ኔናራ ዲዛይቲ ማና ማላ ዲማ ዲማ ቆሞ ካሐ ኤፋዳ ማርካቤዛ ጊዶ ጌልላ» ጊ ኣዛዚዳሰ።

22 ኖሄይ ኡባካ ጸሲ ኣዛዚዳ ማላ ኦሊዴሰ።

7

1 ሃሳፌ ጉዬ ጎዳይ ኖሄ፥ «ኔኒ ሃይሳ ሃ ዋዴ ዬሌታ ጊደን ጸሎ ጊዲዳይሳ ታ ቤኢዳ ገሻሰ ኔኒ ኔሶ ኣሳ ኡባራ ማርካቤዛ ጊዶ ጌላ።

2-3 ኔኒ ጌሽ ጊዲዳ ሜሄኔ ዶኣ ኡባፌ ኢዛ ቆሞፌ ቆሞፌ ኣዴኔ ማጫ ላፑን ላፑን፥ ጌሽ ጊደንታ ሜሄኔ ዶኣ ኡባፌ ኢዛ ቆሞፌ ቆሞፌ ኢሲ ኣዴኔ ኢሲ ማጫ ቃሴ ካፎታፔ ኢዛ ቆሞፌ ቆሞፌ ኣዴኔ ማጫ ላፑን ላፑን፥ ቢታ ኡባ ቦላን ዲማ ዲማ ዜሬሳይ ፓጸ ዳና ማላ ኔናራ ኤካ ጌላ።

4 ኣይሰ ገኮ ላፑን ጋላሳፌ ጉዬ ታኒ ኦይዱ ታሙ ጋላሲኔ ኦይዱ ታሙ ቃማ ቢታ ቦላን ኢራ ቡኪሳና፤ ሂስታዳ ታኒ ሜቋዳ ሜዴታ ኡባ ቢታ ቦላፌ ቋይሳና» ጊዴሰ።

5 ኖሄይ ጎዳይ ኢዛ ኣዛዚዳይሳ ኡባ ኦሊዴሰ።

6 ቋይሳ ሃላ ቢታ ቦላ ዩዛ ዋዴ ኖሄሰ ላይሳይ ኡሱፑን ጸታ።

7 ኖሄ፥ ኢዛ አቱማ ናይቲ፥ ኢዛ ማቼያኔ ኢዛ ናይታ ማቼቲ ጳይሳ ሃላፌ ኣታናስ ማርካቤዛ ጊዶ ጌሊዳ።

8 ጌሻ ሜሄፔኔ ዶኣፔ፥ ጌሽ ጊዶንታ ሜሄፔኔ ዶኣፔ፥ ካፎፔኔ ቢታራ ጎሼቲዛ ኡባፌ።

9 ጸሲ ኖሄ ኣዛዚዳ ማላካ ኣዴኔ ማጫ ናምኡ ናምኡ ጊዲዲ ኖሄኮ ማርካቤዛ ጊዶ ጌሊን።

10 ላፑን ጋላሳፌ ጉዬ ጳይሳ ሃሊ ቢታ ቦላ ዪዴስ።

11 ኖሄስ ኡሱፑን ጴቱ ላይሳ ጊዲሺን ናምኣንሉ ኣጊናን ታማኔ ላፑንላ ጋላሳን ሄ ጋላሳንካ ቢታ ጊዶን ዲዛ ጊታ ጨማ ፑልቶይ ወሪ ቆቂዴስ፤ ባሎን ዲዛ ሃላ ማስኮቲቲካ ዶዬቲ ዎጲዳ።

12 ኢራይ ቢታ ቦላን ኦይዱ ታሙ ጋላሲኔ ኦይዱ ታሙ ኦማርስ ቡኪዴስ።

13 ሄ ጋላሳን ኖሄይኔ ኢዛ አቱማ ናይቲ፥ ሴሜይ፥ ካሜይኔ ያፌቲይ፥ ኖሄ ማቼያኔ ኢዛ ናይታ ሄዛታ ማቼቲ ኢሲፌ ማርካቤዛ ጊዶ ጌሊዳ።

14 ኢስታኔ ዶኣ ኡባፌ ባ ቆሞን ቆሞን፥ ሜሄ ኡባፌካ ባ ቆሞን ቆሞን፥ ቢታራ ጎሼቲዛያታ ኡባፌ ባ ቆሞን ቆሞን፥ ካፎ ኡባፌ ባ ቆሞን ቆሞን ኢስታራ ኢሲፌ ጌሊዳ።

15 ሽምፖራ ፓጸ ዲዛይቲ ወሪ ናምኡ ናምኡ ጊዲዲ ኖሄኮ ማርካቤዛን ጌሊዳ፤

16 ጸሳይ ኖሄ ኣዛዚዳ ማላ ሜዴታ ኡባፌ ኣዴኔ ማጫ ጊዲዲ ማርካቤዛ ጊዶ ጌሊን ኖሄይ ጊዶን ዲሺን ጎዳይ ማርካቤዛ ፔንጌ ጎርዲዴስ።

17 ጳይሳ ሃሊ ኦይዱ ታሙ ጋላስ ቢታ ቦላ ቡኪሽ ጋምኢዴስ፤ ሃሊ ዳሪዲ፥ ማርካቤዛ ቢታፌ ፑዴ ዴንሊዴስ።

18 ሃላይ ቢታ ቦላን ኬሂ ዳሪን ማርካቤዚ ሃላ ቦላን ቶኬቲዴስ።

19 ሳሎፔ ጋርሳራ ዲዛ ቶቃ ዙማቲ ወሪ ሚቲታና ጋካናስ ሃላይ ቢታ ቦላን ኬሂ ዎልቃፌ ዳሪዴስ።

20 ሃላይ ዙማታ ጴራፔ ኣጲዲ 15 ዋጃ ጋካናስ ቶቁ ጊዴስ።

21 ሂስቲን ቢታ ቦላን ሽምፖራ ፓጸ ቃጺዛ ሜዴቲላቲ ወሪ፥ ካፎይ፥ ሜሄይ፥ ዶኣይ፥ ቢታ ቦላን ዎጺ ቃጺዛይኔ ኣሲ ወሪ ሃይቂዴስ።

22 ቢታ ቦላን ዲዛ ሲዴራ ሽምፕዛይ ወሪካ ሃይቂዴስ።

23 ሃ ቢታን ፓጻ ዲዛይ ወሪ ኣሲ፡ ሜሄይኔ ዶኣይ፡ ቢታራ ጎሽቲዛ ሜዴቲላኔ ሳሎ ካፎቲ ወሪካ ቢታፌ ፒቲቲ ጳዩን ኖሄይኔ ኢዛራ ማርካቤ ጊዶን ዲዛይቲ ጸላ ኣቲዳ።

24 ሃላይካ 150 ጋላስ ጋካናስ ቢታ ቦላን ጋምኢዴስ።

8

ጳይሳ ሃላ ወርሴሳ

1 ጊዶ ኣቲን ጸሲ ኖሄ፡ ኢዛራ ማርካቤዛ ጊዶን ዲዛ ዶኣኔ ሜሄ ኡባ ቆፒዲ ቢታ ቦላን ጫርኮ ጫርኪሲን ሃላይ ዋጂ ዋጂ ቢዴስ።

2 ቃሴ ቢታ ጊዶን ዲዛ ጨማ ፑልቶይኔ ሳሎን ዲዛ ሃላ ማሰኮቲቲ ጎርዴቲዳ፤ ኢራይካ ሳሎን ቲቄቲዴስ።

3 ሂስቲን ሃላይ ዋጂ ዋጂ ቢዴስ፤ ሄ 150 ጋላሳፌ ጉዬ ሃላይ ዋጂዴስ።

4 ሃላይ ዋጂን ማርካቤዚ ላፑንላ ኣገናን ታማኔ ላፑንላ ጋላሳን ኣራራቲ ጌቲቲዛ ዙማ ቦላ ሽምፒዴስ።

5 ሃላይ ታማንሶ ኣገና ጋካናስካ ዋጂ ዋጂ ቢዴስ፤ ታማንሶ ኣገናን ኮይሮ ጋላስ ዙማታስ ሁኤይ ቤቲዴስ።

6 ኦይዱ ታሙ ጋላሳፌ ጉዬ ኖሄይ ባ ኬጺዳ ማርካቤዛ ማሰኮቲዛ ዶይዲ፡

7 ኢሲ ቁር ካሬ ኬሲ ዬዲን ቁርዚ ሃላ ቢታ ቦላፌ ሜላና ጋካናስ ያኔ ሃ ፒራጂሼ ጋምኢዴስ።

8 ቃሴ ኖሄይ ሃላ ቢታ ቦላፌ ዋጂ ወሪዳኮ ቤያናስ ኢሲ ሃራጵ ካሬ ዬዲዴስ።

9 ጊዶ ኣቲን ሄ ሃራጵያ ሃላ ቢታ ኡባ ቦላን ሃኢካ ዲዛ ጊሻስ ሽምፒዛሶ ዴማቤኩ፤ ሄሳ ጊሻስ ሲማዳ ማርካቤዛ ጊዶን ዲዛ ኖሄኮ ዩን ኢዚ ባ ኩሼ ዬዲዲ ባኮ ማርካቤዛ ጊዶ ኤኪዴስ።

10 ቃሴካ ሃራ ላፑን ጋላስ ጋምኢዲ ሃኢካ ሃራጵዮ ማርካቤዛ ጊዶፌ ኬሲ ዬዲዴስ።

11 ሄ ሃራጵያ ጋዴይ ቃሚሺን ኢዛኮ ሲማ ያሼ ዋጋራ ጸራፔ ጨለላ ሃይሳ ዱላዳ ዶናን ሳጻ ኤካ ዩዳ ጊሻስ ሃላ ቢታ ቦላፌ ዋጂዴይሳ ኖሄይ ኤሪዴስ።

12 ቃሴ ኖሄይ ሃራ ላፑን ጋላስ ጋምኢዲ ሄ ሃራጵዮ ዛሪ ዬዲዴስ፤ ጊዶ ኣቲን ሄ ሃራጵያ ኢዛኮ ሲማ ያሼ።

13 ኖሄይ 601 ላይሳ ዴኢን ኮይሮ ኣገናን ኮይሮ ጋላስ ሃላ ቢታ ቦላፌ ጸስኪዴስ፤ ኖሄይ ማርካቤዛ ካራ ቃሪ ጸሊዲ ጋዴይ ጸስኪዴይሳ ቤኢዴስ።

- 14 ናሞኣንሉ ኣገናን ናሞኡ ታማኔ ላፑንላ ጋላሳን ቢታይ ሙሌራ ሜሊዴስ።
- 15 ሄ ዋዴ ጸሲ ኖሄ ሂዝጊ ኣዛዚዴስ፤
- 16 «ኔኒ ኔ ማቸ፡ ኔ ናይታኔ ኔ ናይታ ማቸታ ኤካዳ ማርካቤዛፔ ከዛ።
- 17 ኢስቲ ዬሌቲ ዳሪዲ ጮራታና ማላ ሼምፖራ ዲዛ ሜዴቲላ ኡባፌ ኔናራ ዲዛይታ፡ ካፎታ፡ ሜሄታ፡ ዶኣታኔ ቢታራ ጎሹቲዛይታ ኡባ ኔናራ ኬሳ» ጊዴስ።
- 18 ኖሄይ ባ ናይታራ፡ ባ ማቸይራኔ ባ ናይታ ማቸታራ ማርካቤዛ ጊዶፌ ከዚዴስ።
- 19 ሜሄይ፡ ዶኣይ፡ ቢታራ ጎሹቲዛ ሜዴቲላ፡ ካፎይኔ ቢታ ቦላን ዋዲ ቃዲዛ ሚሺ ወሪ ባ ቆሞን ቆሞን ማርካቤዛ ጊዶፌ ከዚዴስ።
- 20 ሄሳፌ ጉዬ ኖሄይ ጎዳስ ያርሺዛሶ ከሊዲ ጌሻ ሜሄ ኡባፌኔ ጌሻ ካፎ ኡባፌ ኤከዲ ያርሺዛሶን ጸጊዲ ያርሺዴስ።
- 21 ሂስቲን ጎዳይ ያርሻዛ ፔኖ ሳዊዛይሳ ሲንጊዲ ባ ዋዚናን፡ «ዬላጋቲላፌ ዶሚን ኣሲ ዋዚናን ቆፒዛይሲ ወሪ ኢታ ጊዲኮካ ታኒ ኣሳ ጊሻስ ጋዳ ናሞኣንሉ ሙሌካ ሃ ቢታ ቃንጊኬ። ቃሴ ታኒ ሃኢ ኦሊዳ ማላ ፓጻ ዲዛ ሜዴቲላ ኡባ ናሞኣንሉ ሙሊካ ጳይሲኬ።
- 22 ሃ ቢታይ ዲዛ ዋዴ ኡባን ዜሬላ ዋዴይኔ ማጻ ዋዴይ ሞጩይኔ ሆሞቤይ፡ ቦኔይኔ ባልጎይ፡ ጋላሲኔ ቃማይ ኡባ ዋዴካ ፓጩና» ጊዴስ።

9

ጸሲ ኖሄራ ጌሊዳ ጫቆ ቃላ

- 1 ጸሲ ኖሄኔ ኢዛ ናይታ፡ «ዬሌቲቲ፤ ጮራቲቲ፤ ቢታ ኡባ ኩሚቲ።
- 2 ቢታ ዶኣቲ፡ ካፎቲ፡ ቢታን ዋዲ ቃዲዛ ሚሻቲኔ ኣባ ጊዶን ዲዛ ሞሌቲ ወሪ ኢንቲስ ያዬቶኔ ዳጋሜቶ፤ ኢስቲ ኢንቲ ሸኔን ዴቶ።
- 3 ታ ኢንቲስ ቢታፌ ሞኪዛ ዲማ ዲማ ካላታ ኢሚዳ ማላካ ሼምፖራ ፓጻ ዲዛ ሜዴቲላቲ ወሪ ኢንቲስ ቁማ ጊዳና።
- 4 ሼምፖይ ሱላ ጊዶን ዲዛ ጊሻስ ሱሊ ኢዛፔ ጉኮንታ ኣሾ ሞፒቲ።

5 ታኒ ኢንቴ ሽምፖይ ኢዛን ዲዛ ኢንቴ ሱል ማህፔኔ ዶኦ ኡባፌ ቱሙ ታ ኦይቻና፤ ቃሴ አሳ ኡባፌካ ኢዛ ማላ አሳ ሱል ኦይቻና።

6 ጸሲ አሰ ባና ሚሳቲሲዲ ሜዲዳ ገሻሰ አሳ ሱል ጉሲዛ ኦናካ ገዲኮ ኢዛ ሱልካ አሳ ኩሼን ጉካና።

7 ኢንቴ ዩሌቲቴ፤ ጮራቲቴኔ ቢታ ቦላ ኬሂ ዳሪቴ» ገ አንጂዴሰ።

8 ሄሳፌ ጉዬ ጸሲ ኖሄኔ ኢዛራ ዲዛ ኢዛ ናይታ ሂዝጊዴሰ፤

9-10 «ሂሰቲን ሃኢ ታኒ ታ ጫቆ ኢንቴናራ፥ ኢንቴፌ ጉዬ ኢንቴ ዜሬላራኔ ኔናራ ሽምፖራ ዲዛ ሜዴቱላታራ ጫቂታዲሰ፤ ኤ! ታኒ ታ ጫቆ ካፎራ፥ ሜሄራ፥ ቢታ ዶኦ ኡባራኔ ማርካቤፔ ኢንቴናራ ኬዚዳ ፓጻ ዲዛ ሜዴቱል ኡባራ ጫቂታዲሰ።

11 ታኒ ኢንቴናራ ጫቂታዲሰ፤ ሃይሳፌ ሲንላን ፓጻ ዲዛይ ወሪ ዳይሲዛ ሃላን ሙሌካ ዳይና፤ ሃ ቢታ ዳይሲዛ ሃላ ሃይሳፌ ጉዬ ሙሌካ ዳና» ገዴሰ።

12 ቃሴካ ጸሲ፥ «ታኒ ታፔኔ ኢንቴፌ፥ ኢንቴናራ ዲዛ ፓጻ ሜዴቱላታሰ ኡባፌ ገዴን ያና ዩሌታ ኡባራ ጫቂቲዛ ጫቆዛሰ ማላታይ ሃይሳ፤

13 ታኒ ታ ዙላ ሳሎ ቦላ ኤሳና፤ ኢዚ ታፔኔ ሃ ቢታ ቦላ ዲዛ ሜዴቱላፌ ገዴን ዲዛ ጫቆዛሰ ማላታ ገዴና።

14 ታኒ ቢታፌ ቦላን ሻራ ኤሂዳ ዋዴኔ ሻራ ቦላን ዙላይ ቤቲዳ ዋዴ፥

15 «ፓጻ ዲዛ ሜዴቱል ኡባ ዳይሳናሰ ሃይሳፌ ሲንላን ሙሌካ ዳይሳ ሃላ ዩና፤ ጋዳ ታፔኔ ኢንቴፌ ፓጻ ዲዛ ዱማ ዱማ ቆሞ ሜዴቱላታ ኡባፌ ገዴን ጫቂዳ ታ ቃላ ታ ቆፓና።

16 ዙላይ ሻራ ቦላ ቤቲዳ ዋዴ አይዴካ ታኒ ኢዛ ቤያዳ ታፔ ጸሳፌኔ ሃ ቢታ ቦላን ፓጻ ዲዛ ዱማ ዱማ ቆሞ ሜዴቱል ኡባፌ ገዴን ጫቆ ጌሊዳ ሚርና ጫቆ ቃላ ታ ሃሳኦና» ገዴሰ።

17 ጸሲ ኖሄ፥ «ታኒ ታፔኔ ሃ ቢታ ቦላን ፓጻ ዲዛ ኡባፌ ገዴን ጫቂዳ ጫቆዛሰ ማላታይ ሃይሳ» ገዴሰ።

ኖሄኔ ኢዛ ናይታ

18 ማርካቤዛፔ ኬዚዳ ኖሄ ናይቲ ሴሜ፥ ካሜኔ ያፌቲ፤ ካሜይ ካናኔ አዋ።

19 ሃይቲ ሄዛይካ ኖሄ ናይታ፤ ቢታ ኡባን ዲዛ አሳይ ኢሰታፌ ዩሌቲዴሰ።

20 ኖሄይ ጎሻንቻ፤ ኢዚ ዋይኔ ሚል ቶኬል ኦይኪዴሰ።

21 ኢሲ ጋላስ ኢዚ ዋይነፔ ኦሴቲዳ ጫጃ ኡዩ ማላቲዲ ባ ዲንካኔዛ ጊደን ፓጸ ካሎ ኢቺዴስ።

22 ካናኔ አዋ ካሜይ ባ አዋ ካሎቴላ ቤኢዲ ካሬ ኬዚዲ ባ አሻታ ናምአታስ ዮቲዴስ።

23 ጊደ ኣቲን ሴሜይኔ ያፌቲይ ማይኦ ኤኪዲ ናምአይካ ባ ሃሼ ሃሼ ቦላ ጋላ ኦይኪዲ ጉንዲጉላ ሄሜቲ ጌሊዲ ባ አዋ ካሎቴላ ካሚዳ፤ ኢስቲ ባ አዋ ካሎቴላ ቤኦንታ ማላ ባ አይፌሶ ጉዬ ዛሪዳ።

24 ኖሄይ ማላይ ኣቂን ቤጊዲ ኡባፌ ካሎ ናዚ ባ ቦላ ኦላዲይሳ ኤሪዲ፤

25 «ካናኔይ ቃንጌቲዳዝ ጊደ!

ኢዚ ባ አሻታ አይሌታስ

አይሌ ጊደ!» ጊዴስ።

26 ቃሴካ ኖሄይ፤

«ኅዳይ፤ ሴሜ ጸሲ ጋላቲቶ!

ካናኔይ ሴሜ አይሌ ጊደ!

27 ጸሲ ያፌቲ ቢታ ኣሶ!

ያፌቲ* ዜሬላቲ

ሴሜ ዜሬላታራ ዴቶ!

ካናኔይ ያፌቲ

አይሌ ጊደ!» ጊዴስ።

28 ቆይሳ ሃላፌ ጉዬ ኖሄይ 350 ላይላ ዴኢዴስ።

29 ኖሄይ ሙሌራ 950 ላይላ ዴዩዲ ሃይቂዴስ።

10

ኖሄ ናይታ ዜሬላታ

1 ኖሄ ናይታ፤ ሴሜ፤ ካሜኔ ያፌቲ ዩሌታይ ሃይሳፌ ካሊ ጸፊቲዳይሳ፤ ቆይሳ ሃላፌ ጉዬ ኢስታስ ኣቱማ ናይቲ ዩሌቲዳ።

2 ያፌቲ ኣቱማ ናይቲ ጎሜሬ፤ ማጎጌ፤ ማዳዩ፤ ያዋኔ፤ ቱባሌ፤ ሜሼኬኔ ቲራሴ

3 ጎሜሬ ኣቱማ ናይቲ ኣሽኬናዜ፤ ኢራፋቲኔ ቶጋርማ።

4 ያዋኔ ኣቱማ ናይቲ ኤሊሼ፤ ታርሴሴ፤ ኪቲሜኔ ኤርዴ። *

* 9:27 ያፌቲ፤ ያፌቲ ጉሲ ኣሶ ጉሳ ሚሳቲስ።

* 10:4 ታርሴሴ ጌቲቲዛራ ሃኢ ዋዴ ኢስፔጌ ጌቲታወስ፤ ኪቲሜ ጌቲቲዛራ ሃኢ ዋዴ ቆጶሮሴ ጌቲታወስ፤ ኤርዴ ጌቲቲዛራ ሃኢ ዋዴ ኤርዴ ጌቲቲዛ ሃሩርታ ዴሬኮ

5 ሃይታጎታፌ አባ ዶናን ዲዛ አሳይ ወሪ ባ ቢታጎ ቢታጎ፡ ባ ቃላን ቃላን፡ ባ ቆሞን ቆሞኒኔ ባ ካዎቲላን ካዎቲላን ሻኬቲዳስ።

6 ካሜ አቱማ ናይቲ ኩሹ፥ ጊብጾ፥ ፑጾኔ ካና። †

7 ኩሹ አቱማ ናይቲ ሴባ፡ ሃዊላ፡ ሳቢቱ፡ ኤራኢሜኔ ሳቢቱካ። ኤራኢሜ አቱማ ናይቲ ሳባኔ ዳዳ።

8 ኩሹይ ናሙሩዳ ዩሊዳስ፤ ናሙሩዳይ ቢታ ቦላን ኮይሮ ዋልቃማ ኦላንቻ ጊዲዳስ፤

9 ጎዳ ሲንላንካ ኢዚ ዋልቃማ ሻንካንቻ ጊዲዳስ፤ ሄሳ ጊሻስ፡ «ናሙሩዳ ማላ ጎዳ ሲንላን ዋልቃማ ሻንካንቻ ጊዳ» ጌቱቲስ።

10 ኢዛ ካዎቲላን ኮይሮ ካታማቲ ሳናኦሬ ቢታጎ ዲዛ ባቢሎኔ፡ ኤሬኬ፡ አካዴኔ ካላናሄ።

11-12 ኢዚ ሄ ቢታፌ አሶሬ ቢዲ ናናዌ፡ ኤራሆቦቲኔ ካላሄ ካታማታ ኦሊዳስ፤ ቃሴ ናናዌ፤ ካላሄ፤ ጊዶን ዲዛ ኤሬኬኔ ጌቱቲዛ ጊታ ካታማካ ኦሊዳስ።

13-14 ጊብጾይ ሉዲሜታ፡ አናሜታ፡ ላሃቤታ፡ ናፍቱሄታ፡ ጳጳርሴታ፡ ካሲሉሄታ፡ ፊሊስጾሜታ ዩሊዳ ካፍቶሬታ አዋ።

15-16 ካናይይ ባ ባይራ ናዛ ሲዶና፡ ኬጾታ፡ ያቡሴታ፡ አሞሬታ፡ ጌርጌሴታ አዋ፤

17 ቃሴካ ሂዊታ፡ አርቄታ፡ ሲኔታ፡

18 አርዋዴታ፡ ጳማሬታኔ ሃማቲታ አዋ። ሄሳፌ ጉዬ ካናኔ ዜሬላቲ ቢታ ቦላ ላሉቲዳ።

19 ካናኔ ቢታ ዛዋይ ሲዶና፤ ዶሚዲ ጌራሬኔ ጋዛራ ካንሊዲ፡ ሶዶሜኔ ጋዋራ፡ አዳማኔ ጸቦይሜ ካንሊ ቢዲ ላሻኤሬ ጋኬስ።

20 ካሜ አቱማ ናይቲ ባ ቆሞን ቆሞን፡ ባ ቃላን ቃላን፡ ባ ቢታጎ ቢታጎኔ ባ ካዎቲላን ካዎቲላን ጳፊቲዳይቲ ሃይታጎታ።

21 ሴሜስ ናይቲ ዩሉቲዳ፤ ኢዚ ያፊቲስ ባይራ ኢሻኔ ኤቦሬ ናይታ ኡባስ ማይዛ።

22 ሴሜ አቱማ ናይቲ ኤላሜ፡ አሶሬ፡ አርፋኪሲዳ፡ ሉዴኔ አራሜ።

23 አራሜ አቱማ ናይቲ ኡጾ፡ ሁሌ፡ ጌቱሬኔ ሜሹ።

24 አርፋኪሲዳይ ሹላሄ ዩሊዳስ። ሹላሄይ ኤቦሬ ዩሊዳስ።

25 ኤቦሬስ ናሞኡ አቱማ ናይቲ ዩሉቲዳ፤ ቢታጎ ዲዛ አሳይ ኢዛ ዋዴን ሻኬቲዳ ጊሻስ ኢሳ ሱንሊ ፔሌ፤ ‡ ጌቱቲዳስ፤ ኢዛ ኢሻዛ ሱንሊ ዮቂጻኔ ጌቱቲስ።

† 10:6 ፑጾ ጌቱቲዛራ ሃኢ ዋዴ ሊቢያ ጌቱታዉስ ‡ 10:25 ፔሌ፤ ጉሲ ኢብራዊታ ቃላራ ሻኬቲላ ጉሳ

26 የቀጸኔይ ናይታ ዩሊዳስ፤ ኢስቲካ አልሞዳዴ፥ ሼሌፌ፥
ሃጸርማዌቱ፥ ዩራሄ፥

27 ሃዶራሜ፥ ኡዛሌ፥ ዲቂሌ፥

28 ኦባሌ፥ አቢማኤሌ፥ ሳባ፥

29 ኦፊሬ፥ ሃዊላኔ የባቤ፤ ሃይታንቲ ወሪካ የቀጸኔ አቱማ
ናይታ።

30 ኢስቲ ዴኢዳ ቢታይ ኣርሼይ ሞኪዛ ባጋራ ዲዛ ዙማ
ሜሼፔ ቢዲ ሳፋሬ ጋኬስ።

31 ሴሜ አቱማ ናይቲ ባ ቆሞን ቆሞን፥ ባ ቃላን ቃላን፥ ባ
ቢታን ቢታኒኔ ባ ካዎቱላን ካዎቱላን ጸፊቲዳይቲ ሃይታንታ።

32 ሃይታንቲ ባ ቆሞን ቆሞኒኔ ባ ካዎቱላን ካዎቱላን ጸፊቲዳ
ኖሄ አቱማ ናይታ ዜሬላታ፤ ቋይሳ ሃላፊ ሲሚን ካዎቱላቲ
ሃይታንታፊ ቢታ ኡባ ቦላ ላሌቲዳ።

11

ባቢሎኔ ጊምቤ

1 ቢታ ቦላን ዲዛ ኣሲ ወሪ ኮይሮ ኢሲ ዶናኔ ኢሲ ቃላ
ሃሳዬስ።

2 አሳይ ኣርሼይ ሞኪዛ ባጋ ሲሚዲ ቢሼ ሳናኦሬ ጌቴቲዛ
ቢታን ኢሲ ዴምባሶ ዴሚዲ ሄን ኡቲዴስ።

3 ኢስቲ ኢሶይ አሳ፥ «ሃ ዪቴ፤ ጹቤ ሜዲዲ ኣኔ ታማን ጹጎስ»
ጊዲ ኢስታ ሹቻ ጊሻስ ጹቤ፥ ኡርቃ ጊሻስ ሺዳ

4 ኤኪዲ፥ «ሃ ዪቴ! ኑ ሱንሐ ጸይጊሳናሲኔ ቃሴ ኑኒ ሃ ቢታ
ኡባ ቦላን ላሌቶንታ ማላ ኢሲ ጊታ ካታማኔ ጸራይ ፑዴ ሳሎ
ጋኪዛ ኢሲ ጊምቤ ኣኔ ኬጾስ» ጊዳ።

5 ጊዶ አቲን ጎዳይ አሳይ ኬጾዳ ጊታ ካታማዛኔ ጊምቤዛ
ቤያናስ ዱጌ ዎዲዲ፥

6 «ሄኮ ኢስቲ ኢሲ አሳ! ቃሴ ኢስቲ ወሪካ ኢሲ ቃላን
ሃሳዬቲስ፤ ኢስቲ ሃኢ ሃይሳ ኦሶ ኦይኪዳፔ ጉዬ፥ ኢስቲ ባስ
ኦሳናስ ቆፒዳይሳ ኢስታ ዲጋናይ ዴና።

7 ሃ ዪቴ! ኣኔ ኑ ዱጌ ዎዲዲ ኢስቲ ኢሶይ አሳ ቃላ ኤርንታ
ማላ ኢስታ ቃላ ዋላኮስ» ጊዴስ።

8 ሄሳ ጊሻስ ጎዳይ ኢስታ ሄሳፊ ቢታ ኡባ ቦላን ላሊን ኢስቲ
ሄ ጊታ ካታማ ኦሒዛይሳ አጋጊዳ።

9 ጎዳይ ቢታ አሳ ቃላ ሄን ዋላኪዳ ጊሻስ ሄ ካታማያ ባቢሌ

* ጌቴታዱስ። ጎዳይ ኢስታ ሄሳፊ ቢታ ኡባ ቦላን ላሊዴስ።

* 11:9 ባቢሌ፡ ባቢሌ ጉሲ አብራዌታ ቃላራ ቢርሼላ ባይንዳ ሃሳያ።

ሴሜ ዘሬሐ

(1ታሪ 1:24-27)

10 ሴሜ ዘሬሐ ሃይሳፌ ካሊዲ ጳፌቲዳይሳ፤ ጳይሳ ሃሊ ሲሚን ናሞኡ ላይሳፌ ጉዬ ሴሜስ ላይሳይ 100 ጊዲን ሴሜይ ኦርፋኪሲዴ ዬሊዴስ።

11 ሴሜይ ኦርፋኪሲዴ ዬሊዳፔ ጉዬ 500 ላይሐ ዴኢዴስ፤ ሃራ ኣቱማ ናይታካ ማጫ ናይታካ ዬሊዴስ።

12 ኦርፋኪሲዴይ 35† ላይሐ ዴኢዲ ሹላሄ ዬሊዴስ፤

13 ኦርፋኪሲዴይ ሹላሄ ዬሊዳፔ ጉዬ 403 ላይሐ ዴኢዴስ፤ ሃራ ኣቱማ ናይታኑ ማጫ ናይታካ ዬሊዴስ።

14 ሹላሄይ 30‡ ላይሐ ዴኢዲ ኤቦሬ ዬሊዴስ፤

15 ሹላሄይ ኤቦሬ ዬሊዳፔ ጉዬ 403 ላይሐ ዴኢዴስ፤ ሃራ ኣቱማ ናይታኑ ማጫ ናይታ ዬሊዴስ።

16 ኤቦሬ ሄዡ ታማኔ ኦይዲ § ላይሐ ዴኢዲ ፔሌጌ ዬሊዴስ፤

17 ኤቦሬይ ፔሌጌ ዬሊዳፔ ጉዬ 430 ላይሐ ዴኢዴስ፤ ሃራ ኣቱማ ናይታኑ ማጫ ናይታ ዬሊዴስ።

18 ፔሌጌይ 30 ላይሐ ዴኢዲ ኤራኤ ዬሊዴስ፤

19 ፔሌጌይ ኤራኤ ዬሊዳፔ ጉዬ 209 ላይሐ ዴኢዴስ፤ ሃራ ኣቱማ ናይታኑ ማጫ ናይታ ዬሊዴስ።

20 ኤራኤይ 32 ላይሐ ዴኢዲ ሳሩጌ ዬሊዴስ፤

21 ኤራኤይ ሳሩጌ ዬሊዳፔ ጉዬ 207 ላይሐ ዴኢዴስ፤ ሃራ ኣቱማ ናይታኑ ማጫ ናይታ ዬሊዴስ።

22 ሳሩጌይ 30 ላይሐ ዴኢዲ ናኮሬ ዬሊዴስ፤

23 ሳሩጌይ ናኮሬ ዬሊዳፔ ጉዬ 200 ላይሐ ዴኢዴስ፤ ሃራ ኣቱማ ናይታኑ ማጫ ናይታ ዬሊዴስ።

24 ናኮሬይ 29* ላይሐ ዴኢዲ ታራ ዬሊዴስ።

25 ናኮሬይ ታራ ዬሊዳፔ ጉዬ 119 ላይሐ ዴኢዴስ፤ ሃራ ኣቱማ ናይታኑ ማጫ ናይታ ዬሊዴስ።

26 ታራይ 70 ላይሐ ዴኢዲ ኣብራሜ፥ ናኮሬኔ ሃራኔ ዬሊዴስ።

ታራ ዘሬሐ

27 ታራ ዬሌታይ ሃይሳፌ ካሊዲ ጳፌቲዳይሳ፤ ታራይ ኣብራሜ፥ ናኮሬኔ ሃራኔ ዬሊጊ ሃራኔይ ሎጼ ዬሊዴስ።

† 11:12 35 ጊዛይሳ ኢብራዊታ ማጻፋን ላፑን ታሙ ኤራንቻቲ 135 ጌቲስ።

‡ 11:14 30 ጊዛይሳ ኢብራዊታ ማጻፋን ላፑን ታሙ ኤራንቻቲ 130 ጌቲስ።

§ 11:16 ሄዡ ታማኔ ኦይዲ ጊዛይሳ ኢብራዊታ ማጻፋን ላፑን ታሙ ኤራንቻቲ 134 ጌቲስ። * 11:24 29 ጊዛይሳ ኢብራዊታ ማጻፋን ላፑን ታሙ ኤራንቻቲ 109 ጌቲስ።

28 ሃራኔይ ባ አዋይ ታራይ ፓጻ ዲሺን ባ ዩሌቲዳ ካላዳዌታ ቢታን ኡሬ ጌቴቲዛ ጌታ ካታማን ሃይቂዳስ።

29 አብራሚይ ናኮሬይ ናምኣይካ ማቺዳ፤ አብራሚ ማቺይ ሱንሐ ሶራ፤ ቃሴ ናኮሬ ማቺይ ሱንሐ ሚልካ፤ ሚልካይ ሃራኔ ና፤ ሃራኔይ ሚልኪሲኔ ዩሰካኒሲ አዋ።

30 ሶራይ ማይኔ፤ ኢዚሰ ናይ ባዋ።

31 ታራይ ባ ና አብራሚ፥ ባ ናዛ ሃራኔ ና ሎጾኔ ባ ና አብራሚ ማቺ ሶራ ኤኪዲ ኬዚን ኢሰቲ ኢሲፌ ካናኔ ቢታ ባናሰ ኡሬ ጌቴቲዛ ካላዳዌታ ካታማ፤ ዴንዲዳ፤ ጌዶ አቲን ኢሰቲ ካራኔ ጌቴቲዛ ካታማ ጋካናሰ ቢዲ ሄን ዴኢዳ።

32 ታራይ 205 ላይሐ ዴኢዲ ካራኔን ሃይቂዳስ።

12

አብራሚ ጸይጌቲሐ

1 ጎዳይ አብራሚ፥ «ኔ ዴሬፔ፥ ኔ ዳቦታፔኔ ኔ አዋ ኬላ አሳፔ ቫኬታዳ ታኒ ኔና ቤሲዛ ቢታ ባ።

2 «ታኒ ኔና

ጌታ ካዋቴሐ ኦላና፤

ቃሴካ አንጃና፤

ኔ ሱንሐ ጌታሳና፤

ኔካ ሃራታሰ አንጃ ጌዳና።

3 ኔና አንጂዛይታ ታ አንጃና፤

ኔና ቃንጊዛይታካ

ታ ቃንጋና፤

ቢታ ሶላ ዲዛ አሲ ዉሪ

ኔ ባጋራ አንጃታና» ጌዴሰ።

4 አብራሚይ ጎዳይ ኢዛሰ ዮቲዳ ማላ ዴንዲ ቢዴሰ፤ ሎጾይካ ኢዛራ ቢዴሰ፤ አብራሚይ ካራኔ ዴሬፔ ቢሺን ኢዛሰ ላይላይ ላፑን ታማኔ ኢቻሻ።

5 አብራሚይ ባ ማቺዮ ሶራ፥ ባ ኢሻ ና ሎጾ፥ ካራኔን ኢሰቲ ዴሚዳ አይሌታኔ ሄን ሺሺዳ ባንታ አቆታ ኡባ ኤኪዲ ካናኔ ቢታ ቢዴሰ።

6 አብራሚይ ሄ ቢታን ሴኬሚን ሞሬ ጌቴቲዛሶን ዲዛ ጌታ ሚላኮ ጋካናሰ ቢዴሰ፤ ሄ ዋዴ ካናኔ አሳቲ ሄ ቢታን ዴቴሰ።

7 ጎዳይ አብራሜስ ቆንጪዲ፥ «ሃ ቢታ ታኒ ኔ ዜሬላስ አማና» ጊዳስ፤ ኢዚ ባስ ቆንጪዲ ጎዳስ ሄ ሶሆን ያርሾ ያርሺዛሶ ኬዲዲ ጎይኒዳስ።

8 ሄሳፌ ዳንዲዲ ቤቴሌፔ አርሼይ ሞኪዛ ባጋራ ዲዛ ዙማቲዛሶ ቢዲ ሄን ቤቴሌ አርሼይ ወሊዛ ባጋን አጊዲ ቃሴ አዬ ጌቴቲዛ ካታማ አርሼይ ሞኪዛ ባጋ አጊዲ ጊዶን ባ ዲንካኔ ቶሊዳስ፤ ሄንካ ጎዳስ ያርሾ ያርሺዛሶ ኬዲዲ ጎዳ ሱንሳ ጸይጊዳስ።

9 ሄሳፌ ጉዬ አብራሜይ ሄፔ ዳንዲ ቢዲ ኔጌቤ * ጌቴቲዛ ባዞ ጋኪዳስ።

ጊብጼ አብራሜ ቡስ

10 ሄ ዎዴ ካናኔ ቢታን ኮሻይ ዳንዲን ኮሻዚ ኬሄ ኢታ ጊዲዳ ጊሻስ አብራሜይ ኮሻ ዎዴ አፋናስ ዲጌ ጊብጼ ዎዲዳስ።

11 ጊብጼ ጌላና ሃኒሺን አብራሜይ ባ ማቼዮ ሶራ፥ «ሲያ! ኔ ዳሮ ማላ ሎኦ ማጫስ ጊዲዳይሳ ታ ኤራይስ።

12 ጊብጼ አሳይ ኔና ቤኢዛ ዎዴ ኢስታስ፥ «ሃና ኢዛ ማቾ» ጊዲ ኔና አጊዲ ታና ዎዳና።

13 ሄሳ ጊሻስ ኢስቲ ታስ ኔ ጋሶን ኪያና ማላኔ ቃሴ ኔ ጋሶን ታ ሃይቆንታ አታና ማላ ኔኒ፥ «ታ ኢዛስ ሚቾ» ጋ» ጊዳስ።

14 አብራሜይ ጊብጼ ቢታ ጌሊዳ ዎዴ ጊብጼ አሳቲ ሄ ማጫሳያ ዳሮ ማላ ሎኦ ማጫስ ጊዲዳይሳ ቤኢዳ።

15 ቃሴ ጊብጼ ካዎስ ኦላዛ ሃላቃቲካ ኢዞ ቤኢዲ ካዎ ሲንሳን ኢዞ ናሺዳ፤ ሂስቲዲ ኢዞ ካዎሶ ኤፊዳ።

16 ሂስቲን ኢዚ ጌዶን ካዎይ አብራሜ ሎኦ አይፌን ጸሊዲ አብራሜስ ዶርሳታኔ ቦራታ፥ አዴ ሃሬታኔ ማጫ ሃሬታ፥ አዴ አይሌታኔ ማጫ አይሌታ፥ ጋሜላታካ ኢሚዳስ።

17 ጊዶ አቲን ጎዳይ አብራሜ ማቼዮ ሶራ ጌዶን ጊብጼ ካዎ ቦላኔ ኢዛሶ አሳ ቦላ ቦሻ ዬዲዳስ።

18 ሂስቲን ካዎዚ አብራሜ ጸይጊዲ፥ «ኔኒ ሃይሳ አይስ ታ ቦላ ኦላዲ? ኢዞ ኔ ማቾ ጊዲዳይሳ አይስ ታስ ዮታቤኪ?

19 ታ ኢዞ ማቾ ኤካና ማላ፥ «ኢዛ ታ ሚቾ» ጋዳ አዛስ ዎርዶታዲ? ሄኮ ሃኖ ኔ ማቼዮ ኤካዳ ባ!» ጊዳስ።

12:7 ሃዋ 7:5፤ ጋላ 3:16 * 12:9 ኔጌቤ ጌቴቲዛይሲ አብራሜታ ቃላራ ዲጌሃ ባጋ ዴሬ ጉሳ 12:13 ሜዴ 20:2፤ 26:7

20 ካዋዚካ ባ አይሌታ አብራሚ ኢዛ ማቼይራኔ ኢዛስ ዲዛዝ ኡባ ኬሲዲ ዬዳና ማላ አዛዚን አይሌቲ ኢስታ ዴሬፔ ኬሲ ዬዲዲ።

13

አብራሚኔ ሎጼ ሻኬቲል

1 ሄሳ ጊሻስ አብራሚይ ባ ማቼይራኔ ባስ ዲዛዝ ኡባራ ጊብጼፔ ኔጌቤ ባዞ ቢዴስ፤ ሎጼይካ ኢዛራ ቢዴስ።

2 አብራሚይ ሄ ዋዴ ማሄን፣ ቢራኒኔ ዋርቃን ዳሮ ዲሬቲዴስ።

3 ኢዚ ኔጌቤፔ ዴንዲዲ ቤቴሌ ጋካናስ ቢዴስ፤ ቤቴሌፔኔ አዬፔ ጊዶን ዲዛ ዴሬ ቢዴስ፤ ሄሶይካ ኢዚ ኮይሮ ባ ዴንካኔ ቶሊዲ።

4 ያርሾ ሺሻናስ ኬዲዳሶ፤ ሄንካ አብራሚይ ጎዳ ሱንል ዴይጊዴስ።

5 አብራሚራ ዩዩዛ ሎጼስካ ዳሮ ሚዚ፣ ዶርሲ፣ ዴይሺኔ ዴንካኔይ ዴስ።

6 ጊዶ ኣቲን ኢስታስ ዳሮ ማሄይ ዲዛ ጊሻሲኔ ኢስቲ ኢሲፌ ዳናስ ኢስታስ ቢታይ ጽሚዳ ጊሻስ ኢሲፌ ዳናስ ዳንዳይቤቴና።

7 ሄሳ ጌዶን አብራሚ ዉዴ ሄሚዛይታ ጊዶኒኔ ሎጼ ዉዴ ሄሚዛይታ ጊዶን ኦሺ ማዴቲዴስ፤ ሄ ዋዴ ካናቴኔ ፓሪዘቲ ሄ ቢታን ዴቴስ።

8 ሂስቲን አብራሚይ ሎጼስ፣ «ኮኒ አሻንታ ጊዲዳ ጊሻስ፣ ኮ ጊዶን፣ ታ ማሄ ሄሚዛይታ ጊዶኒኔ ኔ ማሄ ሄሚዛይታ ጊዶን ኦሽ ማዴቲ።

9 ቢታይ ዉሪ ኔ ሲንፋን ዴኔ? አኔ ኮኒ ሻኬቶስ፤ ኔኒ ሃዲርሳ ባጋ ቢኮ፣ ታኒ ኡሻቻ ባጋ ባና፤ ኔኒ ኡሻቻ ባጋ ቢኮ ታኒ ሃዲርሳ ባጋ ባና» ጊዴስ።

10 ሎጼይ ዩዩ አዲ ዴሊዲ ዮርዳኖሴ ሾባይ ቢዲ ዘኣሬ ጋካናስ ጎዳ ጋናቲ ዋይኮ ጊብጼ ቢታ ማላ ዳሮ ሃሊ ዲዛይሳ ቤኢዴስ። (ሄሲካ ጎዳይ ሶዶሜኔ ጋሞራ ጌቴቲዛ ካታማታ ዳይሳናፔ ካሴ።)

11 ሄሳ ጊሻስ ሎጼይ ባስ ዮርዳኖሴ ሾባ ኡባ ዶሪዲ ኣርሼይ ሞኪዛ ባጋራ ቢዳ ጊሻስ ኢስቲ ባ ጋርሳን ሻኬቲዳ።

12 አብራሚይ ካናኔ ቢታን ዴኢዴስ፤ ሎጼይ ጊዲኮ ሾባን ዲዛ ጊታ ካታማታ ጊዶን ኡቲዲ ሶዶሜ ካታማ ማታን ባ ዴንካኔዛ ቶሊዴስ።

13 ሄ ዋዴ ሶዶሜ አሳይ ኢታኔ ጎዳ ሲንላን ፓላ ናጋራ ኦሊዛይታ።

14 ሎጼይ አብራሜፔ ሻኬቲዳፔ ጉዬ ጎዳይ አብራሜ፥ «ጵቁ ጋዳ ኔኒ ዲዛሶፔ አርሼይ ሞኪዛ ባጋኔ ጌሊዛ ባጋ ቃሴ ዱጌሃ ባጋኔ ፑዴሃ ባጋ ጸላ።

15 ሃይሳ ኔኒ ጸሊዛ ቢታ ኡባ ታ ኔሲኔ ኔ ዜሬላሰ ሜርናሰ አማና።

16 ታኒ ኔ ዜሬላ ቢታ አጩ ማላ ዳርሳና፤ ኦኒካ ቢታ አጩ ታይባና ዳንዳይኮ ኔ ዜሬሊካ ታይቤታና።

17 ዴንዳዳ ቢታ ቦላ ፑዴኔ ዱጌ፥ ያኔ ሃ ዩያ ጸላ፤ ጋሶይካ ታኒ ሃይሳ ቢታ ኔሰ አማና» ጌዴሰ።

18 ሂሰቲን አብራሜይ ባ ዱንካኔዛ ሾዲዲ፥ ኩብሮኔን ማማሬ ጌቲቲዛሶን ዲዛ ጌታ ሚላ ኦቻን ዴአናሰ ቢዴሰ። ሄንካ ጎዳሰ ያርሾ ያርሺዛሶ ኬጺዴሰ።

14

አብራሜይ ሎጼ ዋሊ ኤኮ

1 ሄ ዋዴ ሳናኦሬ ካዋይ አሚራፌሌይ፥ ኤላሳሬ ካዋይ አርዮኬይ፥ ኤላሜ ካዋይ ካዶርላኦሚሬይኔ አይዛቤ ካዋ ቲዲኦሌይ ኦይዳቲ፥

2 ሶዶሜ ካዋ ቤራኤራ፥ ጋሞራ ካዋ ቢርሻራ፥ አዳማ ካዋ ሺንኦቤራ፥ ጸቦይሜ ካዋ ሼሜቤሬይኔ (ዘኣሬ ጌቲቲዛ) ቤላ ካዋራ ኦሌታናሰ ቢዳ።

3 ሃ ኢቻሹ ካዋቲ ጋጊዲ ኢሲ ባጋ ጊዲዲ፥ (ሃይቆ አባ ጌቲቲዛ) ሲዲሜ ሾባን ሸቂዳ።

4 ኢሰቲ ካሴ ታማኔ ናሞኡ ላይላ ካዶርላኦሚሬሰ ሃሬቲዳ፤ ጊዶ ኦቲን ታማኔ ሄሻንላ ላይላን ኢዛ ቦላ ማካሊዳ።

5 ታማኔ ኦይዳንላ ላይላን ካዶርላኦሚሬይኔ ኢዛራ ዙፔቲዳ ካዋቲ ባ ኦላንቻታ ኤኪ ቢዲ፥ አሰታሮቲ-ቃርናይሜን ዲዛ ኤራፋይሚታ፥ ሃማን ዲዛ ዙዜታኔ ሻቁ-ቂሪያታይሜን ዲዛ ኤሚሜ ጌቲቲዛ ዴሬታ ኦሊዲ ጸኒዳ።

6 ሆሬ ቢታ አሳታካ ሴይሬ ዙማ ቦላ ኦሊዲ ባዙ ኦቻን ዲዛ ኤልፓራኔ ጌቲቲዛሶ ጋካናሰ ጎዲዳ።

7 ሃሳፌ ጉዬ ሲሚዲ ኤን-ሚሺፓጼ ዪዳ። (ሃኢ ሄ ዴሬይ ቃዴሴ ጌቲቲሰ።) ኢሰቲ አማሌቂታ ቢታ ቃሴ ሃጸጸኔ ታማሬ ጌቲቲዛሶን ዲዛ አሞሬ አሳ ኡባ ኦሊዲ ጸኒዳ።

8 ሄሳፌ ሲሚን፡ ሶዶሜ ካዎይ፡ ጋሞራ ካዎይ፡ አዳማ ካዎይ፡ ጸባይሜ ካዎይን (ዘኣሬ ጌቲቲዛ) ቤላ ካዎይ ዴንዲዲ ሲዲሜ ሾባን ኦላስ ሳልፊዳ።

9 ሃይቲ ወሪ ኤላሜ ካዎራ፡ ኣይዛቤታ ካዎራ፡ ሳናኦሬ ካዎራ፡ ኤላሳሬ ካዎራ (ሃ ኢቻሹ ካዎቲ ኦይዲ ካዎታራ) ኦሌቲዳ።

10 ሄ ዎዴ ሲዲሜ ሾባን፡ ሺዳ ኦይኪዛ ዳሮ ኦላይ ዴስ። ሶዶሜ ካዎይን ጋሞራ ካዎይ ባ ኦላ አሳራ ኦላፔ ባቃቲሺን፡ ኢስታፌ ጉሳቲ ሄ ኦላታን ኩንዲዳ፤ ጊዶ ኣቲን ኣቲዳይቲ ፑዴ ዙማ ቦላ ባቃቲዳ።

11 ኦይዲ ካዎቲ ሶዶሜን ጋሞራ ካታማታ አቆታኔ ሚዛ ካላ ኡባ ቦንቂ ኤኪ ቢዳ።

12 ኣብራሜ ኢሻ ናይ ሎጾይ፡ ሶዶሜን ዲዛ ገሻስ ኢዛካ ኢዛ አቆታካ ኡባ ኤኪ ቢዳ።

13 ሄሳፌ ጉዬ ኢሲ ኣሲ ኬሲ ኤኪዲ ባቃቲ ዪዲ ኢብራዌ ኣብራሜስ ሄሳ ዮቲዴስ፤ ኣብራሜይ ሄ ዎዴ ኤሽኮሌኔ ኣኔሬ ኢሻ ኣሞሬ ዴሬ ኣስ ማሚሬ ዎላ ኣቻን ዴስ፤ ኢስቲ ወሪካ ኦላ ዛራናስ ኣብራሜራ ጫቂቲዳ።

14 ኣብራሜይ ባ ዳቦይ ዲኤቲዳይሳ ሲዬዳ ዎዴ ኦላ ኤሪዛ ባሶን ዬሌቲዳ ሄቹ ጾታኔ ታማኔ ኦስፑን ኣሳ ዴንሊዴስ፤ ሄ ኦይዲ ካዎታ ካሊዲ ዳኔ ጌቲቲዛ ካታማ ጋካናስ ቢዴስ።

15 ሄን ኦማርሳን ባ ኣሳ ጩጋን ጩጋን ሻኪዲ፡ ባ ሞርኬታራ ኦሌቲዲ ጸኒዴስ፤ ሂስቲዲ ዳማስቆፌ ቦላ ባጋራ ዲዛ ሆቤ ጌቲቲዛሶ ጋካናስ ጎዲዴስ።

16 ኣብራሜይካ ባ ዳቦ ሎጾኔ ኢዛ ኣቆታ ኡባ ካሴ ዲኤቲዳ ማጫሳኔ ሃራ ኣሳካ ዎሊ ኤኪዴስ።

17 ኣብራሜይ ካዶርላኦሜሬኔ ኢዛራ ዙፔቲዳ ካዎታ ጸኒዲ ሲሚዳፔ ጉዬ፡ ሶዶሜ ካዎይ፡ (ካዎታ ሾባ ጌቲቲዛ) ሻዌሃ ሾባን ኢዛ ሞካናስ ኬዚዴስ።

ማልኬዬዴቂ ኣንጆ

18 ሄ ዎዴ፡ ሳሌሜ ካዎይ ማልኬዬዴቂይ ኡኬሊኔ ዎይኔ ኡሹ ኤኪ ዪዴስ፤ ኢዚካ ኡባፌ ቆቃ ጸሳ ቄሴ።

19 ኢዚ ኣብራሜ ሂዝጊ ኣንጂዴስ፤

«ኡባፌ ቆቃ ጸሲ

ሳሎኔ ሳኣ ሜዲዳይሲ

ኣብራሜ ኣንጆ።

20 ቃሴ ኡባፌ ቆቃ ጸሲ፡

ኔ ሞርኬታ ኔ ኩሼን

አሉ አሚዳይሲ
ጋላቱቶ» ገደሰ።

አብራሚያ ኡባፌ ታማፌ ኢሲ ኩሼ ኬሲዲ ማልኬዴዳቄስ አሚዳይሲ።

21 ሶዶሜ ካዎይ አብራሚያ፡ «ታ አሳ ታሰ ዛራዳ ኔ ዲኢዳ ሜሄዛ ኡባ ኔሰ ኤካ» ገደሰ።

22 ገደ አቲን አብራሚያ ሶዶሜ ካዎ፡ «ታኒ ጎዳሰ፡ ኡባፌ ቶቃ ጸሳሰ፡ ሳሎኔ ሳኦ ሜዲዳይሳሰ፡ ታ ኩሼ ዴንሳዳ ጫቃይቻዲሰ።

23-24 ታ አሳይ ሚዳይሳፌኔ ታናራ ቢዳ አኔሬ፡ ኤሽኮሌኔ ማሚሬ ጋኪዛይሳፌ አቲን ኔኒ፡ «አብራሚ ታኒ ዲሬሳዲሰ ጎንታ ማላ ታኒ ኔይሳፌ ሃራይ አቶ ኢሲ ሚሽ ዎይኮ ጫማ ኪሬካ ታ ኤኪኬ፤ ኢሰቲ ባና ጋኪዛይሳ ኤኬቶ» ገደሰ።

15

ጸሳይ አብራሚስ ጌሊዳ ጫቆ ቃላ

1 ሄሳፌ ጉዬ ጎዳ ቃላይ አጂታን አብራሚኮ ዪዲ፡ «አብራሚ፡ ባቦፋ! ታኒ ኔሰ ጎንዳሌ፤ ኔ አንጃይ ኬሂ ጌታ» ገደሰ።

2 አብራሚያ፡ «አቤት ኡባ ሃሪዛ ጎዳዉ! ታሰ ሙሌካ ናይ ባይንዳ ገሻሰ ኔኒ አሚዛ አሞታይ ታሰ አይሴ? ዳማሰቆ ዳሬ አሰ አልኤዜሬይ ታና ላታና» ገደሰ።

3 ቃሴካ አብራሚያ፡ «ኔኒ ታሰ አይኮ ና አማቤካ፤ ሄሳ ገሻሰ ታሰን ዲዛ አይሌይ ታና ላታናሰ ዳሰ» ገደሰ።

4 ጎዳ ቃላይ ኢዛኮ ዪዲ፡ «ሃይሲ አይሌይ ኔና ላቲና፤ ኔፔ ዩሌቲዳይ ኔና ላታና» ገደሰ።

5 ሄሳፌ ጉዬ ጎዳይ አብራሚ ካሬ ኬሲዲ፡ «ፑዳ ሳሎ ጸላ፤ ኔኒ ጸሊንቲታ ታይባናሰ ዳንዳይኮ ታይባ፤ ኔ ዜሬላይካ ሃይሳ ማላ ገዳና» ገደሰ።

6 አብራሚያካ ጎዳ አማኒዳሰ፤ ኢዛ አማኖይካ ጸሎቲላን ቆዳቲዳሰ።

7 ቃሴካ ጎዳይ ኢዛ፡ «ኔ ሃይሳ ቢታ ላታና ማላ ታ ኔሰ አማናሰ ኡሬ ጌቲቲዛ ካላዳቂታ ካታማፔ ኔና ኬሳ ኤሂዳ ጎዳይ ታና ዲኪና?» ገደሰ።

8 ገደ አቲን አብራሚያ ኢዛ፡ «አቤት ኡባ ሃሪዛ ጎዳዉ! ታኒ ሃይሳ ቢታ ላታናይሳ አዛን ኤር?» ገደሰ።

9 ጎዳይካ ኢዛ፡ «ሄሹ ላይላ ኡስ፡ ሄሹ ላይላ ዳይሽ፡ ሄሹ ላይላ ደርሳ ላቃኔ ናምኡ ቆሞ ሃራጾታ ታስ ኤካ ያ» ጊዳስ።

10 ኢዚ ሄይታ ኡባታ ኢዛስ ኤኪ ኤፊ ሹኪዲ ጊዶን ናምኡ ናምኡ ኬሲ ሻኪዲ ኢሳ ኢሳ ጊናን ዋሊዳስ፤ ጊዶ ኣቲን ካፎታ ናምኡ ኬሲቤና።

11 ሄ ዋዴ ኣንኮ ካፎቲ ሄ ኣሾዛ ቦላ ኡቲን ኣብራሚይ ኢስታ ጎዲዳስ።

12 ኣርሼይ ወሊዛ ዋዴ ኣብራሚ ዋልቃማ ጳሰኮይ ኣይኪን ዳጋንሊዛ ጊርዲ ጊዳ ጳማይ ኢዛ ቦላ ጳሚዳስ።

13 ሂስቲን ጎዳይ ኢዛስ፡ «ኔ ዘሬላይ ሃራ ቢታን ቤቲ ጊዲ ዳናይሳ ኔኒ ቱማፔ ኤራ፤ ኢስቲ ኣይሌቲዲ 400 ላይላ ዩጴቲ ሃራታና።

14 ኣይሌሲዲ ኢስታ ሃሪዛ ካዋቲላ ታ ቃጸያና፤ ሄሳፌ ጉዬ ኢስቲ ዳሮ ኣቆራ ሄ ቢታፌ ኬዛና።

15 ኔኒ ጊዲኮ ኔ ኣዋታኮ ሳርን ባና፤ ኔ ኬሃ ጨማዳ ሃይቃናኔ ሞጌታና።

16 ኣይዳንሶ ዩሌታን ኔ ዘሬላይ ሃ ቢታ ሲማና፤ ኣይስ ጊኮ ኣሞሬ ዳሬ ኣሳ ናጋራይ ቡሮ ኩሞንታ ጊሻሳ» ጊዳስ።

17 ኣርሼይ ወሊን ጋዴይ ጳሚዳፔ ጉዬ ጮጮ ታማ ላጮይኔ ጮዋይ ቤቲዲ ሄ ናምኡ ናምኡ ኬዚ ሻኬቲዳ ኣሾታ ጊዶራ ካንሊዳስ።

18 ሄ ጋላስ ጎዳይ ኣብራሚስ፡ «ጊብጼ ሻፋፔ ዶሚዲ ኤፊራጺሴ ጌቲቲዛ ጊታ ሻፋ ጋካናስ ሃ ቢታ ታኒ ኔ ዘሬላስ ኢማዲስ።

19-21 ሄይቲካ ቄናዌታ፡ ቄናዜታ፡ ቃዲሞኔታ፡ ሂቲታ፡ ፓሪዜታ፡ ኤራፋይሚታ፡ ኣሞሬታ፡ ካናኔታ፡ ጌርጌሴታኔ ያቡሴታ ቢታ» ጊ ጫቂዳስ።

16

ኣጋርኔ ኢስማኤሌ

1 ኣብራሚ ማቹያ ሶራይ ኢዛስ ሃኢካ ና ዩላቤኩ፤ ጊዶ ኣቲን ኢዚስ ጊብጼፔ ዱዳ ኣጋር ጌቲቲዛ ኢሲ ኣይሌያ ዳወስ።

2 ሄሳ ጊሻስ ሶራይ ኣብራሚ ጸይጋዳ፡ «ቤያ! ጎዳይ ታና ዩሎ ዲጊዳስ። ኔኒ ባዳ፡ ታ ኣይሌይራ ኣቃ፤ ኦኔ ኤሪዛይ፡ ታኒ

ኢዚ ባጋራ ና ኣዮ ጊዳናኮኔ» ጋዱስ፤ ሂሰቲን ኣብራሚይ ሶራ ቃላ ሲዪዳስ።

3 ኣብራሚይ ካናኔ ቢታን ታሙ ላይሰ ኡቲዳፔ ጉዬ ኣብራሚ ማቼያ ሶራይ ጊብጾፔ ኤሂዳ ባ ኣይሌዮ ኣጋሮ፣ ባ ኣዚና ኣብራሚስ ማቾ ሂሰታ ኢማዱስ።

4 ኣብራሚይካ ኣጋሮ ኤኪን ኢዛ ቃንላታዱስ፤ ኢዛ ባስ ሻራይ ኣቲዳይሳ ኤሪዳ ዋዴ ባ ጎዳቲዮ ሊቃዱስ።

5 ሄ ዋዴ ሶራይ ኣብራሚ፣ «ታ ቆሄቲዛ ቆሆይ ኔና ጋኮ፤ ታኒ ታ ኣይሌዮ ኔስ ኢሚን ኢዛ ሃኢ ባስ ሻራይ ኣቲዳይሳ ኤሪዳ ታና ሊቃወስ። ኔስኔ ታስ ጸሲ ፒርዶ» ጋዱስ።

6 ኣብራሚይካ ሶራ፣ «ሃኖ ቤያ! ኔ ኣይሌያ ኔ ኩሼን ዳወስ፤ ኔኒ ኢዞ ኔና ሎኢዳዝ ኦላ» ጊዳስ፤ ሂሳፌ ጉዬ ሶራይ ኣጋሮ ቆሂን ኢዛ ኬዛዳ ኢዚፔ ቤታዱስ።

7 ጎዳ ኪታንቻይ ኣጋሮ ባዞን ፑልቶ ሃላ ኣቻን ዴሚዳስ፤ ሄ ፑልቶይ ሹራ ጌቲቲዛ ቢታ ኤፊዛ ኦጌ ማታን ዴስ።

8 ኢዚካ ኣጋሮ፣ «ሃኔ ሶራ ኣይሌ ኣጋሬ! ኣዋፔ ያዲ? ቃሴ ኣዋ ባይ?» ጊ ኦይቺዳስ።

ኢዛ፣ «ታኒ ታ ጎዳቲዮ ሶራፔ ቤቲ ባይስ» ጋዱስ።

9 ጎዳ ኪታንቻይካ ኢዚስ፣ «ኔኒ ኔ ጎዳቲይኮ ጉዬ ሲማ ባዳ ኢዚስ ሃሬታ» ጊዳስ

10 ቃሴካ ጸሳ ኪታንቻይ ኢዞ፣ «ኔ ዜሬሰ ታይባናስ ዳንዳዬቶንታይሳ ኬና ታኒ ዳርሳና» ጊዳስ።

11 ቃሴካ ጎዳ ኪታንቻይ ኢዞ፣

«ሃኢ ኔኒ ቃንላታዳሳ፤

ኔኒ ኣቲማ ና ዬላና፤

ዬላዳ ኢዛ ኢስማኤሌ *

ጋዳ ሱጎላና፤

ጋሶይካ ጸሲ

ኔ ዋሳ ሲዪዳስ።

12 ኢዚ ባዞን ዬዳ ዲዛ

ሃሬ ማላ ጊዳና፤

ኣሳ ኡባራ ኢዚ ኤቄታና፤

ቃሴ ኣሲ ዉሪካ ኢዛራ ኤቄታና፤

ኢዚ ባ ኢሻታ ኡባራ

ኢጾቲ ዳና» ጊዳስ።

* 16:11 ኢብራዊታ ቃላራ ኢስማኤሌ ጉሲ፣ «ጸሲ ሲዬስ» ጉሳ።

13 አጋራካ፡ «ታኒ ታና ቤኢዛይሳ ቤኢዳ ፓጸ አታኔ?» ጋዳ ኢዛ ባሰ ሃሳይዳ ጎዳ፡ «ኔኒ ታና ቤኢዛ ጸሳ» ጋ ሱንላዲሰ።
 14 ሄሳ ጊሻሰ ሄ ፑልቶ ኦላይ፡ «ታና ቤኢዛ ዳኦ ጸሳ ፑልቶ» ጌቴቲዳሰ፤ ሄ ኦላይ ሃኢ ጋካናሰ ቃዴሰፔኔ ባሬዴፔ ጊዶን ዳሰ።
 15 አጋራ አብራሚሰ አቱማ ና ዩላዲሰ፤ አብራሚይ አጋራ ዩሊዳ ናዛ ኢሰማኤሌ ጊ ሱንላዲሰ።
 16 አጋራ ኢሰማኤሌ አብራሚሰ ዩሊዳ ዎዴ አብራሚ ላይላይ 86።

17

ቃጸራ ዎጋ

1 አብራሚ ላይሊ ኡዱፋን ታማኔ ኡዱፋን ጊዲሺን ጎዳይ ኢዛሰ ቆንጨዲ፡ «ታኒ ኡባ ዳንዳይዛ ጸሳ፤ ኔ ታ ሲንላን ሱሬ ሄማታ።
 2 ታኒ ታፔኔ ኔፔ ጊዶን ዲዛ ጫቆ ቃላ ሚንላና፤ ታኒ ኔ ዜሬላ ኬሃ ዳርሳና!» ጊዳሰ።
 3 አብራሚይ ቢታን ዱጌ ጉፋኒዲ ሁኤይ ቢታ ቦቹን ኢዚ ጸሳሰ ዘጊን ጸሲ ኢዛሰ።
 4 «ሃኢ ታ ኔናራ ጫቂዛ ጫቆይ ሃይሳ፤ ኔኒ ዳሮ ካዎቴላታሰ አዋ ጊዳና።
 5 ሃቺፌ ጉዬ ኔ ሱንላ አብራሚ ጌቴቴና፤ ጊዶ አቲን ኔ ሱንላ አብራሃሚ * ጌቴታና፤ አዛሰ ጊኮ ታኒ ኔና ዳሮ ካዎቴላታሰ አዋ አላዲሰ።
 6 ታኒ ኔና ኬሃ ዳርሳና፤ ታኒ ኔና ዳሮ ካዎቴላ ሂሰታና፤ ካዎቴካ ኔፔ ኬዛና።
 7 ታኒ ታፔኔ ኔፔ፡ ኔፔ ጉዬ ኔ ዜሬላ ጊዶን፤ ዩሌታፔ ዩሌታ ጋካናሰ ታ ጌሊዳ ጫቆ ቃላ ሚንላና፤ ሃ ጫቆይካ ታኒ ኔሲኔ ኔፔ ጉዬ ኔ ዜሬላሰ ጸሰ ጊዳና።
 8 ሃኢ ኔኒ ቤቴ ጊዳዳ ዲዛ ካናኔ ዳሬይ ዉሪ ኔሲኔ ኔፔ ጉዬ ኔ ዜሬላሰ ሚርናሰ ላታ ቢታ ጊዳና ማላ ታኒ ኢማና፤ ቃሴ ታኒ ኢሰታ ጸሰ ጊዳና» ጊዳሰ።
 9 ቃሴካ ጸሲ አብራሃሚ፡ «ኔካ ኔፔ ጉዬ ኔ ዜሬላይካ፤ ዩሌታፔ ዩሌታ ጋካናሰ ታ ጫቆ ቃላ ናጊቴ።
 10 ታፔኔ ኔፔ፡ ኔፔ ጉዬ ኔ ዜሬላ ጊዶን ኢንቴ ናጋና ታ ጫቆ ቃላይ ሃይሳ፤ ኢንቴ ጊዶን ዲዛ አቱማሰ ኡባይ ቃጸሬቶ።

16:15 ጋላ 4:22 * 17:5 አብራሚ ቃላራ አብራሃሚ ጉሲ፡ «ዳሮ አሳ አዋ» ጉሳ። 17:5 ኦሮ 4:17 17:7 ሉቃ 1:55 17:8 ሃዋ 7:5 17:10 ሃዋ 7:8፤ ኦሮ 4:11

11 ኢንቴ ሹርቴ ቃጸሬቱታ፤ ሃይሲ ታሲኔ ኢንቴስ ጊደን ዲዛ ጫቆ ቃላስ ማላታ ጊደና።

12 ኢንቴ ጊደን ሲንጻፌ ዩሌታና አዴ ናይቲ ወሪ ዩሌቲዳ ኦስፑንጻ ጋላስ ቃጸሬታናስ ኮሼስ፤ ኔሶን ዩሌቲዳይታ ጊደን፣ ዎይኮ አላጋፔ ሚሻን ሻሜቲዳ አይሌታ ጊደን ኔ ዜሬላ ጊደንታ አዴታካ ቃጸሬታናስ ኮሼስ።

13 ኔሶን ዩሌቲዳይቲኔ ኔ ሚሻን ሻሜቲዳይቲ ቃጸሬቱቶ፤ ሃይሲ ኢንቴ አሾን ዲዛ ታ ጫቆይ ሜርና ጫቆ ጊደና።

14 ቃጸሬቶንታ አቱማሲ ወሪ ባ አሳፔ ሻኬቲዲ ጳዮ፤ ጋሶይካ ኢዚ ታ ጫቆ ቃላ ናጊቤና» ጊደስ።

15 ቃሴካ ጸሲ አብራሃሜ፡ «ኔ ማቼይ ሱንጻ ሶራ ጎፓ፤ ሃይሳፌ ጉዬ ኢዚ ሱንጻ ሳራ † ጌቱቶ።

16 ታኒ ኢዞ አንጃና፤ ታኒ ኢዚፔ ኔስ ቱማፔ አቱማ ና አማና፤ ኢዞ ታኒ አንጃና፤ ኢዛ ካዎቲላታስ አዮ ጊደና፤ ካዎቲ ኢዚፔ ዩሌታና» ጊደስ።

17 አብራሃሜይ ቢታ ቦላ ጉፋኒዲ ባ ዎዚናን ሚጨሼ፡ «100 ላይላ አሲ ቱሙ ና ዩላኔ? ቃሴ ኢዚስ ላይላይ ኡዱፋን ታሙ ጊዲዳ ሳራይ ቡሮ ና ዩላኔ?» ጊ ቆፒዴስ።

18 አብራሃሜይ ጸሳስ፡ «ኔ ኢስማኤሌ ታስ አንጂዳኮ አይ ማላ ሎኦሺን!» ጊደስ።

19 ጸሳይካ ኢዛስ፡ «ሃኔና! ኔ ማቼያ ሳራይ ኔስ አቱማ ና ቱማፔ ዩላና፤ ኔኒ ኢዛ ዩሳቃ ‡ ጋዳ ሱንጻና፤ ኢዛፔ ጉዬ ኢዛ ዜሬላስ ሜርና ጫቆ ጊደና ማላ ታ ኢዛራ ጫቆ ቃላ ጌላና።

20 ኢስማኤሌስ ጊዲኮ ኔ ኦይቺዳይሳ ታ ሲያዲስ፤ ታኒ ኢዛካ አንጃና፤ ታኒ ኢዛ ዳርሳና፤ ኢዛ ዜሬላ ኬሃ ዳርሳና፤ ኢዚ ታማኔ ናምኡ ካዎታ ዩላና፤ ታኒ ኢዛ ዜሬላ ጌታ ካዎቲላ ኬሳና።

21 ጊደ አቲን ታኒ ታ ጫቆ ቃላ ላይላ ሃኒ ዎዴ ሳራይ ኔስ ዩላና ናዛ ዩሳቃራ ጫቂታና» ጊደስ።

22 ጸሲ አብራሃሜራ ሃሳይዲ ወርሲዳፔ ጉዬ፡ አብራሃሜፔ ሻኬቲዲ ፑዴ ቢዴስ።

23 ሄ ጋላሳንካ አብራሃሜይ ባ ና ኢስማኤሌ ባሶን ዩሌቲዳይታ ኡባ፡ ባ ሚሻን ሻሚዳይታ ኡባኔ ባሶን ዲዛ አቱማስ ኡባ፡ ጸሲ ኢዛስ ዮቲዳ ማላ ቃጸሪዴስ።

† 17:15 ሳራ፡ ሳራ ጉሲ ኢብራዊታ ቃላራ፡ «ጎዳቲዮ ዎይኮ ካዎ ቢዮ» ጉሳ።

‡ 17:19 ዩሳቃ፡ ዩሳቃ ጉሲ ኢብራዊታ ቃላራ፡ «ኢዚ ሚጨሼስ» ጉሳ።

24 ኣብራሃሜይ ቃጻሬቲሺን ኢዛስ ላይላይ ኡዱፋን ታማኔ ኡዱፑና።

25 ኢዛ ና ኢስማኤሌይ ቃጻሬቲሺን ኢዛስ ላይላይ ታማኔ ሄቭ።

26 ኣብራሃሜይኔ ኢዛ ና ኢስማኤሌይ ናምኣቲካ ኢሲ ጋላስ ቃጻሬቲዳ።

27 ኣብራሃሜሶን ዲዛ ኣቱማሳይ ወሪ ኢዛ ሶን ዬሌቲዳይቲኔ ሚሻን ሻሜቲዳይቲ ወሪካ ኢዛራ ቃጻሬቲዳ።

18

ሄቭ ኢማላታ

1 ሴታ ጋላስ ኣብራሃሜይ ማሚሬን ዲዛ ጊታ ሚላታ ጋርሳን ባ ዲንካኔ ፔንጌን ኡቲ ዲሺን ጎዳይ ኢዛስ ቆንጨዴስ።

2 ኣብራሃሜይ ቶቄ ጊ ጸሊዲ ሄቭ ኣሳቲ ኤቂዳይታ ቤኢዲ ኢስታ ሞኪ ኤካናስ ባ ዲንካኔዛ ፔንጌፌ ዴንዲዲ ዋጺ ቢዴስ፤ ሄ ጋኪ ቢታን ሆኪዲ ኢስታ ሲንላን ዘጊዴስ።

3 ዘጊ ሲሚዲ፣ «ኣቤት ታ ጎዶ! ኔ ታና ኔ ኣይሌዛ ቦንቺዛ ጊዲኮ ታሶ ጌሎንታ ኣቆ ቦቻ።

4 ሃኢ ኢንቴ ቶሆ ሜጫና ቶሆ ሃላ ዪኮ ኢንቴ ቶሆ ሜጩቲዲ ሃይሳ ሚላ ኩዋን ሸምፒ ኤኪቴ።

5 ኢንቴ ሃኢ ታኮ ኢንቴ ኣይሌዛኮ ዪዳ ጊሻሰ ሸምፒ ኤኪዲ ኢንቴ ቢዛሶ ባና ማላ ታኒ ኢንቴሰ ሚዛ ሚሽ ኣኔ ኤሃይሰ» ጊዴስ።

ኢስቲ፣ «ዳሮ ሎኦ፤ ኔኒ ጊዛ ማላ ኦላ» ጊዳ።

6 ኣብራሃሜይ ዲንካኔዛ ጊዶ ሳራኮ ኤሶቲ ቢዲ፣ «ኤሶታዳ ሊቆ ጳሌዛፔ ሄቭ ኬሬ ጊዲዛይሳ ኤካ ሙኦቃዳ ኡኬላ ኡካ» ጊዴስ።

7 ቃሴ ኣብራሃሜይ ባ ወዴዛኮ ዋጺ ቢዲ ሎኦ ኣንቃራ ማር ዶሪዲ ኢሲ ኣይሌሰ ኢሚን ኢዚ ኤሶን ሹኪዲ ጊግሲዴስ።

8 ሂሰቲን ኣብራሃሜይ ሜቆ ማሊኔ ጊግሲዳ ማራ ኣሾዛ ኢማላታ ሲንላ ኣሊዴስ፤ ኢስቲ ሚሺን ኢዚ ሄ ሚላ ጋርሳን ኢስታ ኣቻን ኤቂዴስ።

9 ኢስቲ ኢዛ፣ «ኔ ማቺያ ሳራይ ኣዋኔ?» ጊ ኦይቺን ኢዚ፣ «ሄኒን ዲንካኔ ጊዶን ዳዉስ» ጊዴስ።

10 ጎዳይ ኢዛስ፡ «ታኒ ዪዛ ላይላ ሃኒ ዋዴ ቱሙ ኔኮ ሲማና፤ ሄ ዋዴ ኔ ማቺያ ሳራይ ኣቱማ ና ኔስ ዩላና» ጊዴስ። ሳራይካ ኢዛፔ ጉዬ ባጋራ ዱንካኔዛ ሲንላን ዳሼ ሄሳ ሲያዱስ።

11 ኣብራሃማይኔ ሳራይ ኬሂ ጨሚዳ፤ ሳራስካ ማጫሳታስ ዪዛ ዋጋይ ኣጊዴስ።

12 ሄሳ ጊሻስ ሳራይ ባ ዋዚናን፡ «ታኒ ሃኢ ጨሚዳፔ ጉዬ፡ ታ ኣዚናይካ ጨሚዳፔ ጉዬ ሃይሲ ኡፋይሳይ ታስ ሃናኔ?» ጋዳ ሚጫዱስ።

13 ሄ ዋዴ ጎዳይ ኣብራሃማ፡ « ኅታኒ ጨማይቺዳፔ ጉዬ ቱሙ ና ዩላኔ?» ጋዳ ሳራይ ኣዛስ ሚጫዴ።

14 ጎዳስ ዳንዳዬቶንታ ሚሺ ቱሙ ዲዜ? ታ ጊዳ ማላ ዪዛ ላይላ ሃኒ ዋዴ ታ ኔኮ ያና፤ ሄ ዋዴ ሳራይ ኣቱማ ና ዩላና» ጊዴስ።

15 ሳራይ ኬሃ ባቢዳ ጊሻስ፡ «ታኒ ሚጫቤኬ» ጋዳ ላሆታዱስ። ጊዶ ኣቲን ኢዚ፡ «ኤ፡ ኔኒ ቱማ ሚጫዳሳ» ጊዴስ።

ሶዶሜስ ኣብራሃማ ጋናቴል

16 ሄሳፌ ጉዬ ኣሳቲ ባና ዴንዲሼ ሶዶሜ ካታማ ዴጌ ዛሪ ጸሊዳ፤ ኣብራሃማይካ ኢስታ ሞይዚሼ ኢስታራ ቢዴስ።

17 ሄ ዋዴ ጎዳይ፡ «ታኒ ታ ኦላና ጊዛይሳ ኣብራሃማፔ ቆታኔ?

18 ኣብራሃማይ ቱማፔ ጊታኔ ዋልቃማ ካዋቴል ጊዳና፤ ሃ ቢታ ኣሲ ዉሪ ኢዛ ባጋራ ኣንጄታና።

19 ጸሊቴልኔ ሱሬ ኦሶ ኦሊዲ ጎዳ ኦጌ ናጋና ማላ ባ ናይታኔ ባፔ ጉዬ ባ ሶ ኣሳ ኢዚ ዞራና ማላ ታኒ ኢዛ ዶራዲስ፤ ሄሲካ ጎዳይ ኣብራሃማስ ኢማና ጊዳይሳ ኡባ ፖላናሳ» ጊዴስ።

20-21 ጎዳይ ኣብራሃማ፡ «ሶዶሜኔ ጋሞራ ዋሶይ ኬሂ ዳሪዳ ጊሻሲኔ ኢስታ ናጋራይ ኬሂ ዴጸዳ ጊሻስ ኢስቲ ኦሊዳይሲ ታኮ ጋኪዳ ዋሶ ማላ ኢታኮኔ ኢታ ጊደንታኮ ኣኔ ታኒ ዴጌ ዋቆ ቤያይስ» ጊዴስ።

22 ሄሳፌ ጉዬ ናሞኡ ኣሳቲ ሶዶሜ ሲሚ ቢዳ፤ ጊዶ ኣቲን ኣብራሃማይ ጎዳ ሲንላን ኤቂዳ ማላ ዴስ።

23 ሄ ዋዴ ኣብራሃማይ ኢዛኮ ሸቂዲ፡ «ቱሙ ኔኒ ጸሊጥ ኢታታራ ጋላ ቆይሳኔ?

24 ሄ ጊታ ካታማን 50 ጸሊጥ ዲኮ ኔኒ ኢስታ ቆይሳኔ? ኔኒ ኢዛን ዲዛ 50 ጸሊጥ ጊሻስ ሄ ካታማ ማርኪ?

25 ጸሎታ ዋርዶታራ ጋላ ዋጂዛይሲኔ ጸሎታኔ ዋርዶታ ኢሲ ኣይፌን ጸሊዛይሲ ሄሲ ኔፔ ሃኮ፤ ሃ ቢታ ኡባ ቦላ ፒርዲዛ ኔኒ ጸሎ ፒርዲኪ?» ጊዴሰ።

26 ጎዳይካ፡ «ሄ ሶዶሜ ካታማን 50 ጸሎቲ ዲኮ ሄ ካታማ ኡባ ኢሰታ ጊሻሰ ታኒ ኡባ ማራና» ጊዴሰ።

27 ሄሳፌ ጉዬ ኣብራሃሜይ፡ «ታኒ ቢታኔ ቢዲንጻኮሺን ታ ጎዳራ ጸላዳ ሃሳያ ኦይካዲሰ።

28 ኢቻሹ ታሙ ጸሎታፔ ኢቻሻቲ ፓጪኮ ኔኒ ሄ ፓጪዳ ኢቻሻታ ጊሻሰ ሄ ካታማ ኡባ ጳይሳኔ?» ጊዴሰ።

ጎዳይካ፡ «ታኒ ሄን ኦይዱ ታማኔ ኢቻሽ ጸሎታ ዴሚኮ ሄ ካታማ ጳይሲኬ» ጊዴሰ።

29 ኣብራሃሜይ ዛሬሊዲካ፡ «ሄን 40 ጸሎቲ ጸላ ቤቲኮቺ?» ጊዴሰ።

ኢዚካ፡ «ታኒ ሄ ኦይዱ ታማታ ጊሻሰ ሄ ካታማ ጳይሲኬ» ጊዴሰ።

30 ሄሳፌ ጉዬ ኢዚ፡ «ታ ጎዶ! ኔ ታ ቦላ ሃንቄቶፋ፤ ታኒ ጉጃዳካ ኦይቻይሰ፤ ሄን 30 ጸሎቲ ጸላ ቤቲኮቺ?» ጊዴሰ።

ጎዳይ፡ «ታኒ ሄን 30 ጸሎ ኣሰ ዴሚኮ ሄ ካታማ ጳይሲኬ» ጊዴሰ።

31 ቃሴካ ኣብራሃሜይ፡ «ታኒ ጎዳራ ጸላቴላን ሃሳያ ዶማዲሰ፤ ሄን 20 ጸሎቲ ጸላ ቤቲኮቺ?» ጊዴሰ።

ጎዳይ፡ «ሄ ናሞኡ ታማታ ጊሻሰ ጳይሲኬ» ጊዴሰ።

32 ሄሳፌ ጉዬ ኣብራሃሜይ፡ «ታ ጎዶ! ኔ ታ ቦላ ሃንቄቶፋ፤ ታኒ ሜጶ ኢሲቶ ሃሳያይሰ፤ ሄን 10 ጸሎይ ቤቲኮቺ?» ጊዴሰ።

ጎዳይ፡ «ሄ ታማታ ጊሻሰ ታኒ ሄ ካታማ ጳይሲኬ» ጊዴሰ።

33 ጎዳይ ኣብራሃሜይ ሃሳያ ዉርሲዳፔ ጉዬ ቢዴሰ፤ ኣብራሃሜይካ ባሶ ሲሚዴሰ።

19

ሶዶሜ ናጋራ

1 ሄ ናሞኡ ኪታንቻቲ ኦማርሰ ሶዶሜ ካታማ ጋኪዛ ዋዴ ሎጾይ ሄ ካታማ ፔንጌን ኡቲዴሰ። ሎጾይ ኢሰታ ቤኢዲ ኢሰታራ ጋጋናሰ ዴንዲ ቢዲ ባ ሁኤ ዲጌ ቢታ ጋሊ ዚጊዲ፡

2 «ታ ጎዳቶ! ኢንቴ ኣይሌ ታሶ ሃ ዬርኬቲ፤ ኢንቴ ቶሆ ሜጩቲ ኣቂዲ ዋንቶ ማላዶራ ዴንዲዲ ኢንቴ ቢዛሶ ቤታ» ጊዴሰ።

ኢስቲካ፡ «አካይ ቦኮ፤ ኑኒ ሃይሳ ካታማ ዱቡሻን አቃና» ገዳ።

³ ገደ አቲን ኢዚ ኢስታ ኬሂ ሾቢዳ ገሻስ ኢዛራ ቢዲ ኢዛ ሶ ጌሊዳ፤ ኢዚካ ኢስታስ ኡኬል ኡኪዲ ካዎ አሊን ኢስቲ ሚዳ።

⁴ ኢስቲ ኢሻንታ ዲሺን ሶዶሜ ካታማ አቱማሳይ ወሪ ናይታፔ ጨማ ጋካናስ ኢሳዳይካ አቶንታ ዪዲ ኬላ ዩዩ አዲዳ።

⁵ ኢስቲካ ሎጼ ጾይጊዲ፡ «ሃኛ ኦማርስ ኔሶ ዪዳ አሳቲ አዋን ዲዛ? ኑኒ ኢስታራ አቃና ማላ ኢስታ ኑኮ ካሬ ኬሳ» ገዳ።

⁶ ሎጼይ ኢስታራ ጋጋናስ ካሬ ኬዚዲ ሶሆን ዲዛ አሳታ ቦላ ካሬዛ ጉዬ ዛሪ ጎርዲዲ።

⁷ ኢስታስ፡ «ታ ኢሻቶ! ሃይሳ ኢታ አሶ አላፍቴ።

⁸ ታስ አዳ ጌሎንታ ናምኡ ጌላኦ ማጫ ናይቲ ዴቲስ፤ ታኒ ኢስታ ኢንቴስ ካሬ ኬሲኮ ኢንቴ ኢስታ ኢንቴና ሎኢዳ ማላ አላና ዳንዳይታ፤ ገደ አቲን ሃይታ አሳታ ቦላ አይኮካ አላፍቴ፤ አይስ ጊኮ ኢስቲ ታ ኬል ጌሊዲ ታ ኢማል ገዲዳ» ገዳስ።

⁹ አሳቲ ኢዛ፡ «ኦ ሲንላፌ ኪቻ!»፤ ቃሴካ፡ «ሃይሲ አዳዚ ሃ ቢታን ቤቱ አስ ገዲ ኡቲዲ ሃኢ ኦ ቦላ ፒርዳናስ ካጃሌስ፤ ሃኢ ኑኒ ኢስታ ቦላ አላና ቆፒዳ ኢታፔ አዲዳ ኢታ ኔ ቦላ አላና» ገዳ። ሎጼካ ጉዬ ሱጊ ዩጊዲ ፔንጌዛ ሜንላናስ ማቲዳ።

¹⁰ ገደ አቲን ሄ ናምኡ አሳቲ ባ ኩሼ ካሬ ዩዲዲ ሎጼ ሶ ጎቺ ጌልሊዲ ካሬዛ ዛሪ ጎርዲዲ።

¹¹ ሄሳፌ ጉዬ ኢስቲ ኬላ ፔንጌን ዲዛ አሳ ጉላፌ ጌታ ጋካናስ ቆቂሲን ኢስቲ ፔንጌዛ ዴማናስ ኮዪሼ ዳቡርዳ።

ሶዶሜፔ ሎጼ ኬስ

¹² ሄ ናምኡ አሳቲ ሎጼ፡ «ኔስ ሃይሳ ካታማ ጋርሳን ዲዛ አቱማ ና ዎይኮ ማጫ ና ገዲን ኔ ናይታ ኤካናስ ጊግሲዳይቲካ ዲኮ ዎይኮ ሃራ ዳቦይ ዲኮ ኢስታ ሃይሳፌ ኬሳ።

¹³ አይስ ጊኮ ኑኒ ሃይሳ ካታማ ዳይሳና ጎስ፤ ሃ ዴራ ናጋራይ ኬሂ ዳር ገዲዳይሳ ጎዳይ ቤኢዳ ገሻስ ሃይሳ ካታማ ዳይሳናስ ኑና ከቲዴስ» ገዳ።

¹⁴ ሄሳ ገሻስ ሎጼይ ባ ማጫ ናይታ ኤካናስ ጊግሲዳይቲኮ ቢዲ ኢስታስ፡ «ጎዳይ ሃ ካታማ ዳይሳና ጊዛ ገሻስ ኤሌሊ ዴንዲዲ ሃይሳፌ ኬዚ ከቺቱ» ገዳስ፤ ገደ አቲን ኢዛ ማጫ ናይታ ጊግሲዳይቲ ኢዚ ቂጼ ጌስ ገ ቆፒዳ።

15 ጋዴይ ዋንታና ጊሺን ሄ ከታንቻቲ ሎጾ፥ «ዳንዳ! ኔ ማቸዮኔ ሃይሳን ዲዛ ኔ ናምኡ ማጫ ናይታ ኤካዳ ኤሶን ኬዛ! ኬዘንታ ኢጲኮ፥ ሃና ካታማያ ፒርዴቲዛ ዋዴ ኔኒካ ጳያና» ጊዲ ኤሶሲዳ።

16 ጊዴ ኣቲን ሎጾይ ሺኒን ጎዳይ ኢሰታስ ቃዴቲዳ ጊሻስ ከታንቻቲ ኢዛ ኩሹ፥ ኢዛ ማቹይ ኩሹኔ ማጫ ናይታ ናምኣታ ኩሹ ኣይኪዲ ሄ ካታማፔ ኢሰታ ኬሲዳ።

17 ከታንቻቲ ኢሰታ ካታማፔ ኬሲዳ ማላካ ከታንቻታፔ ኢሳይ፥ «ኢንቲ ሸምፖ ኤኪዲ ባቃቲቲ! ጉዬ ጸሎፍቲ! ቃሴ ሃይሳ ሸባን ኣዋንካ ኤቆፍቲ! ዙማኮ ዋጺቲ! ሂሰቶንታ ኢጲኮ ኢንቲ ጳያና» ጊዴሰ።

18 ጊዴ ኣቲን ሎጾይ ኢሰታስ፥ «ታ ጎዳቶ! ሄሳሶ ጊዶፖ!

19 ታኒ ኢንቲ ኣይሌይ ኢንቲ ሲንፋን ሳቤቲዳ ጊሻስ ታና ኣሻናስ ታስ ዳር ቃዴቲዳታ፤ ጊዲኮካ ሃይሲ ባሻይ ታና ጋኪዲ ጳይሲኮ ሃይቃና ጊሻስ ታኒ ፑዴ ዙማኮ ባቃታናስ ዳንዳይኬ።

20 ቤኢቲ! ባቃቲ ቢዲ ኣታናስ ማታን ኢሲ ጉፋ ካታማይ ዳዉስ፤ ታ ሸምፖ ኣሻናስ ሄ ባቃቶ? ኢዛ ቂር ካታማ ዴኬ?» ጊዴሰ።

21 ጊዴ ኣቲን ከታንቻይ፥ «ኤ ጊዶ! ታኒ ኔ ዋሳ ሲያዲሰ፤ ታኒ ኔኒ ጊዛ ካታማዮ ጳይሲኬ።

22 ሄሳ ጊሻስ ጌዴ ኤሶን ባቃታ፤ ኔኒ ጌዴ ጋካናስ ታኒ ኣይኮካ ኦፋናስ ዳንዳይኬ» ጊዴሰ፤ ሂሰቲን ሄ ካታማይ ሱንሒ ዘኣሬ * ጌቲቲዴሰ።

ሶዶሜኔ ጋዋራ ካታማታ ጳይሰ

23 ሎጾይ ዘኣሬ ጋኪሺን ቡሮ ጸልቂይ ጫሪዴሰ።

24 ሄ ዋዴ ጎዳይ ታማኔ ጸጊዛ ዲኔ ሶዶሜ ቦላኔ ጋዋራ ቦላ ሳሎፔ ቡኪሲዴሰ።

25 ሄሳሶ ኦሊዲ ጎዳይ ሄ ዙሌን ዲዛ ካታማታኔ ዙሌን ዲዛዝ ኡባ ሄ ካታማታ ጊዶን ዲዛ ኣሳ ኡባኔ ሄ ቢታን ዲዛ ሚሊኔ ማታ ኡባ ጸጊ ጳይሲዴሰ።

26 ጊዴ ኣቲን ሎጾ ማቹያ ጉዬ ጸላዳ ማጺኔ ሹቕ ጊዳዱሰ።

19:16 2ጴጵ 2:7 * 19:22 ዘኣሬ፡ ዘኣሬ ጉሲ ኢብራቂታ ቃላራ፥ «ጉሐ» ጉሳ።

19:25 ማቶ 10:15፤ 11:23-24፤ ሉቃ 17:29፤ 2ጴጵ 2:6፤ ዩሁ 7 19:26 ሉቃ 17:32

27 ዋንቴላ ጋላስ ኣብራሃሚይ ማላዶ ዋንታራ ዴንዲዲ ጎዳ ሲንሳን ካሴ ኢዚ ኤቂዳሶ ሲሚ ቢዴስ።

28 ኢዚ ሶድሚኔ ጋሞራ ሄ ሾባን ዲዛ ቢታ ኡባ ዲጌ ጸሊዛ ዋዴ ዋልቃማ ጩዋይ ጹሳ ታማ ማላ ሄ ቢታፌ ቱሉ ጊዛይሳ ቤኢዴስ።

29 ጸሲ ሄ ሾባን ዲዛ ካታማታ ሳይሲዳ ዋዴ፥ ኣብራሃሚ ቆፒዲ ሎጾይ ካሴ ዲዛ ካታማታ ሳይሲዳ ዋዴ ሎጾ ሳይሳፌ ኣሺዴስ።

ሎጾ ዩሌታ

30 ሎጾይ ዘኣሬን ዴኣናስ ባቢዳ ጊሻስ ባ ማጫ ናይታ ናሞኣታራ ዙማ ቦላ ኬዚዲ ጎንጎሎ ጊዶን ዴኢዴስ።

31 ኢሲ ጋላስ ባይራ ናያ ካሎዮ፥ «ኑ ኣዋይ ጨሚዴስ፤ ቢታ ቦላ ዲዛ ዋጋ ማላ ኑናራ ዚንኣናስ ሃይሳ ቢታን ሙሌካ ኣቱማይ ዴና።

32 ሄሳ ጊሻስ ሃ ያ፤ ዋይኔ ኡሹ ኑ ኣዋ ኡሺ ማሶሶስ፤ ሂስቲዲ ኢዛራ ኣቂዲ ኣኔ ኑ ኣዋፔ ኑስ ዜሬል ኤሶስ» ጋዱስ።

33 ሄ ጋላሳ ኦማርሲካ ባ ኣዋ ዋይኔ ኡሹ ኡሺዳፔ ጉዬ ባይራያ ጌላዳ ኢዛራ ዚንኣዱስ፤ ኢዛ ኢዛራ ዚንኢዛ ዋዴካ ዴንዲዛ ዋዴካ ኢዚ ኤሪቤና።

34 ዋንቴላ ጋላስ ባይራያ ካሎዮ፥ «ሲያ! ቃማ ታኒ ኑ ኣዋራ ኣቃዲስ፤ ሃች ኦማርስ ቃሴ ዋይኔ ኡሹ ኡሺኮ ኔኒ ጌላዳ ኢዛራ ኣቃ፤ ሂስቲዲ ኑኒ ኑ ኣዋፔ ኑስ ዜሬል ኤሶስ» ጋዱስ።

35 ሄ ጋላስ ቃማ ቃሴካ ዋይኔ ኡሹ ኢዛ ኡሺዳፔ ጉዬ ካሎያ ጌላዳ ኢዛራ ኣቃዲስ፤ ኢዛ ኢዛራ ኣቃዳ ዴንዳ ቢዛ ዋዴ ኢዚ ኤሪቤና።

36 ሂስቲዲ ሎጾ ማጫ ናይቲ ናሞኣቲካ ባ ኣዋስ ቃንሳቲዳ።

37 ባይራያ ኣቱማ ና ዩላዱስ፤ ሱንሳካ ሞኣቤ † ጋዳ ሱንሳዱስ፤ ኢዚካ ሃች ጋካናስ ሞኣቤታስ ኣዋ።

38 ቃሴ ካሎያካ ኣቱማ ና ዩላዱስ፤ ሱንሳካ ቤኒ-ኣሜ‡ ጋዳ ሱንሳዱስ፤ ኢዚካ ሃች ጋካናስ ኣሞኔታስ ኣዋ።

20

ኣብራሃሚኔ ኣቢሚሌኬ

† 19:37 ሞኣቤ፡ ሞኣቤ ጉሲ ኢብራዊታ ቃላራ፥ «ታ ኣዋፔ ዩሌቲዳይሳ» ጉሳ

‡ 19:38 ቤኒ-ኣሜ፡ ቤኒ-ኣሜ ጉሲ ኢብራዊታ ቃላራ፥ «ታ ባጋ ዋይኮ ታ ዳቦ ና» ጉሳ

1 አብራሃሜይ ማሚሬፔ ዳንዲዲ ኔጌቤ ጌቲቲዛ ቢታ ቢዲ ቃዴሴኔ ሹራ ጌቲቲዛ ካታማታፔ ጌዶን ዳኢዴሰ፤ ጌራሬ ቢታን ጉላ ዋዴ ጋሞኢዴሰ።

2 ሄን አብራሃሜይ ባ ማቺዮ ሳራ፥ «ኢዛ ታሰ ሚቾ» ጌን ጌራሬ ካዋ አቢሜሌኬይ ከቲዲ ሳራ ባሶ ኤፊዴሰ።

3 ጌዶ አቲን ጸሲ ኢሲ ጋላሳ ኦማርሰ አጉሞን አቢሜሌኬኮ ዪዲ፥ «ኔኒ ኤሂዳ ማጫሳይ ጌዶን ኔ ሃይቃና፤ ኢዛ አሳ ማቾ» ጌዴሰ።

4 ጌዶ አቲን አቢሜሌኬይ ኢዚራ አቂቤና፤ ሄሳ ጊሻሰ፥ «ታ ሳዶ! ኔኒ፥ ታኒ፥ ታ ካዋቲላይካ ኔና ቆሆንታ ዲሺን ኑና ጮ ጳይሳኔ?

5 ኢዚ፥ «ኢዛ ታ ሚቾ» ጌቤኔ? ቃሴ ኢዛ፥ «ኢዚ ታ አሻ» ጋቤኬ? ታኒ ሃይሳ ቱሙ ዋዚናፔ ኦላዲሰ» ጌዴሰ።

6 ሄሳፌ ጉዬ ጸሲ አጉሞን ኢዛሰ፥ «ኤ፥ ኔኒ ኔ ዋዚና ጌሻቲላን ኦላዲይሳ ታኒ ኤራዳ ኔኒ ኢዞ ቦቾንታ ማላኔ ታ ሲንላን ናጋራ ኦላንታ ማላ ኔና ታኒ ቲቃዲሰ።

7 ሃኢ ሃኖ ማጫሳዮ ኢዚ አዚናሰ ዛራ፤ ጋሶይካ ኢዚ ናቤ ጌዲዳ ጊሻሰ ኢዚ ኔሰ ጸሳ ዋሲኮ ኔኒ ፓጻና፤ ጌዶ አቲን ኔ ኢዞ ዛርንታ ኢጸኮ ኔኒኔ ኔሰ ዲዛዚ ዉሪ ሃይቃናይሳ ቱማፔ ኔ ኤራ» ጌዴሰ።

8 አቢሜሌኬይ ዋንቲላ ጋላሰ ማላዶ ባ ካዋቲላን ዲዛ ሹሜታ ኡባ ጴይጌዲ ሃ ዮኦዛ ኡባ ኢሰታሰ ዮቲን ኢሰቲ ኬሂ ባቢዳ።

9 ሂሰቲን አቢሜሌኬይ አብራሃሜ ዴይጌዲ፥ «ኔኒ ኑ ቦላ አይ ኦላዲ? ኔኒ ታ ቦላኔ ታ ካዋቲላ ቦላ ሃይሳ ማላ ቆሆ ኤሃናሰ ታኒ ኔሰ አይ ኢታ ሚሽ ኦላዲና? ኔኒ ታ ቦላ ኦሴታናሰ ቤሶንታ ኢታ ኦላዲሳ» ጌዴሰ።

10 ቃሴካ አቢሜሌኬይ አብራሃሜ፥ «ኔና ሃይሳ ኦሲሲዳይ አዜ?» ጌ ኦይቺን፥

11 አብራሃሜይ፥ « (ጸሳሰ ባቢዛ ኢሲ አሲካ ሃ ዴሬን ባዋ፤ ቃሴካ ታ ማቺይ ጌዶን ኢሰቲ ታና ዋቻና) ጋዳ ቆፒዳ ጊሻሳ።

12 ኢዛካ ታ አዋ ና ጌዲዳ ጊሻሰ ታሰ ሚቾ፤ ታሰ አዪ ና ጌዶንታ ጊሻሰ ታ ኢዞ ማቾ ኤካዲሰ።

13 ጸሲ ታና ታ አዋ ኬላፌ ኬሲዳ ዋዴ ታኒ ኢዚሰ ኑኒ ቢዳ ቢታን ኡባን ኔኒ ታሰ ኦላና ኪያቲሉ፥ «ኢዚ ታሰ አሻ» ጋዳ ዮታ ጋዲሰ» ጌዴሰ።

14 ሄሳፌ ጉዬ አቢሜሌኬይ ደርሰ፤ ሚዝ፤ ማጫ አይሌታኔ አቱማ አይሌታ ኤሄዲ አብራሃሜስ አሚደስ፤ ቃሴ ኢዛ ማቺዮ ሳራካ ኢዛስ ዛሪደስ።

15 አቢሜሌኬይ፡ «ሄኮ ታ ቢታይ ኔ ሲንላን ደስ፤ ኔና ሎኢዛሶን ዳ» ገደሰ።

16 ሳራሰካ፡ «ታኒ ኔ ኢሻስ ኢሲ ሺ ሳቂሌ ቢራ * ኢማዲስ፤ ሃይሲ ሄኮ ኔናራ ዲዛይታ ኡባ ሲንላን ኔኒ ጸሎ ገዲዳይሳ ኤሪሳና» ገደሰ።

17-18 ጎዳይ አብራሃሜ ማቺዮ ሳራ ጌዶን አቢሜሌኬ ኬላ አሳ ኡባ ዩሊዛ ኡሎ ማካርሲዳ ገሻስ አብራሃሜይ ጸሳ ዋሲን አቢሜሌኬይ ኢዛ ማቺያኔ ኢዛ ማጫ አይሌቲ ና ዩላና ማላ ጸሲ ኢስታ ፓሊደስ።

21

ዪሳቃ ዩሌቴስ

1 ጎዳይ ሳራ ቆፒደስ፤ ካሴ ኢዚስ ዮቲዳ ማላካ ኦሊደስ።

2 ሳራይ ሻራዳ ጨማቴላን አብራሃሜስ ጸሲ ገዳ ዋደይ ጋኪን አቱማ ና ዩላደስ።

3 ሳራይ ኢዛስ ዩሊዳ ናዛ ሱንላ አብራሃሜይ፡ «ዪሳቃ» ገ ሱንሊደስ።

4 አብራሃሜይ ናዛ ዪሳቃ ጸሲ ባና አዛዚዳ ማላ ዩሌቲዳፔ ኦስፑንላ ጋላስ ቃጸሪደስ።

5 ኢዛ ና ዪሳቂ ኢዛስ ዩሌቲዳ ዋዴ አብራሃሜስ ላይላይ ጾታ።

6 ሳራይ፡ «ጸሲ ታና ሚቺደስ፤ ቃሴ ሃይሳ ሲዩዛይ ዉሪ ታናራ ሚጫና» ጋደሰ።

7 ቃሴካ ሳራይ፡ «አብራሃሜስ ሳራይ ና ዩላናኔ ቋንላና ገዲ ቆፒዳይ ኦኔ? ገዲኮካ ታኒ ሃኢ ኢዛስ ኢዚ ጨሚዳ ዋዴን ና ዩላዲስ» ጋደሰ።

ኢጋርኔ ኢስማኤሌ ጎዴቴስ

8 ጉላ ናዚ ዲጨዲ ቋንላ ዱጺደስ፤ ዪሳቂ ቋንላፌ ዱጺዳ ጋላስ አብራሃሜይ ገታ ዲጊሳ ዲጊሲደስ።

9 ገብጾፔ ዩዳ ኢጋራ አብራሃሜስ ዩሊዳ ናዚ ኢስማኤሌይ ዪሳቃ ሌቂዛይሳ ሳራይ ቤኣዳ፤

* 20:16 ኢሲ ሺ ሳቂሌ ቢራ፡ ኢሲ ሺ ሳቂሌ ቢራ ጉሲ ታማኔ ኢሲኖኔ ባጋ ኪሎ ገራሜ ዴጺዛዛ ጉሳ። 21:2 ኢብ 11:11 21:4 ሜዴ 17:12፤ ሃዋ 7:8

10 አብራሃም፥ «ሃኖ አይሌይ ናዚ ታ ና ዩሳቃራ ሙሌካ ላቶንታ ጊሻስ አይሌዮኔ ኢዚ ናዛ ኬሳ ጎዳ» ጋዱስ።

11 ሃ ዮኦዚ ባ ናዛ ቦቹዛ ጊሻስ አብራሃምይ ዳሮፔ ማቶቴቲዴስ።

12 ጊዶ አቲን ጸሲ አብራሃም፥ «ኔ ዜሬላይ ዩሳቃ ባጋራ ጴይጌታናይሳ ጊሻስ አይሌይ ጊሻሲኔ ኢዚ ናዛ ጊሻስ ዳሮ ማቶቶፓ፤ ሳራይ ኔስ ዮቲዛይሳ ኡባ ሲያ።

13 ቃሴ ታኒ ኢዚ ኔ ዜሬላ ጊዲዳ ጊሻስ አይሌይ ናዛ ካዎቴላ ሂስታና» ጊዴስ።

14 አብራሃምይ ማላዶ ዋንታራ ዴንዲዲ ጉላ ካሲኔ ኮዳን ሃላ ኤኪዲ አጋሮ ሃሼን ቶሲዲ ኢዚ ናዛካ ኢዚስ አሚዲ ኬሲ ዩዲዴስ፤ ኢዛ ባዳ ቤርሳቤሄ ጌቴቲዛ ባዞን ቶይላታዲስ።

15-16 ሃላይካ ኮዳፌ ዉሪን ኢዛ፥ «ታ ናዚ ሃይቂሺን ኡታዳ ታ ኢዛ ቤኢኬ» ጋዶ ናዛ ቡራ ጋርሳን ዋላዳ 200 ዋቆ ጊዲዛሶ ማላ ባዳ ሄን ኡታዲስ፤ ሄንካ ኢዛኮ ሲማ ኡታዳ ባ ቃላ ቶቁ ሂስታ ዩካዲስ።

17 ጸሲ ናዛ ዋሶ ሲዩዴስ፤ ሳሎፔ ጸሳ ኪታንቻይ አጋሮ ጴይጊዲ፥ «አጋሬ! ዋናዲ? ጸሲ ናዚ ኢቺዳሶን ዩኪዛይሳ ሲዩዳ ጊሻስ ባቦፋ፤

18 ዴንዳ ኤቃ፤ ናዛ ዴንላዳ ኔ ኩሼን ኦይካ፤ ታኒ ኢዛ ጌታ ካዎቴላ ሂስታና» ጊዴስ።

19 ጸሲ ኢዚስ ሃላ ኦላ ቤሲን ባዳ ኮዳን ሃላ ኩንላዲስ፤ ናዛካ ኡሻዲስ።

20 ጸሲ ናዛራ ዴስ፤ ናዚካ ዲፌዲ ባዞ ቢታን ዋንዳፌ ዴኪዛ አስ ጊዲዴስ።

21 ኢዚ ፓራኔ ባዞን ዴኢሺን ኢዛ አያ ኢዛስ ማቾ ጊብጾፔ ኤካዲስ።

አብራሃም ኢቢሚሌኬ ጫቆ

22 ሄ ዋዴ ኢቢሚሌኬይ ባ ዋታዳራታ ሃላቃ ፒኮሌራ አብራሃምኮ ቢዲ፥ «ኔኒ ኦሲዛ ኡባን ጸሲ ኔናራ ዴስ።

23 ኔኒ ታ ቦላ ዋይኮ ታ ናይታ ቦላ ዋይኮ ታ ዜሬላ ቦላ ባሌሉን ጌኔ ኦሉንታ ማላ ሃኢ ሃይሳን ጸሳ ሲንላን ታስ ጫቃ፤ ታኒ ኔስ ኔ ኪዩዳይሳሶ ኔኒካ ታሲኔ ኔኒ አማላቴላን ዲዛ ሃይሳ ቢታዛስ ሎኦ ኦላ» ጊዴስ።

24 አብራሃምይ፥ «ታኒ ጫቃይስ» ጊዴስ።

- 25 ሄ ዋዴ ኣብራሃሚይ ኣቢሚሌኬ ኣይሌቲ ኤኪዳ ሃላ ኦላ ገሻሰ ኣቢሚሌኬስ ማጋኒዴስ።
- 26 ጊዶ ኣቲን ኣቢሚሌኬይ፥ «ሄሳ ኦኒ ኦሒዳኮ ታኒ ኤሪኬ፤ ኔኒካ ቃሴ ታስ ዮታቤካ፤ ታኒ ሃች ጋካናስ ሄሳ ሲያቤኬ» ጊዴስ።
- 27 ሄሳፌ ጉዬ ኣብራሃሚይ ደርሳታኔ ሚዛታ ኤሂዲ ኣቢሚሌኬስ ኢሚን ኢስቲ ናምኣይ ጫቂቲዳ።
- 28 ኣብራሃሚይ ሚሄታ ጊዶፌ ላፑን ኡዚ ደርሳታ ሻኪዴስ።
- 29 ኣቢሚሌኬይ ኣብራሃሚ፥ «ሃ ኔኒ ሻኪዳ ላፑን ኡዘታ ኣይስ ሻካዲ?» ጊ ኦይቹዴስ።
- 30 ኣብራሃሚይ፥ «ታኒ ሃይሳ ሃላ ኦላ ቦኪዳይሳስ ማርካ ጊዳና ማላ ሃይታ ላፑን ኡዘታ ታፔ ኤካ» ጊዴስ።
- 31 ሄን ሄ ናምኡ ኣሳቲ ጫቂቲዳ ገሻሰ ሄ ሶሆይ ቤርሳቤሄ * ጌቲቲዴስ።
- 32 ቤርሳቤሄን ጫቆ ጫቂቲዳይሳፌ ጉዬ ኣቢሚሌኬይኔ ኢዛ ዋታዳራታ ሃላቃ ፒኮሌይ ዴንዲዲ ፊሊስጾሚ ቢታ ሲሚዳ።
- 33 ኣብራሃሚይ ቤርሳቤሄን ታማርሲኬ ጌቲቲዛ ሚሕ ቶኪዲ ሄን ጎዳ ሚርና ጸሳ ጴይጊዲ ጎይኒዴስ። †
- 34 ኣብራሃሚይ ፊሊስጾሚ ቢታን ዳሮ ዋዴ ኢማላቲላን ዴኢዴስ።

22

ኣብራሃሚ ፓጩቲሕ

- 1 ሄሳፌ ጉዬ ጸሲ ኣብራሃሚ ፓጩዴስ፤ ጸሲ፥ «ኣብራሃሚ!» ጊ ጴይጊን ኣብራሃሚይ፥ «ዬ!» ጊ ኮዬዴስ።
- 2 ጸሲ፥ «ኔኒ ሲቂዛ ኔ ሚዲ ኢሲ ናዛ ዪሳቃ ኤካዳ ሞሪያ ጌቲቲዛ ቢታ ባ፤ ባዳ ሄን ታኒ ኔስ ቤሲዛ ኢሲ ዙማ ቦላን ኢዛ ጸጌቲዛ ያርሾ ኦላዳ ታስ ያርሻ» ጊዴስ።
- 3 ዋንቲላ ጋላስ ኣብራሃሚይ ማላዶ ዋንታራ ዴንዲዲ ሃሬ ጫኒዴስ፤ ባ ኣይሌታፔ ናምኣታኔ ባ ና ዪሳቃ ባናራ ኤኪዲ ጸጊዛ ያርሾስ ጊዲዛ ሚሕ ቂሪ ኤኪዲ ጸሲ ኢዛስ ዮቲዳሶ ባናስ ዴንዲዴስ።
- 4 ቢሼ ሄሻንላ ጋላስ ኣብራሃሚይ ቶቁ ጊዲ ያርሾ ያርሻናሶዛ ሃሆን ቤኢዴስ።

* 21:31 ቤርሳቤሄ፡ ቤርሳቤሄ ጉሲ ኢብራዊታ ቃላራ፥ «ጫቆ ሃላ ኦላ ዋይኮ ላፑን ሃላ ኦላ» ጉሳ። † 21:33 ታማርሲኬ ጌቲቲዛ ሚላይ ኢዛስ ጌሳይ ቃንሕ ጊዲሺን ዛምባፌ ዴማቲዛ ሚላ 22:1 ኢብ 11:17-19 22:2 2ታሪ 3:1

5 አብራሃም ይባላል፡ «አንቲ ሃሬዛራ ሃይሳን ዲሺቲ፤ ታኒኔ ታናዚ ጌዴ ቢዲ ጸሳስ ጎይኒዲ አንቲኮ ሃ ሲማና» ጌዴስ።

6 አብራሃም ይባላል፡ ያርሾ ሚላ ዳንሊዲ ናዛ ዩሳቃ ቶሲዲ ባስ ታማኔ ሹካ ማሻ ኦይኪዴስ፤ ኢስቲ ናምኦይ ኢሲፌ ቢሺን፤

7 ዩሳቂ ባ ኦዋ አብራሃም፡ «አቦ!» ጌዴስ።

አብራሃም ይባላል፡ «ዬ! ታናዘ!» ጌን ዩሳቂ፡ «ታማይኔ ሚሊ ዴስ ሺን ያርሼታና ዶርሳይ ኦዋኔ?» ጌዴስ።

8 አብራሃም ይባላል፡ «ታናዘ! ያርሼታና ዶርሳ ጸሲ ገረሳና» ጌዴስ፤ ሂስቲን ኢስቲ ናምኦይ ኢሲፌ ቢዲ።

9 ኢስቲ ጸሲ ኢዛስ ዮቲዳሶ ጋኪዳ ዋዴ አብራሃም ይባላል፡ ያርሾ ያርሼዛሶ ሄን ገግሲዲ ሚላ ኮሪዴስ፤ ባና ዩሳቃ ቃቺዲ ሄ ሚላ ቦላን ሹካናስ ኢሺሲዴስ።

10 አብራሃም ይባላል፡ ባና ሹካናስ ኩሼ ዩዲዲ ማሻ ኤኪዴስ።

11 ጌዶ ኦቲን ጎዳ ኪታንቻይ ሳሎፔ ኢዛ፡ «አብራሃም! አብራሃም!» ጌዶይገን ኢዚ፡ «ዬ!» ጌ ኮዪን፤

12 «ናዛ ቦላ ኔ ኩሼ ዋላ፤ ኢዛ ኦይኮካ ኦላፋ፤ ኔኒ ኔ ሜዲ ኢሲ ናዛካ ታና ዲሳንታ ገሻስ ኔኒ ጸሳስ ያዩዛ ኦስ ጌዲዳይሳ ታኒ ሃኢ ኤራዲስ» ጌዴስ።

13 አብራሃም ይባላል፡ ቋቂ ጌዲ ዴሊሺን ካጩይ ቱራን ኦይኬቲዳ ቋርሾ ቤኢዴስ፤ አብራሃም ይባላል፡ ሄ ቋርሾዛ ኤኪዲ ጸጌቲዛ ያርሾ ያርሼዴስ።

14 ሄሳ ገሻስ አብራሃም ይባላል፡ ሄ ሶሆዛ፡ «ጎዳይ ኢሚዛሶ» ጌ ሱንሊዴስ፤ ሃቶ ጋካናስካ ሄ ሶሆዚ፡ «ጎዳይ ዙማ ቦላን ኢማና» ጌቲቲስ። *

15 ጎዳ ኪታንቻይ ሳሎፔ ናምኦንሶ አብራሃም ይባላል፡ ዴይጌዲ፤

16 «ታኒ ኔስ ታናን ጫቃይስ፤ ኔኒ ሃይሳ ኦሊዳ ገሻስ ኔ ሜዲ ኢሲ ናዛካ ታና ዲሳንታ ገሻስ፤

17 ታኒ ኔና ቱሙ ኦንጃና፤ ኔ ዜሬላካ ታኒ ሳሎ ጸሊንቲ ማላኔ ኦባ ደናን ዲዛ ኦጩ ማላ ኦላዳ ዳርሳና፤ ኔ ዜሬላቲ ባ ሞርኬታ ካታማታ ላታና።

18 ኔኒ ታስ ኦዛዜቲዳ ገሻስ ሃ ካዋቲላይ ዉሪ ኔ ዜሬላ ባጋራ ኦንጃታና» ጌዴስ።

22:9 ያቆ 2:21 * 22:14 ጎዳይ ኢሚዛሶ ገዛይሲ አብራዊታ ቃላሪ ያሂዋ ዩርኦ ጌዲሺን ቢርሼላይ፡ «ጎዳይ ቤዬስ» ጉሳ 22:16 ኢብ 6:13-14 22:17 ኢብ 11:12 22:18 ሃዋ 3:25

19 ሄሳፌ ጉዬ አብራሃማይ ባ አይሌታኮ ሲሚን ኢስቲ ወሪ ኢሲፌ ቤርሳቤሄ ዴንዲ ቢዳ። አብራሃማይ ቤርሳቤሄን ዴኢዴሰ።

ናኮሬ ዩሌታ

20 ሄሳፌ ሲሚን አብራሃማይ፡ «ሚልካይ ኔ ኢሻ ናኮሬሰ ናይታ ዩላዴሰ።

21 ኢስቲካ፡ ባይራ ና ኡዴ፡ ኡዴ ኢሻታ ቡዜ፡

22 አራሜ አዋ ቃሙኤሌ፡ ኬሳዴ፡ ሃዞ፡ ፒልዳሴ፡ ዩዲላፌ፡ ባቱኤሌ ጌቱቲቲሰ።

23 ሄይታ ሄ ኮስፑን ናይታካ ሚልካ አብራሃማ ኢሻ ናኮሬሰ ዩላዴሰ፤ ባቱኤሌ ኢርቢቃ ዩሊዴሰ።

24 ኤሬሂሞ ጌቱቲካ ኢዛ ጋራዴያ ቃሴ ጸባሄ፡ ጌሃሜ፡ ቱሃሻኔ ማኪሳ ዩላዴሰ» ጊ ዮቲዳ።

23

ሳራ ሃይቆ

1 ሳራይ 127 ላይሰ ዴኢዳፔ ጉዬ፡

2 ኢዛ ካናኔ ቢታን ዲዛ (ኬብሮኔ ጌቱቲዛ) ቂሪያቲ-አርባኤ ካታማን ሃይቂን አብራሃማይ ሳራሰ ዩኪዴሰኔ ካዮቲዴሰ።

3 አብራሃማይ ባ ማቼይ አሃ አቻፌ ሂቱታኮ ቢዲ፡

4 «ታኒ ኢንቲ ጊዶን ኢማላ፤ ታ ማቼዮ ሞጋናሰ ታሰ ኢንቲ ጋዴፔ ሞጎሶ ባይዘርኬቲ!» ጊዴሰ።

5-6 ሂቱቲ ኢዛሰ፡ «ጎዶ! ኑኒ ኔና ዮቲዛይሳ ሲያ፤ ኔኒ ኑ ጊዶን ጊታ አሳ፤ ኔኒ ኔ ማቼይ አሃ ኑ ዱፎፔ ኔና ሎኢዳሶን ሞጋ፤ ኔኒ ኔ ማቼይ አሃ ሞጋናሰ ባ ዱፎ ኦኒካ ኔና ዲጌና» ጊ ዛሪዳ።

7 አብራሃማይ ዴንዲ ኤቂዲ ሂቱታ ሃላቃታ ሲንሳን ዚጊዴሰ።

8-9 ኢዚ ኢሰታሰ፡ «ኢንቲ ታና፡ ሳ ማቼይ አሃ ሞጋ» ጊኮ ሲዩቲ፤ ጸሃሬ ና ኤፍሮኔሰ ኢዛ ጋዴዛ ጋጸን ዲዛ ማኪጼሌ ጌቱቲዛ ጎንጎሎዛ ታሰ ዱፎሰ ባይዛና ማላ ኩሜላ ሞጋን ኑና ዛልኢሴርኬቲ» ጊዴሰ።

10 ሄ ዋዶ ኤፍሮኔይ ካታማ ፔንጌን ሸቂዳ ባ አሳ ሂቱታ ጊዶን ዴሰ፤ ሄሳ ጊሻሰ ሂቱቲ ወሪ ሲዩሺን አብራሃማይ፡

11 «ሄሳ ማላ ጊዴና፤ ታ ጎዶ! ታ ዮቲዛይሳ ሲያ፤ ታኒ ጋዴዛካ ኢዛ ጊዶን ዲዛ ጎንጎሎዛካ ታ ኔሰ ሃይሳ አሳ ሲንሳን ኢማዲሰ፤ ኔካ ኔ ማቼይ አሃ ሞጋ» ጊዴሰ።

12 አብራሃሜይ ሃላቃታ ሲንላን ቃሴካ ዘጊዲ፥

13 አሳይ ሲዩሺን ኤፍሮኔ፥ «ታ ዮቲዛይሳ ሲያርከ! ታኒ ሄ ጋዴዛስ ዋጋ ቃንጻና፤ ኔ ታፔ ኤካርከ! ሄን ታኒ ታ ማቼይ አሃ ሞጋና» ጊደሰ።

14-15 ኤፍሮኔይ አብራሃሜስ ዛሪዲ፥ «ታ ጎዶ! ታኒ ዮቲዛይሳ ሲያ፤ ጋዴዚ 400 ሳቂሌ ቢራ ጸላ ኬሲዛ ጋዴ ጊዲዳ ጊሻስ ሃይሲ ኔ ጊዶኒኔ ታ ጊዶን አይኮካ ጊደና፤ ኔ ማቼይ አሃ ኢዛን ሞጋ» ጊደሰ።

16 አብራሃሜይ ሂቲ አሳይ ሲዩሺን ኤፍሮኔይ ጊዳ ዋጋ 400 ሳቂሌ ቢራ ኤፍሮኔስ አሟደሰ።

17 ማሚሪ ካታማ አቻን ማኪጶሌን ዲዛ ኤፍሮኔ ጋዴን ዲዛ ጎንጎሎይኔ ሄ ጋዴን ዲዛ ሚላይ ዉሪ፥

18 ካታማ ፔንጌን ሺቂዳ ሂቲ አሳ ኡባ ሲንላን ዋጋን አብራሃሜ ጋዴ ጊዲደሰ።

19 ሄሳፌ ጉዬ አብራሃሜይ ባ ማቾ ሳራ አሃ ካናኔ ቢታን (ኬብሮኔ ጌቲቲዛ) ማሚሪ ካታማ አቻን ዲዛ ጎንጎሎን ሞጊደሰ።

20 ሄሳ ጊሻስ ሄ ጋዴዚኔ ጋዴዛን ዲዛ ጎንጎሎዚ ሂቲታ ሲንላን ዋጋን አብራሃሜስ ጊዲደሰ።

24

ዪሳቃኔ ኢርቢቃ ጌሎኔ ኤኮ

1 አብራሃሜይ ዳሮ ጨሚደሰ፤ ጎዳይ ኢዛ ኡባንካ አንጂደሰ።

2 አብራሃሜይ ባሶ አስ ኡባስ ሃላቃቲዛይሳኔ ኢዛፔ ጋርሳራ ኢዛ አቆታ ኡባ አይሲዛ አይሌዛ፥ «ኔ ኩሼ ታ ጉልባቲ ቦላ ዋላዳ ጫቃ። *

3 ታኒ ኢስታ ጊዶን ዲዛ ካናኔ ማጫ ናይታፔ ኔ ታ ናስ ማቾ ኦይቾንታ ማላ ሳሎ ሳኦ ሜዲዳ ጸሳን ታ ኔስ ጫቃይሰ፤

4 ጊዶ አቲን ታ ዬሌቲዳ ቢታ ታ ዳቦታኮ ባዳ፥ ታ ና ዪሳቃስ ማቾ ኦይቻ» ጊደሰ።

5 ኢዛ ኦሳንቻዚ፥ «ማጫሳያ ታናራ ያናስ ዶሶንታ ኢጲኮ ናዛ ኔኒ ዪዳ ቢታ ጉዬ ዛራ ኤፎ?» ጊ ኦይቹደሰ።

6 አብራሃሜይ፥ «ታ ናዛ ጌዴ ጉዬ ዛራ ኤፎንታ ማላ ናጌታ!

* 24:2 ኔ ኩሼ ታ ጉልባቲ ቦላ ዋላዳ ጫቃ ወይኮ ታ ዋዲራፔ ጋርሳራ ጊዛይሲ ኢብራዊታ ዋጋን ላሜቶንታ ጫቆ ጊዲዳይሳ ቤሴስ

7 ጎዳ ሳሎ ጸሳይ ታና ታ ኣዋ ሶሆፔኔ ታ ዩሌቲዳ ቢታፌ ኬሲዳይሲ ታሰ፡ ሩኔ ዜሬፋሰ ታኒ ሃይሳ ቢታ ኢማና፡ ጊ ጫቂዳይሲ ኔኒ ታ ናሰ ሄፔ ማቾ ዳማና ማላ ኢዚ ባ ኪታንቻ ኔፔ ሲንፊ ኪታና።

8 ማጫሳያ ኔናራ ጉዬ ያናሰ ዶሶንታ ኢጲኮ ሃይሲ ታኒ ኔና ጫቄሊዳ ጫቆይ ኔሰ ጎማቶፖ፤ ናዛ ጉዬ ሙሊካ ኤፎፓ» ጊዴሰ።

9 ሄሳ ጊሻሰ ኦሳንቻዚ ባ ጎዳ ኣብራሃሜ ዋዲራ ቦላ ባ ኩሾ ዋሊ ጫቂዴሰ።

10 ሄሳፌ ጉዬ ኦሳንቻዚ ባ ጎዳ ጋሜላታፔ ታማታ ኤኪዲ ባ ጎዳ ሚሻፊካ ሙሩታ ሙሩታ ኤኪዲ ቢዴሰ፤ ሜሰጴጾሚያ ጌቲቲዛ ቢታን ዲዛ ናኮሬ ካታማ ጋኪዴሰ።

11 ኦማርሳ ዋዴ ማጫሲ ሃላ ዱቃናሰ ዩሺን ካታማፔ ጋጸን ሃላ ኦላ ኣቻን ባ ጋሜላታ ጉልባቲሲዲ።

12 «ጎዳወ! ታ ጎዳ ኣብራሃሜ ጸሶ! ሃቾ ታኒ ቆፓዳ ዩዳይሳ ታሰ ኢንጃሳ፤ ቃሴ ታ ጎዳ ኣብራሃሜሰ ኪያ ኦላ።

13 ቤያ! ታኒ ሃይሳ ፑልቶ ሃላ ኣቻን ኤቃዲሰ፤ ሃ ካታማ ኣሳ ማጫ ናይቲ ሃላ ዱቃናሰ ሃ ዩቲሰ።

14 ታኒ፡ «ኣኔ ኦቶዛ ዘቂ ሂሰታዳ ታና ሃላ ኡሻ፡ ጊዛ ዋዴ፡ ኢዛካ፡ ሂኮ ኡያ! ቃሴ ኔ ጋሜላታካ ታኒ ኡሻና፡ ጊዛራ ሂና ኔ ኣይሌ፤ ዩሳቃሰ ኔኒ ዶሪዳሮ ጊዱ፤ ኔኒ ታ ጎዳሰ ኪያ ኦሊዳይሳ ታኒ ሄሳን ኤራና» ጊ ዋሲዴሰ።

15 ቡሮ ኢዚ ዋሳ ዉርሶንታ ዲሺን ኢርቢቃይ ሃላ ኦቶ ቶካ ኤካዳ ፑቱ ጋዱሰ፤ ኢዛ ባቱኤሊ ዩሊዴሰ፤ ባቱኤሊ ሚልካ ና፤ ሚልካይ ኣብራሃሜ ኢሻ ናኮሬ ማቾ።

16 ኢርቢቃይ ዳሮ ማላ ሎኦኔ ጌሎንታ ጌላኦ። ዱጌ ዋዳዳ ፑልቶዛፔ ባ ኦቶ ሃላ ኩንፋዳ ኬዛዱሰ።

17 ሄ ኣይሌይ ኢዚኮ ዋጺ ቢዲ ኢዞ፡ «ኔ ኦቶዛፔ ታና ጉላ ሃላ ኡሻርኪ!» ጊዴሰ።

18 ኢዛ፡ «ኤሮ ታ ጎዳ! ኡያ» ጋዱሰ። ኤሶታዳ ኦቶዛ ባ ሃሺፔ ዋዳዳ ጌዲ ሂሰታ ኦይካዳ ኢዛ ኡሻዱሰ።

19 ኢዛ ኡሺዳይሳፌ ጉዬ፡ «ኔ ጋሜላቲካ ኣላና ጋካናሰ ታኒ ኢሰታሰ ሃላ ዱቃና።» ጋዱሰ።

20 ኣቲዳ ሃላ ኤሶን ሃላ ጎንጌን ቲጋዳ ዱቃናሰ ሃላ ኦላይ ዲዛሶ ዋጸዱሰ፤ ጋሜላቲ ዉሪ ኣላና ጋካናሰ ሃላ ኦላፌ ዱቃ ዱቃ ኤሃዳ ሃላ ጎንጌን ቲጋዳ ኡሻዱሰ።

21 ኢዚ ቆፒዲ ዩዳ ቆፋ ጎዳይ ኢንጃሲዳኮ ኤራና ማላ ኣዴዚ ጮኡ ጊዲ ኢዞ ጸሌሰ።

22 ጋሜላቲ ሃላ ኡዬ ሲሚን አዳዚ ኢቻሽ ገራሚ ባጋ ገዲዛ
ዋርቃ ሳጋዮታኔ 100 ገራሚ ገዲዛ ናሞኡ ዋርቃ ሳጋዮታ፤

23 ኬሲዲ ኢዞ፤ «ኔኒ ኦና ና? ኣኔ ታሰ ዮታ፤ ኔ አዋ ሶን ኑስ
አቂዛሶይ ዳኔ?» ገዴሰ።

24 ኢዞ፤ «ታኒ ሚልካይ ናኮሬሰ ዩሊዳ ባቱኤሌ ና።

25 ኑሶን ገዲዛ ሃፓይኔ ባሶይ ዴሰ፤ ቃሴ ኢንቴሰካ አቂዛሶይ
ዴሰ» ጋዲሰ።

26 አዳዚ ጉልባቲዲ ጎዳሰ ጎይኒሹ፤

27 «ባ ኪያቴላኔ ባ ቱማ ታ ጎዳፔ ሃሶንታ ታ ጎዳ አብራሃሚ
ጎዳ ጸሳይ ጋላቲቶ! ታኒ ዪሺን ጎዳ ጸሳይ ታና ታ ጎዳ ዳቦታሶ
ካሌሊዴሰ» ገዴሰ።

28 ናያ ዋጸ ባዳ፤ ባ አዬይሶን ዲዛ አሳሰ ሃኒዳይሳ ዮታዲሰ።

29 ኢርቢቃሰ ላባ ጌቴቲዛ ኢሻይ ዴሰ፤ ላባይ ካሬ ኬዚዲ
ሃላ ፑልቶ አቻን ዲዛ አዳዛኮ ዋጺዴሰ።

30 ቃላባቴኔ ባ ሚቹይ ኩሼን ዲዛ ሳጋዮታ ቤኢዳ ማላኔ
ኢርቢቃይ አዳዚ ባና ገዳይሳ ዮቲን ሲዬዳ ማላ ኬዚ ቢዲ
አዳዚ ጋሜላታራ ፑልቶዛ አቻን ኤቂዳይሳ ዴሚዴሰ።

31 ኢዞ፤ «ሃይሶ ጎዳይ ኔና ኣንጂዳይሶ ሃያ! ኔኒ ሃይሳን
ካሬን አይሰ ኤቃዲ? ታኒ ኔሰ ኬሊኔ ጋሜላታሰካ ሶ ገረሳዲሰ»
ገዴሰ።

32 ሄሳ ገሻሰ አዳዚ ሶ ጌሊዴሰ፤ ላባይ ጋሜላታ ጫና
ቢርሺዲ ሃፓኔ ባሶ ጋሜላታሰ ዩጌዴሰ። ኢዛሰኔ ኢዛራ ዲዛ
አሳታሰ ቶሆ ሃላ ኤሂዴሰ።

33 ቁማካ ኢዛ ሲንሐ ኣሊዴሰ፤ ኢዚ፤ «ታና ኤሂዳ ጉዳ ኢንቴሰ
ዮቶንታ ዳሼ ካሐ ሚኬ» ገዴሰ።

ላባይ፤ «ሂሰቲኮ ዮታ» ገዴሰ።

34 ሄሳ ገሻሰ ኢዚ፤ «ታኒ አብራሃሚ አይሌ።

35 ጎዳይ ታ ጎዳ አብራሃሚ ኬሂ ኣንጂን ኢዚ ዱሬቲዴሰ፤
ዶርሰ፤ ሚዝ፤ ቢራ፤ ዋርቃ፤ አቱማ አይሌታ፤ ማጫ አይሌታ፤
ጋሜላታኔ፤ ሃሬታ ኢዛሰ አሚዴሰ።

36 ታ ጎዳ ማቹያ ሳራይ ባ ጨማቴላ ላይላን ኢዛሰ አቱማ ና
ዩሊን ኢዚ ባሰ ዲዛዝ ኡባ ኢዛሰ አሚዴሰ።

37 ታ ጎዳይ ታና ሃይሳሉ ጫቂሲዴሰ፤ ታኒ ዲዛ ካናኔ ቢታ
ማጫ ናይታፔ ታ ናዛሰ ማቹ ኦይቸፋ፤

38 ታ አዋ አሳኮ ታ ዜሬላኮ ባዳ ታ ናዛሰ ማቹ ኦይቻን ገዴሰ።

39 ታኒካ ታ ጎዳዉ፤ «ናያ ታናራ ያናሰ ዶሶንታ ኢጲኮቺ?»
ጋዲሰ።

40 ኢዚ፡ ሳዳይ ታኒ ኢዛ ሲንላን ሱሬ ሄሜቲዳ ጸሲ ኔናራ ባ ኪታንቻ ኪታና፤ ኔኒ ታ ኔሰ ታ አዋ አሳፔ፡ ታ ዛሬታፔ ማቸ ዴማና ማላ፡ ኔ ቢዛ ኦጌ ኡባ ሎኤላና።

41 ኔኒ ታ ዛሬታኮ ቢን ኢሰቲ ኔሰ ኢዞ አሞንታ ኢዲኮ ሄ ዋዴ ኔሰ ጫቆይ ጎሜቲና፡ ጊዴሰ።

42 «ታኒ ሃቶ ሃይሳ ፑልቶዛኮ ዪዳ ዋዴ ጎዳዉ! ታ ጎዳ አብራሃሜ ጸሶ! ኔ ሸኔ ጊዲኮ ታኒ ቢዛ ቆፋዛ ኢንጃሳ።

43 ቤኣ፤ ታኒ ሃ ፑልቶዛ አቻን ኤቃዲሰ፤ ጌላኦ ኢሰኒያ ሃል ዱቃናሰ ዪኮ ታኒ ኢዞ፡ ሳና ኔ ኦቶዛፔ ጉላ ሃል ኡሻርኪ!» ጋና።

44 ሂሰቲኮ ኢዛ ታና፡ ሳኔር ኡያ፡ ቃሴ፡ ሳኔ ጋሜላታሰካ ታኒ ሃል ዱቃና፡ ጊዛራ ጸሲ ታ ጎዳይ ኔሰ ዶሪዳር ጊዲ።

45 «ታኒ ታ ዋዚናን ዋሲዛይሳ ዉርሶንታ ዲሺን ኢርቢቃይ ባ ኦቶ ሃሸን ቶካ ኤካዳ ፑቱ ጋዲሰ፤ ዱጌ ፑልታኮ ዋዳዳ ሃል ዱቃዲሰ፤ ታኒ ኢዞ፡ ሳና ሃል ኡሻርኪ!» ጋዲሰ።

46 «ኢዛ ኤሶን ባ ሃሸፔ ኦቶዛ ዋላዳ፡ ሳኦኮ ኡያ! ቃሴ ታኒ ኔ ጋሜላታ ኡሻና፡ ጋዲሰ፤ ታኒካ ኡያዲሰ፤ ቃሴ ታ ጋሜላታካ ኡሻዲሰ።

47 «ታኒ ኢዞ፡ ሳኒ ኦና ና?» ጋ ኦይቻዲሰ።

«ኢዞ፡ ሳኒ ሚልካይ ናኮሬሰ ዬሊዳ ባቱኤሌ ና፡ ጋዲሰ።

«ታኒካ ኢዚ ኩሸን ቃላባቲ አላዲሰ።

48 ሄሳፌ ጉዬ ታኒ ጉልባታዳ ጎዳሰ ጎይናዲሰ፤ ታኒ ጎዳ ታ ጎዳ አብራሃሜ ጸሳ፡ ታ ጎዳ ኢሻ ናኮ ኢዛ ኔሰ ኤካናሰ ታና ሊኬ ኦጌ ካሌሊዳይሳ ጋላታይሰ።

49 ሃኢካ ኢንቲ ታ ጎዳሰ ኪያና ማላኔ አማኔታና ጊዲኮ ታሰ ዮቲቲ፤ ሄሲ ሃኔና ጊኮካ ታሰ ዮቲቲ፤ ሄሳፌ ጉዬ ታኒ ሃናናይሳ ታ ኤራይሰ» ጊዴሰ።

50 ላባይኔ ባቱኤሊ፡ «ሃ ቆፋዚ ጎዳፔ ዪዴሰ፤ ኦኒ ኔሰ ጌዴ ሃ ጋናሰ ዳንዳዮኮ።

51 ኢርቢቃ ሃኖ ቤያ፤ ኤካዳ ባ! ጎዳይ ጊዳ ማላ ኔ ጎዳ ናዛሰ ማቸ ጊዲ» ጊዴ።

52 አብራሃሜ አይሌይ ኢሰቲ ጊዛይሳ ሲዪዳ ማላ ቢታን ጉልባቲዲ ጸሳሰ ጎይኒዴሰ።

53 አሽካራዚ ቢራ አሌቆኔ ዋርቃ አሌቆ፡ ማይኦካ ኬሲዲ ኢርቢቃሰ ኢሚዴሰ፤ ቃሴ ኣልኦ ሚሻታ ኢዚ ኢሻሲኔ ኢዚ አዬይሰ ኢሚዴሰ።

54 ሄሳፌ ጉዬ ኢዚካ ኢዛራ ዲዛይቲ ሚዳኔ ኡዬዳ፤ ሂስቲዲ ሄን አቁዳ፤ ኢስቲ ማላዶ ዋንታራ ዴንዲን፤ «ታና ታ ጎዳኮ ሞይዚቲ» ጊዴስ።

55 ጊዴ ኣቲን ኢዚ ኢሻይኔ ኢዚ ኣያ፤ «ናያ ኢሲ ታሙ ጋላሳ ማላ ኡናራ ታኩ፤ ሄሳፌ ጉዬ ኢዛ ባና» ጊዴ።

56 ኢዚ ጊዴኮ፤ «ጎዳይ ታኒ ዪዳይሳ ኢንጃሲን ኢንቲ ታና ጋሞኢሶቲቲ፤ ታኒ ታ ጎዳኮ ባና ማላ ታና ሞይዚቲ» ጊዴስ።

57 ኢስቲካ፤ «ናዮ ያይጊዲ ኣኔ ኑ ኢዞ ኦይቸስ» ጊዴ።

58 ሄሳ ጊሻስ ኢርቢቃ ያይጊዲ፤ «ሃ ኣዴዛራ ባኔ?» ጊ ኦይቸዳ።

ኢዛካ፤ «ኤ፤ ታኒ ባና» ጋዴስ።

59 ሂስቲን ኢስቲ ባ ሚቹዮ ኢርቢቃ ኢዞ ዲቺዛሪራ፤ ኣብራሃሚ ኣይሌዛሪኔ ኢዛ ኣሳታራ ሞይዚዳ።

60 ኢስቲ ኢርቢቃ፤

«ኑ ሚቹዬ ኢርቢቃ!

ጮራታ ቢታ ኩማ፤

ኔ ዜሬሊ ባ ሞርኬታ ካታማታ ላቲቶ» ጊ ኣንጂዳ።

61 ሄሳፌ ጉዬ ኢርቢቃይኔ ኢዚ ጋራዴቲ ዴንዲዲ ጋሚላታ ቶጊዲ ኣዴዛራ ቢዳ፤ ሂስቲን ኣይሌዚ ኢርቢቃ ኤኪዲ ቢዴስ።

62 ሄ ዋዴ ዪሳቂ፤ «ታና ቤኢዛ ዴኦ ጸሳ ፑልቶ» ጊዛ ፑልቶዛ ማታ ቢዲ፤ ኔጌቤ ባዘን ዴስ።

63 ኢሲ ጋላሳ ኦማርስ ዪሳቂ ባ ዋዚናን ቆፒዲ ዴምባ ኬዚዲ ዩዩሺ ኢዚ ቶቁ ጊ ያሊዛ ዋዴ ጋሚላቲ ዪዛይታ ቤኢዴስ።

64 ኢርቢቃይካ ቶቁ ሂስታ ያላዳ ዪሳቃ ቤያዳ ጋሚላ ቦላፌ ዋዳዲስ።

65 ዋዳዳ ኣይሌዛ፤ «ኑናራ ጋጋናስ ሴኪ ዴምባራ ሃ ዪዛ ኣዴይ ኦኔ?» ጋዴስ።

ኣሽካራዚ፤ «ኢዚ ታ ጎዳ ዴኔ» ጊዴስ፤ ኢዛ ባ ሻሼዛ ኤካዳ ጉሉንታዲስ።

66 ቃሴ ኣይሌዚ ባ ኦሊዳይሳ ኡባ ዪሳቃስ ዮቲዴስ።

67 ዪሳቂ ኢርቢቃ ባ ኣዬይ ሳራ ዴንካኔን ኤፊዲ ኢዞ ማቸ ኤኪዴስ፤ ኢዛካ ኢዛስ ማቸ ጊዳዲስ፤ ሂስቲን ኢዚ ኢዞ ሲቂዴሲኔ ባ ኣዬይ ሃይቆን ካዮቲዛይሳፌ ሚኔቲዴስ።

25

ኣብራሃሚስ ዩሌቲዳ ሃራ ናይታ
(1ታሪ 1:32-33)

- 1 ቃስ ኣብራሃሚይ ኬጹራ ጌቲቲዛ ሃራ ማሾ ኤኪዳስ።
- 2 ኢዛ ዘሚራኔ፥ ዮቂሻኔ፥ ሜዳኔ፥ ሚዲያኔ፥ ዩሺባቄኔ ሹሃ ኢዛስ ዩላዲስ።
- 3 ዮቂሻኔይ ሳባኔ ዳዳኔ ዩሊዳስ፤ ዳዳኔይ ኣሶሬታ፥ ሌጹሴታኔ ሌኣሚታ ዩሊዳስ።
- 4 ሚዲያኔ ናይቲ ኤፋ፥ ኤፌሬ፥ ሄኖኬ፥ ኣቢዳኤኔ ኤልዳኤ። ሃይቲ ዉሪካ ኬጹራ ናይታ።
- 5 ኣብራሃሚይ ባ ሃሮ ኡባ ዩሳቃ ላቲሲዳስ።
- 6 ጊዶ ኣቲን ኢዚ ቡር ፓጻ ዲሺ ባ ጋራዳታፔ ዩሊዳ ናይታስ ባስ ዲዛይሳፌ ዎይቲዳስ። ዎይቲዲ ባ ና ዩሳቃፔ ኢስታ ሻኪዲ ኣርሼይ ሞኪዛ ባጋራ ዲዛ ዳሬ ዩዲዳስ።

ኣብራሃሚ ሃይቆ

- 7 ኣብራሃሚይ ሙሌራ 175 ላይሰ ዳኢዳስ።
- 8 ኣብራሃሚይ ዳር ዎዴ ዳኢዲ ሎኦ ጨማ ጨሚዲ ሃይቂዳስ።
- 9 ኢዛ ናይቲ ዩሳቄኔ ኢስማኤሌይ ኢዛ ማኪጶሌ ጌቲቲዛ ጎንጎሎ ዱፎን ሞጊዳ፤ ሄ ጎንጎሎዚ ማሚሬ ኣቻን ሂቲ ጸሃሬ ና ኤፍሮኔ ጋዴን ዳስ።
- 10 ሄሲካ ኣብራሃሚይ ሂቲታፔ ሻሚዳ ጋዴ። ኣብራሃሚይ ባ ማቺያ ሳራይ ሞጌቲዳሶን ሞጌቲዳስ።
- 11 ኣብራሃሚይ ሃይቂዳፔ ጉዩ ጸሲ ኢዛ ና ዩሳቃ ኣንጂዳስ። ሄ ዎዴ ዩሳቄ፥ «ታና ቤኢዛ ዴኦ ጸሳ ፑልቶ» ጌቲቲዛ ፑልቶ ኣቻን ዳስ።

ኢስማኤሌ ዩሌታ

(1ታሪ 1:28-31)

- 12 ሳራ ኣይሌያ ጊብጾፔ ዩዳ ኣጋራ ኣብራሃሚስ ዩሊዳ ናዛ ኢስማኤሌ ዩሌታይ ሃይሳፌ ካሊ ጸፊቲዳይሳ።
- 13 ኢስማኤሌ ናይቲ ባ ሱንሳኒኔ ባ ዩሌታ ማራን ሃይታንታ፤ ሃይታንቲካ ኔባዮቲ፥ ቄዳሬ፥ ኣዲቢኤሌ፥ ሚቢሳሚ፥
- 14 ሚሺማኤ፥ ዲማ፥ ማሴ፥
- 15 ሃዳዴ፥ ቲማ፥ ዩጹሬ፥ ናፊሻኔኔ ቄዲማ።
- 16 ኢስማኤሌ ናይቲ ሃይታንታ፤ ኢስታ ሱንሳ ኢስታ ሞላኒኔ ዲዛሶን ዲዛሶን ሃይሳ፤ ኢስታስ 12 ዛርኬ ሃላቃቲ ዴቲስ።
- 17 ኢስማኤሌይ ሙሌራ 137 ላይሰ ዳኢዲ ሃይቂዳስ፤ ሃይቂዲ ባ ኣዋታን ጋጊዳስ።

18 ኢስማኤል ዘሬሊ ገብጾ፤ ኣርሼይ ሞኪዛ ባጋን ዲዛ ሃዋላፔኔ ሹራፔ ገደን ኣሶሬ ኤፊዛ ኦጌ ኣቻን ዴኢዳ። ኢስቲ ባ ኢቫታ ኡባታራ ሞርኬቴፋን ዴኢዳ።

ዪሳቃ ዬሌታ

19 ኣብራሃሚ ና ዪሳቃ ዬሌታይ ሃይሳፌ ካሊ ጻፊቲዳይሳ። ኣብራሃሚ ዪሳቃ ዬሊዴስ።

20 ዪሳቃስ ላይላይ 40 ገዲዳ ዋዴ ኢርቢቃ ኤኪዴስ፤ ኢዛ ሜስጶጶሚያን ዲዛ ኣራሚ ባቱኤሌ ናዮኔ ኣራሚ ዴሬ ኣስ ላባ ሚቶ።

21 ዪሳቂ ባ ማቺያ ማይኔ ገዲዳ ገሻስ ኢዚስ ጎዳ ዋሲን ጎዳይ ኢዛ ዋሳ ሲዪዴስ፤ ሂስቲን ኢዛ ማቺያ ኢርቢቃይካ ቃንሳታዲስ።

22 ገደ ኣቲን ኢዚ ኡሎ ገደን ዲዛ ናይቲ ሜንቴ ገዲዳ ገሻስ ኢሶይ ኢሳራ ሱጌቲዳ፤ ሂስቲን ኢዛ፡ «ሃይሲ ታ ቦላ ኣይስ ሃኒዜ?» ጋዲስ። ሄሳ ገሻስ ጸሳ ኦይቻና ቢን።

23 ጎዳይ ኢዚስ፡ «ኔ ኡሎን ናሞኡ ካዋቴሊ ዴስ፤ ቃሴ ኔ ኡሎን ዲዛ ናሞኡ ዴሬ ኣሳቲ ኢሶይ ኢሳፌ ቫኬታና፤ ኢሲ ዴሬ ኣሳይ ሃንኮይታፔ ሚናና፤ ቃሴ ባይራይ ካሎዛስ ሃሬታና» ገዴስ።

24 ኢዚስ ዬሎ ዋዴይ ጋኪን ኢዛ 2 ኣቱማ ናይታ ሜንቴ ዬላዲስ።

25 ኮይሮ ዬሌቲዳይሲ ኣሪሳ፤ ኢዛ ቦላይካ ዉሪ ኢስኬ ጸላ፤ ሄሳ ገሻስ ኢስቲ ኢዛ ኤሳዊ * ገ ሱንሊዳ።

26 ሄሳፌ ጉዬ፡ ኢዛ ኢሻይ ዬሌቲሺ ኤሳዊ ቶሆ ኦይኪ ዬሌቲዴስ፤ ሄሳ ገሻስ ኢዛ ያቆቤ † ገ ሱንሊዳ። ኢርቢቃይ ኢስታ ዬሊዳ ዋዴ፡ ዪሳቃስ ላይላይ ኡሱፑን ታሙ ላይሊ ገዲዴስ።

27 ናይቲ ዲጪዳ፤ ኤሳዊይ ሻንካ ኤሪዛ ባዛ ኣስ ገዲዴስ፤ ገደ ኣቲን ያቆቤይ ዱንካኔን ዲዛ ኣሸኬ ኣስ ገዲዴስ።

28 ዪሳቂ ኤሳዊ ሲቂዴስ፤ ኣይስ ገኮ ኢዚ ሻንካቲዳይሳፌ ማናስ ዶሲዴስ፤ ገደ ኣቲን ኢርቢቃይ ያቆቤ ሲቃዲስ።

29 ኢሲ ዋዴ ያቆቤይ ዋዴ ካሊሺን ኤሳዊ ጋፋይ ዋዲሺን፡ ባዞፌ ዪዴስ።

25:23 ኦሮ 9:12 * 25:25 ኤሳዊ፡ ኤሳዊ ጉሲ ኢብራዊታ ቃላራ፡ «ኢስካማ» ጉሳ። † 25:26 ያቆቤ፡ ያቆቤ ጉሲ ኢብራዊታ ቃላራ፡ «ቂርጶ ኦይኪዳይሳ» ጉሳ።

30 ኤሳዊ ያቆቤ፥ «ታና ሃይሳ ዘኦ ዋጼዛፔ ሚዛ፤ ታና ጋፋይ ዋጼሰ» ጌዳሰ። (ሃሳ ገሻሰ ቃሴ ኢዛ ሱንሊ ኤዶሜ ቶፍቴዳሰ።)

31 ያቆቤ ኢዛ፥ «ኮይሮ ታሰ ኔ ባይራቴላ ባይዛ» ጌዳሰ።

32 ሂሰቲን ኤሳዊ፥ «ሄኮ! ታ ሃይቃና ጋይሰ ሃና ታ ባይራቴላያ ታና ኣይ ማዳኔ?» ጌዳሰ።

33 ያቆቤ ዛሪዲ፥ «ኣኔ ታሰ ኮይሮ ኔ፤ ጫቃ» ጌዳሰ፤ ሂዝጊን ኢዚ ጫቂዳሰ፤ ባ ባይራቴላካ ያቆቤሰ ባይዚዳሰ።

34 ሃሳፌ ሲሚን ያቆቤ ያቆቤሰ ቡዳና፤ ሚሲራ ዋጼ ኢሚን ኢዚ ሚዳሲኔ ኡዱዳሰ፤ ሃሳፌ ጉዬ ዳንዲዲ ቢዳሰ፤ ኤሳዊ ባ ባይራቴላ ካጂዳሰ።

26

ዩሳቃኔ ኣቢሜሌኬ

1 ሄ ቢታን ካሴ ኣብራሃሜ ዋጼን ዲዛ ኮሻፔ ሃራ ኮሻይ ዳንዲዳሰ፤ ሂሰቲን ዩሳቂ ፊሊሰጾሜ ካዋ ኣቢሜሌኬኮ ጌራሬ ቢዳሰ።

2 ጎዳይ ዩሳቃሰ ቆንጨዲ፥ «ገብጾ ቢታ ዱጌ ቦፓ፤ ታኒ ኔሰ ዮቲዛ ቢታን ዳኣ።

3 ሃ ቢታን ጉላ ዋጼ ኡታሻ፤ ታኒ ኔናራ ጌዳና፤ ኔና ኣንጃና፤ ኣይሰ ጊኮ ሃይሳ ቢታ ኡባ ታኒ ኔሲኔ ኔ ዜሬላሰ ኢማና፤ ታኒ ኔ ኣዋ ኣብራሃሜሰ ጫቆ ጌሊዳ ኡፋይሳ ቃላ ሚንላና።

4 ኔ ዜሬላ ታኒ ሳሎ ጸለንቴ ማላ ዳርሳና፤ ሃይሳ ቢታ ኡባ ታ ኢሰታሰ ኢማና፤ ቢታ ኣሳይ ኡባይ ኔ ዜሬላ ባጋራ ኣንጃታና።

5 ጋሶይካ ኣብራሃሜይ ታ ቃላ ሲዱዲ ኣዛዜቲዳሰ፤ ታ ኢዛሰ ዮቲዳይሳ ኢዚ ኡባ ናጊዳ ገሻሳ» ጌዳሰ።

6 ሃሳ ገሻሰ ዩሳቂ ጌራሬን ዳኢዳሰ።

7 ሄ ቢታ ኣሳይ ኢርቢቃ ገሻሰ ዳንሊዲ ዩሳቃ፥ «ሃና ኔሰ ኣዜ?» ጌ ኦይቹዳ።

ኢዚካ ኢርቢቃይ ከሃ ማላ ሎኦ ጌዲዳ ገሻሰ፥ «ታኒ ኢዛ ታ ማቾ ጊኮ ሃ ኣሳይ ኢዚ ጌዶን ታና ዋጳናኮኔ» ጌ ባቢዳ ገሻሰ፥ «ሃና ታሰ ሚቾ» ጌዳሰ።

‡ 25:30 ኤዶሜ፡ ኤዶሜ ጉሲ ኣብራዊታ ቃላራ፥ «ዘኦ» ጉሳ። 25:33 ኢብ 12:16 26:4 ሚዲያ 22:16-18 26:7 ሚዲያ 12:13

8 ዩሳፍ ሄን ዳሮ ዋዴ ዲዳፔ ጉዬ ፊሊስጶሜ ካዋ ኣቢሜሌኬይ ማስኮቴራ ዲጌ ጸሊዲ ዩሳፍ ባ ማቸ ኢርቢቃራ ኢዲሜቲሼ ካኢሺን * ቤኢዴስ።

9 ሄሳ ጊሻስ ኣቢሜሌኬይ ዩሳቃ ጸይጊሲዲ፡ «ሄኮ ኢዛ ኔስ ማቸ! ኔኒ ኣይስ ኢዛ ታ ሚቸ ጋዲ?» ጊ ኦይቺዴስ።

ኢዚካ፡ «ኢዛ ታ ማቸ ጊኮ ኢዚ ጋሶን ኣሳይ ታና ዋቋና ጋዳ ባቢዳ ጊሻስ ጋዲስ» ጊዴስ።

10 ሂስቲን ኣቢሜሌኬይ፡ «ሃይሲ ኔኒ ኑ ቦላ ኦሊዳይሲ ኣዜ? ታ ኣሳፔ ኢሲ ኣሲ ኔ ማቺይራ ኣቂዳኮ ኑ ቦላ ጎሜ ኤሃሼ ኣጋዳሳ» ጊዴስ።

11 ሄሳ ጊሻስ ኣቢሜሌኬይ ባ ኣሳ ኡባ፡ «ሃ ኣዴዛ ዋይኮ ኢዛ ማቸ ቦቺዛይ ኦኒካ ቱሙ ሃይቆ» ጊ ኣዛዚዴስ።

12 ዩሳፍ ሄ ቢታን ካል ዜሪን ጎዳይ ኢዛ ኣንጂዳ ጊሻስ ሄ ላይፋን ጸቱ ኩሼ ሺሺዴስ።

13 ኢዛስ ኣቆታይ ዳሪ ዳሪ ቢዳ ጊሻስ ኬሂ ዲሬቲዴስ።

14 ዩሳቃስ ዶርሲ፡ ሚዛ ዉዴይኔ ኣይሌቲ ኬሂ ዳሪዳ ጊሻስ ፊሊስጶሜ ኣሳይ ኢዛ ሚቃይኒዴስ።

15 ሄሳ ጊሻስ ኢዛ ኣዋ ኣብራሃሜ ዋዴን ኢዛ ኣዋ ኣይሌቲ ቦኪዳ ሃላ ኦላ ኡባ ፊሊስጶሜ ኣሳይ ቢታ ዛሪዲ ኩንሊዴስ።

16 ሄ ዋዴ ኣቢሜሌኬይ ዩሳቃ፡ «ኑፔ ሻኬታዳ ባ፤ ኔኒ ኑፔ ኣቋ ሚናዳሳ» ጊዴስ።

17 ሂዘጊን ዩሳፍ ሄፔ ዴንዲዲ ጌራሬ ሾባ ቢዲ ዴንካኔ ቶኪዲ ሄን ዴኢዴስ።

18 ኣብራሃሜይ ፓጻ ዲሼ ቦኪሲዳ ሃላ ኦላታ ኣብራሃሜይ ሃይቂዳፔ ጉዬ ፊሊስጶሜ ኣሳይ ቱጪዳ ሃላ ኦላታ ዩሳፍ ቃሴካ ቦካና ማላ ኦሊዲ ካሴ ኢዛ ኣዋይ ሱንሊዳ ሱንፋን ጸይጊዴስ።

19 ዩሳቃ ኣይሌቲ ሾባን ሃላ ኦላ ቦኪሼ ቦኪዛ ኦላፌ ፑልቲዛ ሃል ዴሚዳ።

20 ጊዶ ኣቲን ጌራሬን ሜሄ ሄሚዛይቲ ዩሳቃ ሜሄ ሄሚዛይታራ፡ «ሃሳይ ኑይሳ» ጊ ኦዬቲዳ። ኢስቲ ኢዛራ ፓላሜቲዳ ጊሻስ ዩሳፍ ሄ ሃላ ኦላ፡ «ኤሴቄ»† ጊ ሱንሊዴስ።

* 26:8 ኢዲሜቲሼ ካኢሺን፡ ቃቃቲሼ ካኢሺን ጊዛይሲ ኢዚራ ጋይታናስ ዚቲዛይሳ ቤሴስ። † 26:20 ኤሴቄ፡ ኤሴቄ ጉሲ ኢብራዊታ ቃላራ፡ «ፓላማ» ጉሳ።

21 ሃሳፌ ጉዬ ኢስቲ ሃራ ሃላ ኦላካ ቦኪዳ፤ ጊዶ አቲን ኢስቲ ሄ ሃላ ኦላ ጊዶንካ ኦዩቲዳ፤ ሃሳ ጊሻስ ኢዚ ሄ ሃላ ኦላ፤ «ሲዲና»[‡] ጊ ሱንሊዳስ።

22 ሃሳፌ ጉሉ ሃራሶ አዲ ሃራ ሃላ ቦኪሲዳስ፤ ኢዛ ጋሶን ኦኒካ ኦዩቲቤና፤ «ጸሲ ሃኢ ኑስ አሲዳስ፤ ኑኒ ሃ ቢታን ዳራና» ጊዲ ኢዛ፤ «ኦሮቦቲ»[§] ጊ ሱንሊዳስ።

23 ሃሳፌ ጉዬ ዩሳቂ ፑዴ ቤርሳቤሄ ጌቲቲዛሶ ኬዚዳስ።

24 ሄ ቢዳ ጋላስ ቃማራ ጎዳይ ኢዛስ ቆንጨዲ፤ «ታኒ ኔ አዋ አብራሃሜ ጸሳ፤ ታኒ ኔናራ ዲዛ ጊሻስ ባቦላ! ታኒ ኔና አንጃና፤ ታ አይሌ አብራሃሜ ጊሻስ ኔ ዜሬላ ታ ዳርሳና» ጊዳስ።

25 ዩሳቂ ሄን ያርሺዛሶ ኬዲዲ ጎዳ ሱንላ ጸይጊዳስ፤ ሄን ኢዚ ባ ዲንካኔዛ ቶኪዳስ፤ ቃሴ ሄን ኢዛ አይሌቲ ሃላ ኦላ ቦኪዳ።

26 ሃሳፌ ጉዬ አቢሜሌኬይ ባና ዞሪዛ አሁዛታኔ ባ ዎታዳራታ ሃላቃ ፒኮሌ ኤኪዲ ጌራሬፔ ዩሳቃኮ ዩዳስ።

27 ዩሳቂ ኢስታስ፤ «ኢንቲ ካሴ ታና ኢዲዲ ኢንቲ ቢታፌ ኬሲ ዩዲዲ ሃኢ ቃሴ ታኮ አይ ኤካና ዩዳቲ?» ጊዳስ።

28 ኢስቲ ኢዛ፤ «ጎዳይ ኔናራ ዲዛይሳ ቱሙ ኑኒ ቆንጨን ቤኢደስ፤ ሃሳ ጊሻስ ኑሲኔ ኔስ ጊዶን ጫቆ ቃላይ ዳኣና ኮሼስ ጎስ።

29 ጊዶ አቲን ኑኒ ኔስ ኪያቲላ ጸላ ኦሊዲ ኔና ሳሮቲላን ዋይዚደስ፤ ሃሳሶካ ኔኒ ኑ ቦላ ኢታ ሚሽ ኦሶንታ ማላ አኔ ኔናራ ጫቆ ጫቂቶስ፤ ሃኢ ኔና ጎዳይ አንጂዳይሲ ቆንጨዳስ» ጊዳ።

30 ሄ ዋዴ ዩሳቂ ኢስታስ ጊቢራ ጊግሲን ሚዳኔ ኡዩዳ።

31 ዋንቲላ ጋላስ ማላዶ ዋንታራ ዴንዲዲ ኢስቲ ኢሶይ ኢሳራ ጫቂቲዳ። ዩሳቂ ኢስታ ዋይዚን ኢስቲ ኢዛፔ ሳሮን ሻኬቲዲ ቢዳ።

32 ሄ ጋላስ ዩሳቃ አይሌቲ ዩዲ ባ ቦኪዳ ሃላ ኦላ ጊሻስ፤ «ኑኒ ሃላ ዴሚደስ» ጊ ኢዛስ ዮቲዳ።

33 ኢዚ ሄ ሃላ ኦላ፤ «ሳቤሄ»^{*} ጊ ሱንሊዳስ፤ ሃሳ ጊሻስ ሄ ካታማ ሱንሊ ሃቾ ጋካናስ ቤርሳቤሄ[†] ጌቲቲስ።

ኤሳዊይ ኤኪዳ ዳጧ ማቺታ

[‡] 26:21 ሲዲና፡ ሲዲና ጉሲ ኢብራዌታ ቃላራ፡ «ሞርኬቲላ» ጉሳ። § 26:22

ኦሮቦቲ፡ ኦሮቦቲ ጉሲ ኢብራዌታ ቃላራ፡ «አሆሶ» ጉሳ። 26:26 ሜዴ 21:22

^{*} 26:33 ሳቤሄ፡ ሳቤሄ ጉሲ ጫቆ ጉሳ። [†] 26:33 ቤርሳቤሄ፡ ቤርሳቤሄ ጉሲ ጫቆ ሃላ ኦላ ጉሳ።

34 ኤሳዌ ላይሊ 40 ገዲዳ ዋዴ ቢኤሬ ና ዮዲቶኔ ኤሎኔ ና ባሴማቶ ማቾ ኤኪዴሰ፤ ኢሰቲ ናምኣይካ ሂቲ ቢታ ኣሳ።

35 ኢሰቲካ ዩሳቃኔ ኢርቢቃ ሚሺሲሼ ዴኢዳ።

27

ያቆቤ ኣንጃቲላ

1 ዩሳቂ ጨሚን ኢዛ ኣይፌይ ዴሎ ኢዲዳ ዋዴ ባሰ ባይራ ናዛ ኤሳዌ ዴይጊዲ ኢዛ፥ «ታ ናዘ!» ገዴሰ።

ሂሰቲን ኢዚ፥ «ዬ!» ገ ኮዩዴሰ።

2 ኢዚካ፥ «ቤያ! ሃኢ ታኒ ጨማዲሰ፤ ታኒ ኣይዴ ሃይቃናኮኔ ታ ሃይቃና ጋላሰ ኤሪኬ።

3 ሄሳ ገሻሰ ሃኢ ኔ ኢዛራ ሻንካቲዛ ቶራ ኤካዳ ባዞ ባዳ ዶኣ ሻንካታዳ ታሰ ኣሾ ኤካዳ ያ።

4 ታ ዶሲዛ ማልኦ ቁማ ካላዳ ታሰ ኣላ፤ ሄሲካ ታኒ ሃይቃናፔ ካሴ ኔና ኣንጃናሳ» ገዴሰ።

5 ኢርቢቃይ ዩሳቂ ባ ና ኤሳዌሰ ዮቲዛይሳ ሄ ዋዴ ሲያዲሰ፤ ኤሳዌይ ዶኣ ሻንካቲዲ ኤሃናሰ ባዞ ቢን።

6 ኢርቢቃይ ባ ናዛ ያቆቤ፥ «ኔ ኣዋይ ኔ ኢሻ ኤሳዌ፥

7 «ዶኣ ሻንካታ ኤሃዳ ታ ማና ማላ ታሰ ማልኦ ቁማ ካላ፤ ሂሰቲኮ ታ ሃይቆንታ ዲሼ ጎዳ ሲንላን ኔና ኣንጃና» ገሺን ታኒ ሲያዲሰ።

8 ታ ናዘ! ሃኢ ታኒ ኔና ኣዛዚዛይሳ ሎኤላዳ ሲያ።

9 ዉዴዛ ጋርሰ ባዳ ናምኡ ኣንቃራ ዴይሻ ላቃታ ታሰ ኤካዳ ያ፤ ኔ ኤሂኮ ታኒ ኔ ኣዋሰ ማልኦ ቁማ ኢዚ ዶሲዛ ማላ ካላና።

10 ኔ ኣዋይ ሃይቆንታ ዲሼ ሚዲ ኔና ኣንጃና ማላ ኤሃዳ ሚዛ» ጋዲሰ።

11 ገዶ ኣቲን ያቆቤይ ባ ኣዮ ኢርቢቃሰ፥ «ታ ኢሻ ኤሳዌ ቦላን ኢሰኬይ ዴሰ፤ ገዶ ኣቲን ታ ቦላይ ሊቆ።

12 ታ ኣዋይ ታና ኦይኪ ቤይኮቺ? ታኒ ኢዛ ጨሚዛ ኢዛሰ ሚሳቲኮ ታኒ ኣንጃ ኣጋዳ ቃንጌላ ታ ቦላ ኤሃናኮ» ገዴሰ።

13 ኢዛ ኣዩያ ኢዛ፥ «ታ ናዘ! ሄ ቃንጌላይ ታና ጋኮ። ታኒ ኔሰ ዮቲዛይሳ ኔ ኦላ፤ ባዳ ዴይሻ ላቃታ ታሰ ኤካ ያ» ጋዲሰ።

14 ኢዚ ኤሂዲ ባ ኣዩይሰ ኢሚን ኣዩያ ማልኦ ቁማ ኢዛ ኣዋይ ዶሲዳ ማላ ማልኤላ ካላዲሰ።

15 ሄሳፌ ጉዬ ኢርቢቃይ ሶን ባ ኣቻን ዲዛ ባ ባይራ ና ኤሳዌ ሎኦ ማይኦ ኤሃዳ ካሎ ናዛ ያቆቤ ማይዛዲሰ።

16 ቃሴ ሄ ዴይሻታ ኢቲ ኢዛ ኩሼኒኔ ኢዛ ቆጴን ማይዛዲሰ።

17 ሂስታዳ ባ ካሊዳ ማልኦ ቁማኔ ኡኬላ ባ ና ያቆቤ ኩሼን ዋላዲስ።

18 ሂስቲን ኢዚ ባ አዋኮ ቢ ጌሊዲ፥ «ታ አዋዉ!» ጌዴስ።
ኢዚካ፥ «ዬ! ታ ናዘ! ኔኒ ኦኔ?» ጌዴስ።

19 ያቆቤይ ባ አዋስ፥ «ታኒ ኔ ባይራ ና ኤሳዌ፤ ኔኒ ታና አዛዚዳ ማላ ታኒ ኦላዲስ፤ ሱራዳ፥ ታኒ ሻንካታ ኤሂዳይሳ ማ፤ ሂስታዳ ታና አንጃ» ጌዴስ።

20 ዩሳቂ ያቆቤ፥ «ታ ናዘ! ዋስታ ኤሶን ዴማዲ?» ጌ ኦይቺዴስ።

ኢዚካ፥ «ጎዳይ ኔ ጸሲ ታና ማዲና» ጌዴስ።

21 ዩሳቂ ያቆቤ፥ «ታ ናዘ! ኔኒ ቱሙ ታ ና ኤሳዌኮኔ ታኒ ኔና ኦይካ ቤአናስ ኦኔ ታኮ ሃ ሺቃ» ጌዴስ።

22 ያቆቤይ ባ አዋ ዩሳቃኮ ሸቂን ኦይኪ ቤኢዲ፥ «ሃይሲ ቃላይ ያቆቤ ቃላ ሸን ኩሼይ ኤሳዌ ኩሼ» ጌዴስ።

23 ኢዛ ኩሼይ ኢዛ ኢሻ ኤሳዌ ኩሼሶ ኢስኬራ ዲዛ ጊሻስ ኤሮንታ ኢዛ አንጂዴስ።

24 ኢዛ፥ «ቱሙ ኔኒ ታ ና ኤሳዌ?» ጌ ኦይቺዴስ።

ኢዚካ፥ «ኤ ታናኮ!» ጌዴስ።

25 ኢዚካ፥ «ታ ናዘ! ታኒ ኔኒ ሻንካቲዳይሳ ማናስ ሃ አላ፤ ማዳ ታኒ ኔና አንጃና» ጌዴስ። ያቆቤይ አሊን ኢዚ ሚዴስ፤ ዋይኔ ኡሻካ ኤሂን ኡዩዴስ።

26 ሄሳፌ ጉዬ ኢዛ አዋ ዩሳቂ፥ «ታ ናዘ! ሃ ሺቃዳ ታና ዬራ» ጌዴስ።

27 ያቆቤይ ሸቂዲ ኢዛ ዩሪዴስ፤ ዩሳቂ ኢዛ ማይኦ ሲንጊ ሲዩዲ፥ «ታ ናዘ ፔኖይ ጎዳይ አንጂዳ ጎሻ ማላ ሳዌስ።

28 ጸሲ ሳሎ ኢራኔ ሳኦ አንጃ፥ ካሊኔ ኦራላ ዋይኔ ኡሹ ፓላሂሲዲ ኔስ ኢሞ።

29 ካዋቴላቲ ኔስ ሃሪቴቶ፤ አሲ ዉሪ ኔስ ጉልባቶ፤ ኔኒ ኔ ኢሻታስ ጎዳ ጊዳ፤ ኔ አዩይ ዜሬሊ ኔስ ጉልባቶ፤ ኔና ቃንጊዛይ ቃንጌቲዳዝ ጊዶ፤ ኔና አንጂዛይ አንጃቲዳይሳ ጊዶ» ጌዴስ።

30 ዩሳቂ ያቆቤ አንጂ ዉርሲዳፔ ጉዬ ያቆቤይ ባ አዋ ዩሳቃ ሲንሳፌ ኬዚዳ ማላ ኤሳዌይ ሻንካፌ ፑቱ ጌዴስ።

31 ኢዚካ ቃሴ ማልኦ ቁማ ካሊዲ ባ አዋስ አሊዴስ፤ አሊዲ ኢዛ፥ «ታ አዋዉ! ሱራዳ ሃይሳ ታኒ ሻንካቲዳይሳፌ ማ፤ ሂስታዳ ታና አንጃ» ጌዴስ።

32 ሂሰቲን አዋይ ዩሳቂ ኢዛ፡ «ኔ ኦኔ?» ገ ኦይቺደሰ። ኢዚ፡ «ታኒ ኔሰ ባይራ ናዛ ኤሳዌ» ገደሰ።

33 ዩሳቂ ዳጋሚዲ ኮሪሪ፡ «ሂሰቲን ዶኦ ሻንካቲዳይሳ ኤኪዲ ታሰ ኣሉዳይ ኦኔ? ታኒ ሃኢ ኔኒ ያናፔ ሰንፊ ማዳ ኢዛ ኣንጃዲሰ፤ ቱሙካ ኢዚ ኣንጃቲዳይሳ ገዳና» ገደሰ።

34 ኤሳዌይ ባ አዋ ቃላ ሲዬዳ ማላ ባ ቃላ ቆቁ ሂሰታዲ ዳሮ ጫሞ ዬሆ ዬኪዲ ባ አዋ፡ «ታና ኣንጃ፤ ታ አዋዉ ታናካ ኣንጃ!» ገደሰ።

35 ገዶ አቲን ኢዚ፡ «ኔ አሻይ ዩዲ ታና ጨሚዲ ኔ ኣንጃ ኤኪቺደሰ» ገደሰ።

36 ኤሳዌይ፡ «ኢዛ ኤሪዲ ያቆቤ * ገ ሱንፊደሰ፤ ኢዚ ታና ጨሚሺን ሃይሲ ናምኣን፤ ኢዚ ታ ባይራቱላ ኤኪደሰ፤ ቃሴ ሃኢካ ታ ኣንጃ ኤኪደሰ» ገደሰ፤ ቃሴ ዛሪዲ ባ አዋ፡ «ኔኒ ታሰ ኣንጃፊ ኣይኮካ ኣሻቤኪ?» ገ ኦይቺደሰ።

37 ዩሳቂ ኤሳዌይ፡ «ታኒ ኢዛ ኔ ቦላ ጎዳታና ማላ፡ ኢዛ አሻቲ ኢዛሰ ኦላና ማላ፡ ካሊኔ ዋይኔ ኡሺ ፓላሃና ማላ ኣንጃዲሰ፤ ሂሰቲን ታ ናዛ ታ ኔሰ ሃኢ ኣይ ኦላና ዳንዳያዚና?» ገደሰ።

38 ኤሳዌይ ባ አዋ፡ «ታ አዋዉ ኔሰ ዲዛይ ኢሲ ኣንጃ ጸላ? ታ አዋዉ! ታናካ ኣንጃርኪ!» ገደሰ። ሄሳፊ ጉዬ ኤሳዌይ ባ ቃላ ቆቁ ሂሰቲዲ ዬኪደሰ።

39 ኢዛ አዋ ዩሳቂ ዛሪዲ፡ «ኔ ዲዛሶይ ሃ ሳኦ ዱሬቴላፊ ሃካና፤ ሳሎ ኢራይካ ኔሰ ቡኬና።

40 ኔኒ ኔ ገላ ማሻን ኣቃና፤ ኔኒ ኔ አሻሰ ሃሪታና፤ ገዶ አቲን ኔኒ ኢዛራ ኤቄቲኮ ኢዛ ቃምባራ ኔ ሞርጌፊ ዲጋና» ገደሰ።

41 አዋይ ያቆቤ ኣንጃዲ ገሻሰ ኤሳዌይ ያቆቤ ኬሂ ኢጲደሰ፤ ኢዚ ባ ዋዚናራ፡ «ታ አዋይ ሃይቃና ማቲደሰ፤ ኢዚ ሃይቂዳ ማላ ታ አሻ ያቆቤ ታ ዋዳና» ገደሰ።

ያቆቤ ቤቴላ

42 ገዶቲን ኢርቢቃይ ሃይሳ ባ ባይራ ናዛ ኤሳዌ ቃላ ሲዬዳ ገሻሰ ባ ካሎ ና ያቆቤ ጾይጊሳ ኤሃዳ፡ «ኔ አሻይ ኤሳዌይ ኔና ዋዳዲ ሃሎ ኬሳናሰ ኮዬሰ።

43 ሃኢካ ታ ናዛ፡ ታኒ ኔሰ ዮቲዛይሳ ኦላ። ዳንዳ! ዳንዳዳ ካራኔን ዲዛ ታ አሻ ላባኮ ባቃታ!

* 27:36 ያቆቤ፡ ያቆቤ ጉሲ ኢብራዊታ ቃላራ፡ «ጨሚደሰ ዋይኮ ባለፊደሰ» ጉሳ።

27:36 ሜዴ 25:29-34 27:38 ኢብ 12:17 27:39 ኢብ 11:20

27:40 ሜዴ 36:8፤ 2ካዋ 8:20

44 ሂስታዳ ኔ አሻ ሃንቆይ ዶቻና ጋካናስ አማላቴላን ኢዛራ ዳሻ።

45 ኔ አሻይ ኔስ ሃንቁቲዛይሳ ኢዚ ኣጊዛ ዋዴኔ ኔ ኢዛ ቦላ ኦሊዳይሳ ኢዚ ባሊዛ ዋዴ ታኒ ከታዳ ኔና ሄፔ ኤሂሳና፤ ታኒ ኢሲ ጋላስ አንቴፊ ናምኣታፔ ማላ ኣታና ማላ ኮይኬ» ጋዱስ።

46 ሄሳፊ ጉዬ ኢርቢቃይ ዩሳቃ፥ «ኤሳዌይ ኤኪዳ ሂቲታ ማጫ ናይታ ጌዶን ዱሳይ ታና ኢቲስ፤ ቃሴ ያቆቤይካ ሄይታ ማላ ሂቲታ ማጫ ናይታፔ ማቾ ኤኪኮ ታኒ ሄኮ ሃይቃናስ ኮያይስ» ጋዱስ።

28

1 ሄሳ ጊሻስ ዩሳቂ ያቆቤ ጸይጊዲ፥ «ካናኔ ኣሳ ማጫ ናይታፔ ኔስ ማቾ ኤኮፋ።

2 ዴንዳዳ ኔ ኣዬይ ኣዋ ባቱኤሌኮ፥ ሜስጶጶሚያ ቢታ ባዳ ሄፔ ኔ ኣዬይ አሻ ላባ ማጫ ናይታፔ ኢሲኒዮ ኔስ ማቾ ኤካ።

3 ኡባ ዳንዳይዛ ጸሲ ኔና ኣንጆ፤ ኢዚ ኔስ ዳር ናይታ አሞ፤ ኔና ዳር ዴሬስ ኣዋ ሂስቶ።

4 ኣብራሃሚ ኣንጂዳ ማላ ኔናኔ ኔ ዜሬላ ጸሲ ኣንጆ፤ ሃይሳ ኣብራሃሚይ አሚዳ ቢታኔ ኔካ አማላቴላን ዴኢዳ ቢታ ኔስ አሞ» ኣዛዚዴስ።

5 ሂስቲን ዩሳቂ ያቆቤ ዬዲን ያቆቤይ ሜስጶጶሚያ ቢታ ላባኮ ቢዴስ። ላባይ ያቆቤኔ ኤሳዌ ዬሊዳ ኢርቢቃስ አሻኔ ኣራሚ ቢታ ኣስ ባቱኤሌ ና።

ኤሳዌይ ኤኪዳ ሃራ ማቾዮ

6 ዩሳቂ ያቆቤ ኣንጂዳይሳ ሄፔ ማቾ ኤካናስ ሜስጶጶሚያ ቢታ ኢዛ ዬዲዳይሳ ቃሴካ ኢዚ ያቆቤ ኣንጂዳ ዋዴ፥ «ካናኔ ማጫስ ኤኮፋ» ጊ ኣዛዚዳይሳ ሲዩዴስ፤

7 ያቆቤይካ ባ ኣዋሲኔ ባ ኣዬይስ ኣዛዜቲዲ ሜስጶጶሚያ ቢታ ቢዳይሳ ኤሳዌይ ኤሪዴስ።

8 ኤሳዌይ ኢዛ ኣዋ ዩሳቃይ ካናኔ ማጫ ናይታ ኣይ ማላ ኢጸዛኮኔ ሄሳን ኤሪዴስ።

9 ሄሳ ጊሻስ ኤሳዌይ ኣብራሃሚ ና ኢስማኤሌኮ ቢዲ ኢዛ ናዮ ማሂላቶ ባ ማቼይ ቦላ ጉጂ ኤኪዴስ። ኢዛካ ኔባዮቲ ሚቾ።

ያቆቤ ኣጉሞ

10 ያቆቤይ ቤርሳቤሄፔ ካራኔ ባናስ ዴንዲዴስ።

11 ኢዚ ኢሲ ሶ ጋኪሺን ኣርሼይ ወሊን ሄን ኣቂዳስ፤ ሄ ሶን ዲዛ ሹቻታፔ ኢሲ ሹቶ ኤኪ ቦርኮቲዲ ሄን ጳስኪዳስ።

12 ኣጉሞዛን ቢታን ኤቂዲ ጸራይ ፑዴ ሳሎ ጋኪዛ ያንጋሪ ቤኢዳስ፤ ያንጋሪዛ ቦላ ጸሳ ኪታንቻቲ ዲጌ ዎጲሺኒ፤ ፑዴ ኬዚሺን ቤኢዳስ።

13 ያንጋሪዛስ ቦላ ጸራን ጎዳይ ኤቂዲ ኢዛ፤ «ታኒ ጎዳ ኔ ኣዋ ኣብራሃሜ ጸሳ፤ ዩሳቃ ጸሳ። ሃ ኔ ኢቺዳ ቢታ ታ ኔሲኔ ኔ ዜሬላስ ኢማና።

14 ኔ ዜሬላይ ቢታ ኣጩ ማላ ዳራና፤ ኢስቲካ ኦይዱ ባጋ ጋካና፤ ቢታ ቦላን ዲዛ ኣሲ ዉሪ ኔ ባጋሪኔ ኔ ዜሬላ ባጋሪ ኣንጃታና።

15 ታኒ ኔናራ ዳይስ፤ ኔኒ ቢዛሶ ኡባን ታኒ ኔና ናጋና፤ ቃሴ ታኒ ኔና ሃ ቢታ ጉዬ ዛራዳ ኤሃና፤ ታኒ ኔስ ኦላና ጊዳይሳ ኦላና፤ ኔናካ ዩጊኬ» ጊዳስ።

16 ያቆቤይ ጳስኮፌ ቤጊዲ፤ «ታኒ ኤራቤኬፌ ኣቲን ጎዳይ ቱሙ ሃይሳን ዳስ» ጊዳስ።

17 ኢዚ ባቢዲ፤ «ሃይሲ ኣይ ማላ ባቢሲዛሶ! ሃይሲ ጸሳ ኬላፌ ኣቲን ሃራሶ ዳና፤ ሃይሲ ሳሎ ፔንጌ» ጊዳስ።

18 ያቆቤይ ዎንቲላ ጋላስ ማላዶ ዎንታራ ዴንዲዲ ባ ቦርኮቲዳ ሹቻ ኤኪዲ ቱሳ ማላ ኤሲዲ ጸሳስ ዴማሳናስ ኢዛ ቦላ ዛይቲ ጉሲዳስ።

19 ያቆቤይ ሄ ሶሆዛ ቤቴሌ * ጊ ሱንሊዳስ፤ ሄ ካታማያ ሄሳፌ ካሴ ሎዛ ጌቴታዉስ።

20-21 ያቆቤይ፤ «ኔ ታናራ ጊዳዳ ታ ቢዛ ኦጌን ኔ ታና ናጊኮ ታስ ሚዛ ቁማኔ ማይኦ ኔ ኢሚኮ ታ ኣዋ ሶ ሳሮን ኔ ታና ዛሪኮ ኔኒ ጎዳይ ታ ጸሳ ጊዳና።

22 ታኒ ቱሳ ማላ ኤሲዳ ሃ ሹቻይ ጸሳ ኬላ ጊዳና፤ ኔኒ ታስ ኢሚዛ ኡባፌ ታማፌ ኢሲ ኩሹ ታኒ ኔስ ኢማና» ጊ ኣዲኔቲዳስ።

29

ያቆቤይ ላባ ሶን

1 ሄሳፌ ጉዬ ያቆቤይ ዴንዲ ቢዲ ኣርሼይ ሞኪዛ ባጋራ ዲዛ ኣሳታ ዴሬ ጋኪዳስ።

28:12 ዮሃ 1:51 28:13 ሜዴ. 13:14-15 * 28:19 ቤቴሌ፡ ቤቴሌ ጉሲ ኢብራዊታ ቃላራ፤ «ጸሳ ኬላ» ጉሳ።

2 ሂስቲዲ ኢሲ ዳምባን ሃላ ኦላይ ዲዛይሳ ቤኢዳስ፤ ሄቩ ጩጋ ዶርሲ ቃሴ ሄ ሃላ ኦላ ኣቻን ኢቺዳስ፤ ኣይስ ጊኮ ወዳይ ወሪ ሃላ ኡዩዛይ ሄ ኦላዛፔ፤ ሄ ሃላ ኦላ ዶና ቱቻ ሹቻይካ ጊታ።

3 ዶርሳ ወዳይ ወሪ ሄን ሺቂዳ ዎዴ ወዳዛ ሄሚዛይቲ ሃላ ኦላ ዶናፔ ሄ ሹቻ ጌንዴሪሲዲ ዶርሳ ኡሼቴስ። ኡሺዲ ሄ ሹቻ ሃላ ኦላን ዛሪዲ ቱጩቴስ።

4 ያቆቤይ ኢስታስ፡ «ሃይቶ! ኢንቲ ኣዋፔ ዪዴቲ?» ጊ ኦይቺዳስ።

ኢስቲካ፡ «ኑኒ ካራኔፔ ዪዶስ» ጊ ዮቲን፡

5 ኢዚ፡ «ናኮሬስ ናዛ ና ላባ ኤሬቲ?» ጊዴስ።

ኢስቲካ፡ «ኤ፡ ኢዛ ኑ ኤርስ» ጊዳ።

6 ያቆቤይ ኢስታስ፡ «ኢዚ ሎኦ ዲዜ?» ጊ ኦይቺን፡ «ኤ፡ ሎኦኮ፤ ኢዛ ና ኤራሄሎ ዶርስ ኤካ ዪዛሮ ሃሮ ቤያ» ጊዳ።

7 ሂስቲን ያቆቤይ ኢስታስ፡ «ቤኢቲ! ኣርሼይ ሃኢ ቶቃን ዳስ፤ ሜሄ ሶ ሺሺዛ ዎዴይ ቡሮ ጋኪቤና፤ ዶርሳታ ሃላ ኡሺዲ ኤፊ ሄሚሺቴ» ጊዴስ።

8 ጊዶ ኣቲን ኢስታስ፡ «ሜሄይ ወሪ ሺቃና ጋካናስ፡ ሹቻ ሃላ ኦላዛ ዶናፔ ጌንዴሪሳና ጋካናስ ኑኒ ኡሻናስ ዳንዳዮኮ፤ ሄሳፊ ጉዬ ኑኒ ሜሃ ኡሻና» ጊዳ።

9 ኢዚ ቡሮ ሃሳያን ዲሺን ዶርሳታ ሄሚዛይ ኢዛ ጊዲዳ ጊሻስ ላባ ናያ ኤራሄላ ባ ኣዋ ዶርሳታ ላጋ ኤካዳ ጋካ ዎፉዲስ።

10 ያቆቤይ ባ ኣዬይ ኢሻ ላባ ና ኤራሄሊ ዶርሳታ ቤኢዳ ዎዴ ቢዲ ኦላ ዶናፔ ሹቻ ጌንዴሪሲዲ ባ ኣዬይ ኢሻ ዶርሳታ ሃላ ኡሺዳስ።

11 ያቆቤይ ኤራሄሎ ዬሪዲ ኡፋይሳፊ ዳንዲዳይሳን ባ ቃላ ቶቂሲዲ ዬኪዳስ።

12 ያቆቤይ ኢዚስ ኣዋ ዳቦኔ ኢርቢቃ ና ጊዲዳይሳ ኤራሄሊስ ዮቲን ኢዛ ዎጸ ባዳ ባ ኣዋስ ዮታዲስ።

13 ላባይ ባ ሚቺይ ና ያቆቤ ዎሪ ሲዬዳ ማላ ኢዛራ ጋጋናስ ዎጲዳስ፤ ዎጲ ጋኪዲ ኢዛ ኢዲሚ ዬሪ ኤኪዲ ባ ሶ ኤፊዳስ፤ ሄን ያቆቤይ ባ ሃኒዳይሳ ኡባ ላባስ ዮቲዳስ።

14 ላባይ ኢዛ፡ «ኔኒ ቱሙ ታ ኣሾኔ ታ ሱላ» ጊዴስ። ያቆቤይ ኢዛራ ኢሲ ኣጊና ኩሜላ ኡቲዳስ።

ያቆቤ ኡኔቴላ

15 ሃሳፌ ጉዬ ላባይ ኢዛ፤ «ኔኒ ታስ ዳቦ ጊዲዳ ገሻስ ታስ ጮ ማላ ኦላኔ? ኣኔ ኔስ ኣይ ቃንጸናስ ቤሲዛኮ ታስ ዮታ» ጊዴስ።

16 ላባስ ናምኡ ማጫ ናይቲ ዴቲስ፤ ባይራይ ሱንሊ ሊያ፤ ካሎያ ኤራሄሎ።

17 ሊያ ኣይፌይ ሾላ፤ ኤራሄሊ ኣይፌይ ጊዲኮ ሎኦ።

18 ያቆቤይ ኤራሄሎ ሲቂዳ ገሻስ፤ «ታኒ ኔስ ካሎ ናዮ ኤራሄሊ ገሻስ ኔስ ላቲን ላይላ ኦላና» ጊዴስ።

19 ላባይ፤ «ኢዞ ሃራ ኣሳስ ኢማናፔ ኔስ ኢሚዛይሲ ሎኦ፤ ኔኒ ታናራ ሃይሳን ዴያ» ጊዴስ።

20 ሃሳ ገሻስ ያቆቤይ ኤራሄሎ ኤካናስ ላቲን ላይላ ኦሊዴስ፤ ጊዶ ኣቲን ኢዚ ኢዞ ሲቂዛ ገሻስ ኢዛስ ዋዴዚ ኬሂ ቃንላ ሚሳቲዴስ።

21 ሃሳፌ ጉዬ ያቆቤይ ላባ፤ «ታ ማቾ ታስ ኢማ፤ ታ ዋዴይ ወሪዴስ፤ ታኒ ኢዞ ኤካና ኮያይስ» ጊዴስ።

22 ሃሳ ገሻስ ላባይ ሄን ዲዛ ኡባ ኣሳ ጴይጊ ሺሺዲ፤ ቡላቻ ኬሲዴስ።

23 ጊዶ ኣቲን ጋዴይ ቃሚን ኢዚ ባ ና ሊያ ኤፊዲ ያቆቤስ ኢሚዴስ፤ ያቆቤይካ ኢዞ ኤኪዴስ።

24 ቃሴ ላባይ ባ ኣይሌዮ ዚልፎ ባ ና ሊያስ ኣይሌ ጊዳና ማላ ኢሚዴስ።

25 ጋዴይ ዋንቲን ጴሊዛ ዋዴ ሄኮ ሊያ ጊዳዲስ! ሂስቲን ያቆቤይ ላባ፤ «ሃይሲ ኔኒ ታ ቦላ ኦሊዳይሲ ኣዜ? ታኒ ኔስ ኦሊዳይ ኤራሄሊ ገሻስ ዴኔ? ታና ኣይስ ጨማዲ?» ጊዴስ።

26 ላባይ ኢዛ፤ «ኮ ቢታን ባይራያ ዲሺን ካሎዮ ኣዚናስ ኢሚዛይሲ ዋጋ ዴና።

27 ሄ ሚሺራቴላ ሳሚንታ ኡባ ወርሳ፤ ቃሴ ካሎቲዛሮካ ኦኒ ኔስ ኢማና፤ ሃሳፌ ጉዬ ሃራ ላቲን ላይላ ታስ ኦላሳ» ጊዴስ።

28 ያቆቤይ ሃሳላ ሃኒዲ ሄ ሳሚንታ ወርሲዴስ፤ ሃሳፌ ጉዬ ላባይ ባ ናዮ ኤራሄሎ ኢዛስ ኢሚዴስ።

29 ቃሴ ላባይ ባ ኣይሌዮ ቢሊሃ ባ ና ኤራሄሊስ ኣይሌ ጊዳና ማላ ኢሚዴስ።

30 ያቆቤይ ኤራሄሎካ ኤኪዴስ፤ ኤራሄሎ ሊያፔ ኣሊ ሲቂዴስ፤ ሃራ ላቲን ላይላ ላባስ ኦሊዴስ።

ያቆቤ ናይታ ዬሌቴላ

31 ያቆቤይ ሊያ ኤራሄሊ ማላ ሲቆንታይሳ ቤኢዲ ጎዳይ ኢዚስ ዬሊዛ ኡሎዛ ዶይዴስ፤ ጊዶ ኣቲን ኤራሄሊስ ናይ ባ።

32 ሊያይ ሻራዳ አቱማ ና ዩላዱስ፤ እዛ ሱንላካ ኦርቤሌ ጋ ሱንላዱስ፤ አይስ ጊኮ እዛ፡ «ጎዳይ ታ ሜቶ ቤኢዴስ፤ ሃኢ ቱሙ ታና ታ ኣዚናይ ሲቃና» ጋዱስ፡ *

33 እዛ ቃሴካ ሻራዳ ሃኢካ አቱማ ና ዩላዱስ፤ እዛ፡ «ጎዳይ ታኒ ደሴቶንታይሳ ቤኢዳ ጊሻስ ታስ ሃይሳካ ጉጂዴስ» ጋዳ እዛ ሲሞና ጋ ሱንላዱስ፡†

34 እዛ ቃሴካ ሻራዳ አቱማ ና ዩላዱስ፤ እዛ፡ «ታኒ እዛስ ሃሹ አቱማ ናይታ ዩሊዳ ጊሻስ ታ ኣዚናይ ባ ዎዚና ታኮ ዛራና» ጋዳ እዛ ሊዌ ጋ ሱንላዱስ፡‡

35 እዛ ቃሴካ ቃንላታዳ አቱማ ና ዩላዳ እዛ፡ «ሂኣ ታኒ ጎዳ ጋላታና» ጋዱስ፤ ሄሳ ጊሻስ እዛ ዩሁዳ ጋ ሱንላዱስ፤ ሄሳፌ ጉዬ ዩሎ ኤሳዱስ፡ §

30

1 ኤራሄላ ያቆቤስ ናይ ኢዚፔ ዩሌቶንታይሳ ኤራዳ ባ ሚቹይ ቦላ ቃናታዱስ፤ ሄሳ ጊሻስ እዛ ያቆቤ፡ «ታስ ና አማ፤ ኢዱስ ጊኮ ታ ሃይቃና» ጋዱስ፡

2 ያቆቤይ ኤራሄላ ቦላ ሃንቄቲዲ፡ «ታና ኔስ ዩሎ ዲጋናስ ጸሳ ጋዲ?» ጊዴስ፡

3 እዛካ፡ «ታ አይሌዮ ቢሊሃ ሂኖ ቤኣ፤ እዛ ታ ጊሻስ ዩላና ማላ ኔኒ እዞ ኤካ፤ ሂስቲኮ እዚ ባጋራ ታኒካ ና ኣዮ ጊዳና» ጋዱስ፡

4 ኤራሄላ ባ አይሌዮ ቢሊሃ ማቾ ሂስቲ ኤካና ማላ እዛስ አሚን ያቆቤይ እዞ ኤኪዴስ፡

5 ቢሊሃ ሻራዳ አቱማ ና ያቆቤስ ዩላዱስ፡

6 ሂስቲን ኤራሄላ፡ «ጸሲ ታስ ፒርዲዴስ፤ ታ ዎሳካ ሲዬዲ ታስ አቱማ ና አሚዴስ» ጋዱስ፤ ሄሳ ጊሻስ ዩሌቲዳ ናዛ፡ «ዳኔ» ጋ ሱንላዱስ፡*

7 ኤራሄላ አይሌያ ቢሊሃይ ቃሴካ ሻራዳ ያቆቤስ ናሞኣንሉ አቱማ ና ዩላዱስ፡

* 29:32 ኦርቤሌ ጉሲ ኢብራዊታ ቃላራ፡ «ሃሹ አቱማ ና!» ዎይኮ፡ «ታ ሜቶ ቤኢዴስ» ጉሳ፡ † 29:33 ሲሞና ጉሲ ኢብራዊታ ቃላራ፡ «ሲዬዴስ» ጉሳ፡

‡ 29:34 ሊዌ ጉሲ ኢብራዊታ ቃላራ፡ «ባ ዎዚና ታኮ ዛራና ዎይኮ ሲቆን ኦይኬታና» ጉሳ፡ § 29:35 ዩሁዳ ጉሲ ኢብራዊታ ቃላራ፡ «ጋላታ» ጉሳ፡ *

30:6 ዳኔ ጉሲ ኢብራዊታ ቃላራ፡ «ታስ ፒርዲዴስ» ጉሳ፡

8 ኤራሄላካ፡ «ታኒ ታ ሚቹይራ ዋልቃማ ባጼ ባጼታዳ ጸናዲስ» ጋሼ ናዛ ኒፍታሌሜ ጋ ሱንጻዲስ።†

9 ሊያይ ባስ ዩሎይ ኤቂዳይሳ ቤያዳ ባ ኣይሌዮ ዚልፎ ኤፋዳ ያቆቤስ ማቾ ሂስታ ኢማዲስ።

10 ሊያ ኣይሌ ዚልፋ ያቆቤስ ኣቱማ ና ዩላዲስ።

11 ሊያይካ፡ «ሃይሲ ኣይ ማላ ሎኦ ቃዳ!» ጋሼ ናዛ ጋዴ ‡

ጋዳ ሱንጻዲስ።

12 ሊያ ኣይሌያ ዚልፋይ ያቆቤስ ናምኣንጻ ኣቱማ ና ዩላዲስ።

13 ሊያይካ፡ «ታኒ ከሃ ኡፋዬታዲስ! ማጫሳይካ ታና ኡፋዬቲዛፍ ጋና» ጋዲስ፤ ሄሳ ጊሻስ ኢዛ ናዛ ኣሴሬ § ጋ ሱንጻዲስ።

14 ጊስቱ ማጻ ኣጊናን ኦርቤሌይ ጋዴ ጊዶ ቢዲ ኢንኮዬ ቱራ ዴሚዲ ባ ኣዮ ሊያስ ኤሂዴስ፤ ኤራሄላ ሊያ፡ «ኔ ናይ ኤሂዴ ኢንኮዬዛፔ ኣኔ ታስ ኢማ» ጋዲስ።

15 ጊዶ ኣቲን፡ «ኔ ታ ኣዚናዛ ታፔ ዋላ ኤኪዳይሲ ጊዶንታ ኢጸን ቃሴ ታ ናዛ ኢንኮዬዛ ኤካኔ?» ጋዲስ።

ኤራሄላካ፡ «ሂስቲኮ ኔ ናዛ ኢንኮዬዛ ጊሻስ ያቆቤይ ሃቻ ቃማ ኔናራ ኣቆ» ጋዲስ።

16 ሄ ጋላሳ ኦማርስ ያቆቤይ ኦሶሶፔ ሲሚሺን ሊያይ ኢዛ ሞካናስ ከዛዳ፡ «ኔኒ ታናራ ኣቃና ኮሼስ፤ ኣይስ ጊኮ ታኒ ታ ና ኢንኮዬዛን ኔና ኪራስ ኤካይቻዲስ» ጊን ኢዚ ሄ ጋላሳ ኦማርስ ኢዚራ ኣቂዴስ።

17 ጸሲ ሊያ ዋሳ ሲዬዴስ፤ ሄሳ ጊሻስ ኢዛ ቃንጻታዳ ኢቻሻንጻ ኣቱማ ና ያቆቤስ ዩላዲስ።

18 ሊያይካ፡ «ታኒ ታ ኣይሌዮ ታ ኣዚናስ ኢሚዳ ጊሻስ ጸሲ ሄሳ ኪራ ታስ ቃንጸዲስ» ጋሼ ናዛ ዩሳኮሬ * ጋዳ ሱንጻዲስ።

19 ሊያይ ቃሴካ ሻራዳ ኡሱፑንጻ ኣቱማ ና ያቆቤስ ዩላዲስ።

20 ሊያይ፡ «ጸሲ ታስ ኣልኦ ኢሞታ ኢሚዴስ፤ ታኒ ታ ኣዚናስ ኡሱፑን ናይታ ዩሊዳ ጊሻስ ሃኢ ኢዚ ታና ቦንቻና» ጋዲስ። ሄሳ ጊሻስ ኢዛ ናዛ ዛቢሎኔ † ጋ ሱንጻዲስ።

21 ሄሳፌ ጉዬ ኢሲ ማጫ ና ዩላዳ ኢዛ ዲና ‡ ጋ ሱንጻዲስ።

† **30:8** ኒፍታሌሜ ጉሲ ኢብራዊታ ቃላራ፡ «ባጼ» ጉሳ። ‡ **30:11** ጋዴ፡ ጋዴ ጉሲ ኢብራዊታ ቃላራ፡ «ሎኦ ቃዳ» ጉሳ። § **30:13** ኣሴሬ፡ ኣሴሬ ጉሲ ኢብራዊታ ቃላራ፡ «ኡፋይሳ» ጉሳ። * **30:18** ዩሳኮሬ፡ ዩሳኮሬ ጉሲ ኢብራዊታ ቃላራ፡ «ኦሶ ዋጋ» ጉሳ። † **30:20** ዛቢሎኔ፡ ዛቢሎኔ ጉሲ ኢብራዊታ ቃላራ፡ «ቦንቻ» ጉሳ። ‡ **30:21** ዲና፡ ዲና ጉሲ ኢብራዊታ ቃላራ፡ «ፒርዲዴስ» ጉሳ።

22 ጸሲ ኤራሄሎ ቆፒደስ፤ ኢዚ ዋሳካ ሲዩዲ ኢዚስ ዩሊዛ ኡሎ ደይደስ።

23 ኢዛካ ሻራዳ አቱማ ና ዩላዲስ፤ «ጸሲ ታ ዩላ ታፔ ዴንሊደስ፤

24 ጎዳይ ታስ ሃራ አቱማ ናካ ጉጄሬኔ!» ጋሼ ናዛ ዮሴፌ § ጋ ሱንሳዲስ።

ያቆቤይኔ ላባ ፓላሜቲል

25 ኤራሄላ ዮሴፌ ዩሊዳፔ ጉዬ ያቆቤይ ላባ፡ «ታኒ ታ አዋ ቢታ ሲማና ማላ ታና ሞይዛ።

26 ታኒ ኢስታ ጊሻስ ኔስ ኦሊዳ ታ ማቼታኔ ታ ናይታ ታስ ኢማ፤ ታኒ ባና፤ ኣይስ ጊኮ ታኒ ኔስ ኣይ ማላ ኦሊዳኮ ኔ ኤራሳ» ጊደስ።

27 ቃሴ ላባይ ኢዛስ፡ «ታኒ ኔስ ኢሲ ሚሽ ዮታይስ፤ ጎዳይ ኔ ጌዶን ታና ኣንጂዳይሳ ታ ቤያዲስ።

28 ኔ ኤካና ዳሞዛ ታስ ዮታ፤ ታኒ ኔስ ኢዛ ቃንጸና» ጊደስ።

29 ያቆቤይ፡ «ታኒ ኔስ ዋስታ ኦሊዳኮ ኔ ሜሄይካ ዋኒ ዩሌቲዳኮ ኔኒ ኤራሳ።

30 ታኒ ያናፔ ካሴ ኔስ ዲዛ ጉላይ ሃኢ ኬሂ ዳሪደስ፤ ታ ኣዲዳ ኡባሶን ጎዳይ ኔና ኣንጂደስ፤ ጊዶ አቲን ሃኢ ታኒ ታሶ ኣሳስ ኣይዴ ኦላ?» ጊደስ።

31 ላባይ፡ «ታኒ ኔስ ኣይ ኢሞ?» ጊ ኢዛ ኦይቺን፡ ያቆቤይ፡ «ታስ ኣይኮካ ኢሞፋ፤ ጊዶ አቲን ኔኒ ታስ ኢሲ ሚሽ ኦሊኮ ታኒ ኔ ዉዴዛ ቃሴካ ሄማናኔ ናጋና።

32 ታኒ ሃቶ ኔ ሜሄ ኡባ ጊዶራ ኣዳና፤ ሄን ኔ ዶርሳፌ ማሳራ ዋይኮ ፑንጫራ ኡባ፡ ዶርሳ ላቃ ካሬላታ ኡባ፡ ዳይሻፌ ፑንጫራኔ ማሳራ ጊዲዳይታ ኡባ ታ ሻካና፤ ሄይታንቲ ታ ዳሞዛ ጊዴቶ።

33 ሄሳ ጊሻስ ታ ጸሎቴሊ ኔኒ ታስ ቃንጸዳ ዳሞዛ ታይባናስ ሲንሳፌ ኔ ዩዛ ዋዴ ኤሬታና፤ ታ ዳይሻፌ ጸላቃ ጊዶንታይ ዋይኮ ካሬላ ጊዶንታ ኢሲ ላቃይ ታ ኣቻን ቤቲኮ ካይሶቲዳ ማላ ቆዴቶ» ጊደስ።

34 ላባይ፡ «ኔ ጊዳ ማላ ጊዶ» ጊደስ።

35 ሄ ጋላሲካ ላባይ ጸላቃ ጊዲዳ ኦርጌታ ኡባ፡ ጸላቃ ጊዲዳ ማጫ ዳይሼታኔ ካሬላ ዶርሳ ላቃታ ኡባ ኬሲዲ ሄማና ማላ ባ አቱማ ናይታስ ኢሚደስ።

§ 30:24 ዮሴፌ፡ ዮሴፌ ጉሲ ኢብራዌታ ቃላራ፡ «ታስ ጉጂ ዋይኮ ቁጪደስ» ጉሳ።

36 ሂስቲዲ ሄ ሜሄዛራ ሄሹ ጋላሳ ኦጌ ያቆቤፔ ሃኪ ቢዴስ፤
ጊዶ ኣቲን ያቆቤይ ኣቲዳ ላባ ሜሄታ ሄንሐ ጌሊዴስ።

37 ያቆቤይ ሚላፌ ቃዬ ጉፌ ኬሲዲ ባጋ ፖቂዲ ባጋ ፖቆንታ
ኣጊዲ ጉፌዛ ባጋ ካሬሐ፡ ባጋ ቦሐ ሂስቲዲ ዋራርዴስ። *

38 ሜሄይ ሃሌ ኡያና ዪዛ ኡባ ዋዴ ሜሄቲ ሃሐ ኡዪዛ ጎንጌ
ጊዶን ጉፌታ ዋሊዴስ፤ ሜሄቴሐ ኬዚዳ ሜሄቲ ሃሐ ኡያናሰ ዪዛ
ዋዴ፡

39 ሄ ጉፌታ ሲንላን ሜሄቲዳ፤ ኢስቲካ ማሳራ፡ ጸላቃኔ ባታካ
ላቃታ ዩሊዳ።

40 ያቆቤይ ላቃታ ሜሄታፔ ሻኪዲ ዱማ ዋሊዴስ፤ ኣቲዳ
ሜሄታ ማሳራኔ ጸላቃ ጊዲዳይታ ላባ ሜሄ ሲንሐ ዛሬዴስ፤
ሄሳሶ ያቆቤይ ባ ሜሄ ላባ ሜሄራ ዋላኬቶንታ ማላ ዱማ ሻኪ
ዋሊዴስ።

41 ጎባ ሚኖ ማጫ ዶርሳቲኔ ዴይሻቲ ሜሄቴሐ ኬዚዛ ዋዴ
ኣይዴ ጊዲንካ ኢስቲ ሄ ጉፌታ ኣቻን ሜሄታና ማላ ያቆቤይ ሄ
ጉፌታ ሃላ ጎንጌ ጊዶን ሜሄታ ሲንላን ዋሊዴስ።

42 ጉፌዛ ላፋ ሜሄታ ሲንላን ዋሌና፤ ሄሳ ጊሻስ ላፋ ላፋ
ሜሄቲ ላባስ ጊዲን ጎቢዛይቲ ያቆቤስ ጊዲዳ።

43 ሄሳሶ ሃኒዲ ያቆቤይ ኬሄ ዱሬቲዲ፡ ዳሮ ሜሄ ዉዴ፡ ማጫ
ኣይሌታኔ ኣቱማ ኣይሌታ፡ ዳሮ ጋሜላታኔ ሃሬታ ሃሬዴስ።

31

ላባፔ ያቆቤ ባቃታ

1 ላባ ኣቱማ ናይቲ ባ ጊዶን፡ «ያቆቤይ ኑ ኣዋ ሃሮ ኡባ
ኤኪዴስ፤ ሃይሲ ኡባይ ኢዚ ሺሺዳ ኣቆታይ ኑ ኣዋፔ ቤቲዳዛ»
ጊ ሃሳይሺን ያቆቤይ ሲዪዴስ።

2 ያቆቤይ ላባ ኣይፌሶይ ኢዛስ ካሴ ማላ ጊዶንታይሳ
ቤኢዴስ።

3 ሄ ዋዴ ጎዳይ ያቆቤ፡ «ኔኒ ኔ ኣዋታ ቢታ ኔ ዳቦታኮ ጉዬ
ሲማ፤ ታኒ ኔናራ ጊዳና» ጊዴስ።

4 ሄሳ ጊሻስ ያቆቤይ ኤራሄሎኔ ሊያ ባ ሜሄይ ዲዛሶ ያና
ማላ ከቲዲ ጸይጊሲዴስ።

5 ኢዚ ኢስታስ፡ «ኢንቴ ኣዋ ኣይፌሶይ ታስ ካሴይሳ ማላ
ጊዶንታይሳ ታኒ ቤኣዲስ፤ ጊዶ ኣቲን ታ ኣዋ ጸሲ ታናራ ዴስ።

6 ታኒ ታ ኩሜላ ዋልቃፌ ኢንቴ ኣዋስ ኦሊዳይሳ ኢንቴ ኤሬታ።

* 30:37 ዋራርዴስ፡ ዋራርዴስ ጊዛይሳ ኢሲ ኢሲ ባጋ ጋሞሶ ቃላን ዋራንኪዴስ
ጌቴቲስ።

7 ጊደ አቲን አንቴ አዋይ ታና ጨሚዲ ታ ዳሞዛ ታሙቶ ላሚ ላሚ ዩጊዴስ፤ ጊዲኮካ ኢዚ ታና ቆሆንታ ማላ ጸሲ ኢዛ ዲጊዴስ።

8 ኢዚ፥ «ማሳራ ዶርሳቲኔ ዴይሻቲ ኔ ዳሞዛ ጊዳና ገን ዉዴ ሜሄቲ ዉሪ ማሳራ ጸላ ዩሊዳ፤ ቃሴ ኢዚ፥ «ጸላቃ ዶርሳቲኔ ዴይሻቲካ ኔ ዳሞዛ ጊዳና ገን ሜሄይ ዉሪ ጸላቃ ዩሊዴስ።

9 ጸሲ ሃይሳላ አንቴ አዋፔ ዋሊ ኤኪዲ አንቴ አዋ ሜሄ ታስ አሚዴስ።

10 «ሜሄቲ ሜሄቲላ ኬዚዛ አገናን አጉሞራ ሜሄታ ሜሄሲዛ ዴይሻ ኦርጌቲ ማሳራ፥ ጸላቃኔ ባታካ ጊዲዳይሳ ቤያዲስ።

11 ጸሳ ኪታንቻይ አጉሞን ታና፥ «ያቆቤ!» ጊ ዴይጊን ታኒ፥ «ዬ!» ጋዳ ኮያዲስ።

12 ኢዚካ ታና፥ «ቋ ጋዳ ሜሄታ ሜሄቲሲዛ ዴይሻ ኦርጌቲ ዉሪ ማሳራኔ ጸላቃ ጊዲዳይሳ ቤያ፤ ጋሶይካ ላባይ ኔ ቦላ ኦሊዛይሳ ኡባ ታ ቤያዲስ።

13 ኒኒ ሹቶ ኤሳዳ ዛይቲ ኢዛ ቦላ ቲጋዳ አዲኒዳ ቤቲሌ ጸሲ ታና፤ ሃኢ ዴንዳዳ ሃ ቤታፌ ኬዛዳ ኤሌላዳ ጉዬ ኔ ዩሌቲዳ ቢታ ሲማ» ጊዴስ።

14 ሃሳፌ ጉዬ ኤራሄላኔ ሊያይ ኢዛስ፥ «ኑ አዋይሳፌ ኑና ጋካናይ ኣዜ?

15 ኢዚ ኑና አላጋ ማላ ጴሌስ ዴኔ? ኢዚ ኑና ባይዚ ኤኪዴስ፤ ባይዚዲ ኤኪዳ ሚሻካ ባስ ሚ ዳይሲዴስ።

16 ጸሲ ኑ አዋፔ ዋሊ ኤኪዲ ኔስ አሚዳ ሜሄይ ዉሪ ቱሙካ ኑሳኔ ኑ ናይታይሳ፤ ሄሳ ጊሻስ ጸሲ ኔስ ዮቲዳይሳ ኡባ ኦላ» ጊዳ።

17-18 ሂስቲን ያቆቤይ ካናኔ ቢታን ዲዛ ባ አዋ ዩሳቃኮ ባናስ ዴንዲዴስ፤ ኢዚ ባ ናይታኔ ባ ማቹታ ጋሜላ ቶጊሲዴስ፤ ባስ ዲዛ ሜሄ ኡባ ሲንሉ አሊ ላጊዲ ሜስጴጾሚያን ዲሼ ኢዚ ሺሺዳ ሃር ኡባ ኤኪ ቢዴስ።

19 ላባይ ባ ዶርሳታ ኢስኬዛ ቃንጸናስ ቢቹዳሼ ኤራሄላ ባ አዋ ኤቃ ሚስሌታ ካይሳዲስ።

20 ያቆቤይካ ባ ባቃቲዛይሳ አራሜ ዴሬ ኣሲ ጊዲዳ ላባስ ዮቶንታ ባሌሊ ቢዴስ።

21 ኢዚ ባስ ዲዛዛ ኡባ ሺሺ ኤኪ ባቃቲዲ ኤፊራዲሴ ሻፋ ፒኒዲ ጋላኣዴ ጌቲቲዛ ጌዜ ቢታ ቢዴስ።

ያቆቤ ኦይካናስ ላባ ካሌቲላ

22 ያቆቤ ያቆቤ ባቃቲ ቢዳይሳ ላባይ ሄኸንሶ ጋላስ ሲደደስ።

23 ባ ዳቦታ ባናራ ኤኪዲ ላቸን ጋላሳ ኦጌ ያቆቤ ጉዬ ካሊዲ ካሊዲ ጋላኣዴ ጌቲቲዛ ጌዜ ቢታን ኢዛ ጋኪ ኦይኪደስ።

24 ሄ ጋላሳ ኦማርስ ጸሲ ኣራሜ ላባኮ ኣጉሞራ ዪዲ፡ «ኔኒ ያቆቤ ቦላ ኢታ ጊዲን ኪያ ጊዲንካ ሃሳዮንታ ማላ ናጌታ!» ጊደስ።

25 ላባይ ጋኪዛ ዎዴ ያቆቤ ጋላኣዴ ጌዜን ዲንካኒ ኡቲደስ፤ ቃሴ ላባይኔ ኢዛ ዳቦቲ ሄን ዲንካኒ ቶኪዳ።

26 ሃሳፌ ጉዬ ላባይ ያቆቤ፡ «ኔኒ ሃይሳሶ ኣይስ ኦላዲ? ኔኒ ታና ጨማዳ ታ ማጫ ናይታ ኦላን ዲኤቲዳ ማላ ላጋዳ ኬሳዳሳ።

27 ኔኒ ኣይስ ቆታን ታፔ ኬሳ ኤካዳ ታና ጨማዲ? ታኒ ካራቤኒኔ ዲላን ኡፋይሳ ዬላን ኔና ሞይዛና ማላ ታስ ኣይስ ዮታቤኪ?

28 ኔኒ ሃራይ ኣቶ ታ ናይታ ናይታኔ ታ ማጫ ናይታ ታኒ ዬራ ኤኮንታ ማላ ዲጋዳሳ፤ ኔኒ ባላ ኦሶ ኦላዳሳ።

29 ታኒ ኔና ቆሃናስ ታስ ዎልቃይ ደስ፤ ጊዶ ኣቲን ኔ ኣዎ ጸሲ ቃማ ኦማርስ ታና፡ «ያቆቤ ቦላ ኢታ ጊዲን ኪያ ጊዲንካ ኢሲ ሚሽ ኔ ሃሳዮንታ ማላ ናጌታ!» ጊዲ ታስ ዮቲደስ።

30 ሃኢ ጊዲኮካ ኔኒ ኔ ኣዎ ሶ ባናስ ኬሃ ላሞቲዳ ጊሻስ ኬኣዳሳ፤ ጊዶ ኣቲን ታሶ ኤቃ ሚሰሌታ ኣዛስ ካይሳዲ?» ጊደስ።

31 ያቆቤ ላባ፡ «ኔኒ ኔ ናይታ ታፔ ዎልቃን ዎላ ኤካናኮ ጋዳ ባቢዳ ጊሻስ ሃይሳሶ ኦላዲስ።

32 ጊዶ ኣቲን ኔ ሚሰሌታ ኦይኪዳ ኣስ ኦናካ ኔኒ ዴሚኮ ሄ ኡራይ ሃይቆ! ኔስ ጊዲዳ ሚሺ ታ ኣቻን ቤቲኮ ኦ ዳቦቲ ቤዪሽን ኮያዳ ዴሚኮ ኔስ ኤካ» ጊደስ፤ ጋሶይካ ያቆቤ ኤራሄላ ኤቃ ሚሰሌታ ካይሲዳይሳ ኤሪቤና።

33 ሄሳ ጊሻስ ላባይ ያቆቤ ዲንካኔ ጊዶ፡ ሊያ ዲንካኔ ጊዶኔ ናሞኡ ኣይሌታ ዲንካኔ ጊዶ ጌሊደስ፤ ጊዶ ኣቲን ኣይኮካ ዴሚቤና፤ ሊያ ዲንካናፔ ኬዚዲ ኤራሄላ ዲንካኔ ጊዶ ጌሊደስ።

34 ኤራሄላ ባ ኣዎ ኤቃ ሚሰሌታ ኤካዳ ጋሜላ ኮራ ጋርሳን ቆታዳ፡ ኢዛ ቦላ ኡታዲስ። ላባይ ዲንካናን ዲዛይሳ ኡባ ፒልጊዲ ኮዪደስ፤ ጊዶ ኣቲን ኣይኮካ ዴሚቤና።

35 ኤራሄላ ባ ኣዎ፡ «ታ ኣዎዉ! ታና ሃንቁቶፋ፤ ታኒ ኔስ ኤቃና ዴንዳይኬ፤ ታስ ማጫሳ ዎጋይ ዪደስ» ጋዲስ። ኢዚ ኡባሶን ኮዪደስ፤ ጊዶ ኣቲን ኤቃ ሚሰሌታ ዴሚቤና።

36 ያቆቤይ ላባ ቦላ ሃንቁቲዲ፥ «ታኒ አይ ሞራዲና? ሄሳ ሲሬ ኔ ታና ካላናስ ታኒ ኦሊዳ ናጋራይ አዜ?

37 ሃኢ ኔኒ ታ ሚሻ ኡባ ፒልጋዳ ኮያዳሳ ሺን አይ ዳማዲ? ኢስቲ ኔፔኔ ታፔ ኦኒ ዋርዶኮ ፒርዳና ማላ ሃ ዮኦዛ ታ ዳቦታ ሲንላኒኔ ኔ ዳቦታ ሲንላን ዋላ።

38 «ታኒ ኔናራ ናሞኡ ታሙ ላይላ ኩሜላ ዳኣዲስ፤ ኔ ዶርሲኔ ዳይሻ ጊዲን አዉጫይቤና፤ ዋይኮ ኔ ሜሄፔ ጋልላ ማቤኬ።

39 ዶኣይ ዋዲዳይሳካ ኡባ ታ ቦላ ቆዳዲስ አቲን ኔስ ኤሃቤኬ፤ ጋላስ ጊዲን ኦማርስ ካይሶይ ኤኪዳይሳ ታና ቃንጺሳዳሳ።

40 ጋላስ አዋ ሴላይ፥ ኦማርስ ኬንቾይ ታና ቆሂዳስ፤ ጳስኮይካ ታ አይፊፔ ጳይዳስ።

41 ታኒ ሃይሳላ ኔ ሶን ናሞኡ ታሙ ላይላ ዳኣዲስ፤ ኔ ማጫ ና ናሞኣታ ጊሻስ 14 ላይላ፥ አቲዳ ኡሱፑን ላይላ ኔ ኢሚዳ ሜሄታ ጊሻስ ኔስ ኦላሼ ዳኣዲስ፤ ጊዶ አቲን ኔኒ ታ ዳሞዛ ታሙቶ ላማ ላማ ይጋዳሳ።

42 ታ አዋቲ አብራሃሜይኔ ዪሳቂ ጎይኒዳ ጸሲ ታናራ ጊዶንታኮ ኔ ታና ሜላ ኩሼ ኬሳ ዬዳናኮሺን ጸሲ ታ ዋዬኔ ታ ዳቡራ ቤኢዲ ቃማ ኦማርስ ኔና ሃንቁዲስ» ጊዳስ።

ያቆቤይኔ ላባይ ጌሊዳ ጫቆ ቃላ

43 ላባይ ያቆቤ፥ «ኔ ማቼቲ ታ ማጫ ናይታ፤ ኢስቲ ዬሊዳ ናይቲካ ታ ናይታ፤ ሜሄዚካ ታ ሜሄ፤ ኔስ ዲዛዚ ዉሪካ ታይሳ፤ ሃች ሃ ማጫ ናይታ ታይታ ቦላኔ ኢስቲ ዬሊዳ ናይታ ቦላ አይ ኦላናስ ዳንዳያዚና?

44 እኔ ሃኢ ሃ ያ፤ ኔኒኔ ታኒ ጫቆቶስ፤ ሃይሲ ኔፔኔ ታፔ ጊዶን ማርካ ጊዶ» ጊዳስ።

45 ሄሳ ጊሻስ ያቆቤይ ኢሲ ሹች ኤኪዲ ቱሳ ማላ ኤሲዳስ።

46 ኢዚ ባ ዳቦታካ፥ «ሹች ሺሺቲ» ጊዳስ፤ ሂሰቲን ኢስቲ ሹች ሺሺዲ ኮሪዳ፤ ሄ ሹቻ ኮራ ኣቻንካ ካላ ሚዳ።

47 ላባይ ሄ ሹቻ ኮራ፥ ዪጋር-ሳሃዱታ ጊ ሱንሊዳስ፤ ቃሴ ያቆቤይ ኢዛ ጋልኤዳ ጊ ሱንሊዳስ።*

48 ላባይ፥ «ሃ ኬላይ ኔፔኔ ታፔ ጊዶን ሃች ማርካ» ጊዳስ፤ ሄሳ ጊሻስ ኢዛ ሱንላይ ጋልኤዳ ጌቲቲዳስ።

* 31:47 ዪጋር-ሳሃዱታኔ ጋልኤዳ ጉሲ አራማይኬ ቃላኒኔ ኢብራዊ ቃላን ቢርሺሺን፥ «ማርካቲላ ኬላ» ጉሳ።

49 ቃሴ ኢዚ ሄ ሹቻ ቱሳ ሚጸጸ † ጊ ሱንፊዴሰ፤ አይሰ ጊኮ ላባይ፡ «ኑኒ ኢሳይ ኢሳፌ ሃኪዲ ዲዛ ዋዴ ጎዳይ ኔ ጊደኒኔ ታ ጊደን ጊዲዲ ናጎ።

50 ኔኒ ታ ማጫ ናይታ ቆሂኮ፡ ዋይኮ ኔኒ ታ ማጫ ናይታ ቦላ ሃራ ማጫሳታ ኤኪኮ ኑናራ ሃኢ ኣኒካ ባይንዳ ኣጊኮካ ኔ ጊደኒኔ ታ ጊደን ጸሳይ ማርካ ጊዲዳይሳ ኤራ» ጊዴሰ።

51 ላባይ ቃሴካ ያቆቤሰ፡ «ኬሌቲዳ ሹቻ ሃይሳ ቤያ፤ ቃሴ ታኒ ኔፔኔ ታፔ ጊደን ኤሲዳ ሹቻ ቱሳ ሃይሳ ቤያ።

52 ታኒ ኔ ቦላ ጌኔ ኦፋናሰ ሃ ኬላፔ ኔኮ ካንፉንታ ማላ ኔኒካ ታ ቦላ ጌኔ ኦፋናሰ ሃ ኬላፔኔ ሃ ሹቻ ቱሳፌ ካንፉንታ ማላ ሃ ሹቻ ኮራይኔ ሃ ሹቻ ቱሳይ ማርካ።

53 ኢብራሃማ ጸሲ፡ ናኮሬ ጸሲ፡ ኢሰታ አዋ ጸሲ፡ ኢዚ ኑ ጊደን ፒርዶ» ጊዴሰ። ያቆቤይ ባ አዋ ዪሳቂ ጎይኒዳ ጸሳ ሱንፋን ጫቂዴሰ።

54 ያቆቤይ ዙማ ቦላን ያርሾ ያርሺዴሰ፤ ባ ዳቦታካ ቁማ ማናሰ ዪይጊዴሰ፤ ኢሰቲ ሚዲ ሄን ዙማ ቦላን አቂዳ።

55 ዋንቴላ ጋላሰ ማላዶ ዋንታራ ላባይ ዴንዲዲ ባ ናይታ ናይታኔ ባ ማጫ ናይታ ኣንጂዲኔ ዬሪ ኤኪዲ ጉዬ ባ ሶ ሲሚዴሰ።

32

ኤሳዊራ ጋጋናሰ ያቆቤ ጊጌቲል

1 ያቆቤይ ዴንዲዲ ሲንፍ ቢሺን ጸሳ ኪታንቻቲ ኢዛራ ጋጊዳ።

2 ያቆቤይ ኢሰታ ቤኢዲ፡ «ሃይሲ ጸሲ አቂዛሶ» ጊሺ ሄ ሶሆዛ ማሃናይሜ ጊ ሱንፊዴሰ።*

3 ያቆቤይ ሴይሬ ጌቲቲዛሶን ኤዶሜ ቢታን ዲዛ ባ ኢሻ ኤሳዊኮ ባፔ ሲንፍ ኪታ ዬዲዴሰ።

4 ኢዚ ኢሰታ ቦላ ኪታ፡ «ኢንቲ ታ ጎዳ ኤሳዊሰ ጋና ሚሺ ሃይሳ፤ ሳ ኣይሌ ያቆቤይ፡ ታኒ ላባ ኣቻን ሃና ጋካናሰ ጋምኣዲሰ።

5 ታሰ ሚዚ፡ ሃሬይ፡ ዶርሲ፡ ዴይሺ፡ አዴ ኣይሌቲኔ ማጫ ኣይሌቲ ዴቲሰ፤ ሃኢ ታኒ ሃ ኪታ ታ ጎዳሰ ኪቲዛይ ታሰ ሎኦ ቆፓና ማላ ጋ ኪታዲሰ፤ ጊዴሰ» ጊ ኪቲዴሰ።

† 31:49 ሚጸጸ፡ ሚጸጸ ጉሲ ኢብራዊታ ቃላራ፡ «ናጌሶ» ጉሳ። * 32:2 ማሃናይሜ፡ ማሃናይሜ ጉሲ ኢብራዊታ ቃላራ፡ «ናምኡ ጨጋይ አቂዛሶ ዋይኮ ጉታታ» ጉሳ።

6 ከቲቲዳይቲ ያቆቤኮ ሲሚዲ ኢዛስ፡ «ኮኒ ኔ አሻ ኤሳዌኮ ቢደስ፤ ሃኢ ኢዚ ቃሴ ኔናራ ጋጋናስ ዬስ፤ ኢዛራካ 400 ኣሲ ዴስ» ጊዳ።

7 ያቆቤይ ባቢዲ ሾቢዴስ፤ ባናራ ዲዛ ኣሳ 2 ጨጋን ጨጋን ሻኪዲ ባ ዶርሳ፡ ዴይሻ፡ ሚዛኔ ጋሜላ 2 ጨጋን ጨጋን ሻኪዴስ።

8 ኢዚ፡ «ኤሳዌይ ዬዲ ኢሲ ጨጋ ኦሊ ኤኪዛ ጊዲኮ ኣቲዳ ጨጋይ ኬሲ ኤካናኮ» ጊ ቆፒዴስ።

9 ሄ ዋዴ ያቆቤይ፡ «ኣቤት ጸሳዉ! ታ ኣዋ ኣብራሃሜ ጸሳዉ፡ ታ ኣዋ ዬሳቃ ጸሳዉ፡ ታና፡ ሩ ዳቦታኮ ኔ ዴሬ ሲማ፤ ታኒ ኔስ ሎኦ ኦላና» ጊዳሶ።

10 ኔኒ ኔ ኣይሌዛስ ኦሊዳ ኪያቴላሲኔ ኣማኔቴላስ ኡባስ ታኒ ቤሶንታ ኣሳ። ታኒ ሃ ዮርዳኖሴ ሻፋ ፒኒዛ ዋዴ ታስ ኢሲ ጉፌይፔ ኣቲን ኩሼን ሃራይ ዴና፤ ጊዶ ኣቲን ሃኢ ታኒ ናሞኡ ጨጋ ዴሬ ጊዳዲስ።

11 ታ ኔና ዋሳይስ፤ ታ አሻ ኤሳዌ ኩሼፔ ታና ኣሻ፤ ጋሶይካ ኢዚ ዬዲ ታና፤ ታ ናይታ ኣዬታ ኢስታ ናይታራ ቆይሳናኮ ጋዳ ባባዲስ።

12 ጊዶ ኣቲን ኔኒ ታና፡ (ታኒ ኔስ ቱሙ ሎኦ ኦላና፤ ታኒ ኔ ዜሬላይ ታይቤታናስ ዳንዳዬቶንታ ኣባ ሻሚንታ ማላ ኦላና) ጊዳይሳ ቆፓ» ጊ ዋሲዴስ።

13 ሄ ጋላሳ ኦማርስ ኢዚ ሄን ኣቂዳይ ባስ ዲዛ ኡባፌ ባ አሻ ኤሳዌስ አማናሳ።

14-15 ኢዚካ 200 ማጫ ዴይሻታኔ ናሞኡ ታሙ ዴይሻ ኦርጌታ፡ 200 ማጫ ዶርሳታኔ 200 ቆርሾታ፡ 300 ቆንሊዛ ጋሜላታኔ ኢስታ ማራታራ፡ 40 ሚዛታ፡ 10 ኮርማ ቦራታ፡ 20 ማጫ ሃሬታኔ 10 ዋዳላ ሃሬታ ቆሪ ኬሲዴስ።

16 ሄይታ ዉዴን ዉዴን ሻኪ ሻኪ ባ ኣይሌታ ኩሼን ዋሊዲ ኣይሌታስ፡ «ታፔ ሲንላቲ ቢቲ፤ ዉዴዛ ኢሳ ኢሳፌ ሃሲ ሃሲ ላጊቱ» ጊዴስ።

17 ኡባፌ ሲንላን ቢዛይሳ፡ «ታ አሻ ኤሳዌይ ኔናራ ጋጊዲ ኔና፡ ሩ ኦኔ? ኣዋ ባይ? ኔ ሲንላን ዲዛ ሜሄይ ዉሪ ኦናሴ?» ጊ ኦይቺዛ ጊዲኮ።

18 ሩኒ ኢዛስ ሃይቲ ኔ ኣይሌ ያቆቤሳ፤ ኢዚ ሃይታ ዬዲዳይካ ታ ጎዳ ኤሳዌስ አማናሳ፤ ቃሴ ኢዚካ ኦፔ ጉዬራ ዬስ) ጋ» ጊ ኣዛዚዴስ።

19 ቃሴካ ናምአንሉኔ ሄሻንሉ ጨጋታሲኔ ወዴዛ ካሊዛ ሃራ ኡባታሰ ሃይሳሉ፡ «እንቲ ኤሳዌራ ጋጊዛ ዋዴ ሃይሳሉካ ጌታ፤

20 ሲኔ ኣይሌ ያቆቤይ ኑፔ ጉዬራ ዬሰ፡ ጎንታ ኣጎፍቲ» ጊዴሰ፤ ኢዚ ሄሳሉ ጊዳይ፡ «ታኒ ታፔ ሲንሉ ኢማናሰ ኪቲዳይሳን ኢዛ ሃንቆ ዶሺሳና፤ ሄሳፌ ጉዬ ታኒ ኢዛራ ጋጊዛ ዋዴ ኢዚ ታና ሞኪ ኤካናኮ ኦኔ ኤሪዛይ» ጊ ቆፒዴሰ።

21 ሄሳ ጊሻሰ ባ ኢሚዛይሳ ባፔ ሲንላሲ ዬዲዴሰ፤ ጊዶ ኣቲን ኢዚ ባ ሁኤሰ ሄ ጋላሳ ኦማርሰ ሄን ባ ዲዛሶን ኣቂዴሰ።

ጸሓፊ ያቆቤ ባጼቲሉ

22-23 ሄ ጋላሳ ኦማርሰ ያቆቤይ ዴንዲዲ፡ ባ ናምኡ ማቺታ፡ ባ ናምኡ ኣይሌታ ባ ናይታ ታማኔ ኢሰኔታ ኤኪዲ ያቦቄ ጌቲቲዛ ሻፋ ጋኪዴሰ፤ ኢዚ ኢሰታኔ ባሰ ዲዛይታ ኡባ ፒንሉ ዬዲዴሰ፤

24 ጊዶ ኣቲን ያቆቤይ ባርካ ሄን ኣቲዴሰ።

ሄ ዋዴ ኢሲ ኣሲ ጋዴይ ዋንታና ጋካናሰ ኢዛራ ባጼቲዴሰ።

25 ሄ ኣዴዚ ኢዛ ጸናናሰ ዳንዳዬቶንታይሳ ቤኢዲ ያቆቤሰ ዋዲራ ቦቺን ኢዛ ዋዲራይ ዶጪዴሰ።

26 ሂሰቲን ሄ ኣዴዚ ኢዛ፡ «ጋዴይ ዋንታና ጌሰ ታና ዬዳ» ጊዴሰ።

ጊዶ ኣቲን ያቆቤይ ኢዛ፡ «ኔ ታና ኣንጃንታ ዬዲኬ» ጊዴሰ።

27 ኣዴዚካ ኢዛ፡ «ኔ ሱንሉ ኦኔ?» ጊ ኦይቺን ኢዚ፡

«ያቆቤ» ጊ ዛሪዴሰ።

28 ኣዴዚካ ኢዛ፡ «ሃይሳፌ ሲንላን ኔ ሱንሉ ኢሰራኤሌ † ጌቲቶ ኣቲን ያቆቤ ጌቲቶፎ፤ ኣይሰ ጊኮ ኔኒ ጸሓፊ ኣሳራ ባጼታዳ ጸናዳሳ» ጊዴሰ።

29 ያቆቤይ ኢዛ፡ «ኔ ሱንሉ ኦኔ?» ጊ ኦይቺዴሰ።

ኣዴዚካ፡ «ኔኒ ታ ሱንሉ ኣይሰ ኦይቻይ?» ጊ ሲሚዲ ኢዛ ሄን ኣንጃዴሰ።

30 ሄሳ ጊሻሰ ያቆቤይ ሄ ሶሆዛ ጸንኤሌ ‡ ጊ ሱንሉዴሰ፤ ኣይሰ ጊኮ ኢዚ፡ «ታኒ ጸሓ ታ ኣይፌራ ቤኣዳ ሃይቆንታ ኣታዲሰ» ጊዴሰ።

31 ኢዚ ፓኑኤሌፔ ዴንዲዛ ዋዴ ኢዛ ቦላ ጻልቂይ ኬዚዴሰ፤ ኢዚ ባ ዋዲራ ጊሻሰ ዋቢዴሰ።

32 ያቆቤ ዋዲራይ ዴሼቲዳ ጊሻሰ ኢሰራኤሌ ኣሳይ ሃቕ ጋካናሰካ ጌዳ ጊዶን ዲዛ ፓሻ ኣሾ ሚ ኤፌቴና።

32:26 ሆሴ 12:3-4 † 32:28 ኢሰራኤሌ፡ ኢሰራኤሌ ጉሲ ኢብራዊታ ቃላራ፡ «ባጼቲሰ» ጉሳ። 32:29 ዳና 13:7-18 ‡ 32:30 ጸንኤሌ፡ ጸንኤሌ ጉሲ ኢብራዊታ ቃላራ፡ «ጸሓ ኣይፌሶ» ጉሳ።

33

ኤሳዊራ ያቆቤ ጋይቲላ

¹ ያቆቤይ ቶቁ ጊ ደሊዲ ኤሳዊይ 400 ኣስ ባናራ ኤኪ ዪዛይሳ በኢዳስ፤ ሄሳ ጊሻስ ናይታ ሊያስ፤ ኤራሄሊሲኔ ናምኡ ኣይሌታስ ሻኪ ሻኪ ኢሚዳስ።

² ኣሽካራታኔ ኢስታ ናይታ ሲንላን ሊያኔ ኢዚ ናይታ ኢስታፊ ጉዬን ኤራሄሊኔ ዮሴፊ ወርሴላን ዋሊዳስ።

³ ጊዶ ኣቲን ኢዚ ባ ባጋራ ኡባፊ ሲንሌ ኣፏዲ ባ ኢሻኮ ማቲዳ ዋዴ ላፑንቶ ዚጊዳስ።

⁴ ኤሳዊይ ጊዲኮ ኢዛራ ጋጋናስ ዋዲዲ ኢዛ ቆጼ ቦላ ጸጸቲዲ ዬሪዳስ፤ ናምኣቲካ ዬኪዳ።

⁵ ሄሳፊ ጉዬ ኤሳዊይ ቶቁ ጊ ደሊዲ ማጫሳታኔ ናይታ በኢዲ፡ «ሃ ነናራ ዲዛይቲ ኦናንቲ?» ጊ ኦይቺዳስ።

ያቆቤይ ኢዛስ፡ «ሃይቲ ጸሲ ኔ ኣይሌስ ታስ ባ ኪያቲላን ኢሚዳ ናይታ» ጊዳስ።

⁶ ሄሳፊ ጉዬ ኣይሌቲ ባ ናይታራ ሸቂዲ ኢዛ ሲንላን ዚጊዳ።

⁷ ካሊዲ ሊያይኔ ኢዚ ናይቲ ዪዲ ዚጊዳ፤ ወርሴላን ዮሴፊይኔ ኤራሄላ ዪዲ ዚጊዳ።

⁸ ኤሳዊይ፡ «ሲንላን ታናራ ጋጊዳ ማሄይ ወሪ ኣዛ ማሄ?» ጊ ኦይቺዳስ።

ኢዚካ፡ «ታ ጎዶ! ሃይሲ ኔ ታና ኡፋይሳን ሞካ ኤካናሳ» ጊዳስ።

⁹ ኤሳዊይ፡ «ታ ኢሾ! ታስ ዳሮ ሃርይ ዳስ፤ ኔ ሚሺ ኔስ ጊዶ» ጊዳስ።

¹⁰ ያቆቤይ፡ «ኣካይ፡ ሃኢ ኔ ታና ሞካ ኤካና ጊዲኮ ታ ኔስ ኢሚዛይሳ ኤካ፤ ኔ ታና ሲቆን ሞካ ኤኪሺን ታ በኢዳይሳ ጸሳ ኣይፊሶ በኢዳ ማላ ቆዳይስ።

¹¹ ጸሲ ባ ኪያቲላን ኡባ ኩንሊ ታስ ኢሚዳ ጊሻስ ኮሺዛዚ ኡባይ ታስ ዳስ፤ ታ ኔስ ኢሚዛይሳ ኤካርኪ» ጊዲ ያቆቤይ ሚንሊ ሾቢዳ ጊሻስ ኤሳዊይ ኢዚ ጊዳይሳ ኤኪዳስ።

¹² ሄሳፊ ጉዬ ኤሳዊይ፡ «ዴንዳ ኣኔ ቦስ፤ ታኒካ ኢንቴናራ ኢሲፊ ባና» ጊዳስ።

¹³ ጊዶ ኣቲን ያቆቤይ ኢዛ፡ «ታ ጎዶ! ኔ በኢዛ ማላ ናይቲ ሹጎ ጊዲዳይሳ ኔ ኤራሳ፤ ቃሴ ታኒ ጋሎ ማራታኔ ጉላ ላቃታ ቋንሊዛ ዶርሳታኔ ሚዛታ ናጋና ኮሺስ፤ ኢስቲ ኤሌ ኤሌ ሳጊኮ ማሄቲ ወሪ ኢሲ ጋላስ ሃይቂ ወራና።

14 ሄሳ ጊሻስ ታ ጎዶ ኔኒ ታፔ ሲንላታዳ ባ፤ ታ ሲንላን ዲዛ ማሄይኔ ናይቲ ሄማታና ዳንዳይዛ ከና ሄማቲዲ ኔናራ ሴይሬን ጋይታና» ጊዴስ።

15 ኤሳዊይ ኢዛ፡ «ሂሰቲኮ ታኒ ታ አሳፔ ጉላታ ኔስ አሻይስ» ጊዴስ።

ጊዶ አቲን ያቆቤይ ኢዛ፡ «ሄሲ አይሴ? ታኒ ታ ጎዶ ሲንላን ቦንቹቲዳይሲ ታስ ጊዳና» ጊዴስ።

16 ሄሳ ጊሻስ ኤሳዊይ ሄ ጋላስ ሴይሬ ሲሚ ቢዴስ።

17 ጊዶ አቲን ያቆቤይ ሱኮቴ ቢዴስ፤ ሄን ባስ ኬሐ ኬጺዴስ፤ ባ ማሄታስካ አቁዛሶ ግገሲዴስ፤ ሄሳ ጊሻስ ሄ ሶሆዛ ሱኮቴ * ጊ ሱንሐዴስ።

18 ያቆቤይ ማስጸጸሚያፔ ሲሚዳ ዋዴ ካናኔ ቢታን ዲዛ ሴኬሜ ጊዛ ካታማ ሳሮን ጋኪዴስ፤ ካታማይስ ሲንላ ባጋራ ዲዛ ዴምባን ዲንካኒ ኡቲዴስ።

19 ባ ዲንካኔዛ ቶሊዳ ጋዴዛ ሴኬሜ አዋ ኤሞሬ ናይታፔ 100 ሳቂሌ ቢራን ሻሚዴስ።

20 ሄን ያርሾሶሆ ኬጺዲ ኢዛ፡ «ጸሲ ኢሰራኤሌ ጸሳ» ጊ ሱንሐዴስ።

34

ዲናኔ ሴኬሜ ዴሬ አሳ

1 ሊያይ ያቆቤስ ዬሊዳ ናያ ዲናይ ሄ ዋዴ ሴኬሜ ዴሬ ማጫሳ ቤያናስ ኬዛዲስ።

2 ሄ ቢታ ሃሪዛ ሂዌይ ኤሞሬ ና ሴኬሜይ ኢዞ ዋልቃራ ኦይኪዲ ላይማቲዴስ።

3 ሄሳፌ ጉዬ ኢዛ ዋዚናይ ኢዚን ኤኬቲዴስ፤ ኢዚካ ናዮ ኬሂ ዶሲዳ ጊሻስ ሲቆ ቃላን ባሌሐዴስ።

4 ሴኬሜይ ባ አዋ ኤሞሬ፡ «ታስ ሃሮ ናዮ ማቾ ኦይቻርኪ!» ጊዴስ።

5 ያቆቤይ ባ ና ዲናይ ሞሬቲዳይሳ ሲዬዳ ዋዴ ኢዛ አቱማ ናይቲ ማሄራ ባዘን ዲዛ ጊሻስ ኢሰቲ ያና ጋካናስ ጮኡ ጊዴስ።

6 ሄሳፌ ጉዬ ሴኬሜ አዋ ኤሞሬይ ያቆቤራ ሃሳያናስ ዬዴስ።

7 ያቆቤ አቱማ ናይቲ ሄ ሃኒዳይሳ ሲዬዳ ማላ ባ ዲዛሶፔ ዬዲ ጩጩዲኔ ሽኔቲዳ፤ አይስ ጊኮ ሴኬሜይ ኢሰራኤሌ ና ቦላ ኦላናስ ቤሶንታ ኦሶ ኦሊዳ ጊሻስ ዳሮ ሃንቄቲዳ።

* 33:17 ሱኮቴ፡ ሱኮቴ ጉሲ ኢብራዊታ ቃላራ፡ «ዳሴ ዋይኮ አቆሶ» ጉሳ፡

33:19 ኢያ 24:32፤ ዮሃ 4:5

8 ጊደ እቲን ኤሞሬይ ኢስታስ፡ «ታ ና ሴኬሜይ እንቲ ናዮ ዲና ዳር ሲቁዛ ገሻሰ ሃያና ኢዛ ኢዛሰ ማቾ አሜርኬቲ!

9 ኑናራ ኤኬቲቴኔ ጌሌቲቴ፤ እንቲ ማጫ ናይታ ኑሰ አሚቴ፤ ኑ ማጫ ናይታካ እንቲሰ ኤከቴ።

10 እንቲ ኑ ጊደን ኡታና ዳንዳዬታ፤ ዳሬይ ከሂ አሆ፤ ኢዛን ዳኢቴ፤ ዛልኢቴ፤ ኢዛን ኣቆ ኬሲቴ» ጊደሰ።

11 ሄ ዎዴ ሴኬሜይ ዲና ኣዋኔ ኢዚ አሻታ፡ «ታኒ እንቲ ታ ገዛይሳ ኩንፊዛ ጊዲኮ እንቲ ኦይቺዛይሳ ኣይ ጊዲኮካ ታ አማና።

12 እንቲ ኮይታ * ኮይኮ አማና፤ አሞታ ኮይኮ እንቲ ኮዪዳይሳ ከና ታ አማና ሽን ናዮ ታ ኤካና ማላ ኤር ጌቲ» ጊደሰ።

13 ባ ሚቹዮ ዲና ሴኬሜይ ቱኒሲዳ ገሻሰ ያቆቤ ኣቱማ ናይቲ ሴኬሜሲኔ ኢዛ ኣዋ ኤሞሬሰ ዎርዶ ዮቲዳ፤

14 ኢሰቲካ ኢስታስ፡ «ኑኒ ሄሳ ማላ ሚሽ ኦፋና ዳንዳዮኮ፤ ኑኒ ኑ ሚቹዮ ቃጸሬቶንታ ኣሳሰ አሚኮ ሃይሲ ኑና ካወሺዛ ሚሻ።

15 ኑኒ እንቲ ኢሲ ሚሽ ኦፊኮ እንቲሰ፡ «ኦር» ጋና፤ ሄሲካ ኣዜ ገኮ እንቲ ቢታ ኣቱማ ኣሳይ ወሪ ኑ ማላ ቃጸሬቲኮ።

16 ኑኒ ኑ ማጫ ናይታ እንቲሰ አማና እንቲ ማጫ ናይታካ ኑሰ ኤካና፤ ኑ እንቲ ጊደን ኡቲዲ እንቲናራ ኢሲ ዳሬ ጊዳና።

17 እንቲ ቃጸሬታናሰ ኮዮንታ ጊዲኮ ኑኒ ኑ ሚቹዮ ኤከዲ ባና» ጊዳ።

18 ሂሰቲን ኢሰቲ ጊዳይሲ ኤሞሬሲኔ ኢዛ ና ሴኬሜሰ ሎኦ ሚሳቲዳሰ።

19 ባ ኣዋ ኬፋን ዲዛ ኡባፌ ኣፂ ቦንቹቲዳ ሴኬሜይ ያቆቤ ናዪን ኡፋዬቲዳ ገሻሰ ኢሰቲ ጊዳይሳ ኦፋናሰ ጋሞኢቤና።

20 ሄ ዎዴ ኤሞሬይኔ ኢዛ ና ሴኬሜይ ባ ኣሳሰ ዮታናሰ ባ ዲዛ ካታማ ሲሚ ቢዲ፡

21 «ሃ ኣሳቲ ኑናራ ሲጋ፤ ኢሰቲ ኑ ቢታን ዳቶኔ ዛልኤቶ፤ ኑ ዳሬይ ከሂ አሆ፤ ኢሰታ ማጫ ናይታ ኑኒ ኤካና፤ ኢሰቲካ ኑ ማጫ ናይታ ኤኬቶ።

22 ጊደ እቲን ኑናራ ኢሰቲ ኢሲ ኣሳ ማላ ዳኣናሰ ኑኒ ኢሲ ሚሽ ኦፋናሰ ኮሼሰ፤ ሄሲካ ኢሰቲ ቃጸሬቲዳ ማላ ኑ ኣቱማ ኣሳይ ወሪ ቃጸሬቲኮ ሃናና።

23 ኑኒ ሄሳሶ ኦፊኮ ኢሰታ ሚዛይ፡ ኢሰታ ኣቆይኔ ኢሰታ ሜሄይ ወሪ ኑሰ ዳኔ? ሄሳ ገሻሰ ኣኔ ኑኒ ኢሰቲ ጎይሳ ኤር ጎሰ፤ ኢሰቲካ ኑናራ ዳና» ጊዳ።

* 34:12 ኮይታ፡ ኮይታ ጉሲ ማቺ ኣሳሰ አሜቲዛ ሚሽ ጉሳ።

24 ካታማ ዲቡሻን ሸቂዳ አሳይ ወሪ ኤሞሬሲኔ ኢዛ ና ሴኬሜስ፡ «ኤሮ» ጌዳ። ሂስቲን ሄ ካታማ አቱማሳይ ወሪ ቃጸሬቲዴስ።

25 ሄሻንሶ ጋላስ ኢስቲ ወሪ ባ ቃጸራ ማዲንላ ሳኬቲሺን፡ ያቆቤ አቱማ ናይታፔ ዲና አሻቲ፡ ሲሞኒኔ ሌዌይ ጌላ ማሻ ኤኪዲ ኦኒካ ኤሮንታ ካታማ ጌሊዲ፡ አዴ ጌዲዳይታ ኡባ ዋዲዳ።

26 ኤሞሬኔ ኢዛ ና ሴኬሜ ጌላ ማሻን ዋዲዲ ባ ሚቹዮ ዲና ሴኬሜ ሶፔ ኬሲ ኤኪዲ ቢዳ።

27 ያቆቤ አቱማ ናይቲካ አሃታ ቦላራ ዩዴቲ አዲዲ ባ ሚቹዮ ዲና ቱኒሲዳ ካታማ ቦንቂዳ።

28 ኢስታ ዶርስ፡ ዴይሽ፡ ሚዝ፡ ሃሬ፡ ቃሴካ ካታማ ጌዶን ዲዛይሳኔ ጋጸን ዲዛይሳ ኡባ ኤኪዳ።

29 ኢስታ ሜሄታኔ ኢስታ ማቹታ ጉላ ናይታራ ኡባ ዲኢ ኤኪ ቢዳ፤ ኬላን ዲዛይሳካ ኡባ ቦንቂዳ።

30 ያቆቤይ ሲሞናኔ ሌዌ፡ «ኢንቲ ታ ቦላ ሜቶ ኤሂቹዴታ፤ ሃ ቢታን ዲዛ ካናኔቲኔ ፓሪዘቲ ታና ኢጳና፤ ኦኒ ቆዳን ጉላ፤ ኢስቲ ኢሲፌ ጌዲዲ ታ ቦላ ዋራጂኮ ታኒኔ ታሶ አሳይ ዳያና» ጌዴስ።

31 ጌዶ አቲን ኢስታስ፡ «ሂስቲን ኢዚ ኦ ሚቹዮ ላይማ ማጫሳ ማላ ኦላናስ ቤሲዜ?» ጌዳ።

35

ቤቴሌን ያቆቤ አንጃቲላ

1 ሂሳፌ ጉዬ ጸሲ ያቆቤ፡ «ዴንዳዳ ፑዴ ቤቴሌ ባዳ ሄን ዴኣ፤ ኔኒ ኔ አሻ ኤሳዌፔ ባቃቲዛ ዋዴ ኔስ ቆንጨዳ ጸሳስ ሄን ያርሾ ያርሺዛሶ ገገላ» ጌዴስ።

2 ያቆቤይካ ባሶ አሳኔ ባናራ ዲዛ አሳ ኡባ፡ «ኢንቲ ጌዶን ዲዛ አላጋ ኤቃ ሚሰሌታ ዲጌቲ፤ ኢንቲ ቦላ ጌሺቲ፤ ኢንቲ ማይኦካ ላሚቲ።

3 አኔ ዴንዲዲ ፑዴ ቤቴሌ ቦስ፤ ታ ሜቶቲዳ ጋላስ ታኒ ጌዛ ሲዩዲ ታኒ ቢዳ ኡባሶን ታናራ ጌዲዳ ጸሳስ ታኒ ሄን ያርሾ ያርሺዛሶ ገገላና» ጌዴስ።

4 ሂሳ ገሻስ ኢስቲ ባ አቻን ዲዛ ሃራ ዴሬ አሳ ኤቃ ሚሰሌታ ኡባኔ ባ ሃይላን ዲዛ ጉቲቻ ኡባ ኬሲዲ ያቆቤስ ኢሚን ያቆቤይ ሄይታ ሴኬሜን ዲዛ ዋላ ጋርሳን ሞጌዴስ።

5 ሄሳፌ ጉዬ ኢስታ ዩሾን ዲዛ ካታማ ኡባ አሳ ቦላ ጸሳፌ ዳጋማይኔ ያሻቴሉ ዋዲዳ ጊሻስ ያቆቤይኔ ኢዛ አቱማ ናይቲ ዴንዲዲ ቢሺን ኦኒካ ኢስታ ኦይካናስ ካሊቤና።

6 ያቆቤይኔ ኢዛራ ዲዛ አሳይ ወሪ ካናኔ ቢታን ዲዛ ቤቴሌ ጌቴቲዛ ሎዛ ጋኪዳ።

7 ሄን ኢዚ ያርሾ ያርሺዛሶ ኬጺዲ ሄ ሶሆዛ ኤሊ-ቤቴሌ* ጊ ሱንሉዴስ፤ አይስ ጊኮ ኢዚ ባ አሻፔ ባቃቲዲ ቢዛ ዋዴ ጸሲ ኢዛስ ቆንጪዳ ሶሆ ጊዲዳ ጊሻሳ።

8 ኢርቢቃ ዲቺዳ ዲቦራይ ሄን ሃይቃዳ ቤቴሌፔ ዲጌ ባጋራ ዲዛ ዋላ ጋርሳን ኢዛ ሞጌታዴስ፤ ሄሳ ጊሻስ ሄ ሚላ ሱንሉ አሌም-ባኩቴ† ጌቴቲዴስ።

9 ያቆቤይ ሜስጶጶሚያፔ ሲሚዳፔ ጉዬ ጸሲ ኢዛስ ቃሴካ ቆንጪዲ ኢዛ አንጂዴስ፤

10 ጸሲ ኢዛ፡ «ሃኢ ጋካናስ ኔ ሱንሉ ያቆቤ፤ ጊዶ አቲን ሃይሳፌ ጉዬ ሙሉካ ያቆቤ ጌቴታካ፤ ኔ ሱንሉ ኢስራኤሌ ጌቴታና» ጊዲ ኢዚ ኢዛ ኢስራኤሌ ጊ ሱንሉዴስ።

11 ቃሴ ጸሲ ያቆቤ፡ «ታኒ ኡባ ዳንዲይዛ ጸሳ፤ ኔኒ ዬሌታ፤ ጮራታ፤ ዴሪይኔ ዴሪ ማባራይ ኔፔ ኬዛና፤ ካዋቲካ ኔ ጉልባቴፔ ኬዛና።

12 ታኒ አብራሃሜስኔ ዩሳቃስ ኢሚዳ ቢታ ቃሴ ኔስ ኢማና፤ ኔፔ ጉዬካ ታኒ ሃ ቢታ ኔ ዜሬላስ ኢማና» ጊዴስ።

13 ሄሳፌ ጉዬ ጸሲ ኢዛራ ሃሳይዳ ሶሆፔ ፑዴ ቢዴስ።

14 ያቆቤይ ጸሲ ባናራ ሃሳይዳ ሶሆን ሹቕ ኤሲዲ ኢዛ ቦላ ኡሻ ያርሾ ጉሲዴስ፤ ዛይቴካ ኢዛ ቦላ ቲጊዴስ።

15 ያቆቤይ ጸሲ ባናራ ሃሳይዳ ሶሆዛ፡ «ቤቴሌ» ጊ ሱንሉዴስ።

ኤራሄሊ ሃይቆኔ ዩሳቃ ሃይቆ

16 ኢስቲ ሄሳፌ ጉዬ ቤቴሌፔ ዴንዲ ኤፍራታ ጋካናስ ጉሐ አሺዳ ማላ ኤራሄሎ ዋልቃማ ሚጸይ ኦይኪዴስ።

17 ሚጸይ ኢዛ ዋዩሲን ኢዞ ዬሊሲዛራ፡ «ባቦፋ፤ ሃይሲካ አቱማ ና» ጋዴስ።

* 35:7 ኤሊ-ቤቴሌ፡ ኤሊ-ቤቴሌ ጉሲ ኢብራዊታ ቃላራ፡ «ቤቴሌ ጸሳ» ጉሳ።

† 35:8 አሌም-ባኩቴ፡ አሌም-ባኩቴ ጉሲ ኢብራዊታ ቃላራ፡ «ዬሆ ዋላ» ጉሳ።

35:10 ሚዴ 32:28 35:12 ሚዴ 17:4-8 35:15 ሚዴ 28:18-19

18 ጊደ አቲን ኢዛ ሃይቃ ሸምፖ ከዚሽን ባ ና ቤኒ-ኦኔ፥ ጋ ሱንላዱስ፤ ያቆቤይ ኢዛ ቢኒያሜ ስ ጊ ሱንላዱስ፡፡

19 ሄሳፌ ጉዬ ኤራሄላ ሃይቃዳ ቤቴሊሄሜ ጊዛ ኤፍራታ ኤፊዛ ኦጌ ዶናን ሞጌታዱስ፡፡

20 ያቆቤይ ኢዚ ዱፎን ሃወልቴ ሹች ኤሲዳስ፤ ሄ ሃወልቴ ሹቻይ ሃች ጋካናስካ ኤራሄላ ዱፎ ማላታ ጊዱ ዳስ፡፡

21 ኢሰራኤሌይ ሄፔ ዳንዲዲ ኤዳራ ጊምቤፌ ሄ ፒንላን ባ ዲንካኔዛ ቶኪዳስ፡፡

ያቆቤ ናይታ (1ታሪ 2:1-2)

22 ኢሰራኤሌይ ሄ ቢታን ዲሺን ኦሮቤሌይ ቢዲ ባ አዋስ ዬሊዳ አይሌ ቢሊሃራ ዚንኢዳስ፤ ኢሰራኤሌይካ ሃ ዮኦዛ ሲዪዳስ፡፡

ያቆቤ አቱማ ናይቲ ታማኔ ናምኣ፡፡ ኢስቲካ፡

23 ሊያ ናይቲ ያቆቤ ባይራ ና ኦሮቤሌ፥ ሲሞና፥ ሌዌ፥ ዩሁዳ፥ ዩሳኮሬኔ ዛቢሎኔ፡፡

24 ኤራሄላ አቱማ ናይቲ ዮሴፌኔ ቢኒያሜ፡፡

25 ኤራሄላ አይሌ ቢሊሃ አቱማ ናይቲ ዳኔኔ ኒፍታሌሜ፡፡

26 ሊያ ኦሳንቻ ዚልፊ አቱማ ናይቲ ጋዴኔ ኣሰፊ፡፡ ሃይቲ ማሶጶጶምያን ያቆቤስ ዬሌቲዳ ኢዛ አቱማ ናይታ፡፡

27 ያቆቤይ ባ አዋይ ዲዛሶ ማሚሬ ጌቲቲዛሶ ዩዳስ፤ ሄሲካ ኣብራሃሜይኔ ዩሳቂ ካሴ ዳዩዳ ቂሪያቴ-ኣርባኤ ዎይኮ ኬብሮኔ ጌቲቲዛሶ፡፡

28 ዩሳቂ 180 ላይሐ ዳኢዳስ፤

29 ኢዚ ዳሮ ዎዴ ዳኢዲ ኬሂ ጨሚ ሃይቂዲ ባ አዋታን ጋጊዳስ፤ ኢዛ ናይቲ ኤሳዌይኔ ያቆቤይ ኢዛ ሞጊዳ፡፡

36

ኤሳዌ ዩሌታ (1ታሪ 1:34-37)

1 ኤዶሜ ጌቲቲዛ ኤሳዌ ዩሌታይ ሃይሳፌ ካሊ ጻፌቲዳይሳ፡፡

‡ 35:18 ቤኒ-ኦኔ፡ ቤንኦኔ ጉሲ ኢብራዊታ ቃላራ፥ «ሜቶ ና ዎይኮ ታ ጩጩ ና» ጉሳ፡፡ § 35:18 ቢኒያሜ፡ ቢኒያሜ ጉሲ ኢብራዊታ ቃላራ፥ «ታ ኦሻቻ ኩሺ» ጊዲሺን ቢርሼላይ፥ «ቃዳ ሎኦ ና» ጉሳ፡፡ 35:22 ሜዴ 49:4 35:27 ሜዴ 13:18

2 ኤሳዌይ ካናኔ ቢታ ማጫ ናይታፔ ባሰ ማቾ ኤኪዴሰ፤
ኢስቲካ ሂቲ ኤሎኔ ና ኣዳ፥ ሂዌያ ጸባኦኔ ና ኣናይ ዩሊዳ
ኦሆሊባሚኔ

3 ኢስማኤሌ ና ኔባዮቲ ሚቺዮ ባሴማቶ።

4 ኣዳይ ኤሳዌሰ ኤልፋዜ ዩላዱሰ፤ ባሴማታያካ ኤራኡኤሌ
ዩላዱሰ፤

5 ኦሆሊባሚ ያኡሼ፥ ያኢላሚኔ ቆሬ ዩላዱሰ፤ ካናኔ ቢታን
ኤሳዌሰ ዩሊቲዳ ኣቱማ ናይቲ ሃይታንታ።

6 ኤሳዌይ ባ ማቺታ፥ ባ ኣቱማ ናይታኔ ማጫ ናይታ፥ ባሶ ኣስ
ኡባ ባ ሚዛታኔ ባ ሜሄ ኡባ ካናኔ ቢታን ኢዚ ሃሪዳይሳ ኡባ
ኤኪዳ ባ ኢሻ ያቆቤፔ ሃኪ ቢዴሰ።

7 ኢስታ ሃሮይ ዳሪዳ ጊሻስ ኢስቲ ኢሲፌ ዴኣናስ
ዳንዳይቤቲና፤ ሜሄይ ኢስታስ ዳሪዳ ጊሻስ ኢስቲ ዲዛ ዴሬይ
ኢስታ ናሞኣታስ ጊዳናስ ዳንዳይቤና።

8 ሂስቲን ኤዶሜ ጌቲቲዛ ኤሳዌይ ሴይሬ ጌቲቲዛ ጌዜን
ኡቲዴሰ።

9 ሴይሬ ጌቲቲዛ ጌዜ ቢታን ዲዛ ኤዶሜታ ኣዋ ኤሳዌ
ዩሊታይ ሃይሳፌ ካሊ ጸፊቲዳይሳ።

10 ኤሳዌ ኣቱማ ናይታ ሱንጢ ሃይሳፌ ካሊ ጸፊቲዳይሳ፤
ሃሳቲካ ኤሳዌ ማቾ ኣዳ ና ኤልፋዜኔ ኤሳዌ ማቾ ባሴማቲ
ና ኤራኡኤሌ።

11 ኤልፋዜ ናይቲ ቲማኔ፥ ኦማሬ፥ ጾፎ፥ ጋኢታሚኔ ቄናዜ።

12 ቃሴ ኤሳዌ ና ኤልፋዜሰ ቲሚናኤ ጌቲቲዛ ኣይሌይ ዳዉሰ፤
ኢዛካ ኤልፋዜሰ ኣማሌቄ ዩላዱሰ፤ ሃይቲ ኤሳዌ ማቾ ኣዲሰ ና
ናይታ።

13 ኤራኡኤሌ ኣቱማ ናይቲ ናሃቲ፥ ዛራሄ፥ ሻማሃኔ ሚዛሄ፤
ሃይቲ ኤሳዌ ማቺዮ ባሴማቲስ ና ናይታ።

14 ጸባኦኔሰ ናዛ ና ኣናይ ዩሊዳ ኦሆሊባሚ ኣቱማ ናይቲ
ሃይታ፤ ኢዛ ኤሳዌሰ ያኡሼ፥ ያኢላሚኔ ቆሬ ዩላዱሰ።

15 ኤሳዌ ዩሊታ ዜሬላ ሃላቃቲ ሃይሳፌ ካሊ ጸፊቲዳይታ።
ኤሳዌሰ ባይራ ና ኤልፋዜ ኣቱማ ናይታስ ሃላቃ ጊዲዳይቲ
ቲማኔ፥ ኦማሬ፥ ጾፎ፥ ቄናዜ፥

16 ቆሬ፥ ጋኢታሚኔ ኣማሌቄ፤ ኤዶሜ ቢታን ኤልፋዜይ ዩሊዳ
ሃላቃቲ ሃይታ፤ ሃይቲ ዉሪ ኣዲሰ ና ናይታ።

17 ኤሳዊ ና ኤራኡኤሌ አቱማ ናይታሰ ሃላቃ ጊዲዳይቲ ናሃቲ፥
ዛራሄ፥ ሻማሃኔ ሚዛሄ፤ ኤዶሜ ቢታን ኤራኡኤሌይ ዩሊዳ
ሃላቃቲ ሃይታ፤ ኢሰቲ ኤሳዊ ማቸ ባሴማቲሰ ና ናይታ።

18 ኤሳዊ ማቸዮ ኦሆሊባሚ አቱማ ናይታሰ ሃላቃ ጊዲዳይቲ
ያኡሼ፥ ያኢላሜኔ ቆሬ፤ ኢሰቲ አና ና፥ ኤሳዊ ማቸዮ ኦሆሊባሚፔ
ዩሊቲዳ ሃላቃታ።

19 ሃይቲ ኤዶሜ ጌቲቲዛ ኤሳዊ አቱማ ናይታሰኔ ኢሰታ
ዜሬላታሰ ሃላቃታ።

ሴይሬ ዩሊታ

(1ታሪ 1:38-42)

20 ኤዶሜ ቢታን ዲዛ ሆሬ ሴይሬ አቱማ ናይቲ ሃይሳፌ ካሊ
ጻፌቲዳይታ፤ ሄይቲካ ሎጻኔ፥ ሾባሌ፥ ጸባኦኔ፥ አና፥

21 ዲሾኔ፥ ኤጼሬኔ ዲሻኔ፤ ኢሰቲካ ኤዶሜ ቢታን ዲዛ ሴይሬ
አቱማ ናይቲ፥ ሆሬታ ሃላቃታ።

22 ሎጻኔ አቱማ ናይቲ ሆሬኔ ሄማኔ፤ ሎጻኔ ሚቺያ ቲሚናኦ።

23 ሾባሌ አቱማ ናይቲ ኣሊዋኔ፥ ማናሃቲ፥ ኤባሌ፥ ሼፋኔ
ኣናሜ።

24 ጸባኦኔ አቱማ ናይቲ ኣያኔ አና፤ ኣናይካ ባዘን ባ ኣዋ ጸባኦኔ
ሃሬታ ሄሚሼ ጸባላ ሃሐ ዴሚዳይሳ።

25 አና ናይ ዲሾኔ፤ ናያ ቃሴ ኦሆሊባሞ።

26 ዲሾኔ አቱማ ናይቲ ሄሞዳኔ፥ ኤሺባኔ፥ ዩቲራኔኔ ካራኔ።

27 ኤጼሬ አቱማ ናይቲ ቢሊሃኔ፥ ዛኢዋኔኔ ኣቃኔ።

28 ዲሻኔ አቱማ ናይቲ ኤጼኔ ኣራኔ።

29 ሆሬታ ሃላቃቲ ሃይታንታ፤ ሎጻኔ፥ ሾባሌ፥ ጸባኦኔ፥ አና፥

30 ዲሾኔ፥ ኤጼሬኔ ዲሻኔ። ሃይቲ ሴይሬ ቢታን ባ ቆሞን
ቆሞን ሻኬቲዳ ሆሬታ ሃላቃታ።

ኤዶሜ ካዎታ

(1ታሪ 1:43-54)

31 ኢሰራኤሌን ካዎይ ካዎታናፔ ካሴ ኤዶሜ ቢታን ካዎቲዳ
ካዎቲ ሃይሳፌ ካሊ ጻፌቲዳይታ።

32 ቢኦሬ ና ቤላይ ኤዶሜን ካዎቲዳሰ፤ ኢዛ ካታማ ሱንሐ
ዲናቤ ጌቲቲሰ።

33 ቤላይ ሃይቂን ቦጺራፔ ዩዳ ዛራሄ ናይ ዮባቤይ ካዎቲዳሰ።

34 ዮባቤይ ሃይቂን ቲማኔ ቢታፌ ዩዳ ሁሻሚይ ካዎቲዳሰ።

35 ሁሻሚይ ሃይቂን ሚዲያሚ አሳታ ሞክቤ ቢታን ጸኒዳ ባዳዴ ና ሃዳዴይ፥ ካዋቲዳሰ፤ ኢዛ ካታማ ሱንሏ አዊቴ ጌቴቲዳሰ።

36 ሃዳዴይ ሃይቂን ማሲሬቄፔ ዪዳ ሳሚላይ ካዋቲዳሰ።

37 ሳሚላይ ሃይቂን ሻፋ አቻን ዲዛ ኤራሆቦቴፔ ዪዳ ሻኡሌይ ካዋቲዳሰ።

38 ሻኡሌይ ሃይቂን አኪቦሬ ና ባኣሊ-ሃናኔይ ካዋቲዳሰ።

39 አኪቦሬ ና ባኣሊ-ሃናኔይ ሃይቂን ሃዳሬይ ካዋቲዳሰ፤ ኢዛ ካታማ ሱንሏ ፓኡ ጌቴቲሰ፤ ኢዛ ማቺያ ሜዛሃቤ ናዮ ማጸሬዳ ዩሊዳ ማሄጸቢኤሎ ጌቴታዉሰ።

40 ኤሳዌ ዩሊታ ሃላቃቲ ባ ቆሞን ቆሞን ባ ሱንላን ሱንላን ሃይታንታ፤ ቴሚናኤ፥ ኣሊዋ፥ ዩቴቴ፥

41 ኦሆሊባሚ፥ ኤላ፥ ፒኖኔ፥

42 ቄናዜ፥ ቴማኔ፥ ሚቢዛሬ፥

43 ማጊዲኤሌኔ ኢራሚ። ሃይታንቲ ባ ሃሪዛ ቢታን፥ ባ ዲዛሶን ኤዶሚ ሃላቃታ። ሃይሲ ኤሳዌይ ኤዶሚታ ኣዋ።

37

ዮሴፌኔ ኢዛ አሻታ

1 ያቆቤይ ካሴ ባ ኣዋይ ዳዪዳ ካናኔ ቢታን ኡቲዳሰ።

2 ያቆቤ ናይቲ ሃኒዳይሲ ሃይሳፌ ካሊዲ ጸፊቲዳይሳ።

ዮሴፌይ 17 ላይላ ና ጊዲዳ ዋዴ ባ ኣዋ ኣይሌታፔ፥ ቢሊሃፔኔ ዚልፊፌ ዩሊቲዳ ባ አሻታራ ባ ኣዋ ሚሄታ ሄሜሰ፤ ሄ ዋዴ ኢዚ ባ ኣዋሰ ኢሰቲ ኦሊዳ ኢታ ሚሽ ኤሂ ዮቴሰ።

3 ኢሰራኤሌይ ዮሴፌ ጨማቴላን ዩሊዳ ጊሻሰ ሃንኮ ኣቱማ ናይታ ኡባፌ ኣሏ ሲቄሰ፤ ኢዚ ኢዛሰ ኣሌቆ ማይኦ ጊግሲዳሰ።

4 ኢዛ አሻቲ ኢሰታ ኣዋይ ኢዛ ኢሰታፌ ኣሏ ሲቄዛይሳ ቤኢዲ ኢሰቲ ኢዛ ኢጲዲ ሎኦ ቃላን ኢዛራ ሃሳያናሰ ዳንዳይቤቴና።

5 ዮሴፌይ ኣጉሞ ኣጉሜቲዲ ባ አሻታሰ ዮቴዳሰ፤ ኢሰቲካ ኢዛ ጌዴ ጉጂ ኢጲዳ።

6 ኢዚ ኢሰታሰ፥ «ታኒ ኣጉሜቲዳ ኣጉሞ ሲዩቴ።

7 ኮኒ ጋዴ ጊዶን ካላ ሚርቄ ሚርቄሺን ታ ሚርቄያ ዳንዳዳ ሲቲ ጋ ኤቃዱሰ፤ ኢንቴ ሚርቄቲ ጊዲኮ ዩዪ ኣጲዲ ታ ሚርቄይሲ ዚጊዳ» ጊዳሰ።

8 ኢዛ አሻቲ ኢዛ፥ «ኔኒ ኑ ቦላ ካዋታና ሃናይ? ዋይኮ ኑና ቱሙ ሃራና ሃናይ?» ጊዳ፤ ኢሰቲ ኢዛ ኣጉሞዛ ጊሻሲኔ ኢዚ ኢሰታሰ ዮቴዳ ቃላ ጊሻሰ ካሴፔ ኢዛ ኣሏ ኢጲዳ።

9 ቃሴካ የሴፌይ ሃራ አጉሞ አጉሜቲዲ ባ አሻንታሰ የቲዴሰ፤ «ሲዩቲ፤ ታኒ ሃራ አጉሞካ አጉሜታዲሰ፤ ሄ አጉሞካን አርሼይ፤ አገረይኔ 11 ጸለንቲቲ ታሰ ዚገሺን ቤኣዲሰ» ገዴሰ።

10 ሄ ኢዚ ቤኢዳ አጉሞካ ባ አዋሰኔ ባ አሻንታሰ የቲን ኢዛ አዋይ ኢዛ፤ «ሃይሲ ኔኒ አጉሜቲዳይሲ አይ አጉሞ? ቱሙ ታኒ፤ ኔ አዩያኔ ኔ አሻቲ ዩዲ ኔ ሲንፋን ሳኣን ጉፋኒዲ ኔሰ ዚጋኔ?» ገ ሃንቁቲዴሰ።

11 ኢዛ አሻቲ ኢዛ ሚቃይኒዳ፤ ገዶ ኣቲን ኢዛ አዋይ ሃ የኦዛ ባ ዋዚናን ዋላዲ ናገዴሰ።

የሴፌ ባይዙቲላ

12 ኢሲ ጋላሰ ኢዛ አሻቲ ሴኬሜ ኣቻን ባ አዋ ሜሄታ ሄማናሰ ቢን፤

13 ኢሰራኤሌይ የሴፌ፤ «ኔ አሻቲ ሴኬሜን ሜሄ ሄሚዛይሳ ኔ ኤራሳ፤ ሃ ያ፤ ታ ኔና ኢሰታኮ ኪታና» ገዴሰ።

የሴፌይካ፤ «ኤሮ» ገዴሰ።

14 ያቆቤይካ፤ «ባዳ ኔ አሻቲኔ ሜሄይ ሳሮ ዲዛኮ ቤኣ ያዳ ኢሰታ ሃኖታ ታሰ የታ» ገዲ ኢዛ ኬብሮኔ ሾባ ከቲን ኢዚ ሴኬሜ ቢዴሰ።

15 ሄን ዴሞባ ገዶን ኢዚ ጌዴ ሃ ሰሜሬቲሺን ኢሲ ኣሲ ኢዛ ዴሚዲ፤ «ናዘ! አይ ኮያይ?» ገ ኦይቲዴሰ።

16 ኢዚካ፤ «ታ አሻታ ኮያይሰ፤ ኢሰቲ ሜሄ ሄሚዛሶሆይ አዋኮ ታሰ የታርኪ!» ገዴሰ።

17 ሂሰቲን ኣዴዚ፤ «ሄሳፌ ዴንዲቺዳ፤ ኢሰታሰ፤ ሉኒ ዶታኔ ቦሰ) ገሺን ሲያዲሰ» ገዴሰ፤ ሄሳ ገሻሰ የሴፌይ ባ አሻታ ጉዬ ቢዲ ኢሰታ ዶታኔን ዴሚዴሰ።

18 ገዶ ኣቲን ኢዚ ሃሆን ዲሺን ኢሰቲ ኢዛ ቤኢዳ፤ ኢዚ ኢሰታኮ ጋኮንታ ዲሺን ኢሰቲ ኢዛ ዋፋናሰ ማቁቲዳ።

19 ኢሶይ ኢሳሰ፤ «ቤኢቲ! አጉሞ ጎዳይ ዩሰ።

20 ሃ ዩቲ! ኢዛ ዋፋዲ ሃ ኦላታፔ ኢሳ ገዶ ዩጎሰ። ሄሳፌ ጉዬ፤ ሉታ ዶኣይ ኢዛ ሚዴሰ) ጋና፤ ሂሰቲዲ ኢዛ አጉሞይ ፖሌቲን ኣኔ ቤኣና» ገዴ።

21 ኦሮቤሌይ ሄሳ ሲዩዲ ኢሰታ ኩሼፔ ኢዛ ኣሻናሰ ኮዩዲ፤ «ኢዛ ዋፋ ዋፋኮ፤

22 ሱላ ጉሶፍቲ፤ ኢዛ ኢንቲ ባዞን ዲዛ ሃ ኦላ ገዶ ዩገቲ፤ ኢዛ ቦላ ኩሼ ዋፋፍቲ» ገዴሰ። ኦሮቤሌይ ኢዛ ኢሰታ ኩሼፔ ኣሺዲ ጉዬ ኢዛ አዋኮ ዩዳናሰ ቆፒዴሰ።

23 የሴፌይ ባ አሻታኮ ጋኪዳ ዋዴ ኢዚ ማይኢዳ አሌቆ ማይኦ ኢዛፔ ቃሪ ኤኪዳ፤

24 ኢዛ ኤፊዲ ሃሊ ባይንዳ ማላ ኦላን ዩጊዳ።

25 ኢስቲ ባ ቁማ ማናስ ኡቲዳሼ ኢስማኤሌ ዴሬ አሳቲ ጊብጾ ባናስ ጋላኣዴፔ ዩዛይታ ቶቄ ጊዲ ቤኢዳ፤ ኢስቲ ባ ጋሜላን ሳዋ፡ ባላሳኔ ጌቲቲዛ ቆሌኔ ካርቤ ጫኒ ዋሊዳ።

26 የሁዳይ ባ አሻታ፡ «ኑኒ ኑ አሻ ዋዲዲ ኢዛ ሱላ ቆቲኮ ኑና አይ ማዳኔ?

27 ሃ ዩቲ፤ ኢዛ ኢስማኤሌታስ ባይዘስ፤ ኢዛ ቦላ ኑ ኩሼ ዋሉኮ፤ ጋሶይካ ኢዚ ኑ አሻኔ ኑ አሾ።» ሂስቲን ኢዛ አሻቲ ወሪካ ኤሮ ጊዳ።

28 ሄሳ ጊሻስ ሚዲያሜ ቢታ ዛልኣንቻቲ ሄሳራ ኣዲሺን ኢዛ አሻቲ የሴፌ ኦላፌ ኬሲዲ ኢስማኤሌ አሳታስ 20 ቢራስ ባይዚን ኢስቲ የሴፌ ጊብጾ ቢታ ኤፊዳ።

29 ኦርቤሌይ ኦላኮ ሲሚዲ የሴፌይ ሄን ባይንዳይሳ ቤኢዳ ዋዴ ጩጪዲ ባ ማይኦ ዳኪዴስ

30 ኢዚ ጉዬ ባ አሻታኮ ቢዲ፡ «ናዚ ሄን ባዋ፤ ሃኢ ታ ኣዋ ሲማ ቦ!» ጊዴስ።

31 ሄሳፌ ጉዬ ኢስቲ ኢሲ ዴይሽ ኤኪ ሹኪዲ የሴፌ ማይኦ ሱላን ማዲዳ።

32 ኢዛ አሌቆ ማይኦዛ ኣዋኮ ኤፊዲ ኣዋስ፡ «ኑኒ ሃይሳ ዴሚ ኤኪደስ፤ ሃይሲ ኔ ናዛ ማይኦኮኔ ሃራኮ ኣኔ ጸላ» ጊዳ።

33 ኣዋይካ ማይኦዚ የሴፌይሳ ጊዲዳይሳ ኤሪዲ፡ «ኤ ሃይሲ ታ ናዛ ማይኦ! ኢታ ዶኣይ ኢዛ ሚቺዴስ፤ ቱሙካ የሴፌ ዶኣይ ፑዜሬሊ ሞንታ ኣጌና» ጊዴስ።

34 ያቆቤይካ ሚሹቲዲ ባ ማይኦ ፔዲ ዩጊዴስ፤ ማቃ ማይኢዲ ዳሮ ዋዴ ጋካናስ ባ ናዛስ ዩኪዴስ።

35 ኢዛ ኣቱማ ናይቲኔ ማጫ ናይቲ ወሪ ኢዛ ሚንፊላናስ ኢዛኮ ዩዳ፤ ጊዶ ኣቲን ኢዚ ሚኔቶንታ ኢጺዲ፡ «ሃኔና! ታኒ ዩካዳ ታ ናኮ ባዳ ዲፎን ጌላና» ጊዲ ኢዛ ኣዋይ ኢዛስ ዩኪዴስ።

36 ሄ ዋዴ ሚዲያሜ ቢታ አሳቲ የሴፌ ጊብጾ ካዋ ኦሳንቻ ጸሊፋራስ ጊብጾን ባይዚዳ፤ ጸሊፋራይካ ዛቤታ ሃላቃ።

38

የሁዳኔ ቲኢማሮ

1 ሄ ዋዴ የሁዳይ ባ አሻታፔ ሻኬቲዲ አዲላሜ ጌቲቲዛ ካታማን ዲዛ ሂራ ጌቲቲዛ አዴዛራ ዴኣና ቢዴስ።

2 ሄን የሁዳይ ሹኣ ጌቲቲዛ ካናኔ ዴሬ ማጫ ና ቤኢዴስ። ኢዚካ ኢዞ ማቾ ኤኪዲ ኢዚራ ዴኢዴስ።

3 ኢዛ ኢዛስ ሻራዳ አቱማ ና ዩላዳ ኤራ ጋ ሱንላዲስ።

4 ቃሴካ ሻራዳ አቱማ ና ዩላዳ ኦናኔ ጋ ሱንላዲስ።

5 ቃሴ ጉጃዳካ አቱማ ና ዩላዳ ኢዛ ሴላ ጋ ሱንላዲስ። ኢዛካ ኢዛ አኪዛቤ ጌቲቲዛ ቢታን ዩላዲስ።

6 የሁዳይ ባ ባይራ ናዛ ኤራ ቲኢማሮ ማቾ ኤኪሲዴስ።

7 የሁዳ ባይራ ና ኤራይ ጎዳ ሲንላን ኢታ አስ ጊዲዳ ጊሻስ ጎዳይ ኢዛ ዋዲዴስ።

8 የሁዳይ ኦናኔ፣ «ኔ አሻዛ ማቾ ላታዳ ኢዛስ ላታ ና ዩላዳ ኢዛ ሱንላ ዴይጊሳ» ጊዴስ።

9 ጊዴ አቲን ኦናኔይ ዩሌቲዛ ናይቲ ባስ ጊዶንታይሳ ኤሪዲ ባ አሻ ማቾይራ አቂዛ ዋዴ አይዴካ ባ አሻስ ናይ ዩሌቶንታ ማላ ባ ዜሬላ ቢታን ጉሴስ።

10 ኢዚ ኦሊዳይሲ ጎዳ ሲንላን ፓራ ጊዲዳ ጊሻስ ጎዳይ ኢዛካ ዋዲዴስ።

11 ሄሳፌ ጉዬ የሁዳይ ባ ና ማቾ ቲኢማሮ፣ «ታ ናዬ ሴላይ ዲጫና ጋካናስ ኔ አዋ ሶ ባዳ አምኤቱላን ዳሻ» ጊዴስ። ሄሳ ኢዚ አዛስ ጊዴ? ጊኮ፣ «ሴላይ ባ አሻታ ማላ ሃይቃናኮ» ጊዲ ሂርጊዳ ጊሻሳ። ሄሳ ጊሻስ ቲኢማራ ባዳ ባ አዋ ሶን ዴኣዲስ።

12 ዳር ዋዴፔ ጉዬ ሹኣ ናያ፣ የሁዳ ማቾያ ሃይቃዲስ። የሁዳይ ካዮቲ አሊዳፔ ጉዬ ባ ላጌ አዲላሜ ዴሬ አስ ሂራ ጌቲቲዛይሳራ ባ ዶርሳ ኢስኬ ቃንጺዛ አሳቲ ዲዛሶ ቱሚና ቢዴስ።

13 አሳይ ቲኢማሪስ፣ «ቤያ፤ ኔ ቦሎይ የሁዳይ ባ ዶርሳታ ኢስኬ ቃንጸናስ ቱሚና ቤስ» ጊ ዮቲዴስ።

14 ኢዛ ባ አምኤቱላ ማይኦዛ ቃራዳ ባና ባሌላናስ ጎስ ኤካ ጉሉንታዳ ቱሚና ኤፊዛ ኦጌ ዶናን ዲዛ ኤናይሜ ካታማ ፔንጌን ኡታዲስ። ሄሳ ኢዛ ኦሊዳይ ሴላይ ዲጫዲ ጋኪንካ ኢዛ ኢዛስ ማቾ ጊዳናስ ኤኮንታይሳ ኤሪዳ ጊሻሳ።

15 ኢዛ ባ አይፌሶ ጉሉንታ ኡቲዳ ጊሻስ የሁዳይ ኢዞ ቤኢዲ ላይማ ማጫስ ጊዲ ቆፒዴስ።

16 ባ ና ማቾ ጊዲዳይሳ ኤሮንታ ዲሼ ኦጌ ጋጸ ኢዚኮ ሽቂዲ ኢዞ፣ «ታናራ ዚንኣርኪ!» ጊዴስ።

ሂስቲን ኢዛ፣ «ታኒ ኔናራ ዚንኢኮ ኔኒ ታስ አይ ኢማኔ?» ጋ ኦይቻዲስ።

17 ኢዚካ፡ «ታኒ ታ ሜሄፔ ኢሲ ዳይሻ ላቃ ኔስ ዩዳና» ጊዳስ።

ኢዚካ፡ «ኔኒ ሄሳ ታስ ዩዳና ጋካናስ ኣይ ኦይላኔ?» ጋዱስ።

18 ኢዚ፡ «ኣይ ኦይላ?» ጊ ኢዚ ኦይቺዳስ።

ኢዚካ፡ «ኔ ማታሜ ቃላባቴዛ ኢዛ ቃቺዛይሳራኔ ኔ ኩሼን ዲዛ ጉፊዛ ኦይላ» ጊን ኢዚ ሄይታ ኢሚዲ ኢዚራ ዚንኢን ኢዛ ኢዛስ ሻራዱስ።

19 ኢዛ ሄሳፊ ዴንዳዳ ቢዳፔ ጉዬ ባ ጉሉንቲዳ ጎሳዛ ቃራዳ ባ ኣምኤቴላ ማይኦ ማይኣዱስ።

20 ዩሁዳይ ባ ኦይላዳይሳ ኢዚፔ ዛሪ ኤካናስ ዳይሻ ላቃ ባ ላጌ ኣዱላሜ ቦላ ኢዚስ ዩዲዳስ፤ ጊዶ ኣቲን ኢዚ ኢዞ ዴሚቤና።

21 ኢዚ ሄ ቢታ ኣሳ፡ «ኤናይሜ ካታማን ኦጌ ዶናን ኡቲዳ ላይማ ማጫሳያ ኣዋ ባዴ?» ጊ ኦይቺዳስ።

ኣሳይ፡ «ላይማ ማጫሲ ሃይሳን ሙሌካ ባዋ» ጊዳስ።

22 ኢዚካ ዩሁዳኮ ሲሚዲ ኢዛ፡ «ታኒ ኢዞ ዴማቤኬ፤ ሄሳፊካ ቦላራ ሄ ቢታ ኣሳይ፡ «ላይማ ማጫሲ ሃይሳን ሙሌካ ዲ ኤፊና» ጊዳ» ጊዳስ።

23 ሂስቲን ዩሁዳይ፡ «ባ ኦይኪዳይሳ ባስ ኤኩ፤ ሂስቶንታ ኣጊኮ ኣሲ ኦና ሚጫና። ሂስቲን ታኒ ኢዚስ ዳይሻ ላቃ ዩዳዲስ፤ ጊዶ ኣቲን ኔኒ ኢዞ ዴማቤካ» ጊዳስ።

24 ሄዡ ኣጊናፔ ጉዬ ኣሳይ፡ «ኔ ና ማቺያ ቲኢማራ ላይማታዳ ሻራዱስ» ጊዲ ዩሁዳስ ዮቲዳስ።

ዩሁዳይካ፡ «ኢዞ ካሬ ኬሲዲ ታማን ጸጊቴ» ጊዳስ።

25 ኢዞ ካሬ ኬሲዛ ዋዴ፡ «ታኒ ሻሪዳይ ሃ ሚሻታ ጎዳሳ፤ ቤያ፤ ሃይሳ ማታሜ ቃላባቴዛ ኢዛ ቃቺዛይሳኔ ሃይሲ ጉፊዚ ኦናይሳኮ ኤራና ዳንዳይኮ ኤራ» ጋዳ ባ ቦሎስ ኪታ ዩዳዱስ።

26 ዩሁዳይ ሄ ሚሻታ ኤሪዲ፡ «ታፔ ኢዛ ጸሎ፤ ጋሶይካ ታኒ ኢዞ ታ ና ሴላስ ኤካቤኬ» ጊዳስ። ሄሳፊ ጉዬ ኢዚ ኢዚራ ናምኣጎላ ዚንኢቤና።

27 ኢዛ ዩላና ሃኒዛ ዋዴ ኢዚ ኡሎን ሜንቴ ኣቲማ ናይቲ ዴቲስ።

28 ኢዛ ማሬቲሺን ኢስታፊ ኢሳይ ባ ኩሼ ኬሲን ዩሊሲዛራ፡ «ቤኢቴ፤ ሃይሲ ኮይሮ ኬዜስ» ጋዳ ዞኦ ቃጪና ኢዛ ኩሼን ቃቻዱስ።

29 ጊደ አቲን ኢዚ ባ ኩሼ ጉዬ ኤኪዳ ዋዴ ኢዛ አሻይ ዩሌቲን ኢዛ፡ «ኔሪ ዋና ሲንፋታ ኬዛዲ!» ጋዲስ። ሄሳ ጊሻስ ኢዛ ፓሬሴ * ጋ ሱንፋዲስ።

30 ሄሳፊ ጉዬ ኢዛ ኩሼን ዞኦ ቃጪናይ ቃሼቲ ዲዛ ፓሬሴ አሻይ ዩሌቲን ሱንፋይ ዛራሄ † ጌቲቲዴስ።

39

ዮሴፌኔ ጲጲፋራ ማቾ

1 ኢስማኤሌ አሳቲ ዮሴፌ ጊብጾ ኤፊን ጊብጾ ካዋ ኦሳንቻታፔ ጲጲፋራ ጌቲቲዛ ዛቤታ ሃላቃይ ዮሴፌ ኢስማኤሌታፔ ሻሚዴስ።

2 ጎዳይ ዮሴፌራ ዲዛ ጊሻስ ኢዚ ኦሴዛይሳ ኡባ ኢዛስ ኢንጃሲዴስ፤ ኢዚካ ባ ጎዳ ሶን ጊብጾን ዴኢዴስ።

3 ጎዳይካ ኢዛራ ዴኢዛይሳኔ ጎዳይ ኢዚ ኦሴዳይሳ ኡባ ኢዛስ ኢንጃሲዳይሳ ጲጲፋራይ ቤኢዲ፡

4 ዮሴፌ ዶሲዴስ። ዮሴፌይካ ኢዛ ኦሳንቻ ጊዲዴስ። ጲጲፋራይ ኢዛ ባ ኬፋ አሳ ቦላ ሱንፋዲ ባስ ዲዛዝ ኡባ ኢዛ ኩሼን ዋሒዴስ።

5 ጲጲፋራይ ባ ኬፋን ዲዛይሳ ኡባ ቦላኔ ባ አቆታ ኡባ ቦላ ሱንፋዲ ዋዴፔ ዶሚን ጎዳይ ጊብጾ አዴዛ ኬፋ ዮሴፌ ጌዶን ኢንጃዴስ። ጎዳ ኢንጃይ ጲጲፋራ ሶን ጊዲን ካሬን ዲዛ ሚሽ ኡባ ቦላ ዋዲዴስ።

6 ሄሳ ጊሻስ ባስ ዲዛ ኡባ ዮሴፌስ ሼዲዴስ፤ ኢዚ ባ ሚዛ ካፋፊ አቲን ሃራ ዮሴፌ ኩሼን ዩጊዴስ።

ዮሴፌይ ዩጋልሒኔ ማላ ሎኦ አሳ።

7 ጉፋ ዋዴፔ ጉዬ ኢዛ ጎዳ ማቼያ ዮሴፌ ጫዳ ጸላዳ፡ «ሃ ያ፤ ታናራ ዚንኦ» ጋዲስ።

8 ጊደ አቲን ኢዚ ኢዲዴስ፤ ባ ጎዳ ማቼይስ፡ «ቤያ! ታ ጎዳይ ባሶን ዲዛ ኡባ ታስ ሼዲዲ አዛስካ ሂርጌና፤ ባስ ዲዛይሳ ኡባ ታ ኩሼን ዋሒዴስ።

* 38:29 ፓሬሴ፡ ፓሬሴ ገዛይሲ ኢብራዊታ ቃላራ፡ «ፓሬዶ» ጊዲሺን ቢርሼላይ፡ «ሲንፋቲ ኬዚዴስ ዋይኮ ዋሪዴስ» ጉሳ። † 38:30 ዛራሄ፡ ዛራሄ ጉሲ ኢብራዊታ ቃላራ፡ «ፖኦ ዋይኮ ዋልቃንሐ» ጉሳ። 39:2 ሃዋ 7:9

9 ሃሶን ታፔ አጂዛይ ዳና፤ ኔኒ ኢዛ ማቾ ጊዲዳ ገሻሰ ኔና ጸላ ኣቲን ታ ጎዳይ ታሰ አሞንታ ሚሺ ባዋ። ሂሰቲን ታኒ ሃይሳ ማላ ኢታ ሚሽ ጸሳ ሲንላን ዋሰታ ኦሉ?» ጊዴሰ።

10 ኢዛ ኡባ ዋዴ ዮሴፌ ሳሌሊንካ ኢዚ ኤሞ አሚቤና፤ ኢዚራ ኢሼቶ ኣቲን ኢዚኮ ሺቃናዉካ ኮዩቤና።

11 ኢሲ ጋላሰ ኢዚ ባ ኦሶ ኦላናሰ ሶ ጌሊሺን ሶ ኣይሌታፔ ኦኒካ ሶን ባዋ።

12 ኢዛካ ዮሴፌ ማይኦ ሺሻ ኦይካዳ፡ «ታናራ ዚንኣ» ጋዲሰ። ጊዴ ኣቲን ኢዚ ባ ማይኦ ኢዚ ኩሼን ዩጊዲ ሶፔ ካሬ ዋጺ ኬዚዴሰ።

13 ዮሴፌይ ባ ማይኦ ኢዚ ኩሼን ዩጊዲ ሶፔ ካሬ ዋጺ ኬዚዳይሳ ኢዛ ቤኣዳ።

14 ባ ሶ ኣይሌታ ጴይጋዳ ኢሰታሰ፡ «ቤኣቲ! ታ ኣዚናይ ኤሂዳ ኢብራዌ ኣዴዚ ታና ካዉሺሼ ኣጊዴሰ፤ ኢዚ ታናራ ዚንኣናሰ ሃ ሶ ጌሊዴሰ፤ ጊዴ ኣቲን ታኒ ታ ቃላ ጴቂሳዳ ዋሳዲሰ።

15 ሂሰቲን ኢዚ ባ ማይኦ ታ ኣቻን ዩጊዲ ሶፔ ካሬ ዋጺ ኬዚዴሰ» ጋዲሰ።

16 ኬላ ኣዋይ ያና ጋካናሰ ኢዛ ዮሴፌ ማይኦዛ ባ ኣቻን ዋላዲሰ።

17 ሂሳፌ ጉዬ ኢዛ ኢዛሰ፡ «ሂሲ ኔኒ ኦሰ ኤሂዳ ኢብራዌ ኣይሌይ ታናራ ዚንኣናሰ ታኮ ጌሊዴሰ፤

18 ጊዴ ኣቲን ታኒ ታ ቃላ ጴቂሳዳ ዋሲን ኢዚ ባ ማይኦ ታ ኣቻን ዩጊዲ ሶፔ ካሬ ዋጺ ኬዚዴሰ» ጋዲሰ።

19 ኬላ ኣዋይ ማቼዮ፡ «ኔ ኣይሌይ ታና ሃይሳሉ ኦሊዴሰ» ጋዲ ዮቲዳ ቃላ ሲዱዲ ዳር ሃንቄቲዴሰ።

20 ኢዚካ ዮሴፌ ኤፊዲ ካዋ ቃሾ ኣሳይ ዲዛ ቃሾ ኬላን ዩጊዴሰ።

21 ጊዴ ኣቲን ዮሴፌይ ሂን ቃሾ ኬላን ዲዛ ዋዴ ጎዳይ ኢዛራ ዴሰ። ጸሲ ቃሾ ኬላን ኢዛራ ዲዛ ባ ኪያቴላ ኢዛሰ ዳርሲዴሰ። ቃሴካ ቃሾ ኬላ ሃላቃዛ ሲንላን ኢዛሰ ቦንቾ ኢሚዴሰ።

22 ሂሰቲን ቃሾ ኬላ ሃላቃይ ቃሾ ኣሳ ኡባ ዮሴፌ ኩሼን ዋሊዴሰ፤ ሂን ኦሴቲዛይሳ ኡባ ቦላ ኣዋቲዛይ ኢዛ።

23 ጎዳይ ዮሴፌራ ጊዲዲ ኢዚ ኦሊዛ ኡባ ፖሊሲዛ ገሻሰ ዋይኔ ኬላ ኣላፌይ ዮሴፌ ኣላፌቴላን ዲዛ ኣይ ሚሻሰካ ዋናንዴሻ ጊዲ ሂርጊ ኤሬና።

40

የሴፌይ ቢርሺዳ አጉሞ

1 ጉላ ዋዴፔ ጉዬ ጊብጼ ካዋ ኡሹ ዱቂዛይታ አላፌይኔ ቁማ ካሊዛይታ አላፌይ ባ ጎዳ ጊብጼ ካዋ ቆሂዳ።

2 ካዋይ ኡሹ ዱቂዛይታ ሃላቃኔ ቁማ ካሊዛይታ ሃላቃታ ናምኣታ ቦላ ኬሂ ሃንቁቲዴስ።

3 ሄሳ ጊሻስ ዛቤታ ሃላቃዛ ኬላን የሴፌይ ቃሹቲዳ ዋይኔ ኬላን ዩጊዴስ።

4 ዛቤታ ሃላቃይ ኢስታ የሴፌስ ሸጂን ኢዚ ኢስታስ ኮሺዛ ሚሻን ማዲዴስ፤ ኢስቲካ ቃሾ ኬላ ጌሊዲ ጉል ጋምኢዳ ማላ።

5 ጊብጼ ካዋስ ኡሹ ዱቂዛይታ ሃላቃይኔ ቁማ ካሊዛይታ ሃላቃይ፥ ናምኣይካ ቃሾ ኬላን ዲሼ ኢሲ ቃማ ኦማርስ ባስ ባስ አጉሞ አጉሜቲዳ። ናምኣታ አጉሞ ቢርሺሊካ ዱማ ዱማ።

6 የሴፌይ ማላዶ ኢስታኮ ጌሊዳ ዋዴ ኢስቲ ሙዞቲ ኡቲዳይታ ቤኢዴስ።

7 ሄሳ ጊሻስ ባ ጎዳ ቃሾ ኬላን ባናራ ዲዛ ካዋ ኦሳንቻታ፥ «ሃኙ ኢንቴ አይፌሶይ አዛስ ጳሚዴ?» ጌ ኦይቹዴስ።

8 ኢስቲካ ኢዛስ፥ «ኮኒ ናምኣይ አጉሞ አጉሜቲዶስ፤ ጊዶ አቲን ኮስ ቢርሺዛ አሲ ጳይዴስ» ጊዳ።

የሴፌይካ ኢስታስ፥ «አጉሞ ቢርሺዛይ ጸሳ ጊዴኔ? ኢንቴ አጉሞዛ ኣኔ ታስ የቲቲ» ጊዴስ።

9 ሂስቲን ኡሹ ዱቂዛይታ ሃላቃይ ባ አጉሞ የሴፌስ፥ «ታኒ ታ አጉሞን ኢሲ ዋይኔ ሚል ታ ሲንላን ዲዛይሳ ቤኣዲስ።

10 ቃሴ ሄ ዋይኔ ሚላስ ሄሹ ሃጋይ ዴስ። ሄራካ ኣጫዳ ጨያዲስ፤ ሎኤላ ዉርጫዳ አይፋዲስ።

11 ሄ ዋዴ ፓርኔ ኡሻ ጽኣይ ታ ኩሼን ዴስ፤ ታኒካ ዋይኔዛ አይፌ ማጻዳ ጽኣዛ ጊዶን ጉምኣዳ ኡሻ ፓርኔስ ኢማዲስ» ጌ የቲዴስ።

12 ሂስቲን የሴፌይካ ዛሪዲ፥ «ሄሳ ቢርሺሊ ሃይሳ፤ ሄሹ ሃጋቲ ሄሹ ጋላሳታ።

13 ሄሹ ጋላሳታ ጊዶን ካዋይ ኔና ዴንሊዲ ኢዚ ኔና ካሴ ኔ ዲዛ አላፌቲላን ዋላና፤ ካሴ ኔኒ ኡሹ ዱቂዛ ዋዴ ኦሊዳ ማላ ኔኒ ካዋ ዋንጫ ኢዛ ኩሼን ዋላና።

14 ጊዶ አቲን ኔስ ዋዴይ ሎኢዳ ዋዴ ታና ባሎፓ፤ ታስካ ኪያ፤ ታ ጊሻስ ካዋስ የታዳ ሃ ቃሾ ኬላፌ ታና ኬሲሳ፤

15 ጋሶይካ ታና ኢብራዊታ ቢታፌ ዋልቃራ ሻሚ ኤሄዳ፤ ጊዶ ኣቲን ሃይሳሉ ታና ቃሾስ ጋሊዛ ሚሽ ኣይኮካ ኦላቤኬ» ጊዳስ።

16 ካሕ ካሊዛይታ ሃላቃይ ዮሴፌይ ኡሹ ዱቂዛይታ ኣጉሞ ሎኤሊ ቢርሺዳይሳ ቤኢዲ ዮሴፌስ፤ «ታኒካ ኣጉሞ ኣጉሜታዲስ፤ ሄሲካ፤ ተሳ ሁኤን ሄሹ ማሶቤ ቶካ ኦይካዲስ።

17 ቦላ ባጋ ማሶቤን ጊብጼ ካዎስ ኡኬቲዳ ዲማ ዲማ ቁማይ ዴስ። ጊዶ ኣቲን ካፎቲ ሄሳ ታ ሁኤን ዲዛ ማሶቤዛፔ ሚዳ » ጊ ዮቲዴስ።

18 ሂስቲን ዮሴፌይ፤ «ሄሳ ቢርሹላይ ሃይሳ፤ ሄሹ ማሶቤቲ ሄሹ ጋላሳታ።

19 ሄሹ ጋላሳታ ጊዶን ካዎይ ኔና ዴንሊዲ ኔ ቆጼ ሙጨዲ ሚላ ቦላ ካቂሳና፤ ኔ ኣሾካ ካፎቲ ማና» ጊዴስ።

20 ሄሻንሶ ጋላስ ጊብጼ ካዎይ ባ ዩሌቲዳ ጋላስ ባ ካዎቴላን ዲዛ ሹሚታ ኡባስ ጊቢራ ጊገሲዴስ። ኡሹ ዱቂዛይታ ሃላቃኔ ካሕ ካሊዛይታ ሃላቃ ቃሾ ኬላፌ ኬሲዲ ባ ሹሚታ ሲንላን ኤሲዴስ።

21 ኡሹ ዱቂዛይታ ሃላቃዛ ካሴ ኢዛ ሹሚቴላን ዛሪን ኢዚ ካዎ ኩሹን ዋንጫ ዋሊዴስ።

22 ጊዶ ኣቲን ካዎዚ ካሕ ካሊዛይታ ሃላቃ ዮሴፌይ ኢዛ ኣጉሞ ቢርሺዳ ማላ ኢዛ ካቂሲዴስ።

23 ኡሹ ዱቂዛይታ ሃላቃይ ጊዲኮ ዮሴፌ ቆፖንታ ዶጊ ኣጊዴስ።

41

ፓሮኔ ኣጉሞዛ ቢርሹላ

1 ናሞኡ ላይሰ ኩሜሰ ኣዲዳ ዋዴ ጊብጼ ካዎይ ኣጉሞ ኣጉሜቲዴስ፤ ኣጉሞራ ኢዚ ኣባዬ ሻፋ ዶናን ኤቂ ዲሺን፤

2 ላፑን ኦርዴኔ ሞጶ ሚዛቲ ኣባዬ ሻፋፔ ኬዚዲ ሻፋ ኣቻን ማታ ሚሺን ቤኢዴስ።

3 ኢስታፌ ካሊዲ ሃራ ላፑን ማላ ኢታኔ ገልቃ ሚዛቲ ኣባዬ ሻፋፔ ኬዚዲ ሻፋዛ ዶናን ዲዛ ሞጶ ሚዛታ ኣቻን ኤቂዳ።

4 ሄ ሜጶ ኢታኔ ገልቃ ሚዛቲ ላፑን ኦርዴኔ ሞጶ ሚዛታ ሚቲሺን ቤኢዴስ። ሄሳፌ ጉዬ ካዎይ ዲስኮፌ ቤጊዴስ።

5 ኢዚ ቃሴካ ዲስኪዲ ናሞኣንሶ ኣጉሜቲዲ ላፑን ሎኦኔ ሙሩታ ቲያቲ ኢሲ ማቃ ቦላ ዲጨዳይሳ ቤኢዴስ።

6 ኢስታፌ ካሊዲ ኣይፌ ላፋኔ ጫርኮን ሹሊዲ ሜሊዲ ላፑን ቲያቲ ኬዚዳ።

7 ሄ ላፋ አይፌ ቲያቲ ሎኦኔ ሙሩታ ቲያታ ሚቲዳ። ሄሳፌ ንዬ ካዎዚ ቤጊዲ አጉሞ ጊዲዳይሳ ኤሪዴስ።

8 ጋዴይ ዋንቲሺን ኢዛ ዋዚናይ ሺርትዴስ፤ ሄሳ ጊሻስ ጊብጸን ዲዛ ቢታንቻታሲኔ ኤራ አሳታ ኡባስ ከቲዲ ዴይጊሲዴስ፤ ካዎይ ኢስታስ ባ አጉሞዛ ዮቲዴስ፤ ጊዶ አቲን ኢዛስ ሄ አጉሞዛ ቢርሻናስ ዳንዳይዛ አሲ ቤቲቤና።

9 ሄ ዋዴ ኡሹ ዱቂዛይታ ሃላቃይ ጊብጸ ካዎስ፡ «ታኒ ታ ሞር ሃኝ ቆፓይስ።

10 ኢሲቶ ካዎይ ባ አይሌስ ሃንቄቲዲ ታናኔ ካል ካልዛይታ ሃላቃዛ ቃሾ ከፋን ዩጊዴስ።

11 ኑኒ ሄን ዲሺ ኑስ ኑስ አጉሞ አጉሜቲዶስ፤ አጉሞዛሰካ ዲማ ዲማ ቢርሺል ዴስ።

12 ሄ ዋዴ ዛቤታ ሃላቃዛ አይሌ ጊዲዳ ኢሲ ኢብራዌ ፓንፊ ኑናራ ቃሾ ከፋን ዴስ። ኑኒ ኑ አጉሞ ኢዛስ ዮቲን ኢዚ ኑስ ሁኢን ሁኢን ኑ አጉሞ ቢርሺዴስ።

13 ሂስቲን ሄ ዮኦቲ ኢዚ ኑስ ቢርሺዳ ማላ ሃኒዳ። ሄሲ አዜ ጊኮ ታኒ ካሴ ታ አላፌቱፋን ሲማዲስ፤ ሃንኮይሲ ጊዲኮ ካቄቲዴስ» ጊዴስ።

14 ሂስቲን ጊብጸ ካዎይ ዮሴፌ ከቲዲ ዴይጊሲዴስ። ኢስቲ ኢዛ ቃሾ ከፋፌ ኤሶን ኤኪ ዪን ባ ሁኤ ሜዴቲዲ ማይኦ ላሚዲ ካዎዛኮ ጊሊዴስ።

15 ካዎይ ዮሴፌ፡ «ታ አጉሜቲዳ አጉሞዛ ቢርሻናስ ኦኒካ ዳንዳይቤና። ጊዶ አቲን ታኒ፡ (ዮሴፌይ አጉሞ ሲዪኮ ቢርሻናስ ዳንዳይሱ) ጊዛዝ ሲያዲስ» ጊዴስ።

16 ሂስቲን ዮሴፌይ፡ «ታኒ ሄሳ ዳንዳይኬ፤ ጊዶ አቲን ጸሳይ ካዎስ ሎኦ ቢርሺል አማና» ጊዴስ።

17 ካዎይካ፡ «ታኒ ታ አጉሞን አባዬ ሃላ ሻፋ ዶናን ኤቂዲሺን፡

18 ላፑን ጊታኔ ሞጶ ሚዛቲ አባዬ ሻፋፔ ከዚዲ ሃላ ዶናን ማታ ሚሺን።

19 ቃሴካ ኢስታፌ ሃራ ላፑን ሜጳ ኢታ፡ ጊልቃኔ ላፋ ሚዛቲ ሻፋፔ ከዚዳ፤ ታኒ ሄሳ ማላ ሜጳ ኢታ ሚዝ ጊብጸ ቢታን ሙሌካ ቤኦ ኤሪኬ።

20 ሜጳ ኢታኔ ላፋ ሚዛቲ ኮይሮይታ ላፑን ሞጶ ሚዛታ ሚቲ አጊዳ።

21 ጊደ ኣቲን ኢስቲ ሚቲዳፔ ጉዬካ ኢስታ ሜዳይ ካሴ ማላካ ኢቲ ኡቲዳ ጊሻስ ኢስቲ ሚቲዳይሳ ኣሲ ኤራናስ ዳንዳይቤና። ሄሳፌ ጉዬ ታኒ ዲስኮፌ ቤጋዲስ።

22 «ቃሴካ ኣጉሞራ ላፑን ሎኦኔ ሙሩታ ቲያቲ ኢሲ ማቃ ቦላ ዲጪዳይታ ቤኣዲስ።

23 ቃሴካ ኢስታፌ ሃራ ኣይፌ ላፋኔ ጫርኮን ሹሊዳ ላፑን ቲያቲ ኬዚዳ።

24 ሄ ሹሊ ኡቲዳ ቲያቲ ላፑን ሎኦ ቲያታ ሚቲዳ። ታኒ ሃ ኣጉሞዛ ማሮታስ ዮታዲስ፤ ጊደ ኣቲን ታስ ኣጉሞዛ ቢርሺዛ ኣሲ ቤቲቤና» ጊዴስ።

25 ሄሳፌ ጉዬ ዮሴፌይ ጊብጼ ካዎዛ፡ «ናምኣይካ ኔ ቤኢዳ ኣጉሞታ ቢርሹላይካ ኢሲና። ጸሲ ባ ኦላና ሃኒዛይሳ ካዎስ ቆንጪሲዴስ።

26 ሄ ላፑን ሎኦ ሚዛቲ ላፑን ላይላታ፤ ቃሴ ላፑን ሎኦ ቲያቲ ላፑን ላይላታ፤ ናምኣይካ ኢሲ ማላ።

27 ሄ ላፑን ሜዳ ኢታኔ ላፋ ሚዛቲ ላፑን ላይላታ፤ ቃሴ ጫርኮን ሹሊዳ ፓሶንታ ላፑን ቲያቲ ላፑን ኮሻ ላይላታ።

28 «ታኒ ካዎስ ዮቲዳ ማላካ ጸሲ ባ ኦላና ሃኒዛይሳ ካዎስ ቤሲዴስ።

29 ላፑን ዳሮ ካሎ ላይላቲ ጊብጼ ቢታስ ኡባስ ያና፤

30 ጊደ ኣቲን ላፑን ኮሻ ላይላቲ ኢዛፔ ካሊዲ ያና። ሄ ዎዴ ጊብጼ ካሎይ ወሪ ደጌታና፤ ቢታይ ኮሻን ሾጮታና።

31 ካሎ ላይላታፔ ጉዬ ዪዛ ጋፋ ላይላቲ ኬሂ ኢታ ጊዲዳ ጊሻስ ካሴ ካሎይ ሙሌካ ቆፌቶንታ ኣታና።

32 ናምኡቶ ካዎስ ሄ ኣጉሞይ ቤቲዳይ ኣዛሴ ጊኮ ሃይሳ ዮኦዛ ጸሲ ሚንሉዲ ኩዪዳ ጊሻሳ፤ ጸሲ ሄሳ ኤሶን ኦላና።

33 «ሃኢ ሄኮ ኤሶን ካዎይ ኣጼ ኤራቴሊኔ ኣኬካይ ዲዛ ኣስ ኮዪዲ ጊብጼ ቢታን ሱንሶ።

34 ሄሳላካ ላፑን ካሎ ላይላታፔ ኢቻሻንሶ ኩሼ ሺሺዛ ኣላፌታ ካዎይ ሹሞ።

35 ኢስቲ ዪዛ ካሎ ላይላታን ካል ሺሺዲ ካዎ ኣዎቴላን ሚንጃቶ፤ ሄ ካላካ ካታማታን ናጌቶ።

36 ቢታይ ኮሻን ቆሄቶንታ ማላ ሃ ካላይ ጊብጼ ቢታን ላፑን ላይላን ዴንዳና ኮሻስ ሚንጃቲዲ ዴኦ» ጊዴስ።

ዮሴፌ ሹሜቴል

37 ሂስቲን ሃ ዮኦዚ ጊብጼ ካዎሲኔ ኢዛ ኦሳንቻታስ ሎኦ ጊዲዲ ቤቲዴስ።

38 ሄሳ ገሻሰ ካዎይ ኢስታስ፡ «ኮኒ ጸሳ አያናራ ዲዛ ሃይሳ ማላ ሃራ አስ ኦና ዴማኔ?» ገ ኦይቺዴስ፡፡

39 ሄሳፌ ጉዬ ካዎይ ዮሴፌ፡ «ጸሲ ሃይሳ ኡባ ኔና ኤሪሲዳ ገሻሰ ኔ ማላ አፆ ኤራቴሊኔ አኬካይ ዲዛ አሲ ኦኒካ ባዎ፡፡

40 ታኒ ኔና ታ ኬላን ሹማይሰ፤ ታ አሳይ ዉሪ ኔስ አዛዜታና፤ ታኒ ኔፔ አፋናይ ታ ካዎቴላ አልጋን ጸላ ገዳና» ገዴስ፡፡

41 ሄሳ ገሻሰ ካዎይ ዮሴፌ፡ «ቤያ! ታኒ ኔና ገብጾ ቢታ ኡባ ቦላን ሹማዲስ» ገዴስ፡፡

42 ሄሳፌ ጉዬ ካዎይ ባ ካዎቴላ ቃላባቴ ባ ቢራጼፌ ኬሲዲ ዮሴፌ ቢራጼን አሊዴስ፤ ቃሴካ ላይኖፔ ዳዴቴዳ ማይኦ ማይዚዲ ኢዛ ቆጴንካ ዎርቃ ሎታ * አሊዴስ፡፡

43 ካዎይ ባ ናምኣንሶ ፓራ-ጋሬዛ ዮሴፌ ቶጊሲዴስ፤ አይሌቴካ፡ «ዘጊቴ! ዘጊቴ!» ገዲ ኢዛፔ ሲንላራ ቢዳ፡ ሄሳሶ ኦሊዲ ካዎይ ኢዛ ገብጾ ቢታ ኡባ ቦላ ሹማዴስ፡፡

44 ሄሳፌ ጉዬ ካዎይ ዮሴፌ፡ «ታኒ ካዎ! ገዶ አቴን ኔኒ ቃጸ ጎንታ ገብጾ ቢታ ኡባን ኦኒካ ኩሼ ዎይኮ ቶሆ ቃሴና» ገዴስ፡፡

45 ካዎይ ዮሴፌ፡ «ጸፊናቴ-ፓኢናሄ» ገ ሱንሊዴስ፤ ኢዚ ኢዛስ ኦና ጌቴቴዛ ካታማ ቄሴ ጲጲፋራ ናዮ አሲናቶ ማሾ አሚዴስ፡ ሂስቴን ዮሴፌይ ኩሜላ ገብጾ ቢታ ዩዩ ጴሊዴስ፡፡

46 ዮሴፌይ ገብጾ ካዎስ ኦላናስ ዶሚዛ ዎዴ ኢዛስ ላይላይ ሄሹ ታማ፡፡ ቃሴ ዮሴፌይ ካዎ ሲንላፌ ኬዚዲ ገብጾ ቢታ ኡባ ዩዩ ጴሊዴስ፡፡

47 ሄ ላፑን ካሎ ላይላታን ቢታይ ኬሄ ዳሮ ካላ አሚዴስ፡፡

48 ዮሴፌይ ገብጾ ቢታን ሄ ላፑን ካሎ ላይላ ካላ ኡባ ሺሺዲ ካታማታን ሚንጂዴስ፡፡ ኢሲ ኢሲ ካታማታ ዩሾን ካጲዳ ካላ ኡባ ሄ ካታማን ካታማን ሚንጂዴስ፡፡

49 ዮሴፌይ አባ ሻሚንታ † ማላ ዳሮ ካላ ሚንጂዴስ፤ ካላይ ዎጋፔ ዳሪን ማካናስ ዳንዳይቤና ገሻሰ ማኪ ማኪ ቆሊዛይሳ አጋጊዴስ፡፡

50 ላፑን ኮሻ ላይላይ ያናፔ ካሴ ኦና ጌቴቴዛ ካታማ ቄሴ ጲጲፋራ ናዮ አሲናቴፔ ዮሴፌይ ናምኡ ኦቱማ ናይታ ዩሊዴስ፡፡

51 ዮሴፌይ፡ «ጸሲ ታና ታ ሜቶኔ ታ አዋ ሶ አሳ ኡባ ዶጊሲዴስ» ገሼ ባ ኮይሮ ናዛ ሚናሴ ገ ሱንሊዴስ፡፡

41:40 ሃዎ 7:10 * 41:42 ሎታ፡ ሎታይ ቆጴን አሊዛ አለቆ ሚሽ፡፡ 41:42 ዳኔ 5:29 † 41:49 አባ ሻሚንታ፡ አባ ሻሚንታ ኢሲ ኢሲ ባጋ ጋሞሶ ቃላን አባ ሻይታ ዎይኮ አባ አጩ ጌቴቴ ዴይጌቴስ፡፡

52 ናምኣንሉ ናዛካ፡ «ጸሲ ታስ ታ ቱጋቲዳ ቢታን ታና ኣይፊሲዳስ» ጊሼ ኤፍሬሚ ጊ ሱንሉዳስ።

53 ጊብዴ ቢታን ዲዛ ሄ ላፑን ካሎ ላይላቲ ወሪዳ።

54 ቃሴ ዮሴፌይ ካሴቲ ዮቲዳ ማላ ላፑን ኮሻ ላይላቲ ደሚዳ። ሃራ ቢታ ኡባን ኮሻይ ዴንዲዳስ፤ ጊዶ ኣቲን ጊብዴ ቢታ ኡባን ካሉ ዳስ።

55 ጊብዴ ዴሬይ ዉሪ ኮሻቲዳ ዎዴ ኣሳይ፡ «ካል ኢማ» ጊ ካዎስ ዋሲን ካዎዚ ጊብዴ ኣሳ ኡባ፡ «ዮሴፌኮ ቢዲ ኢዚ ዮቲዛይሳ ኦሊቴ» ጊዳስ።

56 ኮሻይ ጊብዴ ቢታ ኡባ ጋኪዳ ዎዴ ዮሴፌይ ካል ሚንጂዳ ኬላታ ኡባ ደይዲ ካል ጊብዴ ኣሳስ ባይዚሲዳስ፤ ጋሶይካ ኮሻይ ኩሚላ ጊብዴን ሚኒዳስ።

57 ሳኣ ኡባን ኮሻይ ሱሊዳ ጊሻስ ቢታን ዲዛ ኣሳይ ዉሪ ካል ዮሴፌፔ ሻማናስ ጊብዴ ዪዳስ።

42

ጊብዴ ያቆቤ ቡስ

1 ያቆቤይ ጊብዴን ካሉ ዲዛይሳ ሲዪዲ ባ ኣቱማ ናይታ፡ «ኢንቴ ኢሶይ ኢሳራ ኣዛስ ጸሌቴቲ?»

2 ቤኣቴ! ጊብዴን ካሉ ዲዛይሳ ታኒ ሲያዲስ፤ ዱጌ ጊብዴ ቢዲ ኑ ሃይቆንታ ፓጾ ዳና ማላ ሄፔ ካል ኑስ ሻሚ ኤሂቴ» ጊዳስ።

3 ሄሳ ጊሻስ ዮሴፌ ኢሻቲ ታማቲ ካል ሻማናስ ዱጌ ጊብዴ ቢዳ።

4 ጊዶ ኣቲን ያቆቤይ ዮሴፌ ኢሻ ቢኒያሚ ኢዚ ቆሄታናኮ ጊዲ ቆፒዳ ጊሻስ ኢዛ ኢሻታራ ዬዲቤና።

5 ካናኔ ቢታን ዎልቃማ ኮሻይ ዲዛ ጊሻስ ካል ሻማና ቢዛይታራ ኢስራኤሌ ኣቱማ ናይቲ ጊብዴ ቢዳ።

6 ሄ ዎዴ ዮሴፌይ ሄ ቢታ ኣይሲዛዴኔ ቢታን ዲዛ ኣሳ ኡባስ ካል ባይዚሲዛይ ኢዛ ጊዲዳ ጊሻስ ዮሴፌ ኢሻቲ ጋኪዳ ማላ፡ ባ ሁኤ ቢታን ጋሊዲ ኢዛስ ዘጊዳ።

7 ዮሴፌይ ባ ኢሻታ ቤኢዳ ማላ ኤሪዳስ ሺን ኢዚ ኢሰታ ኤርንታ ኣሳ ማላ ሃንቆ ቃላን ኢሰታ፡ «ኢንቴ ኣዋፔ ዪዳቲ?» ጊ ኣይቺዳስ።

ኢሰቲካ፡ «ካል ሻማናስ፡ ካናኔ ቢታፌ ዪደስ» ጊዳ።

- 8 የሴፌይ ባ አሻታ ኤሪዳሰ፤ ኢሰቲ ጊዲኮ ኢዛ ኤሪቤቴና።
- 9 ሄራካ የሴፌይ ኢሰታ ጊሻሰ አጉሜቲዳ አጉሞዛ ቆፒዲ ኢሰታሰ፡ «ኢንቴ ዴሬ ጸሞሲዛ አሳ፤ ኢንቴ ኑ ቢታን ናጌይ ለፒዛ ባጋይ አዋይሳኮ ጸላናሰ ዪዴታ» ጊዴሰ።
- 10 ሂሰቲን ኢሰቲ፡ «ኑ ጎዶ! ኑኒ ዴሬ ጸሞሲዛ አሰ ጊዶኮ፤ ኑኒ ኔ አይሌቲ ካል ሻማናሰ ዪዶሰ።
- 11 ኑ ዉሪካ ኢሲ አዋ ናይታ። ኑኒ ኔ አይሌቲ አማኔቲዛ አሳ» ጊዴ።
- 12 ሂሰቲን የሴፌይ ኢሰታሰ፡ «ጊዴኬታ! ኢንቴ ኑ ቢታን ናጎይ ለፒዛ ባጋይ አዋይሳኮ ጸሞሲ ጸላና ዪዴታ» ጊዴሰ።
- 13 ጊዶ አቲን ኢሰቲ፡ «ኑኒ ኔ አይሌቲ ታማኔ ናሞኑ አሻታኔ ካናኔ ቢታን ዲዛ ኢሲ አዋ ናይታ። ዉርሴላ ካሎይ ሃኢ ኑ አዋራ ዴሰ፤ ኢሶይ ጊዲኮ ጳይዴሰ» ጊዴ።
- 14 የሴፌይ ኢሰታሰ፡ «ታኒ ኢንቴሰ የቲዳ ማላካ ኢንቴ ቢታ ጸሞሲዛይታ።
- 15 ቃሴ ኢንቴ ፓጩታናይ ሃይሳና፤ ቱሙፔ ካዎይ ቤዪን! ኢንቴ ዉርሴላ ካሎ አሻይ ሃ የንታ ኢጲኮ ኢንቴ ሃይሳፌ ቤኬታ።
- 16 ኢንቴ የቲዛይሲ ቱሙኮኔ ፓጫናሰ፡ ኢንቴፌ ኢሳዴ ኪቲቴ፤ ኢዚ ኢንቴ አሻ ኤኪ የ፤ አቲዳይቲ ቃሾ ኬላን ጋሞኤታ። ሄሳ ማላ ጊዶንታ አጊኮ ካዎይ ቤዪን! ኢንቴ ዩዩ ዩዩ ዴሬ ጸሞሲዛ አሳ»
- 17 ጊዲ ኢሰታ ሄቹ ጋላሳሰ ቃሾ ኬላን ዩጊዴሰ።
- 18 ሄቫንሶ ጋላሳን የሴፌይ ኢሰታሰ፡ «ታኒ ጸሳሰ ባቢዛ አሳ፤ ኢንቴ ኢሲ ሚሽ ኦሊኮ ኢንቴ ሼሞፖ አሼታ።
- 19 ኢንቴ ቱሙካ አማኔቲዛ አሰ ጊዲኮ ኢንቴ አሻታፔ ኢሶይ ሃይሳን ቃሾ ኬላን ዶ፤ አቲዳይቲ ጋፊዳ ኢንቴሶ አሳሰ ካል ኤኪ ቢቴ፤
- 20 ጊዶ አቲን ኢንቴ ቃላይ ቱሙ ጊዶና ማላኔ ኢንቴ ሃይቆንታ ማላ ኢንቴ ኢንቴ ዉርሴላ ካሎ አሻ ታኮ ኤኪ ያናሰ ኮሼሰ» ጊዴሰ። ኢሰቲካ ሃ የኦዛን ኤሮ ጊዴ።
- 21 ኢሰቲ ኢሶይ አሳ፡ «ቱሙ ኑ ኦሊዳ ጌኔይ ኑና ጋኪዴሰ። ኢዚ ባ ሼሞፖሰ ሃኒዛዚ ኢጲን ኑና ሾቢዛ ዎዴ ኑኒ ሲዪሼ ኢጲዶሰ፤ ሃ ዋዬይ ኑና ጋኪዳይ ሄሳ ጊሻሳ» ጊዴ።
- 22 ኦርቤሌይ፡ «ታኒ ኢንቴና፡ <ናዛ ቦላ ናጋራ ኦላፍቴ> ጋዳ የታዲሰ፤ ጊዶ አቲን ኢንቴ ሲየንታ ኢጲዴታ። ሂሰቲን ሃኢ ኢዛ ሱላ ጎሜይ ኑና ሞቴሰ» ጊዴሰ።

23 ኢስቲ ገዛይሳ የሴፌይ ኤሪዛይሳ ኢስቲ ኣኬኪቤቴና፤ ኣይሰ ገሶ ኢዚ ኢስታራ ዋካሌን ሃሳዬስ።

24 ኢዚ ኢስታፌ ሻኬቲ ጉዬ ሲሚዲ ዩኪዳስ፤ ገዶ ኣቲን ቃሴ ኢስታሶ ሲሚዲ ኢስታ ሃሳይሲዳስ። ኢዚ ሲሞና ኢስታፌ ዲሴ ኣሺዲ ኢስቲ ቤኢሺን ኢዛ ቃቺዳስ።

ካናኔ የሴፌ አሻታ ሲሞ

25 የሴፌይ ባ ኣይሌታ፡ «ካል ኢስታ ኦጎር ኩንሒቴ፤ ኢስታ ቢራካ ዛሪዲ ኢስታ ኦጎርን ኦጎርን ዩጌቴ፤ ቃሴ ኢስታሰ ኦጌ ሺንቄ አሚቴ» ገ ኣዛዚዳስ።

26 ኢስቲ ኢዚ ገዳ ማላ ኦሒዳፔ ጉዬ የሴፌ አሻቲ ካላ ባ ሃሬታን ጫኒዲ ዳንዲ ቢዳ።

27 ኢስቲ ኦጌ ቦላ ኣቃናሰ ሸሞፒዳሶን ኢስታፌ አሳይ ባ ሃሬዛሰ ካላፌ ዩጋናሰ ባ ኦጎር ቢርሺዲ፡ ኦጎርዛ ዶናን ዲዛ ባ ቢራ ዳሚዳስ።

28 ኢዚ ባ አሻታ፡ «ታ ቢራይ ታሰ ሲሚዳስ፤ ቱማ ሃይሳ ቤኤቲ! ታ ኦጎርን ዳስ» ገዳስ።

ኢስቲ ዳጋሚዲ ኮኮሪሽ ኢሶይ ኢሳኮ ሲሚዲ፡ «ጸሲ ኣዛሰ ኦ ቦላ ሃይሳ ኦሒዳ?» ገዳ።

29 ኢስቲ ካናኔ ቢታን ዲዛ ባ ኣዋ ያቆቤኮ ሶ ሲሚ ዪዲ ባ ቦላ ጋኪዳይሳ ኡባ ኢዛሰ የቲዳ።

30 ኢስቲ ኢዛሰ፡ «ሄ ቢታይሰ ጎዳ ገዲዳ ኣዳዚ ኦና ባቢሲዳስ፤ ሄሳፌ ጉዬ ኢዚ ኦና ሄ ቢታ ዩዩ ዩዩ ጸሞሲ ጸሊዛ ኣሳ ማላ ኦሒ ጎዳቲዳስ።

31 ገዶ ኣቲን ኦኒ ኢዛሰ፡ ሓ ኣማኔቲዛ ኣሳ፤ ዳሬ ጸሞሲ ጸሊዛ ኣሰ ገዶኮ።

32 ኦኒ ታማኔ ናሞኡ አሻቲ ኢሲ ኣዋ ናይታ፤ ኢሶይ ዳይዳስ፤ ወርሴላ ካሎይ ካናኔ ቢታን ሃኢ ኦ ኣዋራ ዳስ፤ ገ የቲዳስ።

33 ሂሰቲን ሄ ቢታይሰ ጎዳ ገዲዳ ኣዳዚ ኦና፡ ሒንቴ ኣማኔቲዛ ኣሰ ገዲዳይሳ ታኒ ሃይሳን ኤራና፤ ኢንቴ አሻታፔ ኢሳ ሃን ታ ኣቻን ዩጌዲ ጋፊዳ ኢንቴ ሶ ኣሳሰ ካል ኤኪ ቢቴ።

34 ኢንቴ ዳሬ ዩዩ ዩዩ ጸሞሲዛዳ ገዶንታ፡ ኣማኔቲዛ ኣሰ ገዲዳይሳ ታኒ ኤራና ማላ፡ ኢንቴ ወርሴላ ካሎ አሻ ታኮ ኤኪ ዩቴ። ሂሰቲኮ ታኒ ሃን ኣቲዳ ኢንቴ አሻ ኢንቴሰ ዛራ ኢማና፤ ኢንቴካ ሃ ቢታን ዛልኣና ዳንዳዬታን ገዳስ» ገዳ።

35 ኢስቲ ባ ኦጎርፔ ኦጎርፔ ካላ ቆሊዲ ባ ኦጎርን ኦጎርን ቢራይ ቃሾራ ኡቲዳይሳ ዳሚዳ። ኢስቲኔ ኢስታ ኣዋይ ሄ ቃሾራ ዲዛ ቢራ ቤኢዲ ባቢዳ።

36 ኢስታ ኣዋ ያቆቤይ ኢስታስ፡ «ኢንቴ ታና ታ ናይታፔ ማላ ኬሲዳታ፤ ዮሴፌይ ባዋ፤ ሲሞኒ ባዋ፤ ቃሴ ኢንቴ ቢኒያሜ ኤፋና ኮዬታ። ወሪ ታስ ጳማ ገርዲ ገዴስ» ገዴስ።

37 ሄሳፌ ጉዬ ኦርቤሌይ ባ ኣዋ፡ «ታኒ ቢኒያሜ ኔስ ዛራ ኤሆንታ ኣጊኮ ታ ኣቱማ ናይታ ናምኣታካ ዋቋ፤ ታና ኣማኔታዳ ኢዛ ታ ኩሼን ኢማ፤ ቃሴ ታኒ ኢዛ ዛራዳ ኤሃና» ገዴስ።

38 ገዴ ኣቲን ያቆቤይ ኢስታስ፡ «ታ ናዚ ኢንቴናራ ዱጌ ቤና፤ ኢዛ ኢሻይ ሃይቂን ኣቲዳይ ኢዛ ጸላ፤ ኢንቴ ኤፊሽን ኦጌን ኢታ ሚሺ ኢዛ ጋኪዛ ገዲኮ ኢንቴ ታና ዬሆራኔ ሙዞራ ዱፎን ኤፋና» ገዴስ።

43

ዮሴፌ ኢሻቲ ቢኒያሜ ኤኪዲ ገብጹ ቡስ

1 ሃኢካ ኮሻይ ካናኔ ቢታን ሚኒዴስ።

2 ሂስቲን ኢስቲ ገብጹፔ ኤሂዳ ካላይ ሙሌራ ወሪን ኢስታ ኣዋይ፡ «ቃሴካ ጉዬ ቢዲ ኑስ ጉላ ካል ሻማቴ» ገዴስ።

3 ገዴ ኣቲን ዩሁዳይ ኢዛስ፡ «ሄ ኣዴዚ ኑና፡ ሓንቴ ኢሻ ኢንቴናራ ኤኪ ዮንታ ኣጊኮ ታ ኣይፌሶ ናምኣንሉ ቤኤኬታ» ገዴ ሎኤላ ዮቲዴስ።

4 ኔኒ ኑ ኢሻ ኑናራ ዬዲኮ ኑኒ ዱጌ ቢዲ ኔስ ካል ሻማና።

5 ገዴ ኣቲን ኔኒ ኢዛ ዬዶንታ ኢጲኮ ኑኒ ዱጌ ቦኮ፤ ኣይስ ጊኮ ሄ ኣዴዚ ኑና፡ ሓንቴ ኢሻ ኢንቴናራ ኤሆንታ ኣጊኮ ኢንቴ ታ ኣይፌሶ ናምኣንሉ ቤኤኬታ» ገዴስ» ገዴስ።

6 ኢስራኤሌይካ፡ «ኢንቴ፡ ሓስ ሃራ ኢሻይ ዴስ» ገ ዮቲዲ ሃይሳ ሃ ሜቶዛ ታ ቦላ ኣይስ ኤሂዳቲ?» ገዴስ።

7 ኢስቲካ ኢዛስ፡ «ሄ ኣዴዚ ኑ ገሻሲኔ ኑሶ ኣሳ ገሻስ ሎኤላ ኦይቺዴስ። ኢዚ ኑና፡ ሓንቴ ኣዋይ ሃኢካ ፓጸ ዲዜ? ኢንቴስ ሃራ ኢሻይ ዲዜ?» ገ ኦይቺን ኑኒ ኢዚ ኦይቺዳ ኦይቺዛስ ዛር ኢሚዶስ። ኢዚካ ኑና፡ ሓንቴ ኢሻ ዱጌ ሃ ኤኪ ዪቴ» ጋናይሳ ኑኒ ኣዛን ኤሪና?» ገዴ።

8 ዩሁዳይ ባ ኣዋ ኢስራኤሌ፡ «ኑኒካ፡ ኔኒካ፡ ኑ ናይቲካ ሃይቆንታ ፓጸ ዳና ማላ ናዛ ታናራ ዬዳ፤ ኑኒ ሃኢ ኤሌሊዲ ባና።

9 ናዛ ኑስ ታ ዋሴቴላን ኢማ፤ ኢዛ ገሻስ ታና ኦይቺ፤ ታኒ ኢዛ ኔስ ሎኦራ ዛራ ኤሆንታ ኣጊኮ ታ ዲዛ ዋዴ ኡባን ታ ኦይሺታና።

10 ኑኒ ሃን ጋምኣንታኮ ሃኒ ዋዴ ናምኣንሉ ጌዴ ጋኪዲ ሃ ሲማና ሺን» ገዴስ።

11 ሄሳፌ ጉዬ ኢስታ አዋ ኢሰራኤልይ ኢስታስ፡ «ሄሳ ጊዲኮ ሂሰቲቲ፤ ሄ አዳዛስ ኩሼ ጌንሶ ሚሽ ኑ ቢታን ሞኪዛ ሚሽ ኡባፌ ሎኢዛይሳ ዶሪቲ፤ ሄሲካ ሽቶ፥ ኤስ፥ ሳዎ፥ ካርቤ፥ ሚሳ አይፌታ ኢንቲ ኦጎርን ዩጊ ኤኪ ቢቲ።

12 ኢንቲ ኦጎር ዶናን ሲሚዳ ቢራዚ ባሌታን ሲሚዳዝ ጊዳና ዳንዳይዛ ጊሻስ ቢራካ ናምኡ ኩሼ ሂሰቲ ኤኪ ቢቲ።

13 ቃሴ ኢንቲ ኢሻካ ኤኪዲ ሄ አዳዛኮ ኤሶን ጉዬ ቢቲ።

14 ኢዚ ሃንኮ ኢንቲ ኢሻ ዩዳና ማላ ቢኒያሚይካ ኢንቲናራ ሲሚ ያና ማላ ኡባ ዳንዳይዛ ጸሳይ ሄ አዳዚ ኢንቲስ ቃዴታና ማላ ኦሶ፤ ታኒ ጊዲኮ ታ ናይታፔ ሜላ ኣቲኮኔ ኣታይስ» ጊዴስ።

15 ሄሳ ጊሻስ ሄ ኣሳቲ ኩሼ ጌንሶ ካሴ ቢራስ ናምኡ ኩሼ ቃሴ ቢኒያሚ ኤኪዲ ዲጌ ጊብጼ ቢዲ ዮሴፌ ሲንሐ ሸቂዳ።

16 ዮሴፌይ ባ ኢሻታራ ቢኒያሚ ቤኢዲ ባ ኩላ ሃላቃዛ፡ «ሃ ኣሳታ ታሶ ኤካዳ ባ፤ ሃቻ ጋላስ ኢስቲ ታናራ ቁማ ማና ማላ ሜሄ ሹካዳ ጊጊሳ» ጊ አዛዚዴስ።

17 ሂሰቲን ኢዚ ዮሴፌይ ኢዛስ ዮቲዳ ማላ ሄ ኣሳታ ዮሴፌሶ ኤፌዴስ።

18 ኣሳቲ ዮሴፌ ሶ ቢዳ ጊሻስ ባቢዳ፤ ኢስታስ፡ «ኢስቲ ኑና ሃይሳ ኤሂዳይ ኮይሮ ኑ ኦጎርራ ሲሚ ቢዳ ቢራ ጊሻስ ጊዶንታ ኣጌና፤ ኢዚ ኑና ቆሃናስ ኣይሌቴላን ሃራናሲኔ ኑ ሃሬታ ኤካናስ ሃኔስ» ጊ ቆፒዳ።

19 ሄሳ ጊሻስ ኢስቲ ዮሴፌ ኩላ ፔንጌ ጋኪዲ ኩላ ሃላቃዛ፡

20 «ኑ ጎዶ! ኑኒ ኮይሮ ካሐ ሻማናስ ሃ ዩዶስ፤

21 ሲሚዲ ቢሼ ኑ ኣቂዛሶን ኦማርስ ኑ ኦጎር ኦጎር ኑ ቢርሺን ኑ ቢራይ ፓጮንታ ኑ ኦጎር ኦጎር ዶናን ዲዛይሳ ዴሚዶስ፤ ሄሳ ጊሻስ ሃኢ ኑኒ ኢዛ ጉዬ ኤኪ ዩዶስ።

22 ቃሴ ኑኒ ካሐ ሻማናስ ሃራ ቢራካ ኤኪ ዩዶስ፡ ኑ ቢራ ኑ ኦጎር ኦጎር ዶናን ኦኒ ዋሒዳኮ ኑ ኤርኮ» ጊ ሃሳይሲዳ።

23 ሂሰቲን ኢዚ ኢስታስ፡ «ኣይኮይ ባ ሄሳስ ባቦፍቲ! ኢንቲ ጸሲ ኢንቲ አዋ ጸሲ ኢንቲ ኦጎር ጊዶን ኢንቲስ ቢራ አሚዴስ፤ ታኒ ኢንቲ ቢራ ኤካዲስ» ጊዴስ። ሄሳፌ ጉዬ ሲሞና ኢስታኮ ኬሲዴስ።

24 ሄ አዳዚ ሄ ኣሳታ ዮሴፌ ሶ ኤፌዲ ኢስታ ቶሆስ ሃሐ ኤሂን ባ ቶሆ ሚጨቲዳ። ኢስታ ሃሬታሰካ ሃርቆ አሚዴስ።

25 ዮሴፌራ ቁማ ማና ማላ ኢስታስ ዮቲቲዳ ጊሻስ ዮሴፌይ ያና ጋካናስ ኢዛስ አማና ኩሼ ጌንሶ ጊግሲዳ።

26 ዮሴፌይ ባሶ ጌሊዳ ማላ ኢስቲ ባ ገግሲዳ ኩሼ ጌንጾዛ ኢዛስ አሚዲ ኢዛ ሲንፋን ባ ሁኤ ዱጌ ቢታን ጋሊ ዘጊዳ።

27 ኢዚ ኢስታ ሳርቴላ ኦይቺ ሲሚዲ፥ «ኢንቴ ታስ ዮቲዳ ኢንቴ ጨማ አዋይ ሎኢ ዲዜ? ሃኢካ ኢዚ ፓጻ ዲዜ?» ጊዴስ።

28 ሂሳቲን ኢስቲ፥ «ኤ፥ ኔ አይሌይ ኑ አዋይ ሃኢካ ፓጻ ዴስ፤ ኢዚ ሎኦኮ» ጊ ሆኪ ኢዛስ ዘጊዳ።

29 ኢዚ ባ አይይ ና ቢኒያሜ ቤኢዲ ኢስታስ፥ «ኢንቴ ዮቲዳ ኢንቴ ወርሴላ ካሎ አሻይ ሃይሴ?» ጊዴስ። ቃሴ ኢዚ ቢኒያሜ፥ «ታ ናዞ ጸሲ ኔና አንጆ» ጊዴስ።

30 ዮሴፌይ ባ ኢሻ ቤኢን ኢዛስ ዬሆይ ዳንዳዬቶንታ ኢጺን ዬካናስ ኢሲፌ ኢሲሶ ፖቂዴስ። ኢዚ ባ ዱማ ቆልኦ ጌሊዲ ሄን ዬኪዴስ።

31 ኢዚ ባ አይፌሶ ሜጨቲ ሲሚ ኬዚዲ ባርካ ባና ሚንፊሊዲ፥ «ቁማ ሃ አሊቴ!» ጊዴስ።

32 ሂሳቲን ኢስቲ ኢዛስ ዱማ፥ ኢዛ ኢሻታስ ዱማ፥ ሄን ኢዛራ ሚዛ ጊብጾ አሳታስ ዱማ አሊዳ፤ አይስ ጊኮ ጊብጾ አሳይ ኢብራዌ አሳራ ኢሲፌ ሚ ኤሬቴና። ሄሲካ ጊብጾ ቢታ አሳስ ቱናቴላ።

33 ኢስቲ ዮሴፌ ሲንፋን ባይራይ ባ ባይራቴላ ማላ ካሎይ ባ ካሎቴላ ማላ ማራን ኡቲዳ። ኢስቲ ኢሶይ ኢሳ ጸሊዲ ኢስታ ዋስቲ ኡቲሲዳኮ ቤኢዲ ማላሊቲዳ።

34 ዮሴፌይ ባ ጊሻፔ ኢስታስ ቁማ ጊሺዛ ዋዴ፥ ቢኒያሜ ጋኪዳይሲ ሃራታይሳፌ ኢቻሹ ኩሼ ዳሬስ፤ ሂሳቲን ኢስቲ ኡፋዬቲሼ ኢዛራ ሚዳኔ ኡዱዳ።

44

ቢራፔ ኦሴቲዳ ዮሴፌ ዋንጫ

1 ዮሴፌይ ባ ኬላ ሃላቃዛስ፥ «ኔኒ ሃ አሳታ ኦጎርይ ኤኪዛ ኬና ካላ ኢስታስ ኩንፋ፤ ኢስታ ቢራ ኡባ ኢስታ ኦጎር ኦጎር ዶናን ዋላ፤

2 ሂሳታዳ ወርሴላ ካሎዛ ኦጎር ዶናን ታ ቢራ ዋንጫኔ ኢዛ ካላ ቢራ ዋላ» ጊ አዛዘን ኢዚ ዮሴፌይ ጊዳ ማላ ኦሊዴስ።

3 ጋዴይ ዋንቲሺን ሄ አሳቲ ባ ሃሬታ ኤኪዲ ባና ማላ ሞይዚዳ።

4 ኢስቲ ሄ ካታማፔ ኬዚዲ ሃኪ ቢቸንታ ዲሺን ዮሴፌይ ባ ኬላ ሃላቃስ፥ «ዴንዳ! ሃ አሳታ ጉዬ ካላ፤ ኔኒ ባ ኢስታ ጋካዳ፥ «ኢንቴ አይስ ኪያ ጊሻስ ኢታ ዛሪዴቲ?»)

5 «አይስ ታ ጎዳ ቢራ ዋንጫ ካይሲዳቲ? ሃይሲ ታ ጎዳይ ኡዩዛይሳኔ ቃሴ ጹራ ሚሽ ዳሚዛ ዋንጫ ገዳኔ? ሃይሲ አንቲ ኦሊዳይሲ ገታ ቆሆ» ጋ» ገዳሰ። ሄ ዋዳ ገብጾ ቢታ አሳቲ ዋንጫ ጋርሳን ዲዛ ኡሻ ቤኢዲ ሲንፋፌ ኣዚ ሃናናኮ ኤሬቲሰ።

6 ሂሰቲን ኢዚ ኢስታ ጉዬራ ጋኪዲ ኢዚ ገዳ ማላካ ኢስታሰ ኮቲዳሰ።

7 ገዳ አቲን ኢሰቲ፤ «ኮ ጎዳይ ኣዛሰ ሃይሳ ማላ ቃላ ኮ ቦላ ሃሳይዜ? ሃሳ ማላ ሚሽ ኦሶይ ኑፔ ኔ ኣይሌታፔ ሃኮ!

8 ሃራይ ኣቶሺን ሃይሳፌ ካሴ ኮ ኦጎር ዶናፔ ዳሚዳ ቢራ ካናኔ ቢታፌ ጉዬ ኔሰ ኮ ዛሪ ኤሂዳይሳ ኔ ኤራሳ። ሂሰቲን ሃኢ ኑኒ ኔ ጎዳ ሶፔ ዋስቲዲ ቢራ ዋይኮ ዋርቃ ካይሲዛኒ?

9 ኔ ኣይሌታ ኮ ገዳፌ ሄ ዋንጫይ ኢዛኮን ቤቲዳዳይ ሃይቆ፤ ቃሴ አቲዳ ኑኒ ኮ ጎዳሰ ኣይሌ ገዳና» ገዳ።

10 ኢዚ ኢስታሰ፤ «ሃሳ ማላ ገዲኮ ሎኦ፤ አንቲ ገዳ ማላ ገዳ፤ ዋንጫዛ ኡኪዳ ኡራይ ኦኒካ ታ ኣይሌ ገዳና፤ ሃንኮ አቲዳ አንቲ ገዲኮ ሳርራ ሳና» ገዳሰ።

11 ሃሳፌ ጉዬ ኢሰቲ ኤሶን ባ ኦጎር ኦጎር ዋሊ ቢርሺዳ።

12 ሃላቃዚካ ኡባፌ ባይራቲዛይሳ ኦጎርፔ ዶሚዲ ዉርሴላ ካሎዛይሳ ጋካናሰ ኮዩዳሰ፤ ሄ ዋንጫዛካ ቢኒያሜ ኦጎር ገዳፌ ዳሚዳሰ።

13 ሂሰቲን ኢሰቲ ሙዞቲዲ ባ ማይኦ ዳኪዳ፤ ባ ኦጎር ኦጎር ባ ሃራታን ጫኒዲ ጉዬ ካታማ ሲሚዳ።

14 ዩሁዳይ ባ ኢሻታራ ዮሴፌኮ ጌሊዛ ዋዳ ዮሴፌይ ሶን ዲዛይሳ ዳሚዲ ኢሰቲ ኢዛ ሲንፋን ጉፋኒዳ።

15 ዮሴፌይ ኢስታሰ፤ «አንቲ ኣይ ፓላ ሚሽ ኦሊዳቲ? ታ ማላ ኣሲ ጹራ ሚሺ ሃሳሉ ዳሚዛይሳ ኤሬኬቲዬ?» ገዳሰ።

16 ሂሰቲን ዩሁዳይ፤ «ኮ ጎዳሰ ኮ ኣይ ጋኔ? ኑኒ ኣይ ሃሳያኔ? ዋይኮ ኑኒ ጸሎቴሉ ዋስቲ ቤሳኔ? ጸሲ ኔ ኣይሌታ ዋሮ ቆንጨሲዳሰ። ሂሰቲን ኑናካ ገዲን ሄ ዋንጫይ ኢዛፔ ቤቲዳይሲካ ገዲን ታ ጎዳሰ ኣይሌ ገዳና» ገዳሰ።

17 ገዳ አቲን ዮሴፌይ፤ «ሃሳ ማላ ሚሽ ኦሶይ ታፔ ሃኮ፤ ታ ቢራ ዋንጫዚ ኢዛፔ ቤቲዳ ኣዳዚ ጸላ ታ ኣይሌ ገዳና። ሂሰቲኮ አንቲ አንቲ ኣዋኮ ጉዬ ሳርን ሲሚቲ» ገዳሰ።

18 ሂሰቲን ዩሁዳይ ኢዛኮ ሺቂዲ ኢዛ፤ «ታ ጎዳ! ታኒ ኢሲ ቃላ ሃሳያና ማላ ኔና ዋሳይሰ፤ ኔ ካዋ ፓርኔ ማላ ገዲኮካ ታና ኔ ኣይሌዛ ቦላ ሃንቁቶፋ።

19 ኔኒ ታ ጎዳይ ኑና ኔ ኣይሌታ፤ «አንቲሰ ኣዋይ ዲዜ ዋይኮ ኢሻይ ዲዜ?» ጋ ኦይቻዳሳ።

20 ኑኒካ፡ ሱስ ጨሚዳ አዋይ ዳስ፤ ኢዚ ጨሚዳ ዩሊዳ ካሎ ናይካ ዳስ፤ ሄ ናዛ ኢሻይ ሃይቂዳስ፤ ባ ኣዩይስ ኢሲ ኢዛ ጸላይ ኣቲዳስ፤ አዋይካ ኢዛ ኬሂ ሲቁስ፤ ጊ ኔስ ዮቲዶስ።

21 «ኔካ ኔ ኣይሌታስ ኑስ፡ ሓኒ ኢዛ ቤያና ማላ ታስ ኤኪ ዪቲ፡ ጋዳሳ።

22 ኑኒ ኑ ጎዳስ ኔስ፡ ሌ ናዚ ባ አዋፔ ሻኬታናስ ዳንዳዬና፤ ሻኬቲኮ ኢዛ አዋይ ሃይቃና፡ ጊዶስ።

23 ጊዶ ኣቲን ኔኒ ኔ ኣይሌታ፡ ሓንቲ ካሎ ኢሻይ ኢንቲናራ ዱጌ ዮንታ ኢጸኮ ናምኣንሶ ታ ኣይፌሶ ቤዬኬታ፡ ጋዳሳ።

24 ኑኒ ኔ ኣይሌቲ ኑ አዋኮ ሲሚ ቢዳ ዋዴ ኔ ኑ ጎዳይ ኑስ ጊዳይሳ ኢዛስ ዮቲዶስ።

25 «ኑ አዋይ፡ ሃኢካ ሲሚ ጉዬ ቢዲ ጉላ ካል ጉጂ ሻሚቲ፡ ጊን፤

26 ኑኒ ኢዛስ፡ ሱስ ካሎ ኢሻይ ኑናራ ቢኮፌ ኣቲን ጉዬ ባናስ ዳንዳዮኮ፤ ኣይስ ጊኮ ኑ ካሎ ኢሻይ ኑናራ ቦንታ ጊዲኮ ኑኒ ሄ ኣዴዛ ኣይፌሶ ቤያናስ ዳንዳዮኮ፡ ጊዶስ።

27 «ሂስቲን ኑ አዋይ ኔ ኣይሌታ ኑና፡ ሓ ማቻ ኤራሄላ ታስ ናምኡ ኣቲማ ናይታ ዩሊዳይሳ ኢንቲ ኤሬታ፤

28 ኢስታፌ ኢሶይ ታፔ ሻኬቲ ቢን ቱሙ ኢዛ ዶኣይ ፑዜሬል ሚዳስ፤ ሃቻ ጋካናስካ ታኒ ኢዛ ቤያቤኬ።

29 ሃይሳ ቃሴ ኢንቲ ታፔ ሻኪ ኤፊን ኢታ ሚሺ ኢዛ ጋኪኮ ኢንቲ ጨማቲላን ታ ቦላ ኤሂዛ ሚሻይ ታና ዋፋና፡ » ጊዳስ።

30-31 «ሂሳ ጊሻስ ሃኢ ታ ኔ ኣይሌይ ጉዬ ታ አዋኮ ቢዛ ዋዴ ታ አዋይ ናዛ ባ ሼምፖ ማላ ሲቁዛይሲ፡ ናዚ ኑናራ ዶንታይሳ ቤይኮ ሃይቃና። ኑኒ ኔ ኣይሌቲ ኑ አዋ ጨማቲል ካዮራ ዱፎን ዩጋና።

32 ታኒ ኔ ኣይሌይ ናዛ ታ ዋሴቲላን ኤካ ያዲስ፤ ታኒ ኢዛ፡ ሓቦ፡ ታኒ ኢዛ ኔስ ሳሮን ዛራዳ ኤሆንታ ኣጊኮ ታ ላይሳ ኩሚላን ታ ኦይሼታና!፡ ጋ ዮታ ዋላዲስ።

33 «ሂሳ ጊሻስ ታኒ ኔ ኣይሌይ ታ ጎዳስ ናዛ ጊሻስ ኣይሌታዳ ሃን ኣቲን ናዚ ባ ኢሻታራ ጉዬ ሲሞ።

34 ናዚ ባይንዳ ታኒ ዋናዳ ጉዬ ታ አዋኮ ሲማ ቦ? ሃኔና፤ ታ አዋይ ሚሼታና ሚሻ ታና ቤሶፋ» ጊዳስ።

45

ዮሴፌይ ባና ባ ኢሻታስ ቆንጨሴል

1 ሄ ዋዴ የሴፌይ ሄ አሳ ኡባ ሲንላን ጌንጫና ዳንዳየንታ ገሻሰ፡ «አሳ ኡባ ታ ሲንላፌ ኬሲቱ» ጌ ዋሲዴሰ፡ ሄሳ ገሻሰ የሴፌይ ባና ባ አሻታሰ ኤሪሲሺን አሻታፔ ኣቲን ሃራይ ኢዛራ ኦኒካ ዴና፡

2 ኢዚ ባ ቃላ ቆቂሲዲ ጌብጼ አሳይ ኢዛ ሲያና ጋካናሰ ዋሲ ዩኪዴሰ፡ ካዋዛ ሶ አሳይካ ሄ ዋሬዛ ሲዩዴሰ፡

3 የሴፌይ ባ አሻታሰ፡ «ታኒ የሴፌኮ! ታ አዋይ ሃኖ ጋካናሰ ፓጾ ዲዜ?» ጌ ኦይቺዴሰ፡ ጌዶ ኣቲን ኢዛ አሻቲ ዳሮ ዳጋሚዳ ገሻሰ ኢዛሰ ማልፍ ዛራናሰ ዳንዳይቤቴና፡

4 ሂሰቲን የሴፌይ ባ አሻታሰ፡ «ታኮ ሃ ሸቂቱ» ጌዴሰ፡ ኢሰቲካ ኢዛኮ ሸቂን ኢዚ ኢሰታሰ፡ «ታኒ ኢንቴ ጌብጼ ቢታሰ ባይዚዳ ኢንቴ አሻ የሴፌኮ፡

5 ጸሲ ታና ኢንቴፌ ሲንፍ ከቲዳይ አሳ ሸምፖ አሻናሰ ጌዲዳ ገሻሰ ኢንቴ ታና ሃ ባይዚዳይሳሰ ዚልኤቶፍቴ፡

6 ኮሻይ ሃ ቢታ ጌለን ሃይሲ ናምኣንሶ ላይላ፤ ቃሴ ሲንላፌ ዩዛ ኢቻሹ ላይላታ ጌዶን አሳይ ቢታ ጎዩዲ ካል ሸሻናሰ ዳንዳይና፡

7 ጌዶ ኣቲን ታኒ ኢንቴሰ ዜሬል ቢታ ቦላ አሻና ማላኔ ኢንቴ ሸምፖ ሃይሳ ማላ ጌታ አቶቴላን አሻና ማላ፡ ጸሲ ታና ኢንቴፌ ሲንፍ ሃ ከቲዴሰ፡

8 ሄሳ ገሻሰ ታና ሃ ከቲዳይ ጸሳ ኣቲን ኢንቴና ዴኬታ፡ ጸሲ ታና ጌብጼ ካዋሰ አዋ፡ ኢዛ አቆ ኡባሰ ጎዳኔ ጌብጼ ቢታ ሃሪዛዴ ኦሊዴሰ» ጌዴሰ፡

9 «ሃኢ ኤሶን ጉዬ ታ አዋኮ ቢዲ ኢዛሰ ኔ ና የሴፌይ፡ ሪሲ ታና ጌብጼ ቢታ ኡባ ቦላ ጎዳ ኬሲዴሰ፤ ሄሳ ገሻሰ ጋምኦንታ ታኮ ሃያ፡

10 ኔኒ ታ ማታን ጌሴሜ ቢታን ኔ ናይታራ፡ ናይታ ናይታራ፡ ደርሳታራ፡ ሜሄታራ፡ ኔሰ ዲዛ ኡባራ ሃን ዳንዴታ፡

11 ቡሮፔ ኢቻሹ ኮሻ ላይላቲ ዴቴሰ፤ ኔና ኔሶ አሳኔ ኔ ሜሄ ኮሻይ ጋኮንታ ማላ ታኒ ኔና ሚዛና፡ ጌሰ ጌቱ» ጌዴሰ፡

12 ቃሴካ የሴፌይ ኢሰታሰ፡ «ሃ ኢንቴናራ ሃሳይዛይሲ ቱሙ ታኒ የሴፌ ጌዲዳይሳ ኢንቴካ፡ ታ አሻ ቢኒያሜይካ ኢንቴ ኣይፌን ቤኤታ፡

13 ታሰ ጌብጼ ቢታን ዲዛ ቦንቾ ኢንቴ ቤኢዳይሳ ኡባ ታ አዋሰ የቲቴ፤ ኤሶንካ ሃ ዱጌ ኤኪ ዩቲ» ጌዴሰ፡

14 ሂሰቲዲ ባ እሻ ቢኒያሜ ኢዲሚ ኦይኪዲ ዩኪዳሰ፤ ቢኒያሜይካ ባ እሻ ኢዲሚ ኦይኪዲ ዩኪዳሰ።

15 ዮሴፌይካ ዩኪሼ ባ እሻታ ኡባ ዬሪ ዬሪ ኤኪዳሰ። ሂሳፌ ጉዬ ኢዛ እሻቲ ኢዛራ ሃሳያ ኦይኪዳ።

16 ዮሴፌ እሻታ ዩሳ ዋሬይ ካዋ ፓሮኔ ኬል ጋኪዳ ዋዴ ካዋይኔ ኢዛ ኦሳንቻቲ ኡፋዬቲዳ።

17 ካዋይ ዮሴፌ፥ «ኔኒ ኔ እሻታ፥ ለኢንቲ ሜሄ ጫኒዲ ካናኔ ቢታ ሲሚቲ፤

18 ሂሰቲዲ ኢንቲ አዋኔ ኢንቲ ሶ አሳ ኤኪዲ ጉዬ ታኮ ሃ ኤሂቲ። ታኒ ኢንቲሰ ጊብጼ ቢታን ኡባሶፔ ሎኢዛሶ አማና፤ ኢሰቲካ ሃ ቢታ ዋጽ ካቻና፥ ጋ።

19 ቃሴካ ኔኒ ኔ እሻታ፥ ለፓራ-ጋሬዛ ኢንቲ ናይታሰኔ ኢንቲ ማጫሳታሰ ጊብጼፔ ኤኪ ቢዲ ኢንቲ አዋካ ኤኪ ዩቲ።

20 ጊብጼ ቢታን ዲዛ ኡባፌ አፄ ሎኢዛ ሚሽ ኢንቲሰ ጊዳና ጊሻሰ ኢንቲሰ ዲዛ ሃሮ ኤኪ ያና ቆፖፍቲ» ጋ ዮታ» ጊዳሰ።

21 ሂሰቲን ያቆቤ ናይቲ ጊዳ ማላ ኦላዳ። ዮሴፌይካ ካዋይ አዛዚዳ ማላ ፓራ-ጋሬታኔ ኦጌሰ ጊዲዛ ሽንቁ ኢሰታሰ አሚዳሰ።

22 ኢሰታሰ ኡባሰካ ሁኤን ሁኤን ኦራላ ማይኦ አሚዳሰ፤ ጊዳ አቲን ቢኒያሜሰ ሄቹ ጾቱ ሳቂሌ ቢራኔ ኢቻሹ ኩሜላ ማይኦ አሚዳሰ።

23 ኢዚካ ባ አዋሰ ጊብጼን ዲዛ ኡባፌ ሎኢዛይሳ ታሙ ሃሬን ጫኒዲ፥ ቃሴ ኦጌሰ ካሉ፥ ኡኬሊኔ ሃራ ሽንቁ ታሙ ማጫ ሃሬታን ጫኒዲ ዩዲዳሰ።

24 ዮሴፌይ ባ እሻታ ዋይዚዳሰ። ኢሰቲ ቢሺን ኢዚ ኢሰታሰ፥ «ቢሼ ኦጌን ኢንቲ ጋርሳን ኦዬቶፍቲ» ጊዳሰ።

25 ኢሰቲ ጊብጼፔ ኬዚዲ ቢዳ፤ ካናኔ ቢታ ቢዲ ባ አዋ ያቆቤኮ ጋኪዳ።

26 ኢሰቲ ኢዛሰ፥ «ዮሴፌይ ፓጻ ዳሰ! ቃሴካ ኢዚ ጊብጼ ቢታ ኡባ ሃሬሰ» ጊን ያቆቤ ዋዚናይ ዳጋሚዳ ጊሻሰ ኢሰታ አማኒቤና።

27 ጊዳ አቲን ኢሰቲ ዮሴፌይ ባሰ ዮቲዳይሳ ኡባ ኢዛሰ ዮቲኒኔ ኢዛ ኤኪ ኤሃና ማላ ዮሴፌይ ከቲዳ ፓራ-ጋሬታ ኢዚ ቤዪን፥ ኢሰታ አዋ ያቆቤሰ ሽምፖይ ሲሚዳሰ።

28 ያቆቤይካ፥ «ሂሲ ታሰ ጊዳና፤ ታ ናዚ ዮሴፌይ ሃና ጋካናሰ ፓጻ ዳሰ! ታኒ ሃይቃናፔ ሲንሳን ባዳ ኢዛ ቤያና» ጊዳሰ።

46

ያቆቤ ዓሳሳ ገብጾ ቡስ

¹ ኢስራኤል ዓሳሳ ዲዛይሳ ኡባ ኤኪ ዴንዲዲ ቤርሳቤሄ ጋኪዴስ። ሄንካ ኢዚ ባ ኣዋ ዩሳቃ ጸሳስ ያርሾ ሺሺዴስ።

² ጸሲ ኦማርስ ኣጉሞራ ኢዛ፥ «ያቆቤ፥ ያቆቤ» ጌ ጸይጊን ኢዚ፥ «ዩ!» ጌ ኮዩዴስ።

³ «ታጊ ጸሳይ ኔ ኣዋ ጸሳ፤ ኔጊ ዲጌ ጊብጾ ባናስ ባቦፋ፤ ኣይስ ጊኮ ታጊ ኔና ሄን ጊታ ካዎቴል ኬሳና።

⁴ ታጊ ኔናራ ኢሲፊ ጊብጾ ባና፤ ቃሴ ታጊ ኔ ዜሬላ ሄፔ ኬሳና። ዮሴፊል ባ ኩሼራ ኔ ሃይቂሺን ኔና ሺሻና» ጊዴስ።

⁵ ሄሳፊ ጉዬ ያቆቤ ቤርሳቤሄ፤ ዴንዲዴስ፤ ያቆቤ ኣቱማ ናይቲ ባ ኣዋ ያቆቤ፥ ባ ናይታ ናይታ ማቕታ ጊብጾ ካዎይ ኢስታስ ከቲዳ ፓራ-ጋሪ ቶጊሲ ኤኪ ቢዳ።

⁶ ኢስቲ ካና ኬታን ሃሪዳ ኣቆኔ ሜሄ ኡባ ኤኪ ቢዳ። ያቆቤይ ኢዛ ዜሬላ ዉሪ ኢዛራ ጊብጾ ቢዴስ።

⁷ ኢዚካ ባ ዜሬላ ኡባ ባ ኣቱማ ናይታ፥ ባ ማጫ ናይታ ናይታ ናይታ ኡባ ባናራ ጊብጾ ኤኪ ቢዴስ።

ያቆቤ ዜሬላ

⁸ ያቆቤራ ጊብጾ ቢታ ቢዳ ኢስራኤል ናይታ ሱንላ ሃይሳፊ ካሊ ጸፊቲዳይሳ።

ያቆቤ ባይራ ናይ ኦርቤሌ፤

⁹ ኦርቤሌ ኣቱማ ናይቲ ሄናኬ፥ ፓሉ፥ ሄጺሮሜኔ ካርሜ።

¹⁰ ሲሞና ኣቱማ ናይቲ ዩሙኤሌ፥ ያሚኔ፥ ኦሃዴ፥ ያኪኔ፥ ጸሃሬኔ ካናኔ ማጫሳይ ና ሳኦሌ።

¹¹ ሊዌ ኣቱማ ናይቲ ጌርሾኔ፥ ቃኣቴኔ ሜራሬ።

¹² ዩሁዳ ኣቱማ ናይቲ ኤራ፥ ኦናኔ፥ ሴላ፥ ፓሬሴኔ ዛራሄ፤ ጊዶ ኣቲን ኤራይኔ ኦናኔይ ካናኔ ቢታን ሃይቂዳ። ፓሬሴ ኣቱማ ናይቲ ሄጺሮሜኔ ሃሙሌ።

¹³ ዩሳኮሬ ኣቱማ ናይቲ ቶላ፥ ፑዋ፥ ያሹቤኔ ሸሚሮኔ።

¹⁴ ዛቢሎኔ ኣቱማ ናይቲ ሴሬዴ፥ ኤሎኔኔ ያሂሌኤሌ።

¹⁵ ሃይቲ ሊያይ ሜስጵጾሚያን ያቆቤስ ዩሊዳ ኣቱማ ናይታ፤ ኢዚ ማጫ ናያ ዲና። ሃይቲ ኢዛ ናይቲ ናይታ ናይቲ ሙሊራ ሄሹ ታማኔ ሄሻ።

¹⁶ ጋዴ ኣቱማ ናይቲ ጸፎኔ፥ ሃጌ፥ ሹኔ፥ ኤዲቦኔ፥ ኤሬ፥ ኣርዴኔ ኣርኤሌ።

17 አሰራ አቱማ ናይቲ ዩሚኔ፥ ዩሺዋ፥ ዩሺዌኔ ባሪሄ፤ ኢስታ ሚቹያካ ሴራሆ። ባሪሄ አቱማ ናይቲ ሄቤሬኔ ማልኪኤሌ።

18 ላባይ ባ ና ሊያስ አሚዳ ዚልፋይ ያቆቤስ ዩሊዳ ናይቲ ናይታ ናይቲ ሃይታ፤ ኢስቲ ሙሌራ ታማኔ ኡሱፑና።

19 ያቆቤ ማቹዮ ኤራሄሊ አቱማ ናይቲ ዮሴፌኔ ቢኒያሜ።

20 ኦና ጌቴቲዛ ካታማ ቄሴ ጲጲፋራ ናያ ኣሲናታ ዮሴፌስ ጊብጾን ሚናሴኔ ኤፍሬሜ ዩላዲስ።

21 ቢኒያሜ ናይቲ ቤላ፥ ቤኬሬ፥ አሺቤሌ፥ ጌራ፥ ናኢማኔ፥ ኤሄ፥ ኦሮሽ፥ ሙፒማ፥ ሁፒማኔ አራዴ።

22 ያቆቤስ ዩሊቲዳ ኤራሄሊ አቱማ ናይቲኔ ናይታ ናይቲ ሃይታ፤ ኢስቲ ሙሌራ ታማኔ ኦይዳ።

23 ዳኔ አቱማ ናይ ሁሺማ።

24 ኒፍታሌማ አቱማ ናይቲ ያሂጾሌ፥ ጉኔ፥ ዩጲሬኔ ሸሌማ

25 ላባይ ባ ና ኤራሄሊስ አሚዳ ቢሊሃይ ያቆቤስ ዩሊዳ ናይቲኔ ናይታ ናይቲ ሃይታ፤ ኢስቲ ሙሌራ ላፑና።

26 ያቆቤራ ጊብጾ ቢዳ ናይቲኔ ናይታ ናይቲ፥ ኢዛ ናይታ ማቹታ ጉጃንታ ሙሌራ ኡሱፑን ታማኔ ኡሱፑና።

27 ጊብጾን ዮሴፌስ ዩሊቲዳ ናሞኡ ናይታ ጉጃን ጊብጾ ቢዳ ያቆቤ ሶ አሳይ ሙሌራ ላፑን ታማ።

ጊብጾ ቢታን ያቆቤኔ ኢዛሶ አሳ

28 ሲንላቲ ቢዲ ጌሴማ ቢታን ባና ሞካና ማላ ያቆቤይ ዩሁዳ ባፔ ሲንሉ ዮሴፌስ ዩዲዴስ፤ ኢስቲ ጌሴማ ጋኪዳ ዎዴ።

29 ዮሴፌይ ባ ፓራ-ጋሬዛ ጊግሲዲ ባ አዋ ያቆቤራ ጋጋናሰ ጌሴማ ቢዴስ። ዮሴፌይ ባ አዋ ዴሚዳ ማላ ኢዲሚ ኦይኪዲ ዳር ሳቲ ዩኪዴስ።

30 ኢስራኤሌይ ዮሴፌ፥ «ኔኒ ፓጻ ዲሺን ታኒ ኔ አይፌሶ ቤኢዳ ጊሻስ ሂአ ታኒ ሃይቂኮ ሜቲና» ጊዴስ።

31 ሃሳፌ ጉዬ ዮሴፌይ ባ ኢሻታሲኔ ባ አዋ ሶ አሳታስ፥ «ታኒ ጊብጾ ካዎዛኮ ባዳ ኢዛስ፥ ሳናኔ ቢታን ዲዛ ታ ኢሻቲኔ ታ አዋ ሶ አሳይ ታኮ ዩዳ።

32 ኢስቲ ሚዚኔ ዶርሳ ሃሪዛይታ፤ ኢስቲ ባናራ ባ ዶርሳታ፥ ባ ሚዛታኔ ባሰ ዲዛይሳ ኡባ ኤኪ ዩዳ» ጋና።

33 ካዎይ ኢንቴና ጴይጊዲ፥ ሳኒቴ ኦሶይ አዜ?» ጊ ኦይቹኮ፥

34 ኢንቴ ኢዛስ፥ ሳኒ ኔ አይሊቲ ናቴሳፌ ዶሚዲ ኑ አዋታ ማላካ ሜሄ ሄሞስ» ጌቲ። ሂስቲኮ ኢዚ ኢንቴና ጌሴማ ቢታን

ዋና፤ አይስ ጊኮ ዶርሳ ሄንላንቻይ ወሪ ጊብጼ አሳ አቻን ካይቲዳይታ» ጊደስ።

47

1 የሴፌይ ጌሊዲ ጊብጼ ካዎስ፡ «ታ አዋይኔ ታ አሻቲ ባ ዶርሳታራ፡ ባ ሚዛታራ ባስ ዲዛዝ ኡባ ኤኪዲ ካናኔ ቢታፌ ዪዲ፡ ሃኢ ጌሴሜ ቢታን ዴቲስ» ጊ ዮቲደስ።

2 ኢዚ ባ አሻታፔ አቻሻታ ዶሪዲ ካዎዛ ሲንሐ አሊደስ።

3 ካዎይ ሄ አሻታ፡ «አንቲ አሶይ አዜ?» ጊ ኦይቺን ኢስቲ ካዎዛስ፡ «ኑኒ ኔ አይሌቲ ኑ አዋታሶ ዶርሳ ሄዎስ» ጊ ዮቲዳ።

4 ቃሴ ኢስቲ ኢዛስ፡ «ካናኔ ቢታን ኮሻይ ዳሪዳ ጊሻስ ኑስ ኔ አይሌታ ሜሄታስ ሚዛ ሚሺ አይኮካ ባይንዳ ጊሻስ፡ ኑኒ ሃይሳን ኢማላቲላን ዳና ዪደስ፤ ሾቤ ኑና ኔ አይሌታ ጌሴሜን ዋላርኪ!» ጊደ።

5 ካዎይ የሴፌ፡ «ኔ አዋይኔ ኔ አሻቲ ኔኮ ዪዳ።

6 ሂስቲን ጊብጼ ዳሬይ ኔ ኩሼን ዴስ ጊዳይ፤ ሃ ቢታን ኡባፌ አዲሊ ሎኢዛሶን ኔ አዋኔ ኔ አሻታ ዋላ፤ ኢስቲ ጌሴሜ ቢታን ዴቶ፡ ኢስታ ጊዶፌ ዲማ ኤራቴሊ ዲዛይታ ኔ ኤሪዛ ጊዲኮ ሄይታ ታ ሜሄታ ቦላ ሹማ» ጊደስ።

7 ሄሳፌ ጉዬ የሴፌይ ባ አዋ ያቆቤ ጌልሊዲ ካዎ ሲንሐ አሊደስ። ያቆቤይ ጊብጼ ካዎ አንጂደስ።

8 ካዎይካ ያቆቤ፡ «ኔስ አፑን ላይሌ?» ጊ ኦይቺደስ።

9 ያቆቤይ ካዎዛስ፡ «ታኒ ዩያ ዩያ ዴዩዳ ላይላይ 130፤ ታ ላይላይ ቤኒ ታ አዋቲ ዩዩ ዩዩ ዴዩዳ ላይላታፔ ጉላኔ ሜቶይ ዳሪዳ ላይላ» ጊደስ።

10 ሄሳፌ ጉዬ ያቆቤይ ካዎዛ አንጂዲ ኢዛ ሲንሐፌ ካሬ ኬዚደስ።

11 የሴፌይ ባ አዋኔ ባ አሻታ ጊብጼ ቢታን ዋሊደስ፤ ካዎይ አዛዚዳ ማላ ጊብጼ ቢታን ኤራሚሴ አቻን ዲዛ ኡባሶፔ አዲሊ ሎኢዛ ጋዴ ኢስታስ አሚደስ።

12 የሴፌይ ቃሴ ባ አዋስ፡ ባ አሻታሲኔ ባ አዋ ሶ አሳ ኡባስ ኢስታ ናይታ ቆዳ ማላ ካሐ አሚደስ።

ጊብጼ ኮሻ ሚኖቴሐ

13 ጊዲኮካ ኮሻይ ዳሪዳ ጊሻስ ቢታ ኡባ ቦላ ካሊ ዳይደስ። ሄ ኮሻን ጊብጼ ዳሬይኔ ካናኔ ዳሬይ ናምአይካ ቆሄቲዳ።

14 የሴፌይ ገብጾ ካል ባይዚዲ ገብጾኒኔ ካናኔ ቢታን ዲዛ ሚሽ ኡባ ሺሺዲ ገብጾ ካዎ ኬል ጌልሊዴስ።

15 ገብጾ ሚሻይኔ ካናኔ ሚሻይ ኡባይ ወሪን ገብጾ አሳይ ወሪ የሴፌኮ ዪዲ ኢዛ፡ «ኑስ ካል አማ፤ ኑ ሚሻይ ወሪዳ ገሻስ ኑኒ ኔ ዲሺን አይስ ሃይቂዘኒ?» ገዳ።

16 ሂስቲን የሴፌይ አስታሰ፡ «አንቴ ሜሄ ኤኪ ዪቴ፤ አንቴ ሚሻይ ወሪዳ ገዲኮ ታኒ ካል አንቴስ ሜሄራ ላማና» ገዴስ።

17 ሄሳ ገሻስ አስቲ ባ ሜሄ የሴፌስ ኤሂን የሴፌይ አስታ ፓራ፡ ዶርሳ፡ ዴይሼ፡ ሚዘኒ ሃሪ ካላራ ላሚዴስ፤ ኢዚ ሄ ላይል አስታ ሜሄ ኡባራ ካል ላሚ ላሚ ሚዚ ሻቺዴስ።

18 ሄ ላይላይ ወሪን ናምአንሶ ላይላን አስቲ ኢዛኮ ዪዲ ኢዛስ፡ «ኑኒ ኑ ጎዳፔ ቆቲዛ ሚሺ ዴና፤ ኑ ሚሻይ ወሪዴስ፤ ኑስ ዲዛ ሜሄካ ኡባ ኔስ ሼዲዴስ፤ ኑ ጎዳስ ኔስ ኑናቴላፌኔ ኑ ጋዴፔ ኦቲን ኑ አማና ሚሺ ሃራይ ዴና።

19 ኔ ዲሺን ኑ አይስ ሃይቂዘኒ? ኑ ጋዴይካ አይስ ዳይዜ? ኑናካ ኑ ጋዴዛካ ካላራ ላማ፤ ኑኒ ካዎስ አይሌታና፤ ኑ ጋዴይካ ኢዛስ ገዴ፤ ኑኒ ሃይቆንታ ዴኦን ዴና ማላኔ ኑ ጋዴይካ ኦጾንታ ማላ ዜሬል ኑስ አማ» ገዳ።

20 የሴፌይ ገብጾ ቢታ ኡባ ካዎስ ሻሚዴስ። ገብጾቲ ወሪ ኮሻይ ሚኒዳ ገሻስ ባ ጋዴዛ ባይዘን ጋዴዚ ካዎስ ገዲዴስ።

21 የሴፌይ ገብጾ አሳ ኡባ ሃ ጋዳፔ ዶሚዲ ሄ ጋጾ ጋካናስ ካዎስ አይሌ ኬሲዴስ።

22 ገዲኮካ ካዎይ ቄሴታስ ካል አሚዛ ገሻስ ቄሴታ ጋዴ ሻሚቤና። ሄሳ ገሻስ ቄሴቲ ባ ጋዴ ባይዚቤቴና።

23 የሴፌይ አሳ፡ «ሂስቲን ሃች ታኒ አንቴናኔ አንቴ ጋዴ ካዎስ ሻሚዳ ገሻስ ዜሬል ኤኪዲ አንቴ ጋዴን ጋዴን ዜሪቴ።

24 ገዶ ኦቲን ካል ማጺ ጌልሊዛ ዎዴ ካላፌ ኢቻሹ ኩሼፔ ኢሲ ኩሼ ካዎስ አሚቴ። ኢቻሽ ኩሼፔ ኦቲዳ ኦይዲ ኩሼዚ አንቴ ጋዴስ ዜሬል፡ አንቴሶ አሳሲኔ አንቴ ናይታስ ቁማ ገዶ» ገዴስ።

25 ሂስቲን አስቲ፡ «ኔኒ ኑና አሻዳሳ! ኑ ጎዳ ሲንላን ኑኒ ናሹቲዳ ገዲኮ ኑ ካዎስ አይሌ ገዳና» ገዳ።

26 ሄሳ ገሻስ የሴፌይ ገብጾ ቢታን ካጺዳ ካላስ ኢቻሽ ኩሼፔ ኢሲ ኩሼ ካዎስ አሚዛይሲ ዎጋ ገዴና ማላ ኦሊዴስ። ሄ ዎጋዚካ ሃች ጋካናስ ኤቂ ዴስ። ካዎስ ገዴንታ ጋዴይ ቄሴታ ጋዴ ጸላ።

- 27 ኢስራኤልቲ ጊብዳ ቢታን ጌሴሜ ጌቲቲዛሶን ኡቲዳ፤ ኢስቲ ሄን አቆታ ዳሚዳ፤ ኢስቲ ዩሌቲዳኔ ዳሮ ጮራቲዳ።
- 28 ያቆቤይ ጊብዳ ቢታን 17 ላይሰ ዳኢዳሰ። ያቆቤይ ዳኢዳ ላይሰይ ኢሲ ጸታኔ ኦይዱ ታማኔ ላቸና።
- 29 ያቆቤስ ሃይቆ ዋዴይ ማቲን ባ ና ዮሴፌ ጸይጊሲዳ፤ «ታኒ ኔ ሲንላን ሳቤቲዳ ጊዲኮ ኔ ኩሼ ታ ጉልባቲ ቦላ ዋላዳ ኔኒ ታስ ኪያታናሲኔ አማኔታናሰ አኔ ጫቃ። ታና ጊብዳን ሞጎፓ።
- 30 ጊደ አቲን ታኒ ታ አዋታን ጋጊዛ ዋዴ ታና ጊብዳቴ ኤፋዳ ኢስቲ ሞጌቲዳሶን ሞጋ» ጊዴሰ።
- ሂስቲን ዮሴፌይ፤ «ታኒ ኔና ኔኒ ጊዳ ማላ ኦላና» ጊዴሰ።
- 31 ያቆቤይ ኢዛ፤ «አኔ ታስ ጫቃ» ጊዴሰ። ዮሴፌይካ ኢዛሰ ጫቂዳሰ፤ ሄሳፌ ጉዬ ያቆቤይ ባ ሂጸን ጉፋኒዳ ጸሳሰ ጎይኒዴሰ።

48

ሚናሴኔ ኤፍሬሚ

- 1 ሄሳፌ ጉዬ አሳይ ዮሴፌሰ፤ «ኔ አዋይ ሳኬቲሰ» ጊ ዮቲን ኢዚ ባ ናምኡ አቱማ ናይታ ሚናሴኔ ኤፍሬሚ ኤኪ ቢዴሰ።
- 2 አሳይ ያቆቤ፤ «ቤያ! ኔ ናይ ዮሴፌይ ኔኮ ዩዴሰ» ጊን ኢስራኤልቲ ሚኔቲዳ ባ ሂጸ ቦላ ዳንዲ ኡቲዴሰ።
- 3 ያቆቤይ ዮሴፌ፤ «ኡባ ዳንዲዛ ጸሲ ካናኔ ቢታን ሎዛ ጌቲቲዛሶን ታስ ቆንጨዲ ሄን ታና አንጂዴሰ።
- 4 ኢዚ ታና፤ «ታ ኔሰ ዩሎ ኢማና ኔ ዩሎታካ ዳርሳና፤ ታኒ ኔና ዳሮ ዴሬ ሂስታና። ሃ ቢታ ታኒ ኔፔ ጉዬ ኔ ዜሬላሰ ሜርናሰ ላታ ቢታ ሂስታ ኢማና» ጊዴሰ።
- 5 «ሂስቲን ሃኢ ኔ ናምኡ አቱማ ናይቲ ታኒ ኔኮ ሃይሳ ያናፔ ካሴ ጊብዳን ኔሰ ዩሌቲዳይቲ ታይታ፤ ኤፍሬሚይኔ ሚናሴይ ታሰ ኦሮቤሌኔ ሲሞና ማላ።
- 6 ኢስታፌ ጉዬ ኔሰ ዩሌቲዳይቲ ኔ ናይታ፤ ኢስቲ ላታና ዴሬይ ኤፍሬሚኔ ሚናሴ ሱንላን ሱሞ።
- 7 ታኒ ሚስጶጶሚያፔ ሲሚሺን ኤፍራታ ጌቲቲዛ ዴሬ ጋካና ጊሺን ኤራሄላ ካናኔ ቢታን ሃይቂን ታኒ ኢዞ ቤቲሊሄሚ ጌቲቲዛ ኤፍራታ ኤፊዛ ኦኔ ዶናን ሞጋዲሰ» ጊዴሰ።
- 8 ኢስራኤልይ ዮሴፌ አቱማ ናይታ ናምኡታ ቤኢዳ፤ «ሃይቲ ኦኔ?» ጊ ኦይቺዴሰ።
- 9 ዮሴፌይካ ባ አዋሰ፤ «ሃይቲ ጸሲ ታሰ ሃን ሃይሳን ኢሚዳ ታ ናይታ» ጊዴሰ።

ሂሰቲን ኢስራኤሌይ፥ «ታ ኢስታ አንጀና ማላ ታኮ ሃ ሺሻ» ጊደስ።

10 ያቆቤይ ጨሚን ኢዛ ኣይፌይ ዳቡርዳ ጊሻስ ዴማናስ ዳንዳይቤና። ሄሳ ጊሻስ ዮሴፌይ ባ ኣቱማ ናይታ ኢዛኮ ሺሺን ኢዛ ኣዋይ ኢስታ ኢዲሚዲ ዬሪደስ።

11 ያቆቤይ ዮሴፌ፥ «ታኒ ኔ ኣይፌሶ ቤያና ጋዳ ቆፓቤኬ፤ ጊዶ ኣቲን ጸሲ ሄኮ ኔ ናይታካ ታና ቤሲደስ» ጊደስ።

12 ዮሴፌይ ኢስታ ያቆቤ ጉልባቴ ቦላፌ ዴንሊዲ ባ ሁኤ ቢታ ጋሊ ዘገደስ።

13 ዮሴፌይ ባ ናሞኡ ኣቱማ ናይታ ኤኪዲ ኤፍሬሜ ባ ኡሻቻ ባጋን ያቆቤስ ሃዲርሳ ባጋራ፥ ሚናሴ ባ ሃዲርሳ ባጋን ያቆቤስ ኡሻቻ ባጋራ ኢዛኮ ሺሺደስ።

14 ጊዶ ኣቲን ያቆቤይ ባ ኩሼ ያኔ ሃ ቃሴሊ ኣሊዲ ባ ኡሻቻ ኩሼ ካሎ ናዛ ኤፍሬሜ ሁኤ ቦላ፥ ባ ሃዲርሳ ኩሼ ባይራ ናዛ ሚናሴ ሁኤ ቦላ ዋሊደስ።

15 ሄሳፌ ጉዬ ያቆቤይ ዮሴፌ፥
«ታ ኣዋቲ ኣብራሃሚይኔ ዪሳቂ
ኢዛ ሲንሳን
ሱሬን ዴኢዳ ጸሲ፥
ታ ዴኦ ኡባን ሃቕ ጋካናስ
ታና ሄሚዳ ጸሲ፥

16 ኢታ ሚሻ ኡባፌ
ታና ኣሺዳ ኪታንቻይ፥
ሃ ናይታ አንጀ።

ታ ሱንሳይኔ
ታ ኣዋታ ኣብራሃሚይ
ዪሳቃ ሱንሳይ ኢስታን ጸይጌቶ።
ኢስቲ ቢታ ቦላን
ጮራቲቶ» ጊ አንጂደስ።

17 ዮሴፌይ ባ ኣዋይ ባ ኡሻቻ ኩሼ ኤፍሬሜ ሁኤ ቦላ ዋሊዳይሳ ደሲቤና። ሄሳ ጊሻስ ኤፍሬሜ ሁኤ ቦላፌ ዴንሊዲ ሚናሴ ሁኤ ቦላ ዋላናስ ባ ኣዋ ኩሼ ኦይኪደስ።

18 ዮሴፌይ ባ ኣዋስ፥ «ኣቦ ሄሳሳ ዴና! ባይራይ ሃይሳ ጊዶንታ ጊሻስ ኔ ኡሻቻ ኩሼ ሃይሳ ቦላ ዋላ» ጊደስ።

19 ጊዶ ኣቲን ኢዛ ኣዋይ ኢጲዲ ኢዛስ፥ «ታ ናዞ! ታ ኤራይስ፤ ኢዚካ ጊታ ዴሬ ጊዳና። ጊዲኮካ ካሎ ኣሻይ ኢዛፔ ኣጂ ጊታታና፤ ኢዛ ዜሬሳይካ ዳሮ ጊታ ካዋቲሰ ጊዳና» ጊደስ።

20 ኢዚ ሄ ጋላስ ኢስታ ኣንጂዲ፥
 «ኢስራኤል ናይቲ ኣንጂ ኣንጂዚ ዋዴ፥
 «ጸሲ ኢንቴና ኤፍሬሜ ማላኔ
 ሚናሴ ማላ ኦሶ» ጊዲ
 ኢንቴ ሱጎላን ኣንጂና» ጊዴስ።
 ሂስቲዲ ኤፍሬሜ ሚናሴፕ
 ሲጎሌ ኣሊዴስ።

21 ሄሳፌ ጉዬ ያቆቤይ ዮሴፌ፥ «ታ ሃይቃና ጋይሰ፤ ጊዶ ኣቲን
 ጸሲ ኢንቴናራ ጊዳና፤ ቃሴ ኢዚ ኢንቴ ኣዋታ ቢታ ኢንቴና ጉዬ
 ዛራና።

22 ቃሴ ኔና ኔ ኢሻታራ ጋኪዛ ቢታፌ ጊሻ ዳርሳዳ ኔስ ኢማይስ፤
 ሄሲካ ታኒ ኣሞሬታፔ ታ ማሻኒኔ ቶራን ኦላ ኤኪዳ ቢታ» ጊዴስ።

49

ያቆቤይ ባ ናይታስ ዮቲዳ ባሳ ቃላ

1 ሄሳፌ ጉዬ ያቆቤይ ባ ኣቱማ ናይታ ጸይጊዲ፥ «ሲጎላፌ
 ኢንቴስ ሃናናይሳ ታኒ ኢንቴስ ዮታና ማላ ሃ ሸቂቲ።

2 «ኢንቴኖ ያቆቤ ናይቶ!
 ኢሲፌ ሃ ሸቂዲ ሲዩቲ፤
 ኢንቴ ኣዋይ ኢስራኤሊይ
 ኢንቴስ ዮቲዛይሳ ኤዘጊቲ።

3 «ኦሮቤሌ ታ ና ባይራዞ፥
 ኔኒ ታ ዋልቃ፤
 ታ ሚናቴላስ ኮይሮ፤
 ኔኒ ቦንሻንካ ዋልቃንካ
 ኡባፌ ኣቋሳ።

4 ኔኒ ቢጸላይ ባይንዳ
 ፓራ ማላ፤
 ኔ ዶሲዳ ሃናሳ፤
 ኔኒ ኔ ኣዋ ሂላ ኬዛዳሳ፤
 ኔ ኣዋ ሂላካ ቱኒሳዳሳ።
 ሄሳ ጊሻስ ሃላቃቴሊ
 ኔስ ቤሴና።

5 «ሲሞኒኔ ሌዌይ ኢሻንታ፤

- ኢሰቲ ኢታ ኦላናሰ
ማሻኔ ቶራ ኤኬቴሰ።
- 6 ታኒ ኢሰታ
ዘሪቴላን ጌሊኬ፤
ታኒ ኢሰታ
ሺቆሶንካ ኡቲኬ።
አይሰ ጊኮ ኢሰቲ
ባ ሃንቆን አሰ ዋጲዳኔ
ባና ኤካ ኤካ ጊን
ቦራታ ጊልዳዪ ቃንጺዳ።
- 7 ኢሰታ ኢታ ሃንቆይኔ
ኢሰታ ሜቄላ ኢታቴላ
ቃንጌቲዳዝ ጊዶ!
ታኒ ኢሰታ
ያቆቤ አሳ ጊዶን ላላና፤
ኢሰራኤሌ ቢታን ቆርጫና።
- 8 «የሁዳ ኔ አሻቲ
ኔና ጋላታና፤
ኔኒ ኔ ሞርኬታ ሞርጌ
ናቃ አይካና፤
ኔ አዋ ናይቲ
ኔሰ ሆኪዲ ዚጋና።
- 9 የሁዳ ኔኒ
ዋዳላ ጋሞ ማላ፤
ታ ናዘ!
ኔኒ ሻንካቲ አይኪዲ፥
ጮጎቲ ኢቺዳ ጋሞ ማላ።
ኔኒ አሲ ባና ቦሽላናሰ
ኮዮንታ ማጫ ጋሞ ማላ።
- 10 ዴሬ ሃሪዛዴይ
ያና ጋካናሼ፥
ካዋቴላ አልጋይ የሁዳፔ፥
ሃላቃቴላ ጉፌይ
ኢዛ ኬላፌ ሻኬቴና።
ቃሴ ዴሬ አሳይ
ኢዛሰ አዛዜታና።

- 11 ኢዚ ባ ሃሬ ካላ ጊደን
 ባ ሃሬ ጉቴካ
 ደሬቲዳ ካላን ቃቻና።
 ኢዚ ባ ሃላ
 ዎይኔ ኡሻን፤
 ባ ማይኦ ቃሴ
 ዎይኔ ማጃን ማጫና።
- 12 ኢዛ አይፌይ ዎይኔ ኡሻፌ
 አጂ ዞአና፤
 ኢዛ አቻይካ
 ማላፌ አጂ ቦታና።
- 13 «ዘቢሎኔይ
 ኣባ ደናን ዳና፤
 ኢዛ ቢታይ
 ዳሮ ማርካቤታስ
 ሽምፖሶ ጊዳና፤
 ኢዛ ዛዋይ ሲዶና ጋካና።
- 14 «ዪሳኮሬይ ናምኡ ጎዳይ
 ጎኤቲዛ ሚኖ ሃሬ ማላ።
- 15 ኢዚ ባ ሽምፒዛሶይ
 ሎኦ ጊዲዳይሳኔ
 ባ ዴሬይ ኡፋይሲዛዝ
 ጊዲዳይሳ ቤኢዲ፤
 ቶሆ ቶካናስ ባ ዞኮ
 ዘቂ ሂስቲዲ፤
 አይሌቴላ ኦሶ ኦላና።
- 16 «ዳኔይ ኢስራኤሌ
 ቆሞታፔ ኢሳስ
 ፒርዲዛ ዳና ጊዳና።
- 17 ዳኔይ ፓራ ቶጊዳዴይ
 ጉዬ ኩንዳና ማላ
 ፓራ ቂርጵ ዱኪዛ
 ኦጌ ደናን ዲዛ ሃሶ ሾሻ።
- 18 «አቤት ጎዶ!

ታ ኔ ማዶ ናጋይሰ።

19 «ጋዴይ ቦንቁዛይታን
ዴሼታና፤
ጊዶ ኣቲን ኢዚካ
ኢሰታ ጌዶ ካሊዲ
ኢሰታ ቦንቃና።

20 «ኣሴሬ ማዳይ ኣካና፤
ካዎታሰ ኢዚ
ሎኦ ቁማ ኢማና።

21 «ኒፍታሌሜይ ቃሼቶንታ
ዬዳ ዲዛ፥
ሎኦ ላቃታ ዬሊዛ ጌኔሳ።

22 «ዮሴፌይ ሜሎንታ ፑልቶ
ሃላ ኣቻን ቶኬታዳ፥
ኢዚ ኣይፌይ ላሻ ቦላራ
ኣላሌታና ጋካናሰ
ኣይፌ ኢሚዛ ሚላይ ማላ።

23 ዎንዳፌዛ ዱኪዛይቲ
ኢዛ ቦላ ዎራጂዳ፤
ባ ዎንዳፌንካ
ጎዲ ጎዲ ጫዴቲሰ።

24 ጊዶ ኣቲን ያቆቤ
ጎዳ ጸሳ ዎልቃን
ኢዛ ሄሚዛ ኢሰራኤል ዛላን
ኢዛ ዎንዳፌይ ሚኒዴሰ፤
ኢዛ ሚኖ ቁሴይካ
ፒላቲዴሰ።

25 ኔና ማዲዛ ኔ ኣዎ ጸሳን
ኡባ ዳንዳይዛይሳኒኔ
ኔና ኣንጂዛ ጸሳን
ፑዴ ቦላፌ ቤቲዛ ማዶኒኔ
ጋርሳ ቢታፌ ቤቲዛ ኣንጅን
ቃሴካ ኣዪ ኡሎፔኔ
ቋንላፌ ቤቲዛ ኣንጅን

ነና አንጃና።
 26 ኔ አዋ አንጃይ ቤኒ ዋዴፔ
 ሃኖ ጋካናሰ
 ሚኒ ዲዛ ዙማታፔኔ
 ሜርና ዙማታ
 ኡባፌ አጼሰ።
 ሄሳ ጊሻሰ ሃይሲ
 ሃ አንጃይ ወሪካ
 ዮሴፌ ጋኮ።
 ባ ኢሻታ ቦላ ሃላቃ ጊዲዳ
 ዮሴፌ ቦላ ዋጵ።

27 «ቢኒያሜይ ቦንቁዛ
 ካና ሱይቴ ማላ።
 ባ ሻንካቲዳይሳ
 ማላዶ ሜሰ፤
 ባ ዲኢዳይሳ
 ኦማርሰ ጊሼሬፊሰ» ጊዴሰ።

28 ሃይቲ ታማኔ ናሞኡ ኢሰራኤሌ ቆሞታ፤ ቃሴ ኢሰታ አዋይ
 ኢሰታ ኢሳ ኢሳ ኢሰታ ሃኖ ማላ ኢሰታሰ ቤሲዛ አንጃ ሄሳላ
 አንጂዴሰ።

ያቆቤ ሃይቆ

29 ሄሳፌ ጉዬ ኢዚ ኢሰታሰ፤ «ታኒ ታ አዋታን ጋጋና ጋይሰ፤
 ታና ሂቴ አሰ ኤፍሮኔ ጋዴን ዲዛ ጎንጎሎን፤ ታ አዋታራ ሞጊቴ።

30 ሄሲካ ካናኔ ቢታን፤ ማሚሬ አቻን ዲዛ ማኪጴሌ ጌቲቲዛ
 ጎንጎሎ፤ ሃይሲካ አብራሃሜይ ሞጎሰ ሂቴ አሰ ኤፍሮኔፔ ጋዳራ
 ጋሒ ሻሚዳ ጎንጎሎ።

31 አብራሃሜይኔ ኢዛ ማቼያ ሳራይ ሄን ሞጊቲዳ፤ ዪሳቂኔ ኢዛ
 ማቼያ ኢርቢቃይካ ሄን ሞጊቲዳ፤ ታኒ ቃሴ ሊያ ሄን ሞጋዲሰ።

32 ሄ ጋዴዚኔ ኢዛን ዲዛ ጎንጎሎይ ሂቴታፔ ሻሜቲዳይሳ» ጊ
 አዛዚዴሰ።

33 ያቆቤይ ባ ናይታሰ አዛዞ ዉርሲዳፔ ጉዬ ባ ቶሆ ፑዴ ባ
 ሂጸን ሺሺ ኤኪዲ ሃይቂዲ ባ አዋታን ጋጊዴሰ።

50

- 1 የሱፌይ ባ አዋ አሃ ቦላ ኩንዲዲ ዩኪዴሲኔ ኢዛ ዩሪዴሰ።
- 2 ሄሳፌ ጉዬ የሱፌይ ዳሌ ሺሺዛ ባ ኦሳንቻታ ባ አዋ ኢሰራኤሌ አሃ ሳዊዛ ሺቶ ቲይዲ ሜሊሳና ማላ አዛዚን ኢስቲ ቲይዲ ሜሊሲዳ።
- 3 ሺቶ ቲዮይ ጸላ 40 ጋላስ ኩሜል ወርሲዴስ፤ አይሰ ጊኮ ሃይሲ ቲዮይ ዋናካ አይዲ ታሙ ጋላስ ኤኬስ። ጊብጾ አሳቲ ኢዛስ ላፑን ታሙ ጋላስ ዩኪዳ።
- 4 ዬሆ ጋላሳቲ አጁን የሱፌይ ጊብጾ ካዋ ኬላ አሳታ፡ «ታኒ አንቲ ሲንላን ሳቤቲዳ ጊዲኮ ካዋስ ሂዝጊ ዮቲቲ፤
- 5 ታ አዋይ ታና ኢሲ ጫቆ ጫቂሲዴስ፤ ኢዚ ታና፡ ታኒ ሃይቃና ሃናይስ፤ ታኒ ታስ ካናኔ ቢታን ዋጪዳ ጎንጎሎ ዲፎን ታና ዋጋጋ ጊዴስ። ሄሳ ጊሻስ፡ «ሃኢ ታኒ ፑዴ ባዳ ታ አዋ ዋጋና ማላ ዩዳርኪ! ሄሳፌ ጉዬ ታኒ ሲማና » ጊዴስ።
- 6 ሂስቲን ካዋይ፡ «ኢዚ ኔና ጫቂሲዳ ማላ ፑዴ ባዳ ኔ አዋ ዋጋ» ጊዴስ።
- 7 የሱፌይ ባ አዋ ዋጋናስ ፑዴ ቢዴስ። ካዋዛ ኦሳንቻቲ ወሪ፡ ኢዛ ካዋቲላ ኬላን ዲዛ ጊታ አሳይ ወሪ ጊብጾ ቢታን ዲዛ ጊታ አሳይ ወሪ የሱፌ ካሊዲ ቢዴስ።
- 8 ቃሴ የሱፌ ሶ አሳይ ወሪ ኢዛ ኢሻቲኔ ኢዛ አዋ ሶ አሳይ ኢዛራ ቢን፤ ኢስታ ናይቲኔ ሜሄይ ጸላ ጌሴሜን አቲዳ።
- 9 ፓራ-ጋራቲካ ቶጋ አሳይካ ኢዛራ ፑዴ ቢዴስ፤ ኢዛ ካሊዲ ቢዳ አሳይ ኬሂ ዳሮ።
- 10 ኢስቲ ዮርዳኖሴ ሻፋ አቻን ዲዛ አጸዴ ጌቲቲዛ ባሌ ጋኪዲ ባ ቃላ ቶቆ ሂስቲዲ ኢዛስ ዚላሊዳኔ ዩኪዳ፤ ሄን የሱፌይ ባ አዋ ዬሆን ላፑን ጋላስ ኡቲዴስ።
- 11 ሄ ቢታን ዲዛ ካናኔ አሳቲ አጸዴ ጌቲቲዛ ዬሆ ባሌን ሄ ዬሆዛ ቤኢዲ፡ «ጊብጾ አሳይ አይ ሚሻ ዬሆ ዩኪዛ!» ጊዴ። ሄሳ ጊሻስ ዮርዳኖሴ አቻን ዲዛ ሄ ሶይ፡ ጊብጾታ ዬሆ ጌቲቲዴስ።
- 12 ያቆቤ ናይቲ ባ አዋይ ኢስታ አዛዚዳ ማላ ኦሊዳ፤
- 13 ኢዛ አሃ ካናኔ ቢታ ኤፊዲ ማሚሬ አቻን ዲዛ ማኪጶሌ ጌቲቲዛ ጎንጎሎን፡ አብራሃሜይ ሂቲ አስ ኤፍሮኔፔ ዋጎስ ሻሚዳ ጋዴን ኢዛ ዋጊዳ።
- 14 የሱፌይ ባ አዋ ዋጊዳፔ ጉዬ፡ ባ ኢሻታኔ ኢዛ አዋ ዋጋናስ ኢዛራ ቢዳ ሃራ አሳታ ኡባራ ጊብጾ ሲሚዴስ።

የሴፌይ ባ አሻታ ዋፒሲዳስ

15 ኢስታ አዋይ ሃይቂዳይሳ በኢዲ፡ የሴፌ አሻቲ ባ ጋርሳን፡ «ኦኒ ኤሪዜ የሴፌይ ኑና ባ ኡሎን ሞርኪዲ ኦኒ ኢዛስ ኦሊዳ ኢታ ሚሽ ኡባስ ሃሎ ኬሳና ኮይኮ፡ ኦኒ ዋናኔ?» ጌዳ።

16 ሄሳ ጊሻስ የሴፌኮ ኪታ፡ «ኔ አዋይ ሃይቃናፔ ካሴ፤

17 ኢንቴ የሴፌ፡ ሳኒ ኔ አሻታ ናጋራኔ ኢስቲ ኔና ቆሂዳ ኢታ ቆሆዛ ሃያና አቶ ጋ፡ ጌዲ የቲቲ ጌዳስ። ሄሳ ጊሻስ ሃኢ ሃያና፡ ኦ ናጋራ፡ ኔ አዋ ጸሳ አይሌታ ናጋራ አቶ ጋ» ጌዳ። ሄ ኪታይ ኢዛኮ ጋኪን፡ የሴፌይ ዬኪዳስ።

18 ሄሳፌ ጉዬ ኢዛ አሻቲ ባርካ ኢዛኮ ቢዲ ኢዛ ሲንላን ጉፋኒዲ፡ «ኦኒ ኔ አይሌታ» ጌዳ።

19 ጌዶ አቲን የሴፌይ ኢስታስ፡ «ባቦፍቲ፤ ታና ኢንቴስ ጸሳ ጌዳቲዬ?

20 ኢንቴ ታስ ኢታናስ ኦሊዳታ ሺን ሃይሲ ዳሮ አሳይ ሃይቆንታ አታና ማላ ጸሲ ሎኦስ ሃይሳ ኦሊዳስ።

21 ሄሳ ጊሻስ ሄኮ ኢንቴ ባቦፍቲ፤ ታኒ ኢንቴናኔ ኢንቴ ናይታ ሚዛና» ጌዲ፡ ኢዚ ኢስታ ሚንሐሊዲ ሎኦ ቃላን ሃሳዪዳስ።

የሴፌ ሃይቆ

22 የሴፌይ ባ አዋ ሶ አሳ ኡባራ ጌብጾን ጋሞኢዳስ፤ ኢዚ 110 ላይሐ ዳኢዳስ።

23 ኤፍሬሜ ናይታ፡ ሄዻንሐ ዬሌታ ጋካናስ በኢዳስ፤ ቃሴ ሚናሴ ና ማኪሬ ናይታካ ኢዚ ባ ና ማላ ሂስቲዳስ።

24 ሄሳፌ ጉዬ የሴፌይ ባ አሻታ፡ «ታኒ ሃይቃና ጋይስ፤ ጌዶ አቲን ጸሲ ኢንቴና ማዳናስ ቱሙ ዋቻና፤ ኢዚ ኢንቴና ሃ ቢታፌ ኬሲዲ አብራሃሜስ፡ ዪሳቃሲኔ ያቆሴስ ኢማና ጌዲ ጫቂዳ ቢታ ዛሪ ኤፋና» ጌዳስ።

25 የሴፌይ ኢስራኤሌ ናይታ፡ «ጸሲ ኢንቴና ማዳናስ ቱሙ ጸሞሲዛ ዋዳ፡ ኢንቴ ታ ሜቄላ ሃ ቢታፌ ፑዴ ኤኪ ቢቴ» ጌዲ ጫቂቺዳስ።

26 የሴፌይ 110 ላይሐ ዳኢዲ ሃይቂን፡ ኢስቲ ሺቶን ኢዛ አሃ ቲይዲ ሜሊሲዳፔ ጉዬ ጌብጾ ቢታን ዋንጊሬ ጌዶን ዋሊዳ።

ጌሻ ማጸፋ

Gamo: ጌሻ ማጸፋ Bible of Ethiopia, Ethiopic script

copyright © 2024 The Word for the World International

Language: Gamotso (Gamo)

Contributor: The Word for the World Northern Africa

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

d0ee6825-f93e-584e-8c8f-567d8d068e4b